



Bibl. Prov. Germ. Inferioris.

C. SS. R.

Rubr.

*Pa*

Arm.

Repos.

*ausgeschiedene  
Dullette*

C. SS. R.

ANNO 1880 N° 289.



922



Prima hujus operis editio "rarissima", per Provincias missa ad  
explorandam Doctorem per universam Societatem sententiam.  
Hanc editionem appellant Thomistae in materia et auxiliis  
ut. vulgatum S. I. sententiam R. auctor.

Reule custodietur

• 5424





RATIO  
ATQVE INSTITVTIO  
STVDIORVM

PER SEX PATRES AD  
id iussu R. P. Prapositi Ge-  
neralis deputatos con-

*Collegij scripta. scilicet Leodij*



R O M A E.

---

In Collegio Societatis Iesu. Anno Domini.  
M. D. LXXXVI.


---

Cum Facultate Superiorum.

Bibliothek

Ordensbibliothek Colatschen 35SR

Hennel (Siegel)



E omni studiorum ratione differuere sex deputati Patres, quæ ad eam rem maxime facere arbitrati sunt. Visum est tamen R. P. Præposito Generali, cum hoc opus arduum sit, & in publicam totius Societatis vtilitatem instituatur, quò & æquioribus animis excipiatur, & perpetua sedulitate conseruetur, nihil firmiter definire prius, quàm omnium Prouinciarũ Doctores nostri, quid de tota re arbitrentur, exponant. Hoc itaque volumen deputatorum Patrum opera confectum typis iussit excudi: non vt tanquam plane constituta iam res induceretur in mores, sed quò expeditius multa suppetere exempla, quæ in omnem Societatẽ dimissa, sicut à Romano iam Collegio dijudicata sunt, ita & à Prouinciarum Doctoribus recognoscantur. Qui postquam Romam perscripserint, quæcun-

que de tota re senferint, tándem à R. P.  
Præposito Generali, auditis Prouincia-  
rum sententijs, quid optimum factu fit,  
decernetur.

ACTA CONGREGATIONIS,  
 quæ anno 1584. iussu admodum Reuer  
 Patris Præpositi Generalis Claudij  
 Aquæuiuæ habita est de ra-  
 tione studiorum insti-  
 tuenda.



Constitutiones 4 par. c. 13. A. De  
 statutis, inquit, lectionum ho-  
 ris, ordine, ac modo, & de exerci-  
 tationibus tam compositionum  
 (quas à Magistris emendari oportet) quàm disputationum in om-  
 nibus facultatibus, & pronunciandi publicè oratio-  
 nes, & carmina, speciatim in quodam tractatu per  
 Generalem Præpositum approbato agetur seor-  
 sum, ad quem hæc Constitutio nos remittit; id dum  
 taxat monendo, illa locis, temporibus, & personis  
 accommodari oportere, quamuis ad illum ordinem  
 accedere, quoad fieri potest, conueniat.

In eadem quoque 4. par. c. 5. §. 4. & c. 14. §. 3.  
 sic habetur. Sequantur in quauis facultate securio-  
 rem, & magis approbatam doctrinam, & eos au-  
 tores, qui eam docent: cuius rei penes Recto-  
 rem (qui, quod statuetur in vniuersa Societate ad  
 maiorem Dei gloriam, sequuturus est) cura sit.

Hic tractatus ijs constitutionibus commenda-  
 tus, qui & studiorum praxim, & doctrinæ solidio-  
 ris, authorumque delectum, sicut oportet, infor-  
 met, ac moderetur, nostrorum omnium patrum vo-



tis iam inde ab ortu ac primordio Societatis expetit<sup>us</sup> est, quòd cum in cæteras Instituti nostri partes excolendas strenuè ab ijs, qui præsumt, incumbatur: pars ista tamen, quæ literarijs studijs rectè instituendis temperandisque continetur, nondum planè exculta, nec ad eam speciem ac splendorem, quem in optatis esse doctissimo cuique par est, perducta videretur. Duo planè sunt Societatis nostræ præsidia ac firmamenta, ardens pietatis studium, & præstans rerum scientia: In hæc duo capita omnis Constitutionum nostrarum vertitur cardo, eò quòd pietas, si doctrinæ luce orbata sit, singulis quidem priuatim profit non parum: at in Ecclesiæ, proximorumque vtilitatem operam pene nullam conferre possit in concionibus, in sacramentis administrandis, in iuuentute erudienda, in disputationibus cum fidei aduersarijs, in consilijs, responsisque de dubijs rebus, & cæteris nostrorum hominum muneribus ac functionibus: quæ doctrinam non vulgarem illam, sed excellentem quandam desiderant. Ad eam vero consequendam interest plurimum, qua ingrediamur via, quibus artibus, quibus vtamur auxilijs, quòd nisi ratio facilis, ac solers ineatur, multis consumptis laboribus fructus respondere soleat exiguus: contrà vero si studiorum labor ad sapientem aliquam normam dirigatur, non magnis lucubrationibus magnum compendium, & fructus vberes referantur. Huc accedit, quòd non modo nostrates, sed externos etiam adulescentes docendos suscepimus, quorum cum numero

merosa sit multitudo, præclara indoles, nec rara nobilitas, nostro muneri, nostræque apud alios estimationi facere satis non videmur, si tot pueris nostræ fidei commissis, tamquam nutrices, non omnia optime mansa, ut aiunt, in os inseramus, ne exiguo cum progressu in scholis nostris penè consenscant. Porro nec leue pondus, & calcar ad studia nostra bene componenda accedere debet ex eo, quòd res nostræ quotidie in promptu, atque in oculis omnium sunt, eorum etiam, qui non optime videntur affecti. Horum verò iustam accusationem effugere non valemus aliter, nisi quod non nullis beneuolentiæ erga nos deest, id rerum bene gerendarum consilio, atque industria compensemus, cum præsertim non pauci sint, qui in hac literaria palæstra, cum à nostris vinci non æquissime ferant, non parum res quidem suas promouere, nostras autem obscurare nitantur. Iam nihil attinet multa verba facere de animorum consensione, quam grauissime nostræ commendant Constitutiones, in ijs præsertim, quæ publice geruntur, aut docentur: huic vero consensioni nondum satis potuit esse consultum: cum enim nullus ordo, forma nulla communis adhuc præscripta esset, licere sibi quisque existimauit & sentire quæ vellet, & quæ sentiebat, alijs tradere ea methodo, quam maxime probabat, ut aliquando non minus nostri inter se, quàm ab externis dissentirent. Illud etiam ultimo ac præcipuo loco cauendum videbatur, ne rerum nouarum studium, quod aliquando in nonnullis apparet, in

aliquod discrimen nostram adducat existimationem, idque hac ætate, quæ cum plus nimio abundet hæresibus, matura potius indiget soliditate, quam parum tuta subtilitate doctorum. Atque hi doctrinæ tanquam scopuli licet sapienter declinari possint à veteranis professoribus, consulendum tamen fuit etiam tironibus, quos veteranis iam defessis oportet identidem subrogare: tamen si hoc cautionis genus ne veteranis quidem obfuturum sit, cum possit interdum multis iam annis confirmata autoritas aliquem audaciorem reddere, & ad res novas promptiorem. His itaque de causis semper visum est optimum factu, si tam docendi varietas, quam opinandi libertas certis legibus vinciretur. Id quod cum hucusque confici commodè non potuisset, tandem admodum R. P. Præpositus Generalis Claudius Aquaviva postquam primis suæ administrationis annis in Constitutiones, omnium officiorum regulas, Congregationum canones, & priuilegia Societatis emendatissimè edenda diligenter incubuit, anno tãdem 1584. adiecit animum ad studiorum rationem firmiter, atque vtiliter constabiliendam: eaque de causa ex disiectissimis Societatis provincijs patres Theologos sex ad id operis deputandos euocauit. Ex Hispania venit P. Ioannes Azor, ex Lusitania P. Gaspar Gonzales, ex Gallia P. Iacobus Tirius, ex Austria P. Petrus Busæus, ex Germania superiore P. Antonius Guisanus, Romæ commorabatur P. Stephanus Tuccius, omnes administrandarum

scho-



scholarum usu præditi, & in omnibus penè facultatibus versati, gnari etiam singuli rerum provinciarum suarum, ut variarum gentium auditis, collatisque moribus, ac studiis id communi consilio statueretur, quod locis, quoad eius fieri posset, congrueret uniuersis. Itaque sexto Idus Decembris, qui Conceptionis Deiparæ Virginis dies est, per R. P. Generalem ad Sanctissimi Domini nostri Gregorij pedes osculandos deducti sunt, ut auspiciatò negotium tam operosum inchoarent. Benè precatus Pontifex, sedulitatemque, ac celeritatem operi adeò saluari ut adhiberent, serio est adhortatus. Neque verò Pontifex Maximus solum, sed & Cardinales nonnulli doctrina, & autoritate præcipui, quos tantæ rei certiores facere oportuit, institutam hanc à Reuer. P. Generali quasi communem studiorum reformationem vehementissime comprobant. Domicilium peropportunum & commodum, hybernis quidem sex mensibus in pœnitentiaria S. Petri, æstiuis autem caloribus per trimestre spatium in Quirinali monte ad S. Andream illis est attributum. Horæ ternæ diebus singulis in consultatione ponebantur; temporis reliquum legendis Doctoribus, & commentarijs, quos aliqui manu scriptos ex provincijs attulerant, traducebatur.

Iam verò uniuersum hoc opus duo in capita distributum fuit. In vno de securiorum opinionum delectu ac censura agitatum est. In altero traditus fuit ordo, ac praxis scholarum, omniumq; exer-

citationum, quibus ad sapientiam, ac bonas artes Iuuentus promouetur, institutio. Ac primum in opinionum Theologicarum examine, in quo aliquid excogitare, quod multis probetur, arduum semper visum est omnibus, patrum illorum vnus, qui præerat Congregationi, quæstionem aliam ex alia iuxta ordinem Partium, Quæstionum, Articulorum S. Thomæ in disceptationem vocabat; ordine suam quisque sententiã prodebat; si suffragia concordabant, haud magno negotio res transigebatur; sin dissidebant, tum disputatio acris oriebatur: diuidebatur quæstio in proprios status, certa secabantur ab ambiguis, lubrica, & obscura à raris & definitis: controuersię capite sic explorato, discrepantium inter se argumentorum momenta appendebantur, in chartam sedulo referebantur; copiosa duorum, interdum etiam trium dierum disputatione examinabantur, donec qui aliter senserant, in plurimorũ sententiã sponte concederent.

In constituenda deinde certa ratione, ac methodo, qua scientiæ, & facultates singulæ tractarentur, recitabatur Patrum nostrorum in hunc usum conseruatæ deliberationes siue Romæ, siue extra in nobilioribus Societatis Collegiis varia temporum occasione institutæ: percensebantur epistolæ, & consulta, legesque vniuersitatum, & diuersi generis alia, partim superioribus annis, partim nuperimè ad Reuerendũ P. N. Generalem ex plerisq; cum Italis, & Hispanis, tum etiam Galliæ, Germaniæ, Poloniæ prouincijs transmissa: relegebantur

quarta

quartæ partis Constitutiones, studioque ad nutum illis parendi sedulo expendebantur: Canones similiter Congregationum, Regulæ, & statuta scholarum, consuetudines præterea, moresque Collegij Romani, quæ liber manu scriptus simul omnia complectebatur. Ex his antiqua plurima retinebantur, recentioraque attexebantur, abrogabantur non nulla: si qua dubitationem adferebant, singuli provinciæ suæ priuatas, vel communes institutiones, vsum, & exempla scholarum, mores, & euentu in medium proferebant, commoda, & incommoda demonstrabant, quibus tot, tamque varijs auxilijs ad disquisitionem, iudicationemque adhibitis, multarum peruestigata sunt remedia difficultatum, iactaque mutuae inter nos consensionis fundamenta, cum fixum ac ratum id apud se haberent, nihil esse posse vel ad scholarum conseruationem, promotionemque vtilius, vel ad gratiam, comparatamque existimationem retinendam accommodatius, quam vniusmodi omnes normam, præscriptionemque in excolendis ingenijs, gubernandisque scholasticis muneribus tenere, ac sequi.

Confectus tandem est tractatus duplex, vnus de opinionibus seligendis, alter de scholarum administratione. Vterque deinde sub incudem reuocatus, relectusque omnibus audientibus, & emendatus, tandem etiam subscriptione singulorum firmatus, inque Collegij Romani Theologorum manus iussu R. P. Nostri Generalis traditus est, vt ab ipsis primum, à reliquis deinde per vniuersam So-

cietatem prouincijs expenderetur. Atque hic Congregationis de studijs habitæ tam cursus, quam exitus fuit: anno vertente denique sub finem mensis Augusti, cùm Decembris initio cepisset, conuentus est solutus. Pater Stephanus, P. Azor, & P. Gonzales in Vrbe relictî, vt sicubi desideraretur, eorum, quæ constituta sunt, interpretationem, vel rationem redderent: Cæteri domum, quisque ad consuetam munia, rediere. Iam verò quamuis optatissimum esset Reueren. Patri Generali hanc totam rem cognoscere quamprimum, & per prouincias spargere recognoscendam: tamen impeditus primùm patrum procuratorum & congregatione, & negotijs expediendis: deinde aduentu Iaponiorum Principū, mora que diuturna in Vrbe propter obitum Gregorij Pont. Maximi: tùm quotidianis curis, litterisque Prouinciarum, non potuit ante exitum penè Anni 1585. animum adhibere cum quatuor Assistentibus ad ea ~~diuulganda~~, quæ à sex Patribus Deputatis, & à Romani Collegij Doctoribus acta fuerant. Nunc tandē rebus oībus perspectis, et ijs, quæ Collegij Romani Patres obseruauerant, per sex Patres Deputatos recognitis, id quod perpensis viriusque partis annotationibus ~~constitutum~~ <sup>est</sup>, in omnem societatem dimittendum putauit, vt quod in communem comparatur vsum, communi quoque iudicio comprobetur.

perlegenda

compilatum  
est

LAVS DEO, ET B. V. M.

DE



DE OPINIONVM DE-  
lectu in Theologica facultate.



Dmodum Reuerēdus Pater Generalis sex patribus, quos ad omnem studiorum rationem bene instituendam delegerat, nihil grauius commendauit, nihil se magis optare testatus est, quā vt eorum opera opinandi licētia, quæ quotidianis & periculis, & altercationibus nostros perturbat, cohiberetur, omnisque doctrina Societatis duas imprimis res consequeretur in nostris Constitutionibus frequenter inculcatas, soliditatem, quæ omni temeritate vacaret, & consensionem, quam tot professorum contentiones labefaciunt non parum. His illi mandatis cū studerent obtemperare pro viribus, formulam, quæ sequitur, conscribere, qua generatim quædam, quædam particulatim rectè componi posse visa sunt. Est autem huiusmodi.

Indocendo, corroborandæ in primis Fidei, alendæque pietatis cura habeatur. Nemo igitur quicquam doceat, quod cum Ecclesiæ sensu, receptisq; traditionibus non bene conueniat: quodque aliquo modo robur Fidei, & solidæ pietatis firmitatem minuat.

Regula  
prima.

- Regula 2.** *Expedit etiam, ubi nullum pietatis, & Fidei periculum imminet, suspicionem vitare studij res molendi nouas, aut nouæ condendæ doctrinæ. Quare opinionem vllam nemo defendat, quæ contra recepta Philosophorum, aut Theologorum axiomata, vel contra communem scholarum Theologicarum sensum à plerisque viris doctis esse iudicetur.*
- Regula 3.** *Quæ opiniones cuiuscunque auctoris sint, in aliqua Prouincia, aut Ciuitate multos, aut Nostrorum, aut exterorum Catholicos, & non indoctos offendere scientur, eas ibi nemo doceat, aut defendat; quamuis alibi sine offensione doceantur. Huiusmodi verò opiniones à quolibet Prouinciali colligendæ forent audito consilio Doctorum suæ Prouinciæ, ut qui in ea docent, nec eas ignorent, nec vllas alias esse præterea huius generis existiment.*
- Regula 4.** *In quæstionibus ab alijs ante tractatis, nemo nouas sequatur opiniones, aut in rebus, quæ vel ad religionem quoquo modo pertinere possunt, vel alicuius momenti sunt, nouas introducat quæstiones, seu dubitationes, Patre Prouinciali inconsulto; qui quò suauius id fiat, audito Doctorum suæ Prouinciæ iudicio, id quod ad maiorem Dei gloriam visum fuerit, præscribet.*
- Regula 5.** *In Theologia doctrinā. S. Thomæ, ut cauetur 4. parte constitutionum. cap. 14. Nostri sequantur, exceptis paucis, quæ licet sint, aut videri possint esse S. Thomæ: quia tamen contraria, & sine periculo, & valde probabiliter defendi possunt, si quis hæc docere velit, conuineant Superiores ad ingeniorum*

niorum exercitationem maiorem, & accuratius veritatis examen. Nostri itaque non cogantur defendere, quæ sequuntur.

1 Theologiam vel esse scientiam uniuocè cum sciētijs naturalibus, vel uniuocè subalternari scientiæ Beatorum.

Ex prima parte S. Thomæ.

2 Operationem ad extra esse Deo rationem formalem essendi in loco, aut Deum esse in spatijs etiā imaginarijs extra mundum.

delectum optimi  
alijs paribus  
fol. 311.

3 Repugnare secundum absolutam Dei potentiā, ut à Beatis Deus videatur per speciem impressam, quamuis de facto non sic videatur.

4 Præuidere Deum futura contingentia in eorum reali coexistentia cum sua æternitate.

5 Ideas proprie specierum esse, non indiuiduorū, nec partium substantiæ compositæ, nec accidentiū realiter à substantia distinctorum.

6 Secundas causas esse proprie, & uniuocè instrumenta Dei, & cum operantur, Deum in eas primum influere, aut eas mouere.

7 Repugnare, ut aliquod infinitū actu possit creari in quantitate, vel in qualitate.

8 Spiritum Sanctum non procedere ex amore etiam creaturarum secundum esse possibile.

9 Relationem Diuinam non esse secundum se perfectionem in suo genere, aut Patrem non esse Filio priorem origine secundum rem.

10 Repugnare, ut sint, vel de facto non esse plures Angelos eiusdem speciei.

11 Angelis rationem essendi in loco esse transeun-

transeuntem operationem, vel applicationem virtutis ad agendum, aliaque, quæ ad hæc consequenter se habent.

12 Species vniuersalium quidditatum fuisse Angelis infusas per se, non per accidens, & quæcunque ad hæc consequenter se habent.

13 Vniuersaliores esse species superiorum, quàm inferiorum Angelorum.

14 Angelos ex aliqua actuali inconsideratione peccasse.

15 In primo instanti suæ creationis Angelos peccare non potuisse.

16 Angelos siue bonos, siue malos in termino viæ mansisse inflexibiles ex sua ipsorum natura.

17 Locutionem Angelorum fieri eo modo, quem tradit S. Thomas.

Regula 6. IN cæteris, quæ hic excepta nō sunt, à S. Thoma Nostri non recedant: expresse tamen definientia nonnulla videntur: Quædam, quia non tractantur à S. Thoma: Quædam, quia ab eo attinguntur quidem, non tamen sub expressis, ac proprijs terminis definiuntur; vel ita tractantur, vt in diuersas trahi soleant expositiones: in quibus cum grauiora quædam sint, multum interest, quid de ijs Nostri sentiant: Quædam denique, & sanè paucissima, contraria S. Thomæ, quia magis sunt approbata cōmuniter, nec parum adiuuant pietatem. Ea verò sunt, quæ sequuntur.

Ex prima  
parte S.  
Thomæ.

1 Secundum potentiam Dei absolutam non repugnat



gnat communicari viatori euidentem abstractiuam notitiam articulorum Fidei.

2 Theologia formaliter est & speculatiua, & Practica.

3 Deum esse, vnum, Efficiētem rerum omnium, liberum in agendo ad extra, providentem omnibus, Infinitum, Omnipotentem, & vbique existere naturali ratione demonstrari potest.

4 Ad eliciendam claram Dei visionem effectiue concurrunt tam lumen gloriæ, quod est habitus, quā Beatorum intellectus per naturalem suam facultatem.

5 Secundum potentiam Dei absolutam, nec repugnat videri clarè essentiam Diuinam sine vlla distincta visione creaturarum, nec lumen gloriæ suppleri per actualem Dei concursum supernaturalem & gloriosum.

6 Diuina essentia supplet rationem speciei intelligibilis citrà vllam prorsus informationem.

7 Notitia, quam Deus habet de creaturis, terminatur etiam secundo ad creaturas ipsas, prout sunt in seipsis extra Deum.

8 Deus de quibuscunque rebus, de liberis etiam actibus, quanquam nunquam futuris, certo & infallibiliter cognoscit, quid quibus positis futurum esset.

9 Non sunt possibiles vllæ causæ, ne liberæ quidem, quæ in agendo semper non dependeant essentialiter ab actuali cooperantis Dei concursu.

10 Deus absoluta voluntate, etiam quoad substantiam

*stantiam actus, non prædefiniuit actus malos.*

11 *In Deo est verè, propriè, & formaliter iustitia.*

12 *Non solum ex parte nostra nulla fuit ratio seu conditio prædestinationis, sed neque absolute dicendum est esse in nostra potestate, ut prædestinemur; nec salui fient ulli, nisi prædestinati.*

13 *Reprobationis, qua cæteri homines excidere ab ultimo fine permisi sunt, causa fuit peccatum originale.*

14 *Sufficientibus ad salutem auxilijs nunquam priuantur homines, dum ratione utuntur.*

15 *Tres sunt in Deo relatiuæ subsistentiæ: est & una communis, absoluta, & essentialis; non tamen propterea sunt quatuor.*

16 *Diuina relatio, etiam secundum esse Ad, est ens reale.*

17 *Nemo dicat esse probabile, Diuinas Personas constitui proprietatibus absolutis: nec doceat constitui relationibus sub absoluto conceptu, sed relationo.*

18 *Tam originum, quàm relationum omnium fundamentum, à quo relatio suam habet realitatem, est diuina essentia per intelligere ac velle facundum.*

19 *Spiritalis substantia creata est subiectum formaliter locabile & mobile; & tam Angeli, quam animæ substantialiter sunt in cælo, vel in inferno, vel alibi.*

20 *Angelorum via duobus constituit instantibus, distin-*

distinctis siue diuersitate operationum, siue diuerso operandi modo.

21 Non repugnat per Dei potentiam absolutam, Angelum simul esse in pluribus locis adæquatis.

Cum hæ propositiones, Doctorum sententijs val  
de congruant, & sint modò receptæ communius, licet in earum nonnullis de S. Thomæ mente dubitari soleat; quo maior tamen sit & harum auctoritas, & Nostrorum consensio, cum secundum eas S. Doctor non incommode possit exponi, id Nostri præstare conentur, quoad eius fieri poterit. Regula 7.

In ijs, in quibus aliqua libertas concessa fuit, nullus ita partem vnā defendat, vt alteram plusquam par esset, exagitet: prioris etiam professoris, si contrarium docuerat, existimationi consulat vnusquisque: & cum commode conciliari possunt doctores, id vero non negligatur. Regula 8.

In cæteris ita nostri S. Thomæ adstringantur, vt non nisi ad eius conclusiones cogantur: nec ad res, quæ non tam theologicæ, quam philosophicæ sunt, de quibus ea libertas, vel obligatio sit, quæ in Philosophia statuetur. Regula 9.

In ijs quæ sunt Fidei, non facile Nostri vel congruentes Doctorum rationes refellant, vel nouas excogitent, nisi ex receptis iā, solidisque principijs. Regu. 10.

Quæ a S. Thoma non tractantur, neque hic designata sunt, ita Nostri disputent, vt probatos maxime sequantur authores, ex quibus doceant, quæ & pro locorum, & temporum ratione magis recepta sunt. Regu. 11.

sunt in Academijs, & ad auditorum pietatem con-  
ferunt. Obseruent idem quicque in S. Thomæ sen-  
tentia assequenda, colligendaque, si quando paulo  
obscurior est. Haftenus Formula.

## COMMENTARIOLVS

**H**ic formulæ, quò planius intelligatur, com-  
mentariolus videtur ascribendus: quo primū  
ratio reddatur, cur ex multis, quæ excogitari pote-  
rant, hæc potissimū formula placuerit: Deinde præ-  
cipuis quibusque difficultatibus, quas illa videtur  
afferre, satisfiat. Utque priorem partem aggredia-  
mur, Patres, quibus id negotij delatum fuit, non te-  
mere ac fortuito in hanc formulam deuenere, sed  
& multiplicem iniere diuisionem, & non semel,  
nec leuiter de hac tota re deliberarunt, tanquam  
de summa & cardine suarum consultationum. Ve-  
niebant sane in mentem tres potissimum methodi  
ac formulæ. Vna quidem, quæ generalibus aliquot  
regulis contenta nihil distincte ac particulatim de  
singulis sententijs decerneret. Altera vero, quæ  
nihil vniuersim præciperet, sed de vnaquaq; quæ-  
stione quid sentiendum esset, enucleate præscribe-  
ret. Postrema denique, in qua duabus prioribus  
tanquam extremis prætermisis, medium quoddā  
iter teneret, hoc est, quædam in genere statueret,  
ad alia vero explicite definienda descenderet. Tri-  
bus autem ex ijs formulis nouissima probata est.

Prima namque methodus, quò videbatur expe-  
ditor,



ditior, eò minus pollicebatur vtilitatis. Siquidem P: etiam Franciscus Borgia eam viam ingressus est, & de opinandi ratione generaliter multa sanxit: quæ tamen parum obstitere, ne ex eo tempore pleraque Nostreis acciderent, quæ nec periculis, nec aliquot discordiæ seminibus vacarunt. Ipse etiam P. Generalis Claudius Aquaviva secundo sui Generalatus anno nonnulla statuit in genere de sentiendi libertate cohibenda: quæ tamē satis non fuisse, quotidianum declaravit experimentum, cum crebræ ad ipsum perferantur litteræ ex varijs provincijs de nostrorum professorum vel nimia contē-tione, vel opinionibus non admodum probatis. Idcirco prima hæc methodus facile reiecta fuit.

Ad alteram postmodum ventum est, quæ licet multum sponderet perspicuitatis, dilucida omnium explanatione quæstionum, continuo tamen impro-bata est: tum quia in immensum extraheret hoc opus, expositum præsertim pluribus euentis, quibus intercurfantibus facile potuit intercipi: tum quia diuturnæ huius operæ vtilitas fuisset propè nulla, cum in Theologica facultate pleraque certa sint de fide; multa etiam ita recepta ac perspicua, vt definitione non indigeant: tum demum, quia intolerandum Nostreis iugum videretur, si omnia docere cogerentur ex præscripto, nulla reliqua facta potestate liberè opinandi vllis de rebus. Quin etiam tam seueris legibus ingenia Nostrorum non modo astringi non debent in omnibus Theologiæ quæstionibus, sed ne in ijs quidem, quas S. Thomas

pertractat, probatissimus licet autor. Itaque disertis verbis, nec semel affirmavit R. P. Generalis, nolle se penitus inhibere, ne liceret Nostreis vlla in re à S. Thoma recedere: & merito sanè, tum ne profiteri sectam aliquam videremur, iurati in verba magistri: tum quia Constitutionum 4. Par. Cap. 5. sequi iubemur doctrinam securiorē ac magis approbatam: qualis est quidem S. Thomæ Theologia in quam plurimis, non tamen in omnibus, siquidem eius quædam, paucæ licet, sententiæ discrepant vel à loquendi modo Sanctorum Patrum, vel à communione veterum, recentiorumve Theologorum schola, cum præsertim ex occasione novarum hæreseon excogitata sint à Catholicis Doctoribus pleraque non minus hæreticis confutandis idonea, quam quæ S. Thomas suppeditat; in quibus, alijsque id genus par est Doctores alios anteferre. Huc accedit, nonnumquam si non omnes, aliquos tamen illustres Theologos sua quædam munisse rationibus nibilo infirmioribus, aliquando etiam melioribus, quam quæ S. Thomæ suam persuasere sententiam. Atque in ijs non apparet, cur aliqua Nostreis non sit concedenda libertas, ob publicam etiam Ecclesiæ utilitatem, cui si tam egregios sætus aliorum Religiosorum ac Doctorum ingenia pepererūt, æquum non videtur, ut ea facultas Nostreis penitus interdicator in rebus minime lubricis, & in quibus satis ampla materies patere videtur ingenijs. Quocirca nec primæ methodi nimia libertas, nec alterius immodica severitas placuit,

sed

sed postremæ atque intermediæ temperamentum, nimirum ut positis aliquot in genere decretis, quædam deinde speciatim vel definirentur, vel relinquerentur libera, ex ijs etiam quæ S. Thomas definit.

Verum in hac etiam intermedia methodo pertractanda, non minus, quam in extremis confutandis laboratum est: siquidem cum illa opiniones aliquas esse velit liberas, alias vero definiat, idque vel generalibus præceptis eas comprehendendo, vel expresse designando, hæc tota res quinque fere modis variari posse videbatur. Quorum primus occurrebat, ut tam liberæ, quam definitæ sententiæ partim explicitè traderentur, partim generali quadam lege notarentur. Alter, ut definitæ particulatim designarentur; liberæ vero generaliter quædam, quædam speciatim. Tertius, ut liberarum explicita fieret enumeratio; definitarum vero explicita partim, partim generalis. Quartus, ut liberæ percenserentur distincte, definitæ vniuersim comprehenderentur. Nouissimus, ut definitio enucleatè descenderet ad singulas, libertas autem communi aliquo præcepto subsisteret. Horum tandem modorum tertius visus est optimus. primus enim, secundus, & ultimus vno præcipue laborant incommodo, quod liberas vel omnes, vel aliquas generaliter indicant: quod tutum minime est; siquidem tunc oporteret vel ijs, quæ definire conduceret, omnibus sigillatim enumeratis, in reliquis generaliter permittere libertatem: Ea vero

enumeratio & inutilis, & laboris esset immensi, nec plane fieri potest humano ingenio: vel definitis nonnullis, de cæteris illud vniuersim statuere, Quoties aliqua de re plures sunt opiniones, quæ bonis autoribus & rationibus nitantur, sequantur Nostri quam maluerint. Id vero lubricum plane est: Quidquid enim, & quibuscunque verbis in genere præcipiatur, varijs eludi potest interpretationibus, contendente vnoquoque bonos autores ac rationes suæ potius, quam alienæ fauere sententiæ. Quocirca periculis obuiam non satis iretur per hos tres modos, sed ne per quartum quidem, qui liberis paucioribus exceptis distinctè, cætera definit vniuersim hoc fere modo: sequantur Nostri doctrinam plurimum vel illustriorum Doctorum, qui fuerunt, aut modo florent. Sed hoc valde perplexum atque implicitum est. Nam nec semper, quò maior est Doctorum numerus, eò probabiliora differit; nec, si S. Thomam excipias, vnus aliquis ita cæteros supereminet, vt passim, aut plurimum sequendus videatur. Alia Scotus, alia Bonaventura, alia Durandus, alia alij rectius tradidere: Colligere vero optima quæque de singulis, & anceps, & prope infinita res est. Vnus est S. Thomas, de quo, si pauca quædam distinctè exposita vniuscuiusque permittantur arbitrio, in reliquis statui generatim posset, vt ab eo nullus abscedat. Sed ne id quidem satis malis omnibus mederetur, tribus potissimum de causis. primum quidem, quia plerasque S. Thomas vix attingit disputationes, vt



de Ecclesia, de Concilijs, de Pontifice Romano, & alias id genus grauissimas. quin etiam in Partibus Summæ, & in Articulis S. Thomæ nec raræ, nec leues intercurrunt quæstiones a S. Thoma non satis definitæ, in quibus cum Nostrorum lapsus accidere possit, & tanto magis, quòd duce S. Thoma careant, de ijs quoque nonnihil fuit distincte præscribendum. Deinde quia nonnunquam communis Theologorum schola & vehemens atque efficax ratio in aliquam sententiam S. Thomæ dissentaneâ propendent, quo loco operæ pretium est vel S. Thomam deferere reuerenter, si cum alijs commodè conciliari non potest, vel si potest, eam moderationem, interpretationemque (quoties cum laude ac fructu fieri potest) S. Thomæ adhibere, ut cæteris non aduersetur. postremo, quia si S. Thomam interpretandi ius cuilibet liberû sit, dissidebunt de mente S. Thomæ non minus, quam Thomistæ inter se, magis etiam, quo minori vinculo cum S. Thoma coniuncti sunt: nec expedit, ut in genere aliquæ Thomistarum semper sequi iubeantur, cum non omnes Thomistarum interpretationes sanam receptamque doctrinam sapiant: & cum modò speciosum atque honorificum sit S. Thomæ doctrinâ profiteri, conabuntur aliqui sua inuenta ex S. Thomæ verbis emungere: nam a multis iam annis cernimus, & sæpius quidem, quàm vellemus, fieri, ut nonnulli S. Thomam in eam sententiam, quam cupiunt sancire, detorqueant. Securitatis itaque & concordie ratio postulat, ut in grauioribus quibus-

dam locis non modo res ipsa, sed & S. Thomæ interpretatio certa statuatur.

Ex ijs planum fit, modum tertium, vñdecim regulis supra expositis comprehensum, esse rebus nostris bene componendis aptissimum: nam libera quædā relinquit distinctè, quoad eius fieri potest, cætera definit: definit aut speciatim aliqua, alia generatim; speciatim quidem pauca, quæ S. Thomas non disputat: pauciora, quibus S. Thomæ nonnullæ expositiones meliores indicantur: paucissima, in quibus S. Thomam non sequi satius videtur. Generatim denique de reliquis statuit, vt iuxta S. Thomæ sententiam definiantur. Id quod neque durum, neque nouum existimandum est, cum ab ipsis Societatis nostræ incunabulis S. Thomæ doctrinā Scholasticam nostris prælegendam esse Constitutiones 4. Par. Cap. 14. decernāt; quare & regulariter sequendam: id. n. ferme deferri solet auctori, qui sumitur explicandus. Itaque P. Generalis regulis ante quatuor annos editis cautum est, ne nisi magnis de causis S. Thomas à nostris deferatur: nec iniuria sane; nā Constitutionum 4. Par. Cap. 5. sequi iubemur in quauius facultate securiorem & magis approbatam doctrinam, & eos autores, qui eam docent: eiusmodi vero esse S. Thomæ Theologiam in confesso est, tum quia omnium maxime Theologorum in Scripturis & Patribus versatus, & eorum addictus vestigijs, maiorum pietatem sedulò conseruauit: tum quia eius doctrina tantæ semper in Ecclesia Catholica fuit autoritatis,

ut & summi Pontifices tanquam tutissimam commendauerint, & Oecumenica Concilia iuxta eā Ecclesiastica dogmata saepe declarauerint: tum quia per florentissimas quasque Christiani orbis Academias maximo nunc est in pretio, ut qui à communione scholarum consensu cupiunt non abhorre-  
re, nihil ijs antiquius esse oporteat, quam, quoad eius fieri potest, sentire cum S. Thoma. Quod onus à Constitutionibus impositum, tot clarissimis receptum Gymnasiis, a nostris Patribus toties commē-  
datum si per se graue non est, fiet etiam hac formula leuius, quæ & in nonnullis a S. Thoma Nostros eximit, & eum sic plerunque declarat, ut à frequē-  
tiore Theologorum schola non discrepet.

Haftenus de formula constituenda, quæ si multis affluit commodis, exigendum non est, ne nulla ex parte grauis atque onerosa videatur. neque enim in humanis, præsertim arduis, rebus optandū est, ut nullis, sed ut quā minimis laborent incom-  
modis: Verū si quas illa præ se fert difficultates, eæ non magno negotio tolli possunt, aut leuari: id quod distributius ut fiat, illas quinque in capita cō-  
feremus, ut quantum sit in singulis momenti, facile perpendatur.

Primum caput desumitur ex aliqua molestia, quam Nostros affere possent & præclusa libertas excogitandi meliora, & tanquam illata quedam vis ingenijs, si quæ non credunt, docere cogantur.

Præcipua sanè hæc difficultas à multis existimabitur : sed longe minorem eam putabunt, si cogitent, inueniendi opinandiq; libertatē non aliam, nec maiorem quærendam nobis esse, quàm patiatur Societas, cui nomen dedimus, eiusque Fundator, qui Constitutionū. 3. Par. Cap. 10. disertis verbis cauet, ne nouæ opiniones admittantur: quod tamē suauius vt fieret, additum est hac formula, Ni si ex consensu Præpositorum. In reliquis etiam, quæ noua non sunt, sed inter Doctores controuersa, non liberum singulis delectum reliquit P. Ignatius, sed 4. Par. Const. Cap. 5. §. 4. sequantur, ait, in quauis facultate securiorem & magis approbatam doctrinam, & eos autores, qui eam docent. Et ne singulis liberum esset iudicium de magis approbata & securiore doctrina deligenda, statim subdit, Cuius rei penes Rectorem (qui quod statuetur in vniuersa Societate ad maiorem Dei gloriam secuturus est) cura sit. Id quod etiam repetit Cap. 24. ad finem. Nullus igitur nobis locus factus est conquerendi de adempta docendi sentiendique libertate, quam & nos in Societatem transtulimus, & Societas moderatur iuxta Constitutiones, & Constitutiones eam obstringunt doctrinæ, quæ communi iudicio magis approbata sit.

Huc accedit, quod modestis pijsque ingenijs nō qualisqualis est appetenda libertas, sed quæ cum virtute cōiuncta sit: potest. n. ea res laxari & plus nimio, vt si absurdissima quæque permittantur, & minus, quam oportet, vt si non liceant quæ probantur



bantur ab omnibus. Mediocritas igitur optanda: in  
quærenda verò, hoc opus, hic labor est: Eam plane  
aliter alij metirentur. Huius vero formulæ scri-  
ptores, post sedulam de tota re deliberationem, me-  
diocritatem omnem in eo positam esse duxerunt,  
ut ingeniorum exercitationi cāpus aliquis pateat  
ac libertas, primum in ijs, quæ libera relinquuntur:  
deinde in excogitandis distinctionibus & fundamē-  
tis, quibus ea quæ definita sunt, constabiliantur:  
tum in ijsdem impugnandis, cum publice disputant,  
quin etiam dum docēt, si quæ sibi acute obiecerūt,  
acutius diluant: tum in aliqua novarum quæstio-  
num, opinionumque excogitatione, præpositorum  
tamen iudicio comprobanda, quò tutior sit. Hactē-  
nus agere libere liceat, præterea nihil fere; quod  
non est ingenij minuere libertatem, sed perficere,  
non minus quam cum velox equus abstrahitur qui-  
dem à spatijs, quibus decurrendis aliquod timere-  
tur periculum; laxatur tamen, ut in apertis tu-  
tisque campis, quantum velit, expatiatur. Porro  
doctissimis viris persuatum semper fuit, in proba-  
tis receptisque sententijs ingenij vim expromere  
plus habere subtilitatis, laudis, & commodi, quam  
licentiam, ac novitatem opinandi. Habent Nostri  
in ijs etiam, quæ hic definiuntur, cum perfecta non-  
dum sint, amplam segetem fecundæ inuentionis,  
ex qua tanquam suo de partu magnam capiant vo-  
luptatem. Quòd si plus adhuc desideretur liber-  
tatis, experimur quotidie id totum esse eiusmodi,  
ut valde noceat valetudini Nostrorum, qui se tam  
mul-

multarum rerum excogitatione conficiunt: nostrā omnium existimationem in discrimen adducat: in materijs enim tam lubricis non est omnium tuta inuentio: perturbet concordiam, iam diu enim nescio quæ quasi sectarum semina cernuntur: officiat soliditati scientiæ: mauult enim quilibet suos vel incoctos & informes fætus edere, quam alienis acquiescere, donec suo, auditorumque malo discat sero tandem rectè sapere: cum præsertim si quis possit ijs, quæ in commune definita essent, vnū aut alterum melius excogitare, peiora multa paruriat. Consulendum quoque fuit iunioribus, ne cū primum ad docendum accedunt, licere sibi credāt spectatos diu magistros oppugnare, & in ipso tiro cinij limine laceßere veteranos, quod boni auditores & impudentiæ genus esse putant, & dolent fraudari se melioribus. Hinc & crebris, & publicis altercationibus sæpe læditur religiosæ modestiæ lex, vt offendantur etiam, & ad calumniam prouocentur externi, quibus melius resisti non potest, quam consensione Nostrorum. Augetur & penuria professorum; non enim est omnium posse sibi suam fabricari Theologiam: vt interea loci prætereatur detrimentum piæ meditationis, ac deuotionis, cui se vacare posse negant multi, nouarū rerum molitione distenti. Nulla igitur vis illata est ingenijs, cum & multa reliqua sit libertas, & definiantur recepta tantum, aut valde probabilia, de quibus iure conqueri nullus potest: & si qua vis esset, bono securitatis & concordie compensatur, tolli-

colliturque nescio cuius vanitatis occasio, qua ductus aliquis posset malle propria venditare, qualia qualia sint, quam vsurpare communia, nec tam cupere Societatis nomen illustrare, quam proprium. Huiusmodi si qui fuerint, mirum non erit, si hanc formulam, quæ communi deseruit existimationi, non probent.

Secundum caput ducitur ex autoritatis ac existimationis iactura, quam faciet Societas, primum quia eius professores vnam omnes doctrinā tāquā cantilenam occinere videbuntur. Deinde quia Nostrorum Theologia non nitetur insigni aliquo Doctore, per omnia sequendo, qualis est S. Thomas, ob quem aliqui Religiosi magni fiunt, suauiore, vtiliore, honorificetiore nacti viam, quā nos: magis etiam sibi consentientem, cum vnum sequantur autorem: contra vero cū hæc formula sit quædam opinionum collectio ex varijs Doctoribus, nō habet eam partium connexionem, vt vnum doctrinæ corpus efficiat. Denique quia doctrina Societatis non commendabitur, vt modo à doctissimis viris commendatur, quod Nostri non vni tantum Doctori seu formulæ alligati, in omnibus sint optime versati.

Hæc tria, si recte perpendantur, amplificabunt potius existimationem nostram. Ac primum, quod ad doctrinæ pertinet vnitatē, noui nihil præcipitur: Constitutionibus id cautū est 3. Par. Cap. 1. §. 18. ijs verbis, Doctrinæ differentes non admittantur,

rantur, nec verbo in concionibus vel lectionibus publicis, nec scriptis libris. & infra littera O. ad finē. In opinionibus etiam, in quibus Catholici Doctores variant inter se, vel contrarij sunt, vt conformitas etiam in Societate sit, curandum est. Nullus itaq; magis debet esse sollicitus de Societatis existimatione, quā eius parens atque institutor, qui doctrinæ existimationem non ex opinionum compugnantia, sed ex consensu docuit esse quærendam, magisque suos alumnos decere sensit bonum nomē ex concordia, quam quicquid discordiæ pollicentur: ob quas non raro accidit, vt non minus Nostri inter se, quam cum externis pugnent, aut etiam grauius, cum externa nonnunquam admiremur, nostratia fastidiamus: aliena plane res tum a consilio & cogitatione Fundatoris nostri, tum a Religiosarum omnium familiarum consuetudine: cum præsertim non raro opinandi diuersitas in voluntatum etiam simultatem deriuetur, dicatque alius, ego sum Apollo, alius vero, ego sum Cephæ. Qua perniciē cum maior nulla sit, libentiū multo ferenda est aliqua doctrinæ iactura, quā concordie: & si diligenter attendatur, ad instituti nostri scopum multo magis confert vinculum pacis, & vnitas animorum, quam modica quædam doctrinæ accessio tot iactata contentionibus. tametsi doctrinam est vberiore & faciliorem copiam, numerumq; professorū concordia nobis allatura sit, si quilibet non in suum quendam, sed in communem aliquem agrū bene colendum conferat industriam: contra vero



nihil plane certi, nihil solidi in Nostrorum doctrina esse potest, si, quæ unus statuit, alter euerit, non quod semper meliora cogitauerit, sed ne alieni ingenij opera videatur profecisse. Interdum etiam nihil refert, istone, an alio modo res statuatur: sed dum alieno præsidio indigere nolumus videri, fructum alium pene nullum ex nouo labore reportamus, quam disensionem. Sapienter igitur doctrinæ conformitas nostris Constitutionibus commendatur. Tametsi tum vt aliquid indulgeretur ingenijs, tum quia nonnunquam in vtrunque partem æquis prope ponderibus veritas iactari potest: tum ne publicæ disputationes restincto pugnantium ardore languescerent, satis magna variè sentiendi libertas permittitur, de qua paulo ante dictum est.

Quod vero de S. Thoma per omnia sequendo addebatur, ex Constitutionibus non habetur; prælegi namque S. Thomam iubent, autorem vero, quæ prælegimus, vt plurimum sequi solemus, non est item necesse vt in omnibus: Quin & contrarium significant Constitutiones, quibus amplecti iubemur securiorem & magis approbatam doctrinam, & autores qui eam docent. Docet eam quidem S. Thomas vt plurimum, non semper tamen, & nonnulla longe pluribus non probantur. Ad illustrandum igitur potius, quam ad obterendum Societatis normæ pertinere videtur hæc formula, cum nihil aliud contineat, quam vel S. Thomam probè intellectum, qui afferet potius, quam auferet existimationem; vel communiores, ac receptas iam opiniones, quæ  
ipsæ

minus  
us comenda  
detur

ipsæ sibi faciunt autoritatem. Nullum hinc igitur periculum minuendæ existimationis, sed potius ex proprijs singulorum inuentis, ac licentia. Quod si aliqui Religiosi magni fiunt ob S. Thomam, ob eundem & Nostri magni fient, & multo magis, quod in sequendo S. Thoma, quicquid est laudis, commune cum illis haberent; si quid vero ~~viti~~, aliqua concessa libertate tolleretur, nec Nostri, quod illis obijceretur, quod ne latum vnguem a S. Thoma recedant, coguntur interdum tueri quædam, quæ defenduntur ægerrime. ~~& communiter impro-~~  
~~bantur.~~

inter  
er viros gr-

Ad hæc laudatur quidem à multis, quod Nostri sint in omnibus Doctoribus versati; at libere sentire quæ velint passim reprehenditur à Prælatiis grauißimis ob pericula & leuitatem ingeniorum, & semina discordiarum. Itaque cum anno superiore quidam è Nostri Patribus iussu R. P. Generalis significasset Illustr. Card. Sabello a Nostri haberi Congregationem de stabiliendis opinionibus, laudauit ille consilium, & subiecit: Id verò vobis maxime necessarium est, nam ob aliquam libertatem, nonnunquam in tribunali nostro habitus est sermo de doctrina vestra. Tolletur hoc offendiculum, si innotescat, præscriptum Nostri esse, ut non doceant, nisi vel S. Thomam recte expositum, vel communiores, receptasque sententias.

Neque vero timendum est, ne quæ ex varijs sunt collecta doctoribus, parum apte cohæreant inter se ad vnum doctrinæ corpus: siquidem apte  
posse

posse cohærere omnia ex eo patet, quod alia relinquuntur libera, alia definiuntur iuxta contrave S. Thomam. Et in liberis, Professorum est, videre cū a S. Thoma recedunt, an cohærenter loqui valeāt; nam si non valent, quis eos a S. Thoma cogit recedere? In definitis autem iuxta S. Thomam aperta consensio est: contraria denique S. Thomæ pauca sunt, eaquæ cæteris definitis non aduersari, comperitum est ab eorum compilatoribus. Neque mirum, neque .n. omnia, quæ vnius sunt Doctoris, ita connexa sunt, vt vno conuulso necesse sit multa conuelli; neque ea, quæ diuersorum sunt autorum, ita omnia pugnant, vt vnius propria omnibus proprijs alterius opponantur. id quod & communis conceptio, & vsus declarant. Nam in quotidianis lectionibus professores vnum modò, modò alterum sequuntur autorem, pertexuntque doctrinæ corpus ex varijs Doctoribus, cohærenter tamen loqui se putant vniuersi.

Tertium caput emergit ex nimia definitarū rerū, quas vel formula, vel S. Thomas habet, multitudine: hæc enim & memoriā reddit perplexam, anxio semper Professore, ne quid forsā in S. Thoma lateat, quod in mentē non venit: & obest perpetuitati, durū .n. iugū videtur, nec durabile: & perturbat concordiam inter Professores, & studiorū Præfectos; nam si auctis legibus, augetur & occasio lapsuum; augeri quoque necesse est contentiones eorum, qui monent & monentur.

*Est quidem aliquod onus multitudo rerum desinitarum, sed si quod onus est, à Constitutionibus est imposium, quæ paucis esse contentæ non possunt, cum Nostros tam in ijs quæ Catholicorum consensus recipit, quam in ijs, de quibus discrepant Doctores, iubeant esse concordēs. Nec iniuria, quia doctrinæ, sicut & vitæ, perfectio multis indiget: propterea nerulla gens pluribus legibus arctatur, quam Christiana, nec aliqua Religio magis ligatur suis, quam nostris nos Constitutionibus & decretis. Non itaque metuendum est, ne hoc onus, quod a Constitutionibus ortum habet, durable non sit apud eos, quibus Constitutionum obseruatiam semper in pretio futuram esse confidimus. Tametsi nec noua, nec singularis, nec onerosa Nostris videri debeat hæc multitudo, quia non minus numerosam tolerant aliæ quoque religiones iuratæ in verba S. Thomæ, vel Scoti, vel alterius, cum præsertim Nostri non adstringantur ad rationes S. Thomæ, quas aliqui Religiosi patres acriter tuentur passim, nec minus, quàm conclusiones. Qui si liberam habent S. Thomæ interpretationem, Nostri vera certam in paucis grauioribus, non est quod eorum, aliorumve maiori inuideant libertati: hæc enim quam ipsorum nonnullos faciat discordes in scribendo, audaces in inueniendo, parum solidos in docendo nonnunquam, obscurum non est.*

*Ex hac vero multitudine si quis accidet memoriæ lapsus, est ille quidem & infrequens, & leuis, & facile corrigitur: & si semel aut iterum perlegatur*



gatur hæc formula, hærebit fere viris doctis: Nam de S. Thomæ sententijs, quæ vulgatissimæ sunt vel per se, vel per interpretum operam, facilis suberis recordatio.

Quod autem de Professorum & Præfectorum contentione dicitur, retorqueri facile potest: idcirco nanque indignè illi ferunt, si moneantur, quòd ea sibi vident interdici a Præfecto, de quibus cum nihil adhuc certi Societas constituerit, hoc ipso libertatem videtur indulsisse: & aliquando nec doctrina, nec ingenio putant se minores esse ijs, à quibus monentur; suspicantur etiam interdum leuiora sibi denegari, cum alijs grauiora concedantur. Nec raro comparant Præfectum cum Præfecto, cumque videant, quod prohibetur ab vno, ab altero condonari, si quid in eorum doctrina reprehenditur, id non tam doctrinæ, quam reprehendentis vitio tribuunt. Quæ offensionum occasiones tolli nequeunt, nisi certa quædam designentur non vnius arbitrati, sed plurimorum: nec extempore, sed maturiore consilio: nec vni, aut alteri, sed omnibus: libentius. n. patientur communi consensu Societatis præscribi sibi quædam, non solum quia tutiora, sed etiam quia probabiliora quàm vnius Præfecti iudicio quicquam sibi, vt periculosum prohiberi. Huc pertinet, quod Arist. lib. 1. Rhetor. & S. Thomas. 1. 2. Q. 95. Ar. 1. ad 2. docent, paucissima esse iudicis arbitrio committenda, omnia vero, quæ com mode possunt, comprehendenda legibus. Idque probant, tum quia facilius reperiuntur pauci sapiē



res, qui satis sint legibus condendis, quàm multi, quot requiruntur ad iudicandum omnibus locis, ac temporibus: tum quia leges longo tempore & experimento maturius sanciantur, quàm quotidiana iudicia: tum quia legislatores cum vniuersim, & de futuris iudicent, iudicant incorruptius. Itaque quæcunque possunt legibus expediri, expedienda sunt; quæ vero non possunt lege præstari, quale est & iudicium de singularibus quibusdam, quæ nequeunt lege comprehendere, & interpretatio legis, si qua paulo obscurior sit, iudici tanquam legi animatæ reseruanda sunt. Quæ omnia quadrant etiã in Præfectos, eoq̃ue magis, quod quicquid ab eorũ censura pendet, nec perpetuum esse potest, cum illi subindè commutentur: nec concors, & commune toti Societati, sed tot censuræ, quot capita Præfectorum. Quare publica Societatis autoritate definiendum est, si quid est definiendum.

Quartũ caput existit ex eo, quod ipsa genera opinionũ non ea delecta ac definita videtur, quæ oportebat. Nam tria tantum propositionum genera videntur definienda: vnum earum, quæ aliquam habent cum religione ac pietate connexionem: Alterum earum, quæ versantur in materia graui, vs quia sunt vel tanquam principia quædam, ex quibus alia pendent, vel facile exposita periculis, habentibus in re fundamentum aliquod, non voluntarijs tantum, hæc. n. ad artem non pertinent. Tertium earum, quæ sunt opiniones aut omnium, aut  
certe

certe maioris partis præstantium Theologorum. Neque addendum est quartum genus earum, quæ magis firmis rationibus, ac fundamentis nituntur, quàm earum contrariæ. Hoc enim genus in primo, vel tertio continetur, siquidem quæ sint firmiores rationes, non potest ex ipsis rationibus iudicari, cum sæpe accidat, ut eadem argumenta alicui demonstrationes, alteri sophismata videantur. Hic vero trium generum delectus si seruaretur, paucorum definitio satis esset, nec oporteret statuere, ut paucis exceptis, in reliquis à S. Thoma non recedatur, hac, n. lege necesse est comprehendere multas S. Thomæ conclusiones leuissimas, cum contrariis sit, ut Nostri in vna doctrinæ genere conueniant, qualis est doctrina S. Thomæ, ne diuersæ quasi sectæ inducantur. Abunde quoque consuleretur concordia; quia definitis quibusdam principijs, ex quibus alia pendent, in cæteris non sæpe contingit, ut Nostri dissentiant; & si dissentiant, leuissimum est perturbandæ concordia periculum.

Hæc omnis difficultas minoris planè momenti est, quàm videatur. Nam primum, tria priora genera non sunt satis, sed quartum etiam adiiciendum, quod validis nititur rationibus: propter has enim autoribus existimatio accedit aut decedit; ijsque adducti nonnunquam solemus vel sequi minus eximios scriptores, vel deferere clarissimos. At de rationibus, inquires, varium ac multiplex solet esse iudicium. Solet plane, sed idem quadrat in primum & secundum genus opinionum, cum plerunque al-

tercemur, sit ne aliqua sententia grauioris, an leuioris materia; & coniunctane cum pietate, an abiuncta penitus. De quibus si quid statuendum esse putabit Societas, id statuere non poterit, nisi ex iudicio suorum Doctorum: cur non hoc ipsum adhibere potest in expendendis rationum momentis? Deinde definiantur, esto, tria priora tantum genera: at hæc tria non modicam continent definiendorum multitudinem, & numerosiorem, quam primo videatur aspectu. Attingamus aliquid de singulis seorsim, & ordiamur à primo, quod sententias cum pietate connexas amplectitur. Nam quomodo oportet esse connexas, ut quæ definiantur, dignæ sint? Itane, ut illis pernegatis, penitus ac manifestò ruat pietas? At hæc de fide fere sunt, & quæ plus nimio certæ, hic non exprimendæ. An quia maximè fauent pietati ac fidei, ita ut per illas facile defendatur; sine illis, ægrè & incommodè? At hæc paucae non sunt: indicabimus aliquas, ex quibus consimiles coniungi possint. Definitum est, non repugnare per Dei potentiam Angelum simul esse posse in multis locis adæquatis. Quibusdam id valde referre non videbitur: at reuera maxime pertinet ad pietatem, ut id non solum de Angelo, sed etiam de quolibet corpore definiatur, propter Eucharistiæ Sacramentum, non solum, quia hæc communior opinio est, ut Scoti, Richardi, Aureolis, Gabrielis, OKam, Marsilij, sed etiam quia omnes ferme, qui nostra ætate disputant cum Hæreticis, probant ex Scripturis, & Patribus posse idem corpus

corpus circumscriptivè esse simul in multis locis , cum præsertim omnia , quæ circumscriptivæ positioni eiusdem corporis in duobus locis repugnant , repugnent etiam Sacramentali : nam Hæretici nõ posse idem Christi corpus esse in cælo naturaliter , & in Altari Sacramentaliter , non alijs probāt argumentis fere , quàm ijsdem , quibus aliqui Theologi probāt repugnare , ut idē corpus sit simul in duobus locis circumscriptivè . Itē definitū est in Deo propriè , & formaliter esse iustitiā . Superuacuum id aliqui putabunt , cū non sit maior ratio de iustitia quā de cæteris attributis . At meminerint de iustitia esse peculiare difficultatē , eò quod Deus nulli debeat : propterea aliqui Theologi negarunt Deū esse propriè iustum . Hinc etiam negant Hæretici merita nostra , quæ in iustitia Dei , & nostra fundantur . Pertinet itaque maxime ad pietatem , ut definiatur esse in Deo propriè iustitiam , non metaphoricè . Item definitum est prædestinationis nec rationem , nec conditionem esse ex parte nostra ; Id ad pietatem parum pertinere dicet aliquis . At hanc Augustini doctrinam non modo communior Theologorum schola iam recepit , sed & Ecclesiæ Patres per 1200. circiter annos , qui id contendunt probare ex Scripturis , & responsis Pontificum Romanorum , nempe Zosimi , Xysti , Cælestini , Leonis , Gelasii , apud quos Massilienses , Cassianus , Faustus , alijque huius prædestinationis oppugnatores male semper audierunt . Idem est de causa reprobationis iudicium , cū ab ijsdem Patribus & trunq;



traditum sit. Item definitum est, infallibiliter à Deo præcognosci, quid quibus positis factura voluntas esset, etiamsi nunquam factura sit. Hoc sane nemo negabit esse cum pietate connexum, qui nouerit in Scripturis à Deo multa prædici futura esse, si quædam alia ponerentur, quæ tamen postea non fuerunt. His verò prædictionibus potuisse subesse falsum, minus piè sonat, cum non alia de causa mysteria Fidei infallibilis veritatis esse credamus, nisi quia Deus ea dixit. Sūt et alia id genus multa.

Nunc de secundo genere, in quo reponuntur materiæ grauiiores, ut principia, ex quibus alia pendent, vel in quibus aliquid timetur periculi. Hoc vero genus longe lateque patet. Nam primum, de quibus id intelligitur principijs? An de communissimis? At in ijs quis aberrat? non ideo tamen non erratur in reliquis. An de ijs, quæ singulis fere paulo grauioribus quæstionibus propria sunt? At hæc & quam plurima sunt, & immixta materijs omnibus Theologiæ, leuissimis quibusdā exceptis. Deinde quod additur de periculis, habentibus in re fundamentum, nihilo minus hoc caput numerosum est, cum nulla pene sit Theologiæ quæstio paulo grauior, in qua timeri non possit periculosus aliquis lapsus, vel in conclusione, quæ defenditur, vel in aliqua præmissarum, quibus illa probatur, vel in vi consequentiæ, vel in modo loquendi, vel in aliqua distinctione, seu fundamento, quod supponitur: cum præsertim pleræque res ita nexæ atque implicatæ inter se sint, ut nonnullæ, quæ



quæ nullius esse momenti videntur, si non sapienter statuuntur, obsint non parum rerum grauiorū definitionibus. Quod si omnes lapsuum occasiones tolli non possunt, tollantur quam plurimæ. Tamen si ne illa quidem pericula negligenda videntur, quæ, etiamsi ex rebus ipsis non nascantur, accidere tamen possunt sæpenumero ex tanta Professorum, quos habet Societas, varietate: neque enim omnes abundant otio ad res maturè circumspiciendas: & si otio, non tamen copia librorum: si libris, non ingenio: & si ingenio, non diuturna docendi consuetudine; neque semper habent, quos consulant, aut sequantur: & si habent, concessa tamen libertate frui malunt. Horum vero periculorum habendam esse rationem, satis ostendit id quod sæpe auditum est, cum R. P. Generalis diceret, nempe quoties illi perscribitur ex Prouincijs de Nostratis alicuius lapsu in S. Thoma perperam interpretando, vel in male opinando simpliciter, se aliud præstare non posse, quàm auditis aliquot Doctorum, qui Romæ *t grauium* ~~sum~~ sententijs, rescribere, vt ea res retractetur, vel sicut oportet, explicetur: Esse verò longe consultius lapsum anteuertere, & Doctores, qui post non probatæ doctrinæ offendiculum consulendi forent, multo antè, & in commune consulere, vt vnusquisque Professor ob oculos habeat, quid sequi, quid cauere debeat, si non in omnibus, at in plurimis, præsertim in ijs, in quibus scitur iam aliquādo erratū fuisse: tunc. n. ita res suas quisque componet, ne quærere cogatur medicamenta post vulnus.

Haëtenus de secundo genere, accedamus ad tertium earum opinionum, quæ sunt aut omnium, aut certe maioris partis præstantium Theologorum. Hoc autem genus magnopere quidem recipiendum est: sed quid de ijs, quæ vel inter paucos controuertuntur Theologos, vel communiori vna opinione non constant, diuisis varias in partes Doctoribus? licebit ne in ijs omnibus dissensio nostrorum? At Constitutiones 3. Par. Cap. 1. Lit. O. In opinionibus etiam, inquit, in quibus Catholici Doctores variant inter se, vel contrarij sunt, vt conformitas èt in Societate sit, curandum est. Qui locus, esto, non cogat, vt omnia ad liquidum sint definita concorditer: non patitur tamen laxitatem tantam, vt præter communiores sententias, ceteræ, quæ sunt illis longe plures, dissidentium arbitrio permittantur. Huc accedit, quod si communiorum dūtaxat fiat delectus ac definitio, non modicus inde numerus excresceret, cum in singulis propè materijs aliqua occurrat eiusmodi, & plures illæ sint, quam nonnullis videri possint. Id quod vt exemplis etiam planum fiat, definitum est, Infallibiliter a Deo præcognosci non modo quæ futura sunt actu, sed etiam in ijs, quæ nunquam futura sunt, quid quibus positis futurum esset, etiam in liberis actibus, hoc est, infallibiliter a Deo præcognosci de qualibet voluntate creata conditionales has propositiones. Si hæc ponerentur & illa, hæc voluntas se libere determinaret in hæc partē cōtradictionis.] Videri posset hæc opinio singularis Durandi, qui 1. Sent. Distin. 38.

Quæst.

Quæst. 3. docet, ex eo quod Dei perspicacissimus intellectus penetrat tam causæ liberæ naturam eiusque omnes inclinationes, quàm concursum omnium aliarum causarum, a quibus impediri voluntas vel inclinari potest, infallibiliter videre in quâ partem contradictionis se libere determinatura sit. Ex qua Durandi opinione consequens est, sicut ex perspecta qualitate voluntatis, aliarumque causarum, quæ actu erunt, certò videt Deus, quid futurum sit actu, certo etiam videre quid futurum esset, si illæ ponerentur. Id sane necessario consequens est ex opinione Durandi, sed hæc opinio non est solum Durandi, sed illustrium quoque Theologorum, nempe Alberti Magni in sum. Par. 1. trac. 16. Q. 61. memb. 5. in prin. Corp. & memb. 6. in fi. & Q. 63. Ar. 2. Par. 1. ad 3. Bonauent. 1. Dist. 40. Ar. 2. Q. 1. nu. 24. Aegid. Ro. ibi. Q. 2. Ar. 2. Tho. de Argē. ibidem. Q. unica. Ar. 3. ad 6. cont. primā conclusionem. & ad 1. pro errore Ciceronis. & di. 38. & 39. Q. unic. Ar. 2. ratione 3. Marsilij Lib. 1. Q. 40. Ar. 2. conc. 4. ad fi. et inf. ad 2. contra conclusionē. 7. & in 3. Par. Articuli. 2. supp. 5. & ad 6. rationem principalem. Hi vero pro hac sententia allegant S. Aug. lib. 5. de Ciuit. Dei. Cap. 9. Boetij Lib. 4. & 5. de conso. philosophica Ans. Lib. de concor. præsc. & lib. arb. qui id non obscure docet, si bene perpendantur. Idem quoque docuit S. Tho. Lib. 1. cont. Gentil. Cap. 67. ratione 3.

Huc accedit, quod harum conditionalium propositionum præscientia non solum est necessario

consequens ad opinionem supradictam, sed etiam ad doctrinam eorum Doctorum, qui futura contingentia præcognosci in Ideis sentiunt, si Ideæ intelligantur, ut eas exponit Caietanus 1. Par. Q. 14. ar. 13. Capreol. 1. Sent. Dist. 38. Q. 2. Sonc. ibidē, & alij. Eadem quoque conditionalium propositionum cognitio consequitur necessario ex opinione Scoti 1. Sent. Dist. 39. Q. unicus. iuxta quē si futura contingentia diuinus intellectus ex eo infallibiliter præscit, quod diuina voluntas determinauit ea efficere per tales causas contingentes, consequens est, si alia sic determinaret facere positis iisdem, alijsve causis, alia quoque præsciturum infallibiliter. Tandem idem sequitur ex opinione Ocham 1. Sen. Dist. 38. Greg. Arim. ibid. Q. 2. Gabr. ibid. Q. unica, qui sentiunt diuinam essentiam ex infinita sua perfectione habere, ut sit infallibilis ac intuitiua cognitio, & veracissimum ac euidentissimum iudicium omnium entium actualium & possibilium, & omnium modorum entis ut necessitatis & contingentiae, & quæ pars contradictionis sit futura in nostra libertate. Quæ verba abstrahunt ab actuali existentia, & nituntur sola perspicacia infinita diuini intellectus penetrantis omnes modos entis tam actuales, quam posibles. Ex ijs patet cognitionem illarum conditionalium propositionum vel includi, vel necessario esse connexam omnibus diuinæ præsciētiæ modis, quos Doctores varij varios posuere.

Exemplum aliud. Definitum est, in Deo esse tres relatiuas subsistentias; esse etiam vnā communem,



munem, absolutam, & essentialem. Non defuerint fortassis, qui hanc doctrinam soli tribuant Caietano: verum ea nihil est receptum magis apud Theologos: nam subsistentiam, ut significat rationem per se existendi, propriam substantiæ, esse in Deo vnā & absolutam, & competentem Deitati ut substantiæ, etiā præintellectæ ante oēs origines et relationes, docet Scotus 1. Sen. Dist. 5. Q. 2. Tercio principaliter, difficul. 3. & Dist. 26. Q. vnic. ad primū. pro 4. via. & 3. Sen. Dist. 1. Q. 2. §. Ad quæstionem, in fine. & Dist. 5. ad 1. Q. Duran. 1. Sent. Dist. 26. Q. 1. nu. 6. & 3. Sent. Dist. 1. Q. 2. nu. 7. Bonauen. 1. Sen. Dist. 23. Ar. 2. Q. 1. in corp. Tho. Ar. gent. 1. Sen. Dist. 26. Q. 1. Ar. 3. ad 3. & 8. Marfi. Lib. 1. Q. 26. Ar. 3. tribus primis cōclusionibus, & Ar. 4. ad 2. dub. & ad 4. rationē pro Par. affirmatiua quæsit. & Q. 30. Ar. 2. ad 4. & 10. cont. conclus. 3. Henr. Gand. in Sum. Ar. 53. Q. 6. ad 4. & Quodli. 5. Q. 8. & Quodli. 6. Q. 1. Alb. Mag. in Sū. Par. 1. Trac. 10. Q. 43. mēb. 1. ad 3. opinionis. 2. Ibi dē ad opin. 3. & mēb. 2. Art. 1. in solut. Aegid. Ro. 1. Sent. Dist. 23. Q. 2. 3. & 4. Rich. de Med. Vil. 1. Sen. Dist. 27. ar. 1. Q. 3. in corp. & Dist. 23. Ar. 2. Q. 2. Idē non solū Caietanus, sed omnes Thomistæ, videlicet Hervæus Quodli. 10. Q. 4. Ar. 3. sub initium. & infra, ubi declarat, quid sit distinguere in esse suppositi. Palu. 3. Sen. Dis. 1. Q. 2. in 2. prin. Ar. 2. ad 1. & 2. Ferarien. in lib. 4. contra Gent. Cap. 26. dub. 2. Attend. 3. Capreo. 1. Sent. Dist. 26. Q. 1. in respons. ad argu. qui multa S. Thomæ loca pro hac sent.



sententia allegat. pro eadē quoque allegantur ab ijs-  
dem Theologis S. Aug. lib. 7. de Trin. Cap. 4. & 6.  
Boetius Lib. de duab. nat. Ansel. in Monolog. c.  
43. Rich. a S. Vict. lib. 4. de Trinit. c. 12. 13. 16.  
19. 20. 33.

Præter hanc autem substantialem & absolutā  
subsistentiam, esse adhuc tres subsistentias relati-  
uas, vt subsistentia significat non modo ipsam per-  
sonam & suppositum sed etiam modum essendi in-  
communicabiliter, vel proprietatem distinctiuam,  
docet Scotus in Quodl. Q. 4. Ar. 2. in fi. & Q. 5. ar.  
3. ad 3. & locis præallegatis Rich. a S. Victore, Ri-  
char. a Med. Vill. Alb. Mag. Egid. Marsil. Ganda-  
uen. Capreol. & S. Tho. 1. Par. Q. 29. Ar. 2.

Possent & alia id genus exempla proferri, sed  
hæc satis, ex quibus possit de alijs iudicari. Quod  
autem adiicitur paucorum definitione principiorū  
satis caueri, ne sectæ introducantur, vtque vnum  
fiat doctrinæ genus proprium S. Thomæ, speciosè  
potius quam vtiliter ac solide dicitur: Non enim  
doctrina S. Thomæ vniuersa quædam res est, ex  
qua singulæ deducuntur ac pendent eius opinio-  
nes, sed ex varijs coagmentatur sententijs, quarū  
quædam quibusdam, alijs aliæ, modo paucioribus,  
modo pluribus, aliquæ pene nullis connexæ sunt.  
Quare nisi ad singulas, aut ad maiore earum par-  
tem descendatur, non potest ex ijs conflari vnum  
quasi doctrinæ genus S. Thomæ proprium. Nisi di-  
cas, insignibus tantum S. Thomæ sententijs esse no-  
stros astringendos, non omnibus propemodum, in  
quibus

quibus leuiiores quasdam oportet admisceri, in quibus non dissidetur, aut sine periculo. Verum de ijs etiam experimur dissideri: nec ad concordiam perturbandam magnopere interest, in magnis ne, an in paruis dissideatur: non enim solum rei grauitas, sed etiam æmulatio alit contētionēs, vt nonnunquam de vno vocabulo, loquendique modo acerbissima altercatione pugnetur. planè quid leuius, quam illud, An Deus sit in spatijs imaginarijs? at hoc ipsum quot solet excitare tragedias? quæ si in nonnullis ferendæ sunt exercitationis gratia, non tamē in plurimis, ne in leuioribus quidem, tum quia si in ijs doctrinæ non pietas, at conformitas periclitatur: & vtrunque in pretio haberi iubent Constitutiones: tum quia cum in ijs vtraque ferme pars probabiliter defendi possit, si in alteram Nostri partem propendere debent, vt solent, non est ratio, cur S. Thomam deserant: Nam vt cætera paria sint, illud amplius est, quòd vt eius doctrina celebrioribus approbatur Academjs, ita magis congruit Constitutionibus.

Quintũ caput enascitur ex proprio quarũdã sententiarũ, quæ præscribuntur, vitio. Aliæ namque Philosophorum potius sunt, quam Theologorum: Aliæ iuxta S. Thomæ mentem definitæ, quæ tamē ab eo discrepant: Aliæ non tam aliquid definiunt, quam loquendi, seu res explicandi modum tradũt: Aliæ denique nihilo magis dignæ quæ in liberis, seu in definitis numerentur, quam pleræque aliæ,  
quæ

quæ præteritæ cum sint, id argumento est, accidisse, ut quarundam duntaxat hic mentio fieret, propterea quod contigit eas antea fuisse opiniones sex Patrum, à quibus compilatæ sunt.

Hoc quod particulatim aduersus quasdam sententias obijcitur, distributius refelletur, si singula seorsim membra perpendantur hoc ferè modo.

Aliæ Philosophorum sunt potius quàm Theologorum: ] Ergo non tractètur à nostris Theologis: sed quonià tractàtur ab omnibus, nonne curandū fuit, ut tractarentur congruenter receptis Philosophorum principiis, ne liceret cuilibet Theologo nouam sibi condere Philosophiam? Tamei si in ijs, quæ Philosophica tantum sunt, multum sit libertatis indultum in Regula nona. Nam quæ ita Philosophica sunt, ut Theologicis implicata veritatibus, sine harum iactura vix possunt euerti, oscitanter prætereunda non fuere, qualia sunt, quæ de Dei efficietia, libertate, infinitate, alijsque id genus demonstrandis statuuntur. Horum namque demonstratio licet ad Philosophum quoque pertineat: quia tamen id raro facit exclusus angustia temporis, & Theologus eam partem iandiu sibi vendicauit, ut idoneam in primis ad expugnādos Atheismos, qui inter hæreticos, & quosdam plus nimio Philosophos non parum nunc debacchantur, operæpretium fuit imponere Theologo, ut ea demonstrari posse non abneget, idque præstare nitatur, cum præsertim Nostros esse oporteat absimiles ijs, qui sibi sapientes, & peracuti tum denique videntur, cum

quæ

quæ de Deo cognoscimus, obscura esse omnia, nuda Fide niti; inexplorata sensibus, & ingenijs, delitescere disputauerint, euersis etiam rationibus egregijs, quibus ea probantur à cæteris. Qui tamen cum sua quædam demonstrare se iactant, nihil excogitare solent firmitus alienis rationibus, quas labefactauerant: porro sicut temerariæ vanitatis est demonstrationes polliceri in ijs etiam, quæ nec oculus vidit, nec auris audiuit, nec in cor hominis ascenderunt, sed annuntiata sunt nobis tantum Spiritu Sancto misso de cælo: ita rudis, atq; bebetis ingenij est videre non posse clarissimam lucem, ac subtilitatem argumentorum, quibus multa de Deo constans Theologorum schola demonstrat.

Aliæ iuxta S. Thomæ mentem definitæ; quæ tamen ab eo discrepant.] Aliqua sanè hic definita, seu libera sunt, quæ à S. Thoma dissentiunt, prout ab aliquot antiquioribus Thomistis, exponitur: At ex verbis S. Thomæ id planè non constat, quod & recentiores Thomistæ, qui in clarissimis nunc docent Academijs obseruarunt, ac propterea recedunt à prioribus non raro, & laudabili sanè consilio: animaduertunt enim sæpe S. Thomam tam commode trahi posse ad antiquiorum expositiones, quas ut singulares sententias oppugnarunt pluri-  
mi, quàm ad contrarias, quas plerique omnes vel olim, vel nunc amplectuntur, ij etiam, qui controuersias cum Hæreticis disputant, arbitrati commodius res aliquas Fidei posse defendi fundamentis alijs, quam sint ea, quæ priores Thomistæ tribue-



runt S. Thomæ . Itaque neoterici Thomistæ fessi disputationibus cum salua S. Thomæ autoritate possint vel cum reliquis Theologis , si quando longe probabilius hi loquuti videntur, conuenire , vel res aliquas Fidei reddere faciliores ad intelligendum, noluerunt se veterum interpretationibus semper astringere; id quod & hac in formula seruatiū est , vt ( quod optimum est ) nostris congruentem temporibus haberemus Theologiam. Subijciemus aliqua exempla perspicuitatis causa . Permissum est, doceant, qui velint cum Scoto, Durando, Bonauentura, Ariminensi, Gabriele, & alijs, in primo instanti suæ creationis potuisse Angelum peccare saltem peccato omissionis, & hoc quia respectu cuiuscunque actus, etiam circa vltimum finem & bonum in communi, viatorem habere libertatem exercitiij, quæ sufficit peccato omissionis , fatentur omnes . Putabunt aliqui hoc esse contra S. Thomam, qui 1. Par. Q. 63. Ar. 5. negat in primo instanti potuisse esse in Angelo vllum actum inordinatum liberi arbitrii, quia prima operatio est ab autore nature. At hæc S. Thomæ verba sonant solum peccatum commissionis , à cuius negatione non apparet necessaria illatio ad peccatum omissionis negandū, quod sine vlllo peccato commissionis esse potest iuxta S. Thomā 1. 2. Q. 6. Ar. 3. & Q. 71. Art. 5. vbi docet esse posse peccatum puræ omissionis sine vlllo actu voluntatis . Imo S. Thomas fatetur in primo instanti habuisse Angelum libertatem exercitiij; at hæc sola sufficit puræ omissioni . Quare si S. Thomas



mas cum probabilissima opinione reliquorum Doctorum vel conuenit, vel commode exponi potest, ut conueniat, quæ necessitas est, ut ad improbabilem opinionem, quam nusquam expressit, trahatur? Exemplum alterum. Definitum est suppleri à Diuina essentia vicem speciei intelligibilis citra ullam prorsus informationem. Hoc, dicit aliquis, est contra S. Thomam passim dicentem vniri Diuinam essentiam cum intellectu ut formam non in esse naturali, sed secundum esse intelligibile, & per se ipsam facere intellectum in actu primo. ] Verum hæc exponi possunt dupliciter. Primo, ut hæc vnio sit quædam informatio per modum formæ, & hoc est, quod communiter reijcitur, quia intelligi vix potest, quomodo informet vere secundum esse intelligibile, non secundum esse naturale: Secundo modo, ut hæc vnio sit sola essentiæ immediata, sed extrinseca assistentia ad effectiue determinandum intellectum ad hoc obiectum, & hæc dicatur actus primus, quia hac posita, sic est intellectus in actu primo potens videre Deum, ut esse solet, cum informatur specie intelligibili aliorum obiectorum: & hoc est esse formam secundum esse, non naturale, sed intelligibile, quia perficit intellectum non ad essendum formaliter aliquo modo, sed ad intelligendum, quod ante non poterat, effectiue determinatus ab extrinseco. Certe, cum priorem modum nunquam S. Thomas exprimat, & cum commodè trahi possit ad posteriorem, qui & facilius & receptior est, non apparet, cur à S. Thoma recessisse dicatur,

qui posteriorem amplectuntur. Exemplum adhuc aliud. Non prohibentur docere, qui velint Filium, & Spiritum Sanctum produci per notitiam & amorem creaturarum etiam secundum esse possibile, non actuale. Alienum a S. Thoma videbitur nonnullis, Spiritum Sanctum procedere per amorem creaturarum secundum esse possibile. At hoc est maxime consequens ad doctrinam S. Thomæ, secundum quem cum Verbum per intellectum, Spiritus Sanctus per voluntatem procedat, expresse addit 1. Par. Quæst. 34. Artic. 3. ad 2. relationes Diuinas ad creaturam, consequentes actionem immanentem ut scire & velle, esse æternas: & Verbum ideo ab æterno referri ad creaturas, quia in nomine Verbi importatur relatio consequens immanentem actionem. ] Quæ ratio S. Thomæ vel non valet in Verbo, vel non magis in Verbo, quam in Spiritu Sancto. Quod vero afferre quis posset ex antiquioribus Thomistis, cognitionem quidem ferri in res ut sunt in cognoscente, amorem verò tendere in res amatas, ut sunt in se: valet de amore efficacis electionis, ac beneficentiæ, non de amore complacentiæ, quomodo artifex amat opus suum, cum representatur in Idea, antequam velit illud facere, & quod nunquam facturum est, cum præsertim amor nihil aliud sit, quam complacentia boni, ut expresse docet S. Thomas 1. 2. Q. 25. Ar. 2. Quinetiã prius res aliqua placet, & quia placet, atque amatur, ideo bene illi volumus, & benefacimus, ut aperte patet in S. Thoma 2. 2. Q. 27. Ar. 2. Sunt & alia

id

id genus pleraque, quæ si recte perpendantur, non parum S. Thomæ consentanea reperientur.

Alia non tam aliquid definiunt, quam loquendi, seu res explicandi modum tradunt. ] Verum hoc non nisi raro fit, & cum refert non parum : In quæstionibus enim Fidei, quales in Theologia tractantur quam plurimæ, dissident Nostri, & periculose nonnunquam dissident non de rerum veritate, sed de modo eas explicandi: quanquam nonnunquam definitionem gravium quæstionum opinari possent aliqui nihil esse aliud, quam modum loquendi, vel explicandi res. Verbi gratia.

Definitum est, Angeli & animæ substantiâ esse in loco. ] Contra eos, qui id negant, & Angelos non nisi metaphoricè ponunt in loco.

Item relationem Divinâ non tantum secundum esse In, sed etiam secundum esse Ad, esse realem. ] Contra alios, quibus Ad, non videtur esse reale.

Item nullum priuari sufficientibus auxilijs ad salutem. ] Contra eos, qui præstituunt certam peccatorum mensuram, post quam tollunt Divinum auxilium.

Item prædestinari, non esse in nostra potestate. ] Contra aliquos, qui id docent, quamvis negent prædestinationis causam ex nobis. Item alio huiusmodi, de quibus aut graviter disputari solet, aut turpiter errari. Quocirca putandum non est, ijs nihil aliud doceri, quam loquendi, seu res explicandi modum.

Alia denique nihilo magis dignæ &c. ] Pri-

num quòd accidisse diceret aliquis, hæc placuisse sex Patribus, à quibus compilata sunt, infirmum per se est, nisi aliunde roboretur. Hoc enim genus cauillationis in omnes leges, & hominum deliberationes posset intèdi, si quid valeret. Deinde eorum, quæ acta sunt, rationes satis firmæ redditæ videntur; & illa fuerit satis, quòd definitum nihil est, nisi quod S. Thomas docet, vel communior Theologorum schola. In liberis verò seligendis, ob causas antè memoratas, non tam spectata fuit materiæ leuitas, ob quam plura debuissent opinantium arbitrijs indulgeri, quàm autorum, rationumque momenta; quæ cum nihilo minus in aliorum, quam in S. Thomæ sententias inclinant, in ijs se S. Thomæ al ligari ægerrime ferrent non pauci. Eam ob rem si in vllis, in ijs potissimum sententijs fuit toleranda libertas. Postremò testati sunt non semel sex Patres deputati nec voluisse se, nec potuisse propositiones omnes vel definiendas, vel liberas designare. idcirco optare se, vt si quæ aliæ huiusmodi occurrant Professoribus alijs, eas proponant. Neque vero si ab illis, vel ab alijs non poterunt omnia comprehendere, prætermittenda sunt quam plurima, quæ commodè possunt. Nec enim legistores definire possunt casus omnes fortuitos, nec medicinæ autores morbos vniuersos, neque rei nauticæ scriptores omnia pericula: prudenter tamen, quæcunque potuerunt, complexi sunt.

Illud verò non dissimulandum, ex locis S. Thomæ obscurioribus longè plura primum fuisse. his  
exposi-



exposita à Patribus deputatis, qui tamen postea  
multis recisis, pauca retinuere, tum ne horum  
multitudo videretur onerosa : tum  
quominus de suo apponerent ,  
magis integro S. Thoma  
relieto liberis inge-  
niorum exer-  
citationi-  
bus .



D 3

QVO

## QVO MAGIS NOSTRORVM

doctrinæ, & securitati consulatur, ope-  
repretium fuit hic etiam subijce-  
re Pij V. & Gregorij XIII.

Bullam nondum satis  
omnibus notā ac  
peruulgatā,

qua nonnullæ cuiusdam doctoris Loua-  
nienlis propositiones damnantur: vt ijs  
bene perspectis facile intelligant  
Nostri, cum ad has quæstiones  
deuenerint, quid eos sequi,  
quid cauere oporteat  
in docēdo. Est au-  
tem Bulla hu-  
iusmodi.



*Gregorius Episcopus seruus seruo-  
rum Dei ad futuram rei memo-  
riam. Prouisionis nostræ debet  
prouenire subsidio, vt ea, quæ à  
prædecessoribus nostris emana-  
runt, suadente maxime Fidei Catholicæ conserva-  
tione, vbicunque ipsis opus est, producantur. Qua-  
re nos tenorem literarum feli. rec. Pij Papæ V.  
prædecessoris Nostri in eius Registro repertum  
describi, & præsentibus annotari fecimus, qui talis  
est. Pius Episcopus seruus seruorum Dei ad fu-  
turam rei memoriam. Ex omnibus afflictionibus,  
quas in hoc loco à Domino constituti tam luctuoso  
tem-*

tempore sustinemus, ille animum Nostrum præcipuè excruciat dolor, quòd Religio Christiana, tantis iampridem turbinibus agitata, nouis quotidie propositis opinionibus conflictetur, Christi que populus antiqui hostis suggestione dissectus in alios, atque alios errores passim, & promiscuè defertur. Quantum verò ad nos attinet totis viribus conamur, vt illi simul atque profiliunt, penitus opprimantur: magno etenim mæore afficimur, quòd plerique spectatae alioquin probitatis & doctrinæ in varias sententias offensionis, & periculi plenas cum verbo, tum scriptis prorumpunt, deque eis etiam in scholis inuicem controuersantur, cuiusmodi sunt sequentes. Nec Angeli, nec primi hominis adhuc integri merita, rectè vocantur gratia. Sicut opus malum ex natura sua est mortis æternæ meritorium, sic bonum opus ex natura sua est vitæ æternæ meritorium. Et bonis Angelis, & primo homini, si in statu illo permāsissent vsque ad ultimū vitæ, felicitas esset merces, & non gratia. Vita æterna homini integro, & Angelo promissa fuit intuitu bonorum operum, & bona opera ex lege naturæ ad illam consequendam per se sufficiunt. In promissione facta Angelo, & primo homini continetur naturalis iustitiæ constitutio, qua pro bonis operibus sine alio respectu vita æterna iustis promittitur. Naturali lege constitutum fuit homini, vt si in obedientia perseueraret, ad eam vitam pertransiret, in qua mori non posset. Primi hominis integri merita fuerunt primæ creationis munera,

*sed iuxta modum loquendi Scripturæ Sacræ non re-  
 Etè vocantur gratiæ, quò fit, vt tantum merita, non  
 etiàm gratiæ debeant nuncupari. In redemptis  
 per gratiam Christi nullum inueniri potest bonum  
 meritum, quod non sit gratis indigno collatum. Do-  
 na concessa homini integro & Angelo forsità non  
 improbanda ratione possunt dici gratia, sed quia se-  
 cundum vsum Scripturæ nomine gratiæ tantum ea  
 munera intelliguntur, quæ per Iesum malè meren-  
 tibus & indignis conferuntur, ideo neque merita,  
 nec merces, quæ illis redditur, gratia dici debet. So-  
 lutionem pænæ temporalis, quæ peccato dimisso sæ-  
 pè manet, & corporis resurrectionem proprie non  
 nisi meritis Christi adscribendam esse. Quod pie  
 & iustè in hac vita mortali vsque in finem conuer-  
 sati vitam consequimur æternam, id non proprie  
 gratiæ Dei, sed ordinationi naturali statim initio  
 creationis constitutæ iusto Dei iudicio deputandum  
 est, nec in hac retributione bonorum ad Christi me-  
 ritum respicitur, sed tantum ad primam institutio-  
 nem generis humani, in qua lege naturali institu-  
 tum est, vt iusto Dei iudicio obedientiæ mandato-  
 rum vita æterna reddatur. Pelagij sententia est,  
 Opus bonum citra gratiam adoptionis factum non  
 est Regni cœlestis meritorium. Opera bona à filiis  
 adoptionis facta non accipiunt rationem meriti ex  
 eo, quòd fiunt per spiritum adoptionis inhabitantē  
 corda filiorum Dei, sed tantum ex eo, quòd sunt  
 conformia legi, quodque per ea præstatur obedi-  
 entia legi. Opera bona iustorum non accipient in*



die iudicij extremi ampliorem mercedem, quam iusto Dei iudicio mererentur accipere. Dicit rationem meriti non consistere in eo, quod qui bene operatur, habeat gratiam, & inhabitantem Spiritum Sanctum, sed in eo solum, quod obedit diuinæ legi: quam sententiam sæpius repetit, & multis rationibus probat ferè toto libro. In eodem libro sæpius repetit, Quod non est vera legis obedientia, quæ sit sine charitate. Dicit sentire cum Pelagio, qui dicunt esse necessarium ad rationem meriti, ut homo per gratiam adoptionis, sublimetur ad statum Deificum. Dicit opera Cathecumenorum, ut Fidem, & pœnitentiam ante remissionem peccatorum factam, esse vitæ æternæ merita, quam vitam non consequentur Cathecumeni, nisi prius præcedentium delictorum impedimenta tollantur. Videtur insinuare quod opera iustitiæ, & tēperantiæ, quæ Christus fecit, ex dignitate personæ operantis nō traxerint maiorem valorem. Nullum est peccatum ex natura sua veniale, sed omne peccatum meretur pœnam æternam. Humanæ naturæ sublimatio & exaltatio in consortium Diuinæ naturæ, debita fuit integritati primæ conditionis, & proinde naturalis dicenda est, & non supernaturalis. Cum Pelagio sentiunt, qui textum Apostoli ad Roma. 2. Gentes, quæ legem non habent, naturaliter, quæ legis sunt faciunt, intelligunt de gentibus Fidei gratiam non habentibus. Absurda est eorum sententia, qui dicunt hominem ab initio dono quodam supernaturali et gratuito supra conditionem naturæ fuisse exaltatum,

tatum, ut Fide, Spe, Charitate Deū supernaturaliter coleret. *Avanis, & otiosis hominibus secundum insipientiam Philosophorum excogitata est sententia, Hominem ab initio sic constitutum, ut per dona naturæ superaddita, fuerit largitate Conditoris sublimatus, & in Dei filium adoptatus. Et ad Pelagianismum reijcienda est illa sententia, Omnia opera Infidelium sunt peccata, & Philosophorum virtutes sunt vitia. Integritas primæ creationis non fuit indebita humanæ naturæ exaltatio, sed naturalis eius conditio, quam sententiam repetit & probat per plura Capitula. Liberum arbitrium sine gratiæ Dei adiutorio non nisi ad peccandum valet. Pelagianus est error dicere, quod liberum arbitrium valet ad vllum peccatum vitandum. Non solum fures ij sunt & latrones, qui Christum viam & ostium veritatis & vitæ negant, sed etiam quicumque aliunde, quam per Christum in viam iustitiæ, hoc est, ad aliquam iusticiam conscendi posse dicunt, aut tentationi vlli sine gratiæ ipsius adiutorio resistere hominem posse, sic ut in eā non inducatur, aut ab ea superetur. Charitas perfecta, & sincera, quæ est ex corde puro, & conscientia bona, & fide non ficta tam in Cathecumenis, quam in pœnitentibus potest esse sine remissione peccatorū. Charitas illa, quæ est plenitudo legis, nō est semper coniuncta cum remissione peccatorum. Cathecumenus iustè, rectè, & sanctè viuit, & mandata Dei obseruat, ac legem implet per charitatem, ante obtentam remissionem peccatorum, quæ in Baptismi lauacro*

lauacro demum percipitur. Distinctio illa duplicis amoris, naturalis videlicet, quo Deus amatur, ut autor naturæ, & gratuiti, quo Deus amatur ut Beatorum creator, vana est, & commentitia, & ad illudendum Sacris Literis, & plurimis veterum testimonijs excogitata. Omne quod agit peccator, vel seruus peccati, peccatum est. Amor naturalis, qui ex viribus naturæ exoritur, ex sola Philosophia per elationem præsumptionis humanæ cum iniuria Crucis Christi defenditur à nonnullis Doctoribus. Cum Pelagio sentit, qui boni aliquid naturalis, hoc est, quod ex naturæ solis viribus ortum ducit, agnoscit. Omnis amor creaturæ rationalis, aut vitiosa est cupiditas, qua mundus diligitur, quæ à Ioanne prohibetur, aut laudabilis illa charitas, qua per Spiritum Sanctum in corde diffusa Deus amatur. Quod voluntarie fit, etiam si in necessitate fiat, liberè tamen fit. In omnibus suis actibus peccator seruit dominantis cupiditati. Is libertatis modus, qui est à necessitate, sub libertatis nomine non reperitur in Scripturis, sed solum nomen libertatis à peccato. Iustitia, qua iustificatur per fidem impius, consistit formaliter in obedientia mandatorum, quæ est operum Iustitia, non autem in gratia aliqua animæ infusa, qua adoptatur homo in filium Dei, & secundum interiorem hominem renouatur, ac diuinæ naturæ consors efficitur, ut sic per Spiritum Sanctum renouatus deinceps benè viuere, et Dei mandatis obedire possit. In hominibus poenitentibus ante Sacramentum absolutionis, & in Cathecumenis ante

Baptismus, est vera iustificatio separata tamen à remissione peccatorum. Operibus plerisque, quæ à fidelibus fiunt, ut mandatis Dei pareant, cuiusmodi sunt obedire parentibus, depositum reddere, ab homicidio, à furto, à fornicatione abstinere, iustificatur quidem homines, quia sunt legis obedientiæ, & veræ legis iustitiæ, non tamen ijs obtinent incrementa virtutum. Sacrificium Missæ non alia ratione est Sacrificium, quam generali illa, qua omne opus, quod fit, ut sancta societate Deo homo inhaereat. Ad rationem, & definitionem peccati non pertinet voluntarium, nec definitionis quæstio est, sed causæ & originis, utrum omne peccatum debeat esse voluntarium? Vnde peccatum originis vere habet rationem peccati sine ulla relatione ac respectu ad voluntatem, à qua originem habuit. Peccatum originis est habituati paruuli voluntate voluntarium, & habitualiter dominatur paruulo eò, quò non gerit contrarium voluntatis arbitrium, & ex habituali voluntate dominante fit, ut paruulus decedens sine regenerationis Sacramento, quando usum rationis consecutus erat, actualiter Deum odio habeat, Deum blasphemet, & legi Dei repugnet. Prævia desideria, quibus ratio non consentit, & quæ homo inuitus patitur, sunt prohibita præcepto, Non concupisces. Concupiscentia, siue lex membrorum, & praua eius desideria, quæ inuiti sentiunt homines, sunt vera legis inobedientia. Omne scelus eius est conditionis, ut suum autorem & omnes posteros eo modo inficere possit.



quo infecit prima transgressio. Quantum est ex  
vi transgressionis, tantum meritorum malorum à  
generante contrahunt, qui cum minoribus nascun-  
tur vitijs, quam qui cum maioribus. Deffinitiva  
hæc sententia, Deum homini nihil impossibile præ-  
cepisse, falso tribuitur Augustino, cum Pelagij sit.  
Deus non potuisset ab initio talem creare hominē,  
qualis nunc nascitur. In peccato duo sunt, actus,  
& reatus: transeunte autem actu nihil manet, nisi  
reatus, siue obligatio ad pœnam: vnde in Sacramen-  
to Baptismi, aut Sacerdotis absolutione, propriè  
reatus peccati duntaxat tollitur, & Ministerium  
Sacerdotum solum liberat à reatu. Peccator pœ-  
nitens non viuificatur ministerio Sacerdotis absol-  
uentis, sed à solo Deo, qui pœnitentiam suggerens,  
& inspirans viuificat eum, & resuscitat, ministerio  
autem Sacerdotis solus reatus tollitur. Quando  
per eleemosynas, aliaque pietatis opera Deo satisfacimus  
pro pœnis temporalibus, non dignum præ-  
tium Deo pro peccatis nostris offerimus, sicut qui-  
dam errantes autumant: nam alioquin essemus  
saltem aliqua ex parte redemptores; sed aliquid  
facimus, cuius intuitu Christi satisfactio nobis ap-  
plicatur & communicatur. Per passionem San-  
ctorum in Indulgentijs communicatas non proprie  
redimuntur nostra delicta, sed per communionem  
charitatis nobis eorum passionem impartiuntur, ut  
digni simus, qui pretio sanguinis Christi à pœnis  
pro peccatis debitis liberemur. Celebris illa Do-  
ctorum distinctio, Divinæ legis mandata bisariam  
impleri:

impleri: altero modo quantum ad praeceptorum operum substantiam tantum; altero quantum ad certum quendam modum, videlicet secundum quē valeant operantē perducere ad Regnum aeternum hoc est, ad modum meritorum, commentitia est, & explodenda. Illa quoque distinctio, qua opus dicitur bifariam bonum, vel quia ex obiecto, & omnibus circumstantiis rectum est, & bonum, quod moraliter bonum appellari consuevit, vel quia est meritorium Regni aeterni, eo quod fit à viuo Christi membro per spiritum charitatis, reiicienda putatur. Similiter & illa distinctio duplicis iustitiæ, alterius, quæ fit per spiritum Charitatis inhabitantem: alterius, quæ fit ex inspiratione quidem Spiritus Sancti cor ad pœnitentiam excitantis, sed nondum cor inhabitantis & in eo charitatem diffundentis, qua diuinæ legis iustificatio impleatur, odiosissima & pertinacissima reiicitur. Denique & illa distinctio duplicis viuificationis, alterius qua viuificatur peccator, dum ei pœnitentia, & vitæ nouæ propositum & inchoatio per Dei gratiam inspiratur: alterius qua viuificatur, qui vere iustificatur & palmes viuus in vite Christo efficitur, commentitia iudicatur, & Scripturis minime congruens. Non nisi Pelagiano errore admitti potest vsus aliquis liberi arbitrij bonus, siue non malus, & gratiæ Christi iniuriam facit, qui ita sentit & docet. Sola violentia repugnat libertati hominis naturali. Homo peccat etiam damnabiliter in eo, quod necessario facit. Infidelitas purè nega-

tiua in his, quibus Christus non est prædicatus, peccatum est. Iustificatio impij fit formaliter per obedientiam legis, non autem per occultam communicationem, & inspirationem gratiæ, quæ per eã iustificatos faciat implere legem. Homo existens in peccato mortali siue in reatu æternæ damnationis potest habere veram charitatem, & charitas etiam perfecta potest consistere cum reatu æternæ damnationis. Per contritionem etiam cum charitate perfecta, & cum voto suscipiendi Sacramentum coniunctam, non remittitur crimen extra casum necessitatis, aut martyrij sine actuali susceptione Sacramenti. Omnes omnino Iustorum afflictiones sunt ultiones peccatorum ipsorum, vnde Iob & Martyres, quæ passi sunt, propter sua peccata passi sunt. Nemo præter Christum est absque peccato originali; hinc Beata Virgo mortua est propter peccatum ex Adam contractum, omnesque eius afflictiones in hac vita, sicut & aliorum iustorum, fuerunt ultiones peccati actualis, vel originalis. Concupiscentia in renatis, relapsis in peccatum mortale, in quibus iam dominatur peccatum, est sicut & alij habitus prauī. Motus prauī concupiscentiæ sunt pro statu hominis vitiiati, prohibiti præcepto, Non concupisces: vnde homo eos sentiens & non consentiens transgreditur præceptum, Non concupisces, quamuis transgressio in peccatum non deputetur. Quandiu aliquid concupiscentiæ carnalis in diligente est, non facit præceptum, Diliges Dominum Deum tuum ex toto corde tuo. Satisfactio-

tisfactiones laboriosæ iustificatorum non valent  
expiare de condigno poenam temporalem restantē  
post culpam condonatam . Immortalitas primi  
hominis non erat gratiæ beneficium , sed naturalis  
conditio . Falsa est Doctorem sententia, primum  
hominem potuisse à Deo creari & institui sine iusti-  
tia naturali . Quas quidem sententias stricto co-  
ram nobis examine ponderatas, quanquam nonnul-  
læ aliquo pacto sustineri possent, in rigore & pro-  
prio verborum sensu ab assertoribus intento, hære-  
ticas, erroneas, suspectas, temerarias, scandalosas ,  
& in pias aures offensionem immittentes respecti-  
uè ac quæcunque super ijs verbo, scriptoque emissa  
præsentium auctoritate damnamus , circumscribi-  
mus, & abolemus, deque eisdem & similibus post-  
hac quocunque pacto loquendi , scribendi, & dispu-  
tandi facultatem quibuscunque interdicimus . Qui  
secus fecerint , ipsos omnibus dignitatibus , gradi-  
bus, honoribus, beneficijs, & officijs perpetuo priua-  
mus, ac etiam inhabiles ad quæcunque decernimus ,  
vinculo quoque anathematis eo ipso innodamus, à  
quo nullus Romano Pontifice Inferior valeat ipsos  
excepto mortis articulo liberare . Cæterum ut iam  
commoti his de rebus tumultus , & contracta odia  
facilius comprimi possint, simulque animarum sa-  
luti plenius consulatur, Dilecto filio Nostro Anto-  
nio tituli S. Bartholomæi in Insula Præbytero Car-  
dinali Granuelano nuncupato, per Apostolica scri-  
pta mandamus, ut ipse quid ad perpetuam dictarū  
sententiarum & scripturarum abolitionem , quid  
ad



ad arcenda huiusmodi proloquia & disputationes, quid denique ad vñionem & pacem cum communi omnium & Ecclesiæ Catholicæ satisfactione componendum factò opus sit inprimis diligenter expēdat. Deinde in ijs omnibus, quæ pro communi salute, tranquillitate, & honore optimum iudicauerit, salua semper Ecclesiæ prædictæ vñitate, etiam per alium seu alios fide, doctrina, & religione præstantes ocius exequatur, faciatque quicquid decreuerit inuiolate ab omnibus obseruari. Contradictores quoslibet per censuras & pœnas prædictas, cæteraque iuris & facti remedia opportuna appellatione postposita compescendo: inuocato etiam ad hoc, si opus fuerit, auxilio brachij secularis. Non obstantibus quod forsitan aliquibus ab Apostolica sit sede indultum, quod interdicti, suspendi, vel excommunicari nō possint per litteras Apostolicas non facientes plenam & expressam ac de verbo ad verbum de indulto huiusmodi mentionē: et quibuslibet alijs priuilegijs, exemptionibus, indulgentijs & literis Apostolicis specialibus, vel generalibus quorumcunque tenorum existant per quæ præsentibus non expressa vel totaliter non inserta effectus præsentium impediri valeat quomodolibet, vel differri, & de quibus quorumque totis tenoribus de verbo ad verbum habēda sit in nostris literis mentio specialis. Nulli ergo omnino hominum liceat hanc paginam nostræ damnationis, circumscriptionis, abolitionis, interdicti, decreti, mandati, priuationis, & innodationis infringere, vel ei

ausu temerario contrà ire . Si quis autem hoc attentare præsumpserit , indignationem Omnipotentis Dei, ac Beatorum Petri & Pauli Apostolorum eius, se nouerit incursum . Datum Romæ apud S. Petrum . Anno Incarnationis Dominicæ Millesimo quingentesimo sexagesimo septimo Kal. Octobris . Pontificatus nostri anno secundo . Cæterum volumus vt earundem literarum tenori hic inserto illa ipsa omnino Fides adhibeatur vbicunque, & quodocunque siue in iudicio , siue alibi ille fuerit exhibitus, vel ostensus , sicut illius originalibus literis prædictis adhiberetur, si ipsæ exhiberentur vel ostenderentur . Nulli ergo omnino hominum liceat hanc paginam nostræ voluntatis infringere , vel ei ausu temerario contrà ire . Siquis autem hoc attentare præsumpserit, indignationem Omnipotentis Dei , ac Beatorum Petri & Pauli Apostolorum eius , se nouerit incursum . Dat. Romæ apud Sanctum Petrum Anno Incarnationis Dominicæ . 1579. Quarto Kal. Febr. Pontificatus nostri anno octauo .







# PRAXIS, ET ORDO STVDIORVM,



*Constitutiones in 4. Part. Capit.*

*13. Ad tractanda, inquit, tam facultatum inferiorū, quàm Theologiæ studia dispositio et ordo conueniens tam mane, quàm Vesperis seruandus est . Et quamuis pro Regionum , & temporum diuersitate in ordine & statutis horis studio tribuendis , possit varietas accidere ; omnes tamen in eo conueniant , vt vbique fiat, quod inibi magis expedire ad maiorem in literis profectum existimabitur . ]*

*Et in Declaratione, A; De statutis, inquit, lectionum horis, ordine, ac modo , & de exercitationibus tam compositionum ( quas à magistris emendari oportet ) quàm disputationum in omnibus facultatibus , & pronunciandi publicè orationes & carmina , speciatim in quodam tractatu per Generalem Præpositum approbato agetur seorsum, ad quem hæc Constitutio nos remittit ; id duntaxat monendo, illa locis, temporibus, & personis accommodari oportere, quamuis ad illum ordinem accedere, quoad fieri potest, conueniat . ]*

*Huiusmodi tractatum conscribere cum sex Pa-*

tres iussi fuissent à R. P. Præposito Generali, eum primarias tres in partes digessere: Ac primum de Theologia: Deinde de Philosophia: Postremo de literis humanioribus ita disseruere, ut quæcunque ad vnum aliquod rerum caput emendandum, aut illustrandum pertinere existimabant, in vnum ea locum conferrent, quò magis in promptu, ac sub vnum penè aspectum tota res haberetur ab ijs, à quibus hæc omnia recognoscenda sunt: postquam vero recognita fuerint, disseccandū est hoc tanquā corpus vniuersum in sua quædam membra, hoc est, in multiplices regulas: quarum aliæ Auditoribus, aliæ Professoribus, aliæ studiorum Præfectis, aliæ Rectoribus, aliæ Præpositis Prouinciælibus, aliæ alijs assignandæ sunt. Exēpli gratia: Ad disputationes promouendas præstare quædā debēt, qui docēt: quædam, qui docentur: nonnulla scholarum moderatores; alia, qui præsunt Collegijs; cætera cæteri. Hæc tamen vniuersa vno differuntur tractu, & tanquam vno spiritu proferuntur, ut omnis cursus, ac ratio disputationum ob oculos lectoris quàm facillime poneretur: postea verò sua singulis hinc excerpenda ac partienda sunt munia, & tanquam propriæ quædam leges, aut cōmonitiones ijs, ad quos pertinent, diuidendæ. Aliquas adhuc iisdem Patres interdum interposuere præfationes, aut etiam disputationes, quibus vel facultatem, de qua agunt, declarant multo pluris, quam soleat, æstimandam, vel quæ sentiunt, confirmant; aduersantia refellunt. Id enim factū opus fuit, ut qui hæc diu-

diiudicaturi sunt, cognoscerent, quibus ea nitantur rationibus: tametsi diiudicatione peracta, cæteris resectis ipsæ tantum decisiones retinendæ euulgandæque sint.

Et quoniam de Studijs bene instituendis agitur, quoquo modo hic Præpositis nostris significanda fuerunt etiam quædam alia, quæ magnam cum studijs habent connexionem.

Porro licet generalis sit iste studiorum ordo: oportuit tamē interdum quorundam Collegiorum seu Prouinciarum fieri distinctam mentionem, eo quod ea loca ab ijs, quæ statuuntur vniuersim, viderentur aliquando excipienda, seu nominatim comprehendenda peculiaribus de causis, quas operæ pretium fuit & R. P. Præposito Generali exponere considerandas, & cum aliarum Prouinciarum Doctoribus communicare, vt & ipsi iisdem de rebus, quò transigantur consultius, deliberent.

Iam vero vt à Theologia fiat initium, ad eius informandum studium quæ pertinent, in capita quædam tribuentur. Primum enim, de

Scripturis: Deinde de Theologia Scholastica: Tum de Controuersijs:

Postremò de Conscientiæ  
casibus differe-

tur.



Mni sanè contentione conandum videtur, vt diuinarum Scripturarum studium, quod apud Nostros parū viget, excitetur, atque efflorescat. Ad id enim nos hortātur exempla Sanctōrū Patrum, qui semper vtilius atq; honestius esse putarunt in Scripturis, quam in tot quæstiones incūbere: & Deum audire loquentem per Prophetas, & Apostolos suos, quam in Nostris cogitationibus ac speculationibus consenescere. Magnum sanè præsidium Ecclesiæ positum videtur in scholasticis disputationibus, sed longe maius in vero ac germano scripturarum sensu peruestigando: ex ijs enim desumendæ sunt veritates, in quibus explicandis scholastici versantur; vt commentarios sequi videantur relicto textu, qui se totos Scholasticæ Theologiæ tradunt, posthabita soliditate Scripturarum. Hoc est quasi mutilos, & mancos informare Theologos; qua in re Nostra Societas nō audit optime, cum certatim ad Scholasticam concurratur; Scripturæ vero nullus planè sit honor, exercitatio nulla. Constitutiones certè non Scholasticæ solū, sed Scripturæ etiā, & quidem multo magis studium commendant. Quod & si per se expetendum sit quouis tempore, præcipuè tamen hac tempestate, cum hæretici à Scholastica ad Scripturam prouocant Catholicos, quos in tam sancto pioque exercitationis genere

ab

modicus Piv

c. 12. §. 1.

illeg  
enter pertrac  
in bene



ab Hæreticis vinci, turpissimum est: longe vero fæ-  
dissimum, quod in Transalpinis accidit regionibus,  
Catholicos, qui Scripturarum studio delectantur,  
cum eam Theologiæ partem iacere apud Catholi-  
cos animaduertant, vigere autem apud Hæreticos  
ad Hæreticorum commentarios confugere: qui ta-  
mē dum student aurum de stercore colligere, vt est  
in prouerbio, plus interdum sordium, quam auri re-  
portāt. Ea vero re nihil indignius, in Societate præ-  
sertim, quæ cū percupiat suam Theologiam neces-  
sitati temporum accommodare, & suos instruere  
ad pugnandum cum hæreticis, nullo armorum gene-  
re minus eos muniendos interim curat, quam eo,  
quo propemodum solo debemus prælia domini præ-  
liari. Quin etiam si Ecclesiæ pax vigeret maximè,  
nihil tamen esse oporteret antiquius lectione Scri-  
pturarum: hæc enim magnopere, cum in cæteris are-  
scentem spiritum experiamur, non parum alit ani-  
morum pietatem, cuius nisi aliquo quasi pabulo re-  
creentur, qui literis vacant, paulatim feruore pri-  
stino tepescente in externas diffluent consolatio-  
nes, & inflante scientia tunc equus nimium sagina-  
tus recalcitrabit, cum maxime eius opera Societas  
indigebit. Concionatores etiam scholasticis tantū  
imbuti studijs, non raro in suis euanescent cogita-  
tionibus: de Scripturis verò, quas vix primoribus  
labris degustarunt, aut nihil afferunt in medium,  
aut parum ad rem, alienis glossis, & fucatis argu-  
tjs Scripturam adulterantes. Huic malo vix ali-  
ter occurri posse videtur, quam sedula Superiorū  
dili-

diligentia in promouendis, exercendis, illustrandis Scripturarum studijs, & ijs, qui Scripturæ vacāt. Hi namque magnam susceperunt prouinciam, quā vt sustineant, multis egent præsijs, linguarum peritia, eruditionis varietate, antiquitatis obseruatione, Scholasticæ munimento, vt tuto ac propriè loquantur. Quare cum hoc opus laboriosum maxime sit, sed non adeò honorificum, non mirum, si tam pauci hoc stadium ingrediantur. Quæ vero ad huiusmodi studium iuuare possent, hæc ferè veniebant in mentem.

I Non hæreat Professor valde in Scripturæ quolibet loco, nisi id fructum non exiguum polliceatur: optandum enim est, vt aliquis fiat progressus, & laudāsus videretur, qui vno anno totum, verbi gratia, exponeret Esaïam. Si quod caput paulo facilius occurrat, pauca quædam ex toto capite difficiliora satis fuerit obseruare. Neque historiæ, aliæve id genus externa afferenda sunt; nisi eorum magna sit utilitas, vt non aliud docere, quàm Scripturam Præceptor videatur: nam si aliena coaceruentur, ijs non delectabuntur, nisi pauci quidam otiosi; cæteri, qui sedulo Scripturæ vacant, cum tam pauca de Scripturis animaduertant exponi, priuato potius, quam publico studio, quod cupiunt, assequi sperant: Inde schola vilescit, & auditorium infrequens est. Quod si quis esset, qui in germanum Scripturæ sensum strenuè peruestigandum incumberet, eoque comperto ad reliqua gradum faceret, vt vno aliquo anno multa posset percurrere, quam plurimis sanè

sanè gratissimum esset huius lectiones frequentare.

2 Ad inquirendum exponendumque fideliter, & breuiter literalem sensum, cuius præcipuam curam oportet esse, hæc ferè conferre posse videntur, Primo antecedentia, & consequentia conferantur. Secundo obseruentur phrasæ, & figuræ Scripturarum propriæ in omnibus linguis, adductis & expositis locis alijs, in quibus similiter, vel aliter vna aliqua phrasis sonat. Quo sanè pacto fiet, vt intra biennium, quo Nostri Scripturæ vacant, magnâ harum rerum sibi comparent supellectilem, qua ad reliquorum etiam locorum intelligentiam reddantur paratiores. Tertio Hebræa quoque & Græca explicanda sunt, atque examinanda, cum vel à Latina vulgata editione discrepare videntur ad eorū conciliationem, quoad eius fieri poterit: vel cum aliarum linguarū Idiotismi ad maiorem conferunt siue perspicuitatem, siue energiam. Hæc vero, aliæve rationes si non subsint, nihil attinet demorari in Hebræis, aut Græcis exemplaribus; multo minus in eorum vocabulis explanandis lexicon significationum texere. Nec expedit magnam operam ponere in colligendis, & excutiendis erroribus aliarum versionum siue Latinarum recentiorum, siue Chaldaicæ, Syriacæ, Theodotionis, Aquilæ, Symmachi, nisi errores & insignes sint & probabile aliud quod præ se ferant fundamentum. Cæterum si quid, quod Latinæ vulgatae editioni fideiue nostræ mysterijs faueat, repertum fuerit vel in Paraphra  
ste

Sic Chaldaeo, qui apud Iudæos in honore est, vel in antiquis interpretationibus Aquilæ, Symmachi, Theodotionis, diligenter observandum videtur adversus Iudæos & hæreticos: multo verò magis, si quid huiusmodi fuerit apud 70. Interpretes, de quibus honorificè semper loquēdū est; & licet non constet, quid illorum sit in editione Græca, quæ nunc extat, quare non est necesse quicquid in ea legitur, incorruptum esse: si quis tamen locus Interpretum à Patribus plerisque allegatur, ac recipitur, defendendus esset. Quarto ad id etiam conducunt Pontificum & Conciliorum Canones, qui si quem esse significent cuiuspiam loci literalem sensum, aut ex eo loco fidei dogma aliquod ex instituto constabiliunt, eum Nostri literalem esse sensum defendāt; nec fere oporteret alios præterea literales sensus superaddere, nisi eximie quædam faueant coniecturæ. Quinto Patrum quoque vestigijs venerāter insistant, & quem plerique omnes Patres sensum aut literalem, aut allegoricum esse tradiderunt, eū ut talem complectantur, memores professionis fidei quam ineundo magisterium iurarunt. Imo cum de vno aliquo sensu inter Patres non convenit, si quam Patrum interpretationem à multis iam sæculis Ecclesia videtur complexa, ab illa non recedant; tanto magis, si aliæ Patrum expositiones diversæ quidem sint, non contrariæ: si quod autem est fidei dogma, quod ferè quā plurimi Patres, aut Theologi ex Scripturis probare contendunt, non dicant Nostri id ex Scripturis probari non posse: potius,



sus, si qui probare non possunt, id relinquunt. Sexto non sequantur Rabinos, ut duces, tum quia plerunque nihil supra carnem, & sanguinem sapiunt: tum quia verum sensum Scripturarum iam tradidit Christus Apostolis, eorumque successoribus: tū quia parum fidendum est nostræ Religionis aduersarijs. Quare cauendi potius sunt, nec illis auctoritas vlla concilianda est; ne ad eos, auditores afficiantur. Idem ferè iudicium de quibusdam recentioribus Christianis interpretibus, qui plus nimio sequuti Rabinos, de uulgata editione Latina male merentur. Si quid tamen isti vel Rabini afferant, quod vel vulgatæ editioni, vel mysterijs fidei faueat, prætermittendum non videtur: cætera vero rarius, etiam si Nostri contraria non sint, sed tantum diuersa.

3 Interpres Scripturæ in quæstionibus parciore sit, sui que instituti esse putet, solum, vel præcipue veram verbi Dei intelligentiam tradere. Quare si in aliquem Scripturæ locum incidat, quo Theologi scholastici in aliqua disputatione communiter vti solent, in eam quæstionem non digrediat: indicet solum, quantum is locus ponderis habeat ad eam quæstionem definiendam. Quin etiam si quis locus nobis cum hæreticis controuersus sit, controuersiam ex eo loco nascentem non explicet, sed grauiter, & strenuè conetur ostendere illi loco non aliam sententiam congruere, quam Catholicorum. Ipsas etiam quæstiones Scripturis proprias tractet breuiter, & non more scholastico, nec in varia temporum supputatione,



putatione, aut in perscrutandis Terræ sanctæ locis, aut in huiusmodi parū vtilibus, multū temporis ponat: autores, qui de ijs plenè differant, satis erit indicare.

4 *Moralia, si nota sunt ac trita, verbo vno significetur, annotatis Patrum locis, in quibus hæc luculentius habentur: sin adeo per vulgata non sunt, & sapiunt ingeniosum, ac perspicax aliquid, non videntur prætermittenda, cum Scripturæ lectione non disputatores tantum & lectores, sed concionatores etiam informandi sint: idem iudicium sit de sensibus Allegoricis.*

5 *Libri Historici non explicandi sunt per quæstiunculas, quas aliquando Patres vsurparunt: cum enim in disputando nostrum seculum maxime versatum sit, plus periculi est, ne in disputando, quàm ne in contextu explicando hæreamus. Quare tanquam fundamenti loco summa capitis perstringatur initio: deinde ad singulas sententias earumque continuationem descendatur, & siquid est egregium, in singulis annotetur: tametsi cum totum ferè caput dilucidum est, siue habeatur in libris historiarum, siue in libris Prophetarum, summa capitis satisfuerit, ut fiat ad difficiliora progressus. Tandem quo distinctius res tota tradatur, librorum aliqui explicandi sunt ad longum, ut Iob, Psalmi, Prophetæ, Ecclesiastes, Cantica, Proverbia, prima capita Geneseos, Evangelia, Epistolæ Canonice, & Apocalypsis: cæteri libri percurrantur summam annotatis locis solum diffi-*

*difficilioribus quorumlibet capitum, nec liber vno anno inchoatus in alterum reservetur finiendus.*

6 *In delectu librorum, qui quolibet anno legendi sint, hæc ferè videntur seruanda. Primo abstineatur à repetitionibus earundem rerum: quare si duo aliqui libri communem sortiantur materiam, dum vnus exponitur, inseratur quicquid proprij habet alter, ita vt ex vtroque tota materies integretur, & vno exposito alterum seorsim interpretari nõ sit necesse. Hoc modo se habet Deuteronomiũ ad tres proximos alios libros Moysi: Paralipomenon ad libros Regum: & quatuor Euangelia inter se, quæ sic videntur exponenda, vt ex ijs Monoteffaron conficiatur. Secundo Nouum, & Vetus Testamentum alternis annis enarrentur. Tercio non tam frequenter recurrendũ videtur, ad eundem librum interpretandum, nisi explicata prius maiore fortassis parte librorum præcipuorum: Nam iste recursus frequens nullam affert vtilitatem: cum enim libri omnes non possint ijsdem auditoribus explicari, oportet eos semper carere præcipuis aliquot libris, & fructum, quem ex quibusdam non capiunt, capere possunt ex alijs: contra vero crebra eorundem librorum iteratio facit, vt paucorum librorum habeatur notitia, & in ijsdem semper consenescamus. Quod si subinde alij, & alij variarentur, intra paucos annos præcipuæ scripturarum difficultates explicarentur, & per scriptorum communicationem plures reperirentur, qui Scripturam possent interpretari, & habita iam*  
*ferè*

ferè omnium præcipuorum locorum notitia ;  
certius , & accuratius in singulis expo-  
nendis versaremur . Hactenus de  
scripturis : nunc ad Scho-  
lasticam Theolo-  
giam .

DE

79

D E T E M P O R E, Q V O  
Scholasticæ Theologiæ curriculum  
perficiendum sit.

C A P. I.



**P**rimum quidem non pauca sunt, quæ non minus quinquennio Theologiam totam explicandâ esse declarant. Nam primo quadriennij breuitas obest magnis progressibus nostrorum Scholarium, ut excellentes nunquam vel raro eundant: experientia enim docet nunquã exacte potuisse quadriennio perlegi Theologiam totam, imo neque primarias quæstiones.

2 Quia in aliquot Academijs magnam sibi Nostri auctoritatem compararunt accurata, & quinquennali Theologiæ pertractatione, ita ut Episcopi, Inquisitores, aliique multum nobis deferant, & nostris acquiescant sententijs, cum aliquid dubij occurit: ruet hæc existimatio, nisi iisdem vijs, quibus parta fuit, conseruetur.

3 Constitutiones aperte desiderât, ut Nostri excellent in Theologia; sed si quadriennium præscribunt, id factum fuit ex eo, quod tunc nondum cæptum fuerat tam sedulo in Casus conscientia, & in Controuersias incumbi, quæ cum postmodum accesserint, plus exigunt temporis.

4 Omnium iam Academicarum obtinuit vsus, ut

F quin-



quinquennium Theologiæ impendatur: magnum sane præiudicium de nimia breuitate quadriennij.

5 Multæ Theologiæ partes nondum perfectæ sunt, nec eas perficiendi spes reliqua fiet, si circumscripto quadriennio non tam curandum sit, ut aliquid addatur, quam ut multa rescantur, imo opinionones, quas nunc passim dānamus, possent aliquando iure quodam suo reuiuiscere, tanquam nondum plene examinatæ; & vix poterimus esse parati, ut oportet, ad satisfactionem omni poscenti nos de ea, quæ in nobis est, spe, & fide.

6 Egregios Scholastici nostri optant facere progressus in studijs, ne vincantur in oppositionibus; per quas nunc beneficia consequi debent, cum præsertim nostri Theologi in ijs concursibus frequenter confligāt cum Casistis, & Canonistis: quorum facultates si a nobis leuiter attingantur (quod & oportet, ut vacetur grauioribus) vilescet Theologia, cū prælati præferant versatos in Casibus, & sacris canonibus tanquam suo gregi vtiliores. Neque vero sperandum est, ut quam in scholis excellentiam in Casibus alijsque id genus adepti non sunt, priuatis studijs adipiscantur. Id enim indiget longo tempore, copia librorū, præstantia ingeniorum, alijsq; , quæ omnium esse non possunt.

7 Nostri præceptores fient doctiores, si plus eis temporis tribuatur ad quæstiones excutiēdas: & satisficient magis Scholaribus, qui si nonnunquam contemnunt sui magistri commentarios tanquam fuitiles, quid externi facient minus affecti bene.

Vale-

8 *Valetudo tandem Præceptorum periclitabitur, si laborem in quinque annos commode diuidendum, totum exantlare cogantur quadriennio, cum præsertim ad laborem tam multa, quæ sparsa sunt, colligendi, accedat & onus refecandi, quæ minus vtilia sunt, in quo delectu & tempore, & acri iudicio opus est: nec libenter intra horam effunditur, quod multis diebus, & vigilijs collectum est.*

*His non obstantibus videtur sufficere quadriennium. Primo quia Constitutiones huc inclinant. Nam in 4. Parte Cap. 15. Theologiæ, inquit, curriculum sex annis emetietur. In primis quatuor ea omnia, quæ legi oportebit, prælegentur.] Quibus verbis non solum præscribitur quadriennium auditoribus ad audiendum, sed etiam Professoribus ad legendum, & quidem omnia, quæ prælegenda sunt. & infra. Quarto quoque anno ordinariæ cursus inchoabitur, sic libris prælegendis distributis, ut quolibet quatuor annorum quivis studiosus inchoare possit, & quod reliquum est incæpti quadriennij, & eius quod sequitur quadriennij usque ad illum terminum, unde incæperat, audiendo, quatuor annis peragere omnino cursum Theologiæ possit.] At non rediret auditor post quadriennium ad terminum, unde incæperat, si adhuc intermediæ superessent materiæ quinti anni. Neque obstat, quod in Declaratione dicitur. D, Si talis esset rerum status in aliquo Collegio, vel universitate Societatis, ut secundo quoque anno inchoare melius videretur, vel aliquanto post quartum, de consen-*

su Generalis, vel Prouincialis fieri poterit, quod magis conuenire experimento comperietur.] Non obstat, inquam, tum quia aliud est, generalem legem condere, l u d cum aliquo Collegio dispensare de qua dispensatione loquuntur Constitutiones: tū quia dicunt: Aliquanto post quartum annum ] Quod ex proprietate verborum paucos significat menses, non annum integrum.

2 Quia vsus Collegij Romani vlira vigintiocto annos satis docuit quatuor annos sufficere etiam ad doctrinæ excellentiam comparandam nostris auditoribus, si ingenio non careant, quales multi ex Collegio Romano per hos annos prodire.

3 Si quintus annus conceditur, paulo post petent & sextum: sunt enim præceptores in suis inuentis amplificandis naturaliter profusi, & ampliato tempore in multis, plusquam oportet, volent morari, congestis vndique materijs ad suas quæstiones locupletandas. Quare iretur in infinitum: argumento est Eboren. Collegium, contentum aliquando quadriennio, & duobus Scholasticis Doctoribus: deinde ad ampliorem splendorem additus est tertius Doctor Scholasticus: tū extendi cœpit Theologiæ curriculum in partem quinti anni; nunc integrum petunt annum quintum.

4 Si in quinquënium Theologia extrahatur vel toto eo tempore audient nostri, vel non. Si audient, nihil incommodius Societati, tum propter iacturā magnam valetudinis, quæ vix sufficit quadriënio, præsertim Transalpinis in Italia degentibus: tum

pro-

propter longum tedium eorum etiam qui bene valent, tum quia ob penuriam operariorum vix quatuor annos habere possunt: nec habere poterunt crescente quotidie numero Collegiorum, & multis iam senescentibus, tum quia est præter usum omnium Academiarum excepta sola fortasse Conbricensi. Sin quatuor tantum annis audiant studiosi, Præceptores vero Theologicas quæstiones partiantur in quinque annos, frequenter accidet privari auditores primarijs aliquot materijs, quas per se non sine magno labore, copia librorum, & otio possunt consequi, etiam egregio qui sint ingenio, nisi priuatim rescribere velint, quæ alij audiendo exceperunt: id quod multo laboriosius est, quàm audire in scholis. Huc accedit, paucis exceptis, qui designantur ad magisterium Theologiæ, vel Philosophiæ, cæteros solere à superioribus statim post quatuor annos occupari vel in concionibus, vel in confessionibus, vel in scholis inferioribus, vel in administrationibus locorum Societatis, ita ut si quas materias non audierunt, nulla reliqua sit spes illis studendi seorsim.

5 Multo satius est inire modum legendi bonum quam tempus extendere. Hoc enim, & nocet valde, nec semper fieri potest. Illud vero & per se expetendum est, & si adhibeatur, nulla temporis pro rogatione indigebimus, circuncisis his, quæ, vel in utilia, vel minus necessaria sunt, ut infra præscribitur.

6 Iisdem de causis nec necessariū est addere ter



tium Doctorem Scholasticum, tum quia nimium onerarentur Collegia, tum quia opprimerentur scholares tot lectionibus, tum quia in auditorum exercitationibus in tres doctores diuidendis magna esset confusio, tum quia aliquando neque tertio essent contenti, sed peterent etiam quartum, quo liberius possent singuli suas materias locupletare, tum quia non tam multi suppetunt ubique doctores egregij, quales oportet esse Theologiæ Professores, tum quia addendi essent plures discipuli, qui possent subinde succedere præceptoribus, eorum aucto numero, tum quia remedia, quibus quinti anni necessitas tollitur, tollunt & indigentiam tertij doctoris.

Tamen si hæ rationes tanti ponderis esse non videantur, ut nusquam tres Scholasticæ Theologiæ Professores tolerandi sint: Quinimmo concedi possent tum ubi primæ foundationis ratio tres exigit: tum ubi nulla est lectio Casuum, & ægre potest introduci: tum generaliter ubicunque Collegij prouentus ferre possunt eiusmodi sumptum, nec deest copia Professorum, & auditorum tam numerus, quam valetudo tot lectionibus impar non est. Hæc quibuscunque Collegijs præsto fuerint, satius est tres esse Professores: quia leuatur Professorum labor diuisus in plures, nec quilibet cogitur multa assiduo studio colligere, ex quibus pauca proferat in publicum: id quod valde laboriosum est, & questionibus maturius examinandis incommodum: Adde, quod cum publice docendo doctores egre-



gi fieri soleant, quo plures docent, pluribus abundamus egregijs doctōribus. Quocirca nonnullæ Religiosorum familiæ, quo sibi numerosiores Doctōrum copiam comparent, plurimos varijs in locis conantur habere Professores, cum pro auditorum numero pauci satis essent: Apud nos contra, quo Theologia ad pauciores cōtrahitur Professores, eo minus eorum numerus propagatur, & qui nunc docent, tanta studiorum contentione citius conficiuntur. Auditores etiam & minus intelligunt, & magis defatigantur audiendo, scribendoque duabus horis properanter, quam tribus paulatim: Conscientiæ quoque casus tunc a theologiæ Professore condiscerent, & quidem magis libenter, & accurate.

Quibus positis facile respondetur ad rationes contrariæ opinionis de quinquennio.

Ad primā: patebit ex remedijs infra tradendis.

Ad secundam: sufficit tuendæ auctoritati nostrorū primo accurata tractatio præcipuarū quæstionum iuxta illud, ex vngue leonem: siquidem in cæteris breuitas videbitur studiose quæsitæ propter angustias temporis: secundo prudentia in discernendis, quæ breuius, quæ vberius tractanda sint: tertio vicissitudo amplificandi in alio quadriennio, quæ in superiore decursa fuerant.

Ad tertiam: Constitutiones scriptæ sunt post multas hæreses nostri temporis: quare & Pater Olavius viuentē P. Ignatio tractabat Controuersias: quarum cognitio necessaria scholastico si non

posset quadriennio comparari, id significaretur in Constitutionibus: erat & tunc frequens usus Casuum conscientiae: iubemur tamen absolvere Theologiam quadriennio, & experti sumus id fuisse satis pluribus ad excellentiam doctrinae: consistit ea namque potius in accurato examine praecipuarum rerum, quam in effusione quadam complectente omnia.

*Ad quartam:* varius est usus Academicarum, constat enim in quibusdam rem totam confici quadriennio: sed quicquid sit de alijs, nostrarum certe & externarum scholarum dispar est ratio, propter quam non minus profici potest in nostris quadriennio, quam in externis quinquennio, tum quia nostri Professores sunt fere laboriosiores: tum quia habemus frequentiores exercitationes, tum quia nostra Societas cum multis egeat operarijs, necessariam sibi poscit scientiae perfectionem non otiosam illam externorum, qui de hac re cum solliciti non sint, quo minus laborent, in plures diuidunt lectiones, quod in pauciores poterat contrahi, tum quia externorum vacationes sunt ferè diuturniores, aut crebriores.

*Ad quintam:* omnibus amplificandis, ne quinquennium quidem satis esset. Item quæ uno quadriennio non possumus, locupletemus in altero.

*Ad sextam:* omnia fere Collegia, in quibus Theologiam profitemur vel habent tres Scholasticos praecipuos, quorum tertius implet egregie vicem quinti anni, vel duos Scholasticos, & unum

*Casistam, aut etiam duos, ex quibus peti possunt  
morales materiæ pro concursibus. Imo si Casistam  
non audiant, sed quadriennalem Scholasticam cum  
præcipuis fundamentis moralium, melius se gerent  
in concursibus, quam Canonistæ, quia disputatio,  
quæ fit in concursibus, ferè potius est de generali-  
bus principijs moralium, quam de Casibus particu-  
laribus. Adde quod istos nec haberent in quin-  
quennio semper, cum ipsi audiant quadriennio: Et  
si volunt quintum annum addere, possunt ea audire  
vel transcribere ex Casista.*

*Ad septimam: accurata tractatione præcipuo-  
rum, faciliorem autem alternatione per quadri-  
ennia satisfiet utrisque.*

*Ad octauam: valetudini satis consulatur; si do-  
cti elegantur; si tempestivè moneantur; si alijs non  
graudentur occupationibus; si quædam relin-*

*quant, ut casus particulares, ut ple-*

*nam tractationem Controuer-*

*sarum, ut principia mo-*

*ralia propria li-*

*bris Ethico-*

*rum:*

*horum enim lectio insti-*

*tuenda est, ut*

*infra dice-*

*mus.*

Q V I B V S A D I V V A N D I  
remedijs duo Professores, vt Theolo-  
giam emetiantur quadriennio.

Cap. II.



Ecognouimus omnes S. Thomæ  
Quæstiones, & Articulos, vt per  
spiceremus tum quæ prætermitti,  
quæ explicari debeant materiæ:  
tum quæ quibus locis exponendæ  
sint, ne bis intra idem quadrienniū  
tractentur: tum quæ accurate, quæ mediocriter,  
quæ breuiter essent edisserendæ. Tandem notatis  
quibusdā quæstionibus, quæ præteriri possent: alijs,  
quæ plenius explanandæ sint, alijs quæ in pauca cō  
trahendæ, visum est commode posse Theologiæ cur  
riculum distribui hoc fere modo, vt ex duobus Pro  
fessoribus explicet vnus primam S. Thomæ Partē,  
& <sup>primam</sup> Secundam Secundæ, & dimidium Secunda Se-  
cundæ quadriennio: Alter reliquum Secundæ Se-  
cundæ, & Tertiam partem. Neque enim prima  
Pars exigit minus, quam sesquiannum; & tantun-  
dem Prima Secundæ: neque minus postulat aut  
Secunda Secunda, quam biennium, aut tertia Pars,  
quam triennium.

2 Expedit verò non solum in genere constituere  
vt quilibet Professor suas partes intra quatuor an  
nos perficiat, sed etiam singulis annis suos præfige-



re terminos, tum ne si suas partes prælegat citius, quam oportet, ante finem quadriennij necesse sit redire ad initium Theologiæ, vel post finem quadriennij aliquas reijcere quæstiones, si tardius progrediatur: tum quia si liberum esset metiri, quomodo velint, annum quemlibet, dūmodo suas partes quadriennio peragant, cum quilibet annus sit quibusdā auditoribus quartus, & ultimus, aliqua nonnullos materia defraudari sæpe contingeret: tum quia concessa hac libertate non liceret Præfecto, seu Rectori tardio rem aliquem Professore m vrgere ad progrediendum: responderet enim se iam satis diligenter inijisse suas rationes, vt quadriennio suum pensum persoluat: qua in re non solum alios, sed etiam seipsum falleret sæpenumero. Termini itaque singulorum annorum videntur statuendi.

3 Hi verò termini sic videntur definiēdi, vt prior Professor primo anno 43. Quæstiones 1. Par. explicet. Secundo materiam de Angelis, & 21. Quæstiones 1. 2. Tertio a Quæstione 55. vel à Quæstione 71. ad finem 1. 2. Quarto de Fide, Spe, & Charitate cum controuersijs de Scripturis, de Traditionibus, de Concilijs, de Ecclesia, de Pontifice Romano. Alter verò Professor primo anno exponat de Iustitia & Iure (exceptis contractibus, qui discendi sunt à Casuum Professore) & præcipua quædā de Religione, vt de Voto, de Iuramēto, de Simonia. Secundo de Incarnatione, & si potest, percurrat etiam Sacramenta Confirmationis, Ordinis, Extremæ vnctionis. Terrio de Sacramentis in genere,

de Baptismo, & Eucharistia. Quarto de Pœnitentia, & Matrimonio, exceptis Impedimentis eiusdē Matrimonij, & Censuris Ecclesiasticis, quæ (sicut inferius explicabitur) audient Theologi à lectore Casuum, quia ijs nisi materijs exonerentur Theologi Professores, grauiora Theologiæ capita festinanter & cursim deuorare cogentur, vt neque subtilitatibus speculationum, neque moralibus institutionibus faciant satis, sicut apparet ex valde ieiunis commentarijs eorum, qui cum vtrasque partes explere, ac præstare se posse pollicerentur, quæstionum momenta indicare potius, quam expendere voluisse visi sunt. Auditoribus vero Theologiæ satius est hæc Moralia, quæ in Theologiæ curriculo nequeunt audire, à Professore Casuum discere, quod cum dignitate, & fructu non modico in Collegio Romano olim factitatum est, quàm ea vel ignorare, vel sero tandem suopte ingenio & labore velle consequi, cum id & operosum valde sit, & à paucis fiat, aut fieri possit, & inter ea accidant pleræque res, quæ sine harum rerum scientia nec tuto, nec commodè transiguntur: cum præsertim euenire posset, vt aliquando non desint, qui Theologiæ studia sibi satis esse arbitrentur, vt quorumlibet audiant confessiones; & cum interrogantur, de conscientia peccatisque respondeant.

4 Vbi vero tres fuerint Professores, Theologiam sibi partiatur hoc modo. Professor primus anno primo enarret 26. Q. 1. Par. 2. reliquas, quas poterit, 3 quicquid poterit ex 1. 2. æte Q. 81. 4 reliquũ. 1. 2.

Secur-

Secundus lector quadriennio Secundam Secundæ explicet. Et primo quidem anno declaret contro-  
uersias de Scriptura, de Ecclesia, de Concilio, de  
Papa. Secundo anno Fidem, Spem, Charitatem.  
Tertio anno de Iustitia, & Iure, de Restitutione,  
de Usura, de Contractibus, quantum potest disse-  
rat. Quarto persequatur, si qui contractus superfue-  
rant, & addat quæ de Religione & Statibus dispu-  
tat. S. Thomas. Tertius lector quadriennio Tertiam  
Partem exponat, ita ut tres annos diuidat iuxta  
rationem materierum, & terminorum, de quibus  
supradictum est: vnum vero annum censuris Eccle-  
siasticis impendat, prorsus ut tres illic lectores præ-  
stent, quod alibi fit per duos Scholasticos Professo-  
res, & vnum Casistā, quem propterea illic à Theo-  
logis audiri non oportebit.

5 Si quando S. Thomas eādem difficultatem par-  
titur in plures articulos, eosque distrabit in distan-  
tes quæstiones, ne idem bis repetatur, licebit Præ-  
ceptorī coniungere in vnū, quæ ad eandem difficul-  
tatē spectant ex multis articulis, ut vna integretur  
quæstio, & semel res tota sub oculos ponatur au-  
ditoribus. Qui vero nolet ea coniungere, caueat, ne  
idem duobus repetat locis.

6 Quæ propria sunt Logicorum, Physicorum,  
Metaphysicorum supponantur, ut alibi tractata;  
& siquid ex ijs necessarium proprio subiecto Theo-  
logiæ fuerit, potius recitetur, quàm disputetur.

7 In pertractandis Controuersijs, quæ in quali-  
bet S. Thomæ Parte occurrerint, seruet Scholasti-

cus Scholasticam potius, quam Historicam rationē: & satis esse putet quamlibet cōclusionem duobus, aut tribus illustribus fundamentis munire: diluere etiam totidem ferè præcipuas hæreticorum calumnias: indicet tamen in singulis autorem quempiam, in quo cætera plenius legi possent: quod erit deinceps facilius, editis Patris Bellarminij libris: sic enim & Thologia adaptabitur nostris temporibus magna ex parte, ut sciat auditor, si quando oporteret, cum hæreticis disputare quadamtenus, & Scholastica subtilitas non impedietur valde. Transalpini vero, quod de ipsis alibi definitur, obseruent.

8. Intelligat Professor non omnes eadem diligentia quæstiones esse tractandas: sunt enim earū tres ferè gradus, & ordines. In primo primaria quedā sunt, quæ plena, & accurata indigent explicatione. In secundo modiocres: in quibus satis erit duas ferè præcipuas referre opiniones, & quamlibet conclusionem paucioribus argumentis probare, soluere vero totidem contraria. In tertio faciliores, seu leuiore. In quibus S. Thomæ mēs explicanda semper est: sed aliquando addenda sunt præterea vnū aut alterum ex dubijs literalibus, si sint; vel quæstiūcula, in qua non explicetur, nisi opinio ferè vna probatissima: conclusionibus annectantur vna vel altera ratio, & totidem soluantur obiectiones: aliquando sufficit explicare mentem S. Tho. per suas conclusiones. Aliquando proposito titulo Articuli, dicatur tantum, Respondet S. Tho. negative, vel affirmatiue.



9 Ex quæstionibus, quæ sunt ex eo numero, ut  
 non nisi mediocriter, seu breuiter exponi debeant,  
 expedit quæ in vno quadriennio breuius tractantur,  
 in alio tractari paulo plenius per aliū præceptorē:  
 de quo monendi essent principio quadriennij à Præ  
 fecto studiorū, cuius erit obseruare, quæ superiore  
 quadriennio perstricta, quæ amplificata fuerint, ut  
 præscribere possit, quid sequenti quadriennio dila  
 tandum, quid contrahendum sit: proderit enim esse  
 in Ecclesia, & in Societate omnes materias  
 luculenter tractatas, ut si quando ali  
 cuius vsus accadat, in promptu  
 sit, quo recurratur: & qui  
 aliquas breuius au  
 dierunt, si cu  
 piant  
 eas habere plenius explica  
 tas, habeant,  
 vnde pe  
 tant.

# DE RATIONE, AC modo prælegendi.

## C A P. III.



Requentem S. Thomæ lectionem Auditoribus suis Professores cōmendent, & ipsi præeant exemplo, nec in accumulandis quæstionibus suis ita sint profusi, ut S. Thomæ exponendo vix locus aliquis reliquus fiat. Dubitandum est enim, ne paulatim excidat nobis è manibus S. Thomas, cuius doctrinam tanti facit Ecclesia, quamque nostræ Constitutiones ~~sequendum~~ præscribunt, cum S. Thomas probè intellectus præbeat fundamēta ad tuendas omnes Catholicas veritates: quare parui faciendæ non sunt illius distinctiones, & rationes: sed explicandæ, & aliunde muniendæ, cum alijs in locis se ipsum explicet. Itaque principio tanquam fundamenti loco S. Thomæ Articulus interpretandus est hoc ferè modo. Titulus articuli primum continuetur atque explicetur, siquid habet obscuri: tū distinctio si qua est, ex cuius membris conclusiones S. Thomæ pendent: mox conclusio primariæ S. Thomæ: dehinc aliæ ut appēdices ponantur, quarum singulis, nisi perspicuæ sint, annectatur aliqua ratio S. Thomæ: veruntamen non nisi nudas conclusiones scribant auditores continuationis gratia, vel etiam aliud quid, si obscurum sit: siquid etiam indicari,

*legendam*

dicari ex libro operæpretium sit, quia nequit erui à discipulis, id indicetur. Dehinc dubia litteralia edisserantur: tum quæstio si qua mouenda sit.

2 In quæstionibus pertractandis non adducantur opiniones obsoletæ, absurdæ, inutiles, perspicuè falsæ. Conclusiones vero non probentur, nisi præcipuis quibusdam argumentis. Non coaceruentur obiectiones, nisi potissimæ: nec vnus cumulentur frustra solutiones. Aliquando etiam ex iactis fundamentis patere facile potest solutio; quare seorsim soluendæ non sunt: sed si ex fundamentis solui nequeunt, soluendæ sunt, aut non proponendæ. Denique nimij non sint Professores in ipsis auctorum verbis recitandis, cum sententia satis sit, nisi aliud res postulet: satius vero esse credât pauca Doctorum testimonia proferre fideliter, quam multa, quorum ipsos fontes attente non explorauerint.

3 Regulariter non fiant tractatus, sed seruetur ordo S. Thomæ, nisi cum vel illius ordo obscurior, distractiorve est: vel cum materia aliqua in compendium videtur redigenda; vel cum addendum est. S. Thomæ, vt de Ecclesia, de Papa &c. Dummodo in ijs singulis prius. S. Thomæ mens (quatenus haberi potest) exponatur, vt sit potius ordinata quædam. S. Thomæ explicatio.

4 Nusquā dictetur, nisi explicatione omnium ferè, quæ dictantur vel præposita, vel interposita, vel postposita: nec introducatur mos dictandi, vbi non est. Vbi vero est, conandum est, vt tollatur,

quoad eius fieri poterit multis de causis: & primo sanè, quia repugnare videtur Constitutionibus: nā 4. Par. C. 6. Litera I. Videant Superiores, inquiūt, num conueniat, Scholasticos classium inferiorum libros papyraceos habere, vt scribant in eis lectiones: & inter lineas, & ad marginem, quod oportebit, annotent: prouectiores in humanioribus litteris, & alijs facultatibus chartam secum ferent ad ea, quæ audierint, vel eis occurrerint notatu digna annotanda, ac postea maiori cum ordine digesta transferent in libros papyraceos, quæ in posterum conseruata velint.] Non iudicant itaque Constitutiones tempus, quod in audiendo ponitur in Scholis, opportunum esse plene & ordinate excipiendis ijs, qua dictat præceptor: id enim postea faciendum esse significant: in scholis vero scribendum esse quo memoriæ defectui consulatur, vt expresse ibidem dicitur in textu.

Itē §. 16. Absoluto inquiūt studio ad eius repetitionē, qui destinatur, poterit ex ijs, quæ ad eā facultatem pertinet, si eidem Rectori visum fuerit, in scripta breuius, distinctius, & accuratius redigere ea, quæ prius in lectionum decursu scripserat, cum minori doctrina præditus erat] Indicant igitur suo ea iudicio, & delectu scripsisse, non excepisse dictata.

Ibidem Litera O. Huiusmodi scripta fieri non debent, nisi ab ijs, qui maiori doctrina, & clariore ingenio, & iudicio pollent, & reliqui horum labore frui poterunt.] Potius dictatis à Præceptore,

si hæc



si hæc dictanda essent, frui deberent. Item Conueniret etiam à magistro ea approbari ] At si dictauit, quæ approbatio maior expetenda est?

Infra, Alij annotationibus præceptoris iuuari possunt. ] Non igitur id commune futurum est, sed quibusdam, neque de ijs dicitur posse iuuari dictatis, sed annotationibus præceptoris, quas nempe præceptor traderet domi transcribendas.

2 Hic mos dictandi inauditus fuit antiquis ante. 40. annos ferè: nec tamen minus docti tunc auditores, quam modo.

3 Conceptio communis est dictare non esse legere: aliud item esse scribere ad poliēdū cōmentariū, aliud solum ad memoriæ consulendum per breuia capita, & allegationes; & si quando autoris ea sunt, qui habeatur in manibus, superuacaneam esse scribendi operam.

4 Viua vox magis afficit, exprimit, imprimit, excitat, suspendit attentionem, explicat: quæ omnia languent in emortua dictatione: neque faciūt satis qui postea addunt explicationem: nā vtrunq; tempus videtur amissum. Dum enim dictatur, intenti sunt potius scribendo, quam intelligendo, cum præsertim antequam sententia aliqua integretur, principij fere subeat obliuio: scribatur etiam sine respiratione vlla, quæ legente, & explicante præceptore frequens esse potest. Dum vero postea fit explicatio, partim quia defessi sunt, partim quia putant se habere iam doctrinam in papyro, vel abeunt, vel oscitant, vel relegunt scripta ad vi-

dendum, si quid desit.

5 Præceptor postquam dictavit, satisfecisse putat muneri suo; explicationem breviter deglutit tamquam rem laboriosam, egentem memoria, promptitudine, facilitate explicandi, orationis copia, quare paulatim evanescet in nihilum, ut in quibusdam fit iam *Academijs*.

6 Plus temporis perditur: nam cum dictata explicat Professor, cogitur etiam clariora repetere, ut continuet rerum suarum contextum: quod legenti non est necessarium, sed hæc statim præteruolat. Adde, quod cum quisque studeat res suas polite dictare, multis non necessarijs onerantur scribes.

7 Quia dictatio cum exigit tres quadrantes, duos explicatio, addendum est tempori, quo præceptores sint in scholis, siue legendo, siue assistendo repetentibus, & confunditur ordo scholarum, confusis lectionum signis.

8 Quantum tædij non scribentibus, præsertim etiam Prælatis aliquando, & illustribus viris? Nunquid monendi sunt, ut non adsint, dum dictatur, sed cum postea explicabitur? ergo per dimidiam horam tantum intererunt: & pauca videbuntur esse: & audient assuetum languidæ dictationi, & scriptis fidentem, minusque in explicando exercitatum.

9 Assuescendi sunt auditores, ut suas faciant res, quas audiunt, & suo iudicio, ac delectu scribant: sic intelligent melius, & magis excitabuntur.

Siquis

10 Siquis error inter legendum excidat Professo-  
ri, si non penitus, at facilius dissimulari posset, ubi  
non dictatur.

Num est incommodum, quod discipuli non vi-  
dentur posse rectè scribere, si non dictetur, siue ob  
legentis celeritatem nimiam, siue quia ex multis,  
quæ in explicando dicit præceptor, nesciunt neces-  
saria seligere, & dum aliæ, & aliæ phrasés addun-  
tur, perturbantur; scribunt incomposite, inepte,  
& aliquando cum erroribus. Sed responderi po-  
test in posterum esse lecturos vel eos, qui nunc pri-  
mum incipiunt prælegere, vel assuetos iam diu in  
dictando. Si nunc primum, prius exerceantur pri-  
uatim, donec eam ineant prælegendi rationem, ut  
pars maxima possit breuiter annotare necessaria,  
quæ non habeantur in uulgatis, & in promptu po-  
sitis autoribus, hæc enim scribenda fere non sunt,  
sed notanda loca. Pars maxima dixi ] non enim  
propter paucissimos tardiores, incommodandum  
est toti Scholæ: scribant, quæ possunt: quæ nequeunt  
pro ijs relinquunt spatia quædam vacua, mox com-  
plenda priuatim aliorum auxilio.

Hæc autem prælegendi ratio posset esse eius-  
modi ferè. Primum tota propositio aliqua vno  
ferè spiritu pronuntietur, non verbatim interpo-  
sita mora; eadem totidem verbis repetatur, quod  
erit signum eam scribendam esse, & eo tono, &  
mora pronuntiationis præsertim in obscuris, &  
lubricis, ut paulatim assuescant auditores modo  
præceptoris, & discant distinguere scribenda &

non scribendis. Dum vero ea propositio scribitur, præceptor interim se detineat vel explicando eam pluribus clarioribusue phrasibus, vel offerendo exemplum seu similitudinem, vel exaggerando rem, vel eandem consequentiam alio ordine texendo, ut clarior appareat: vel subnectendo ratiunculam non necessariam scribentibus, immo si fert professor sua scripta in Scholam, posset in eis habere selectas quasdam phrasas breviores, licet non obscuras, quibus comprehendat paucis scribendas propositiones: longioribus enim non utendum, nisi in explicatione. Hæc ratio si ineatur, ferè omnes scribent necessaria, & si qua minus recte, id animaduertent in repetitione, si velint attendere, & qui ea scripta legerit, laudabit, ut scripta memoriæ gratiæ; nec otiosum desiderabit commentarium.

Qui vero longæ assueverunt dictationi, tentent hanc prælegendi rationem, quam si desperant, nec sunt qui in locum ipsorum sufficiantur, pergant, donec sit aliorum copia. Id quod etiam concedi posset, ubi Nostri sæpius tentarunt desistere à dictando, & discipuli diffugere. Tamet si minus diffugerent, & minus quererentur, si omnes ad prælegendum egregie incumberent, amota dictatione, nam si unus dictat, & alit pigritiam delictorum, alter non, quis dubitat futuras gratiores delicias, quam labores, & spinas? Imo dictatione fiunt quotidie pigriores, ut plus semper temporis exigant: vicissim sine dictatione fiunt quotidie



*tidie celeriores, ut minus temporis opus sit.*

*Sicubi dictandum fuerit, tribus horæ quadrantibus dictetur: duobus autem explicetur.*

*Sin post dictationem exeunt auditores, nec retineri possunt, interponatur explicatio. Vbi*

*vero non dictatur,*

*per horā præ-*

*legatur.*

**CATALOGVS QVAESTIONVM,**  
 quæ à Theologo tractandæ non sunt: vel  
 si tractantur, nõ tractandæ, nisi cer-  
 to quodam loco, nec in alio  
 repetendæ.

**C A P. II II.**



*E*rit huius Catalogi multiplex  
 vsus. Vnus quidem, vt rescec-  
 tur à Theologia quæstiones ali-  
 quæ, quæ ad Theologum non spe-  
 ctant; id quod erit ad breuitatē,  
 & ad tuendam Theologi dignita-  
 tem consultissimum. Alter, vt quæ edisserendæ  
 sunt à Theologo, pluribus locis in eodem quadri-  
 enio non repetantur, licet earum mentio & oppor-  
 tunitas sæpius occurrat in S. Thoma. Eiusmodi  
 namque repetitio & tempus deuorat rebus alijs  
 destinatum, & si à diuersis fiat Professoribus, eos  
 ad dissensionem inuitat. Postremus, ne pro arbi-  
 tratu de loco ad locum quæstiones transponantur:  
 tum quia licet nonnullæ multis conueniant locis,  
 vni tamen potissimum: tum quia cauendum est, ne  
 hac transpositione concessa, Professor vnus in alte-  
 rius inuadat tanquā segetem & agrum: tum quia  
 quamuis ea loca, ad quæ transferri posset vna ali-  
 qua quæstio, ad eundem pertineat Professore, non  
 tamen semper ad eundem eius annum. Quod si li-  
 ceat Professori suas quæstiones de anno in annum

reijcere, accideret non raro, eos auditores, qui ad sequentem annum peruenturi non sunt, dilatis quaestionibus defraudari. Itaque quid quoque anno tractandum sit unicuique, certum esse oportet. His vero quaestionibus, quæ ad eundem et Professorē, & annum spectant, licet in Catalogo proprius indicetur locus, non ita seuerè tamen, ut intra eum annum transponi nequeant, si videbitur Professori. Tandem quoscunque S. Thomæ Articulos, Quaestiones, materias præcidendas, aut ad Scripturæ lectorem reijciendas esse demonstrat Catalogus, plenas tantum earum prohibet explicationes, non breuiorem aliquam, si velit Professor, & vacet.

### Ex Prima Parte S. Thomæ.

Non videtur disputandum hic de S. Thomæ solutione ad secundum, quia Philosophica est, sicut & quaestio de Potentia neutra. Vtrum insit homini naturalis appetitus ad claram Dei visionem, differatur in 1. 2. Quaestio item de necessitate doctrinæ reuelatæ remittatur ad 2. 2. ubi agitur de necessitate Fidei. Q. 1. Ar. 1.

Quæ pertinent ad naturam scientiæ, & ad subalternationem scientiarum, non disputentur hic, sed supponantur ex Logica. Ar. 2.

Non tractetur hic de rationibus formalibus obiectorum scibilium: neque an scientia sit vnus simplex habitus, & qualitas in genere: hæc enim Philosophorum sunt: sed his suppositis sufficit quæ-  
re,

re, an Theologia ex aliqua ratione peculiari sit vnus habitus, & vna simplex qualitas.

Ar. 4. Non disputentur, sed supponantur, quæ dici solent de speculatiuo, & practico, vt sunt differentie scientiarum.

Ar. 5. Non tractetur, quid sit certitudo assensus, quid firmitas, quid veritas, quid euidencia, & quotuplex, sunt enim Logicorum.

Ar. 8. Vtrum Theologus possit euidenter & suas conclusiones probare, & diluere aduersariorum argumenta, non hic tractetur, sed in 2. 2.

Ar. 9. An decuerit Scripturam abundare metaphoris, & parabolis, & an Sacre literæ apertæ, & clare sint, relinquuntur lectori Scripturæ, & Controversiarum, sicut etiã tractatus de sensibus Scripturæ.

Q. 2. Non explicetur, sed ex Logica supponatur quid, & quotuplex sit propositio per se nota, & immediata: nec rationes S. Thomæ, quibus demonstrat Deum esse, confutentur, sed potius corroborentur.

Q. 3. Ar. 1. An aliquod corpus moueat immotum, & an viuens nobilius sit non viuento, & an Aristoteles rectè probauerit Deum esse incorporeum, relinquatur Philosophis.

Ar. 2. Nihil hic de principio indiuiduationis.

Ar. 3. Non tractetur de distinctiõe suppositi, & naturæ, pertinet enim ad 3. Partem.

Quomodo distinguantur in creaturis esse, & essentia, relinquatur Metaphysico.

Ar. 4. In Quæstione; an Deus sit in prædicamento, rescindantur quæ sunt propria Logicorum. Quæstio

verò



vero an Angeli, & Cœli sint in Prædicamento,  
tota Logico relinquatur.

An simplicitati diuinæ repugnet personarū, & Ar. 7.  
relationum pluralitas, non tractetur hic, sed infra  
Q. 28. Ar. 2.

An aliqua perfectio, quæ formaliter sit in Deo, Q. 4. Ar. 1.  
libere ei conueniat, differatur in Q. 19. Art. 2. An  
autem relatio diuina secundum se sit aliqua perfe-  
ctio, remittatur ad materiam de Trinitate.

Prætermittatur, & ex Metaphisica suppona- Q. 5.  
tur, Quid sit bonum.

Quid Aristoteles senserit de Dei infinitate, re- Q. 7. Ar. 1.  
linquatur Philosopho.

An creari possit aliquid infinitum in quantita- Ar. 2. 3. 4.  
te, vel in qualitatibus naturalibus, Philosophi est  
disputare. An autem creabile sit aliquid infinitum  
in genere substantiæ disputetur hic: an autem in  
qualitatibus supernaturalibus, à Theologo differa-  
tur, sed in 2. 2. Q. 24. Art. 7. tantummodo.

De vbiuitate humanitatis Christi nō tractetur Q. 8.  
hic, sed in 3. Parte.

An Angeli, & Cœli sint entia necessaria, & im- Q. 9.  
mutabilia, non est quæstio huius loci.

Tempus discretum pertinet ad hunc locum. Q. 10.

De vno, vt est passio entis, nihil dicat Theolo- Q. 11.  
gus, cum sit metaphisica res.

Non hic agatur de naturali appetitu visionis Q. 12. Ar.  
Dei, sed in 1. 2. 1.

An repugnet in subiecto quanto inherere acci- Ar. 3.  
dens spirituale, vel in subiecto immateriali acci-  
dens

*dens corporale, differatur in materiam de Eucharistia.*

Ar. 6. Tractare de inæqualitate præmiorum, sicut & meritorum pertinet ad 1. 2.

Ar. 8. De cognitione beatifica animæ Christi non disputetur hic, sed in 3. Parte.

Ar. 12. An puro viatori possit communicari evidens notitia abstractiua Articulorum Fidei, non hic disputandum est, sed supra Q. 1. Ar. 1.

Q. 13. Ar. 3. & 4. De distinctione attributorum, & essentiæ nihil hic repetatur, si de ea supra disputatum est Q. 3.

Ar. 5. Non disputetur de Analogia entis, cum spectes ad Metaphysicum.

Ar. 7. Nihil hic dicatur de relationibus in genere, cū id Metaphysicæ speculationis sit.

Ar. 8. 9. 10. 11. 12. Modi, quibus sumitur nomen Dei, & ea, quæ dici solent de nomine Tetragrammato, relinquunt Interpreti Scripturæ.

Q. 16. & 17. Disputatio de vero, & falso Metaphysici negotij est.

Q. 19. Ar. 9. & 12. An Deus sit causa peccati, & an teneamur voluntatem nostram diuinæ conformare, pertinent ad 1. 2.

Q. 22. Non moretur Theologus in explicanda Peripateticorum, aliorumque Philosophorum sententia de providentia Dei.

Q. 23. Ar. 1. Ad quem finem ordinaretur homo, si non esset finis supernaturalis, non disputetur hic, sed in 1. 2.

Ar. 3. Quid agendum sit ei, cui sua damnatio reuelaretur, non tractetur hic, sed in materia de Spe.

De prædestinatione Christi, & quomodo Christus sit causa nostræ prædestinationis, relinquatur 3. Parti. Ar. 5.

Exactior disputatio de libro vitæ pertinet ad Q. 24. Interpretem Scripturæ.

An actio sit in agente ut in subiecto, quæstio Physicorum est, non Theologorum. Q. 25. Ar. 1.

An Deus per se solum possit efficere rem, quæ est peccatum, pertinet ad 1. 2. sicut ad 2. 2. An possit per se, vel per alium dicere falsum. Ar. 6.

Nihil hic de Beatitudine in genere, vel de nostra. Q. 26. fra.

De verbo mentis nihil aliud tractetur, quam an producat ab intellectu nostro, ut terminus actionis, & quomodo ab ea distinguatur: nec fiat longa tractatio de Trinitate probanda ex Scripturis. Q. 27. Ar. 1.

An pili, & capilli in animalibus viuant, relinquatur Philosopho. Ar. 2.

Non disputetur, an amatum sit in amante; neque an notitia concurrat actiue ad actum voluntatis, prius enim ad Philosophiam, posterius ad 1. 2. pertinet. Ar. 3.

Quæcunque Caietanus, vel alij hic disputant de Relationibus in genere, relinquuntur Metaphysico. Q. 28. Ar. 1. & 2.

Quid suppositum addat supra naturam singularem, pertinet ad 3. Partem. Q. 29.

An euidenter dilui possint argumenta contra mysterium Trinitatis, pertinet ad credibilitatem articulorum Fidei, de qua agitur in 2. 2. Q. 1. Ar. 4. Q. 32.

Ar. 4. De varia censura, & qualitate propositionum non disputetur hic, sed in materia de Fide.

Q. 39. Non disputetur hic, quomodo persona diuina distinguatur ab essentia, si Q. 28. tractatum fuit De distinctione relationum, & essentiae.

Q. 43. De visibilibus signis, in quibus apparuit Spiritus Sanctus, commodius disputare potest Interpres Scripturae. An autem illa hypostatice vnita fuerint Spiritui Sancto, pertinet ad 3. Partem.

Item an apparitiones visibiles, quæ in veteri, seu nouo Testamento tribuuntur Deo, fuerint factæ immediate per Deum, an per Angelos, non fuisse tractetur hic, sed in Scripturae interpretatione.

Q. 53. An motus Angelorum possit fieri in instanti, supponit multa Philosophica, quæ hic non tractentur. Id quod etiam seruetur in ijs, quæ disputantur Q. 54. Ar. 1. & 3.

### Ex Prima Secundæ.

Q. 1. Ar. 1. Hic nihil, aut breuissime differendum est De deliberata voluntate, De consensu perfecto, & imperfecto, & quid sit hominem esse dominum suarum actionum: hæc enim locum suum habent inferius. Item nihil hic dicatur de causalitate finis; est enim quæstio Physica.

Ar. 2. An Deus agat propter finem, pertinet ad 1. Partem in materia de voluntate Dei. Item utrum natura agat propter finem, quæstio Philosophica est.



est. Igitur de his nihil hoc loco dicendum videtur.

Cauendum est, ne hic & inferius eadem quaestio disputetur, nempe. Vtrum actus hominis recipiant speciem à fine. Leuiter igitur hic attingatur, & plene differatur inferius. Ar. 3.

Quomodo bonum sit sui diffusiuum, non disputetur hoc loco. Ar. 4.

Vel omittatur, vel compendio exponatur, cum tota in Ethicis Aristotelis contineatur. Q. 2.

An Deus videatur à Beatis visione Dei increata, hic explicetur, non in 1. Parte. Q. 3. Ar. 1.

An habitus sit melior suo actu, non videtur hic explicandum, cum sit Q. Philosophica, & inferius habeat suum locum. Ar. 2.

De perfectione sensuum in corpore glorioso eiusque dotibus, hic & Q. 4. Ar. 6. aliquid dicatur, si vacat, cum ad materiam de nouissimis non perueniatur. Item an Deus videri possit per aliquem sensum, seu sensitiuam notitiam, non hic, sed in 1. Par. differatur. Ar. 3.

In quo consistat summa miseria damnatorum, non explicetur hoc loco, sed inferius, ubi de pœna peccati agitur. Ar. 4.

Nihil dicatur de intellectu practico, & speculatiuo, nec de praxi, & speculatione. Ar. 5.

Omittatur, vel breuiter attingatur Caietani commentarius in hunc locum. Ar. 6.

De obiecto intellectus, & vtrum anima naturaliter possit cognoscere substantias separatas, non disputetur hoc loco, sed relinquatur Philosophis. Ar. 7.

Quic-

Q. 4. Ar. 1. *Quicquid hic differi solet de differentia delectationis, amoris, & fruitionis, differatur in Q. de frui, & uti. Item an cum visione Dei possit aliquo modo stare tristitia, reiiciatur in 3. Partem, ubi quaeritur, an Christus secundum rationem superiorem passus sit.*

Ar. 2. *An delectatio quaeratur propter operationem, an contra, tractetur in Ethicis: hic vero nihil, vel breuissimè.*

Ar. 5. *An animæ sanctorum a corporibus separatæ statim Deum videant, hic tractetur, non in 1. Par.*

Q. 5. Ar. 2. *Quæ sunt propria visioni beatificæ, relinquantur 1. Parti, & solum hic disputetur contra hæreticos de inæqualitate præmiorum in genere. Item an hæc inæqualitas tollat quominus habeat satiatum appetitum, qui minus beatus est.*

Ar. 3. *Relinquatur fere 1. Par. totus.*

Ar. 5. *Nihil dicatur de merito, aut de necessitate luminis gloriæ.*

Ar. 8. *An vero appetitu ordinato magis appetat dānatus non esse, quam sic esse, pertinet ad quaestionem de pœna peccati.*

Q. 6. Ar. 1. *Non differatur hoc loco De libero arbitrio contra hæreticos, sed in materia de gratia.*

Ar. 2. *Vnde proueniat, quod homo sui compos sit proprie liber, & dominus suorum actuum, tractetur infra in quaestione de electione.*

Ar. 3. *Nihil dicatur de pura omissione.*

Ar. 4. *Disputetur hic, an voluntas possit cogi, non autem, an possit necessitari, quia de hoc inferius tractandum est.*

Quo-

Quomodo metus irritet matrimonium, votum, Ar 6  
iuramentum, & contractus, reseruetur 2. 2. & 3.  
Parti.

Difficultates de ignorātia reseruentur in Q. 76. Ar. 8

Plenior consideratio circumstantiarum non est Q. 7  
huius loci, cum de illis sæpe inferius differendum  
sit.

De concursu Dei cum nostra voluntate non hic Q. 9. Ar. 4  
disputetur, sed in 1. Parte. Nihil etiam dicatur de  
fortuna.

Nihil hic differatur de præscientia seu præde- Ar. 4  
finitione actuum liberorum, neque de gratuita  
motione, qua Deus mouet voluntatem humanam.

Non videtur hic quicquam differendum vel de Q. 12  
obiecto spei, neque an possit beatus frui diuina es-  
sentia non fruendo personis, vel vna persona &  
non alijs, hoc enim pertinet ad 1. Par.

Non tractetur, vtrum intellectus possit simul Q. 12. Ar.  
multa intelligere. 3.

Non differatur hic, vtrum aliquando liceat con Q. 14  
sulere minus malum.

De consensu formali, vel interpretatiuo, & an Q. 15  
pertineat ad rationem superiorem, inferius tractā-  
dum est.

Quomodo ratio imperet membris externis, nem Q. 17  
pe despotice, an politice, disputare Philosophi Mo-  
ralis est: breuiter igitur hoc loco expediatur.

Variae acceptiones boni & mali differantur in Q. 18. Ar.  
materiam de peccatis: vbi etiam tractari potest de 1.  
entitate illa morali. Item controuersia cum hære-

ticis, an omnis actio humana sit mala, differatur in materiam de gratia.

**Ar. 9.** Vtrum in homine existente in gratia detur aliquis actus indifferens ad meritum & demeritum, disputetur in materia de merito.

**Ar. 11.** Prætereantur ea, quæ pertinent ad confessionem circumstantiarum.

**Q. 20. Ar. 5.** Hæc difficultas repetitur in materia de peccatis: quare in eum locum reservetur, exposito hic solo textu S. Thomæ.

**Q. 21. Ar. 4.** Difficultates huius Articuli differantur in materiam de merito.

Quæstiones, quæ sunt inter 21. & 71. omitti possunt; Sed si cui vacauerit, explicet pauca de habitibus & de virtutibus in genere.

**Q. 71. Ar. 4.** Quomodo peccatum virtutes præsertim infusas expellat, non hic explicetur, sed in 2. 2.

**Q. 72. Ar. 2.** Relinquatur interpreti Scripturæ illa quæstio, vtrum demones possint coire cum fœminis: quamvis in materia de Angelis aliquid ea de re possit attingi.

**Ar. 5.** Nihil hic de distinctione mortalis & venialis.

**Ar. 8.** Hæc difficultas satis explicata manet ex Q. 18.

**Ar. 5.**

**Ar. 9.** Non repetantur, quæ supra de circumstantiis dicta sunt.

**Q. 73. Ar. 8.** Non descendatur ad casus particulares de scandalo, vel restitutione: neq; hic tractetur, vtrum is, qui alium ad peccatum inducit, gravius peccet, quàm

qui



qui occidit, pertinet enim ad materiam de scandalolo.

De infinita malitia peccati aduersus Deum com. Ar. 9.  
modius tractatur in princ. 3. Partis.

Non tractetur, quæ fides requiratur ad salutē. q. 76. ar. 1.

Nihil dicatur de immediato Dei concursu cum Q. 79.  
secundis causis.

Utrum Deus aliquem necessarijs auxilijs ad salutem destituat, non tractetur hoc loco, sed in materia de prædestinatione, & reprobatione. Ar. 3.

Immaculata conceptio B. Mariæ non est huius loci, sed 3. Par. ubi etiam dum de eiusdem sanctificatione agitur, tractetur quoque de fomite, & quo modo ligetur, aut tollatur. Q. 81. Ar. 3.

Quomodo natura lapsa differat à puris naturalibus, tractetur in materia de gratia. Q. 85.

Utrum dimissa culpa maneat reatus pœnæ, reseruetur in materiam de Pœnitentia. Q. 87. Ar. 6.

Quomodo Deus peccata patrum puniat in filijs, relinquatur Interpreti Scripturæ. Ar. 8.

Expositio Pauli relinquatur lectori Scripturæ. Q. 89. Ar.

De primis motibus sensualitatis in infidelibus satis esse videntur, quæ superius de primis motibus dicta sunt. Utrum autē omnia opera infidelium sint peccata mortalia, differatur in materiā de gratia. Ar. 5.

Non disputetur hic, utrum peccent, qui pœnæ metu legem seruant: nec utrum Deus peccata permittat, an velit. Q. 93.

Disputatio de cessatione legalium differatur in materiam de Baptismo. Q. 103.

Q. 109

Ar. 4.

Quid intersit inter modum præcepti, & eius substantiam, & utrum modus charitatis sit in præcepto, nõ differatur hic, sed in materia de Legibus.

Ar. 5.

Materia huius Articuli differatur in Quæstionem 114. Ar. 7.

Ar. 7.

Non disputetur hic de macula peccati, nec de reatu pænæ, nec de corruptione boni naturalis, nec de alijs huiusmodi, quæ in materia de peccatis explicata sunt.

Q. 110.

An gratia ponat aliquid in anima vel hic tractetur, vel in Q. 113. de iustificatione Ar. 2.

Q. 111.

Ar. 1. &amp; 4.

Gratiæ gratis datæ, earumque explicatio plenior relinquatur interpreti Scripturæ.

Ar. 3.

Utum Deus insignes aliquos peccatores necessarijs auxilijs destituat, non hic explicandum est, sed in materia de prædestinatione.

Q. 112.

Ar. 1.

Nihil hic dicatur de causalitate Sacramentorũ circa gratiam.

Ar. 2.

Utum gratia primi hominis & Angelorum in eorum creatione data fuerit supposita ipsorum dispositione, non hic tractetur, sed in 1. Parte.

Ar. 3.

Non videtur hic agendum de contritione continuata Caietani, vel de intensiõne Scoti, pertinent enim ad materiam de pœnitentiã.

Q. 113.

Ar. 4.

De necessitate fidei in Christum ante vel post Euangelium promulgatum non hic disputetur, sed in 2. 2.

Ar. 7.

Utum augmentum gratiæ detur in principio, an in fine actionis meritorie, & utrum si operatio meritoria successiua sit, ipsa etiam gratia successive

siue augeatur, melius reseruantur in quæstionē de augmento Caritatis in 2. 2.

De numero, & ordine, & necessitate omnium Ar. 8. actuum, qui concurrunt ad iustificationem hic disputetur, non in materia de pœnitentia.

Vtrum in homine detur naturalis potentia ad gratiam, non disputetur hic, quia non multum differt ab illa, qua quæritur de naturali appetitu, & capacitate Beatitudinis circa princ. 1. 2. Ar. 10.

Nihil hic de merito Christi dicatur, cum pertineat ad 3. Partem. Q. ii. 4. Ar. 6.

Vtrum per quælibet opera augeatur gratia, & Caritas, reseruetur in materiam de Caritate in 2. 2. Ar. 3.

### Ex Secunda Secundæ.

Hic disputandum est de Ecclesia, de Scriptura, de Papa, de Traditionibus, alijsque locis Theologicis. Q. 1.

Non tractetur hic, sed infra in materia de Caritate, an Caritas sit forma omnium virtutum in genere. Q. 4. Ar. 3.

Supponatur Fidem esse vnum habitum, nec disputetur, an sit simplex qualitas. Ar. 6.

Nihil de Fide Angelorum in genere, de hac enim in materia de Angelis, sed hic tantum, an fuerit Fides in primo Angelo, si erat ei evidens Deum esse, qui loquebatur, & reuelabat ei mysteria. Q. 5. Ar. 1.

Non nisi breuissime, quia difficultas in materia de gratia tractatur. Q. 6.

Q. 10. Ar. 2. Quæstio de baptizandis pueris infidelium referretur in materiam de Baptismo.

Q. 23. Ar. 12. Materia huius Articuli non hic discutienda est, sed in Quæstionibus de gratia: ubi etiam de distinctione caritatis & gratiæ: sed an caritas sit virtus specialis, hic in Articulo 4.

Q. 26. Nihil hic de contritione, sed tantum, an Deus sit summe diligendus intensiue, seu solum æstimatiue; quod in materia de pœnitentia non repetatur.

Q. 61. In materia de merito, non hic disputetur, utrū retributio meritorum apud Deum sit secundum iustitiam commutatiuam, an distributiua.

### Ex Tertia Parte.

Q. 1. Ar. 1. Nec de potentia obedientiali videtur hic agendum, nisi obiter, cum pertineat ad 1. Partem in Q. de omnipotentia Dei: nec de Incarnationis possibilitate, cum ad Q. 2. huius partis pertineat: nec de distinctione suppositi & naturæ, sed remittatur ad Q. 3. Tandem, an sit de ratione boni se actu communicare, pertinet potius ad 1. Par. in Q. de bonitate Dei, vel in Quæstione de libero arbitrio Dei.

Ar. 2. Quo modo nos satisfaciamus pro peccatis, & quomodo satisfactio nostra nitatur satisfactioni Christi, differatur in materiam de Pœnitentia.

Ar. 4. Omittenda videntur dubia Caietani de peccato originali.

Ar. 6. De aduētu Messiæ contra Iudæos non disputet Scholasticus, sed interpretes Scripturæ, cum ea res  
nitatur



nitatur Scripturis, quæ si diligenter examinentur, occupant multum temporis; si breuiter, non potest res tanta firmiter probari propter multa Iudæorum subterfugia & cauillationes.

An in Deo sint tres subsistentiæ, & an essentia Q. 3  
secundum se subsistat, an per relationes, non hic disputetur, sed supponatur ex prima Parte in materia de Trinitate; vtrum autem possit vnum essentialiter dependere à multis dependentia causali, supponatur ex Philosophia.

Non disputetur de esse obiectiuo contra Scotū, Q. 4. Ar. 4  
sed supponatur ex 1. Par. in Q. de scientia Dei.

Non videtur huc pertinere quæstio Caietani, an Q. 6. Ar. 3  
anima reuerfa ad corpus retineat suam propriam terminationem.

An materia propria formæ sit ante aduentum Ar. 4.  
formæ, relinquatur Philosopho: sicut & illud, an realiter totum distinguatur a partibus.

An virtus heroica differat specie à virtute com Q. 7.  
muniter dicta, supponatur ex Philosophia morali, vel ex 1. 2.

An humanitas Christi actiue concurrat ad infu Q. 8. Ar. 2  
sionem gratiæ, & ad opera miraculorum, cum habeat eandem difficultatem cum Sacramentorū causalitate, idcone sæpe repetatur idem, possunt ista coniungi, & simul tractari in materia de Sacramētis in genere.

Non videtur disputandum, qui sint, aut non sint Ar. 2. & 3.  
membra Ecclesiæ, cum id pertineat ad materiam de Ecclesia.

**Ar. 5.** *Aliena videtur ab hoc loco illa quæstio Caietani, Quomodo sequatur ex eo, quod actus habeatur secundum quandam eminentiam, quod sit actiuus omnium aliorum eiusdem rationis.*

**Q. 9. Ar. 1.** *An intelligere diuinum possit communicari animæ Christi, pertinet ad 1. 2. Q. 3. Ar. 1.*

**Q. 10. Ar. 2.** *Ea, quæ ad cuiusque Beati statum pertinent, quando, & quomodo videantur, non tractetur hic, sed in 1. Par. sicut & reliqua, quæ pertinent ad visionem in communi.*

**Q. 11. Ar. 1.** *An viator possit habere notitiam euidentem abstractiuam Trinitatis non huc pertinet, sed ad 1. Par.*

**Ar. 5.** *Quicquid de habitu hic disputari solet in communi, supponatur ex Philosophia, vel ex 1. 2.*

**Q. 18. Ar. 4.** *Quæ actiones dicantur humanæ, quæ non humanæ, Quæstio est 1. 2.*

**Q. 22.** *De Christi Sacrificio incruento in cœna, & de ratione Sacrificij & hostiæ in communi, commodius disputatur in materia de Eucharistia, & Missa. Item de Sacerdotio Melchisedech, & vt fuit figura Christi, melius est, vt disputet Scripturæ Interpretes.*

**Q. 24.** *Non repetantur hic, quæ pertinent ad prædestinationem hominum, & Angelorum.*

**Q. 25.** *Omittenda videntur, quæ hic nonnulli tractant de phantasticis imaginibus, & varijs dæmonum illusionibus.*

*Cæteræ quæstiones de Incarnatione possunt omit-  
ti, præter sex ferè, quarum prima sit de officio Me-  
diatoris:*

diatoris: vbi etiam aliquid de inuocatione Sancto-  
rum dicendum est. Secunda de Conceptione B. Ma-  
riæ. Tertia de miraculis Christi propter quosdam  
hæreticos nostri temporis, qui vim miraculorum  
Christi, quantum possunt, eleuare conantur. Dispu-  
tare autem de miraculis in genere, & quæ possibi-  
lia sint Deo, pertinet ad Q. de omnipotentia Dei in  
1. Par. Nulli vero creaturæ esse possibilia, ferè di-  
sputatur in materia de Angelis. Quarta an sint in  
Christo duæ filiationes, sed non disputetur in gene-  
re, Num vna numero relatione possit quippiam  
referri ad diuersos terminos. Quinta an ratio supe-  
rior sit passa in Christo. Sexta de descensu Christi  
ad inferos contra Caluinum.

### De Sacramentis in genere.

Quæstio, an Sacramentum sit in aliquo prædica Q. 60.  
mento, non videtur admodum digna Theologo.

Vtrum semper, etiam in lege naturæ, fuerit ne- Q. 61  
cessaria Fides, non hac pertinet, sed ad 2. 2.

Vtrum Deus possit vti creatura tanquam in- Q. 62.  
strumento ad creandum, videtur potius esse 1. Par  
tis in materia de creatione.

### De Baptismo.

Omittantur quæstiones quædam absurdiores,  
qualis est illa, vtrum asinus possit bibere baptismū.

De solemnitatibus & cæremonijs Baptismi bre-  
uiter.

Nihil

Nihil dicatur de cognatione spirituali in baptismo contrahi solita, sed ad matrimonium transmittatur.

De pœna paruulorum sine baptismo decedentium non tractetur hic, sed in materia de peccato originali in 1.2.

Sacramēta Cōfirmationis, Ordinis, Extremæ Vnctionis tractentur prout vacauerit plene, vel breuiter, aut etiam prætereantur, cum & faciliora sint, & habeatur in promptu, vnde peti possint.

### De Eucharistia.

An quantitas distinguatur à substantia, Philosophis relinquatur, sicut & illud, de quo Scotus hic disputat, an accidēs possit producere substantiam.

De figuris Eucharistiæ multiplicibus, earumque comparationibus vel nihil, vel breuiter.

### De Pœnitentia.

An repugnet sine vlla infusione qualitatum supernaturalium, vel sine vllō pœnitentis actu iustificari peccatorem, & an pœnitere, sicut oportet, indigeat Dei auxilio gratuito, pertinent ad 1.2. de iustificatione. Illic etiam agendum est, non hic de ordine inter dispositionem, & infusionem gratiæ.

An in peccatore post peccatum transactum aliquid aliud remaneat præter obligationem ad pœnam, supponatur ex 1.2. in materia de peccato.



*An aliqui destituantur auxilio necessario ad  
pœnitendum, pertinet ad materiam de prædestina-  
tione.*

*Vtrum pœna damni sit eadem in omnibus dam-  
natis, pertinet potius ad materiam de peccatis, &  
eorum effectibus.*

*Quæstiones de Restitutione, de Eleemosyna, de  
Ieiunio, de Oratione, de Correptione fraterna re-  
mittantur ad 2. 2.*

*Multa etiam, quæ ad casus conscientie spectant,  
relinqui possent.*

### De Matrimonio.

*Omittendum videtur, quod à quibusdam hic tra-  
ctatur, an virginitas sit virtus, & qualis virtus.*

*An maleficio maleficio possit dissolui, perti-  
net potius ad 2. 2.*

*Matremne an uxorem occidere sit gravius, non  
est huius loci.*

*De substantia voti tam simplicis, quam solem-  
nis tractandum potius videtur in 2. 2. quam hic.*

## CAP. V.



Præceptor post lectionem saltem per quadrantem maneat in aliquo loco commodo scholæ, ut à Nostreis, multo magis ab externis possit interrogari. Interim optabile est, ut discipuli, qui possunt, in schola contineantur, ubi repetant terni, vel quaterni, neque surgant, nisi pauci, qui accedunt ad præceptorem interrogandum: neque prohibendi sunt audire tunc præceptorem respondentem, si possint, & velint. Optimum vero foret, si quis à Præceptore designatus audientibus alijs brevissime repeteret lectionem, vel duo tresve per partes: ea vero repetita fierent interrogationes, ad quas responderet vel aliquis auditorum, vel præceptor: qua in re si excedatur quadrans, non esset inutile, dum modo adsit præceptor, & eos in officio contineat. Vbi id durum esset externis, res posset inchoari per Nostros: paulatim alij inuitarētur, præsertim qui sunt in conuictorum alumnorumue Collegijs, vel Cōgregationibus. Quæ tamē sicubi ægerime seruari possunt, retineatur loci consuetudo, dum Professor post lectionem moretur aliquātis per interrogandus.

2 Domi quoque fiant repetitiones quotidie præter festa, vacationes, & sabbatha: omnes parati veniant:

niāt:interrogabit autē Præses, quos ipse volet, nec pauciores quam tres per quadrantem. Vbi id non est in vsu, introducatur, quantum potest. Vbi vero id tentatum non cessit, præmoneantur tres ad totum, sed per partes tunc diuidendum a Præsede: nemo vero repetat ex scripto, sed memoriter. Neque putetur inutiliter expendi istum repetitionis quadrantem, tum quia Constitutiones repetitionē vnius alijs audientibus præscribunt distinctam à mutua concertatione: tum quia exercetur memoria: tum quia id prodest futuris magistris, vt assuescant coram alijs suas cogitationes explicare: tum quia fierent pigriores in annotandis, quæ oportet, si ab ijs repetendis liberi forent. Post quadrantem vero repetitionis, disputetur: & quidem à tribus, à quolibet per quadrantem: tribus etiam quotidie, quo plures, exerceantur, respondentibus. Id enim temporis satis est si rigor formæ seruetur, & cum iam nihil noui affertur, præcidatur argumentum: si quando verò contingeret non esse locū tertio, differatur is in sequentem repetitionē eiusdem materiæ: sed si vel ob materiæ difficultatem, vel ob ingeniorum qualitatem, vel ob numerum discipulorum id seruari non posset, aut frequenter contingeret tertio deesse locum, duo sint satis, & si quid temporis aliquando superesset, dubia proponantur. Antea vero quam quaestio aliqua finiatur, de ea nullus argumentetur.

3. Professores liberandi videntur (nisi forte malint non liberari) a domesticis repetitionibus: ijs  
vero

vero præesse poterit aliquis, qui absoluto Theologiæ cursu vacat illi repetendo, vel alius: ad hoc vero onus ac laborem non videntur Professores obligandi: primo, quia Constitutiones supponunt abesse præceptores à repetitionibus: sic enim 4. Par. Cap. 6. H. habetur, Quod ad repetitiones attinet, curet Rector, ut certis quibusdam horis in Scholis vel domi fiant, vno quidem repetente, & alijs audientibus, & quæ difficilia occurrerint, mutuo proponentibus, & si quid erit, de quo constituere inter se non possint, magistrum adeant.] 2. Ita fit in Lusitania, & bene cedit. 3. Alij qui præerunt repetitionibus, fient doctiores, & exercebuntur ad magisterium. 4. In hyeme interrumpitur præceptorum tempus commodissimum studio, in æstate vero coguntur æstare sub meridiem. 5. Quia nonnumquam pauci sunt Nostri, & optimi quique mittuntur ad Collegia Conuictorum, & Alumnorum, ut non vtilissime videatur collocari opera Præceptoris. 6. Quia si cui non satisfiat à præside, potest id proponere in publica disputatione, vel convenire præceptorem in cubiculo: ad id enim præscribet ille horam sibi non incommodam. Erunt autem in repetitionibus modesti, & obsequentes præsidi: si quando secus fecerint, deferantur per censorem aliquem: crebro etiam visitentur à Præfecto studiorum, nonnumquam à Rectore, & interdum à Præceptore. tamen si præses si cæteris fere senior fuerit, & magna ingenij existimatione, pauci non ei concedent libenter: si quis tamen professor dictat



tantum, & non explicat, abesse non debet à repetitionibus. Idem sit iudicium, cum deesset, qui id muneri commodè admodum præstare possit.

4 Vbi sub initium Iulij studia solent ita remitti, ut in facultatum superiorum classibus à prandio non legatur, eo tempore vsque ad octauum fere diem Septembris, repetantur audita toto anno, distributis primarijs materijs per præceptorē: vnus repetat præcipuas conclusiones cum vno vel altero argumento per quadrantem: duo argumentur contra duos alios. Repetantur autem vnus Professoris quæstiones hebdomada vna, altera vero alterius, ita tamen ut hebdomada qualibet interponantur duæ præsentium lectionum repetitiones, vna vnus, altera alterius Professoris. Præter hoc semel in hebdomada, forte die Dominico, ingeniosioribus quarti vel tertij anni Professor in cuius hebdomadam is dies Dominicus cadit, assignet amplas aliquas, & illustres materias, quas vnus aliquis vicissim commutandus explicet ornate per dimidiā horam cum apparatu & aliorum conuentu ad exercitationem, & recreationem: reliqua dimidia hora defendat, quod legit, argumētante vno vel altero. Vbicunque etiam duobus vacatur mensibus, introducatnr huiusmodi repetitio per mensem primū vacationū, & ita distributis, qui exeunt vicissim ad villam, ut numero mediocri sustententur hæc exercitatio.

## CAP. VI.



**N** Sabbato, vel (si id vetus Academia consuetudo exigat) Dominico die à prandio Professores vicissim habeant proprias in Scholis disputationes, et quidem per duas horas, nempe dimidia hora post commune principium Scholarum, nisi vbi multiplex externorum concursus longius eas potrahi suaderet. Si duo in hebdomada fuerint festa, vel vnum festum cum recreationis die, legendum potius, quam disputandū videtur in Sabbato. In Lusitania, quo hæc seruari possint commodius, cum duobus diebus cessatur, prætermittatur tunc actus feria 5. solitus haberi.

2 Dominicis etiam diebus defendantur conclusiones publice. Id enim magis congruit Constitutionibus 4. Par. C. 6. §. 10. vel si id fieri nequit, priuatim à Nostreis sub præceptore, qui proximo sabbato non disputauit, idque per sesquihoram. Et vbi non potest adesse præceptor, præsit alius; argumententur tres: quilibet hora dimidia. Ad id Lusitani non sunt obligandi propter frequentes actus, & quotidianas quattuor lectiones, & paucas relaxationes.

3 Ad hæc quolibet mense præter æstiuos duos vltimos, communes, ac generales fiant in Scholis dispu-

disputatione mane, & vespere toto tempore Scholarum, si Professores sint tres: sin duo, duas horas non excedant; nisi id externorum frequentia Doctorum subinde breuiter argumentatium postulet. Quot fuerint Professores, totidem et auditores defendant, vnius quilibet Professoris quæstiones, & moderatè vniuersam disputationem Præfecto studiorum: præsideant è scamnis Professores, quilibet suo, & insistent aliquando: nec vnus prosequatur, quod alter iam examinauit. Quilibet argumentator contra duos disputet defendentes, quorū, quatenus fieri potest, qui mane fuerat prior, sit à prandio posterior. Argumententur non minus, quam tres mane, totidem à prandio: Inter sint ijs mēstruis disputationibus alij quoque Doctores No stri ad instandum aliquando, saltem per horam mane, vel à prandio. Externi quoque Doctores inuitari possunt à defendentibus ad argumentandum: sed in priuatis sine delectu Præfecti id non fiat. Instare tamen, vel nouum inferere argumentum prohibendi non sunt.

4 Præter hebdomadarias, & menstruas disputationes, fiant & ab anni quarti auditoribus actus publici: quorum aliqui sint particulares, hoc est, vnius partis Theologiæ, & durent vsque ad Pascha. Idque vel in sabbato, quo omittantur aliæ disputationes, vel in festo minus celebri, vel aliter feriato die: alij sint generales, hoc est, totius Theologiæ, & hæ conclusiones ( nisi consuetudo id nequaquam ferat ) imprimantur, & sint eadem com

*munes omnibus Nostri: Externi namque proprias habere possunt. Incipiant vero post Pascha, & sic distribuantur, ut mane, & vespere commodè fiant, & vnus reseruetur in vltimam hebdomadam, qua studia finiuntur, alter etiam in primam hebdomadam, qua studia renouantur. Porro particulares actus per duas horas & dimidiam habeantur mane tantum, aut solum à Prandio: generales vero, vtroque tempore, vel sicubi non solent in sabbatis à prandio scholæ frequentari, mane extrahantur ad quattuor vel quinque horas, ut moris est in Gallia: sicubi vero Nostri priuatim Theologiam audiunt, conentur & ipsi hos actus celebrare publice inuitatis externis aliquo cum apparatu.*

*5 Ad hos vtrosque actus seligantur auditores magis ingeniosi iudicio Præfetti, & consilio Professorum: quorum auditorum quilibet suum particularem habebit: suum etiam generalem, nisi aliud obstat, plures enim illum, quam hunc sustinere possunt, & admoneatur in renouatione studiorum, tunc distributis cuilibet partibus Theologiæ in actus particulares. Præsideant vicissim Professores, vel alij Doctores nostri si fuerint: argumententur non minus, quam tres, quorum primus sit Doctor. Eboræ satis esset introduci actus particulares propter frequentes externorum actus ad gradus suscipiendos.*

*6 Conclusionum iste sit modus. Vna conclusio non excedat tria vel quatuor membra, nec nimium sterilia: In hebdomadarijs disputationibus non sint  
vltra*



*ultra octo, vel nouem conclusiones: in menstruis non ultra 12. vel 15. In actibus si vnus partis, non ultra 20. si totius Theologiæ, non ultra 50. pauciores etiam, si publicus Academiæ mos aliter habeat.*

7 *Præfectus dum interest disputationibus, non soluat argumenta, sed dirigat disputantes: posset tamen datam solutionem explicare, & ostendere, quam bene satisfaciât argumento, cum is, qui argumentatur, nondum videtur esse contentus. Non impediât Præceptores, cum loqui voluerint: Id quod si minus ordinate faciant, potius rogando vel monendo, quam imperando, eos ad loquendi vires seruandas adducat. Argumentari poterit, sed quo rarius, eo dirigendi munus, quod ipsi propriū est, maiore cum dignitate præstabit.*

8 *Porro conandum est, vt disputationes omnes, quarum feruor ac dignitas iam concidisse videtur, pristina restituantur auctoritati, cum hoc exercitationis genere nihil sit vtilius ad capeffendas superiores facultates. Videas non paucos in legendo, in scribendo, in compaginandis quæ scripserunt, totos esse, disputationem vero fugere, negligere, otiosam existimare, habere tandem Theologiam non tam in memoria atque intelligentia, quam in libris papyraceis reconditam. Constitutiones vero nihil grauius commendant quam disputationes, earumque frequentiam & assiduitatem; tantumque in ijs momenti esse putant, vt ne humaniorum quidem literarum, & grammaticæ studiosos ijs carere patian-*

tur. Semper vero viri graues sibi persuaferunt ad-  
 disci Philosophiã, ac Theologiã, non tam audiẽdo,  
 quã disputando. Illic enim certissimũ sit periculum  
 quantũ quis intelligat, ea quæ scribit, aut docet: &  
 quanta sit firmitas priuatarum cogitationum, cum  
 non raro quæ splendescere videntur in cubiculo,  
 sordeant in Scholasticis concertationibus. Tunc etiã  
 dum ab aduersario premimur, cogimur omnes in-  
 genij neruos intendere, & pleraque tunc extundi-  
 mus vrgentibus alijs, quæ in otio atque vmbra nun-  
 quam venissent in mentem. Audimus aliorum in-  
 uenta, quæ aut lucem aliquam rebus dubijs affe-  
 runt, aut viam aperiunt ad aliquid aliud excogi-  
 tandum, aut si minus placent, perspectis aduersarij  
 effugijs & ijs possumus occurrere facilius, & no-  
 stra firmitus communire: obseruare possunt & audi-  
 tores, quid boni iste, quid ille Præceptor afferat, &  
 exemplo doctorum sese acuunt ad pugnam, ani-  
 maduertentes, vbi claudicent argumenta: quæ di-  
 stinctiones opportunæ sint; quomodo Præceptoris  
 doctrina subsistat. Tandem, & grauissimorum vi-  
 rorum iudicio, & experimento comprobatur dispu-  
 tationem vnã plus prodesse, quã lectiones mul-  
 tas; præterquam quod nihil sit, quod nostras scho-  
 las magis illustrare possit, quam si auditores sic  
 instituamus, vt in publicis conuentibus, & concër-  
 tationibus magnam audientium moueant approba-  
 tionem, & plausum. Vt autem disputationes, quæ  
 iacere videntur, in meliorem formam, ac splendo-  
 rem excitentur, multa præsto sunt remedia, sed  
 quæ

quæ omnia posita sint in Superiorum sedulitate, qui nisi in hanc rem serio incumbant, sibi que persuadeant hinc omnem fructum, & existimationem scholarum nostrarum pendere, efficietur plane nihil, etiam si ea de re bene constituenda multæ leges aut præcepta scribantur. Itaque proderit primo si Superiores frequenter intersint disputationibus priuatis, & publicis: obseruent quibus causis fructus huius exercitationis impediatur: corrigant, quæ corrigenda sunt: collaudent strenuam ea in re operam quorundam; aliorum redarguant socordiam: perficiant denique, ut intelligant omnes, cum primis eam rem sibi curæ esse. Quod si alijs negotijs impediti hæc perse præstare non possunt, committant suas partes Præfecto, quem non modo doctum, acrem, & industrium virum oportet esse, sed & quod caput est, magnæ etiam auctoritatis in omni studiorum administratione, cuiusmodi potestas si non videtur conferenda Præfecto, quicquid saltem in re litteraria Rector agendū putat, per Præfectum exequatur: si quid vero Rectori delatum fuerit de Præfecto, nihil ipse constituat, sed re cum illo communicata quicquid mutandum videtur, id mutet per Præfectum, qui id opportune præstet ac prudenter, tanquam re melius à se perspecta mutasset consiliū, ut eius consulatur auctoritati, alioquin intelligent alij Præfectum nihil aliud esse quam nomen inane, ut propterea neminem reprehendere audeat vel monere. Certe necessariū est, in Præside disputationum eam esse potestatem, qua

disputantes possit & honorifice prosequi, & coercere, si oporteat, omnesque intelligent multum sua interesse ab illo suam operam probari: eiusmodi vero potestatem si non putant Superiores esse Præfetto demandandam, vel ipsi per se eam exerçant, vel disputationibus arbitrentur nondum satis esse consultū. Secundò iubeātur interesse vniuersi disputationibus, & diligentius, quam lectionibus. Porro sunt, qui quicquid occupationis extra ordinē nanciscuntur, aut nancisci possunt, id omne conferunt in diem, & horas disputationum, non secus, ac si superuacua, & otiosa quædam res esset: sane spes nulla futura est rem istam bene componendi, nisi firmissime statuatur Superiores eos se præbere, per quos nulli liceat abesse à disputationibus, eaq; omnis spes præcidatur, non secus ac si dies esset lectionis, & multo etiā seuerius, vt sit facilior in lectionibus dispensatio. Frigent enim sine frequentia concertationes, & cum earum fructus minus perspici, atque intelligi possit à iunioribus, si quis vnus abesse cœpit, cæteri facile dilabuntur. Quare tanto impensius curandum est, vt ea in re nihil impune peccetur. Tertiò dū disputatur, nō ferat Præceptor, aliusue, qui disputationi præest, vllas colloctiones in schola: attendere omnes iubeat, parcere fabulis: non dormire, non egredi pro arbitratu: hortetur, coarguat, pudefaciat, prout expedire iudicauerit. Quartò hebdomadariæ disputationes duas horas ne excedāt: Quicquid superadditur, angit, & conficit sedentes: hinc odiosæ fiūt & onerosæ dispu-



disputationes, præsertim tam crebræ, nisi quo crebriores, eo sint & breuiores: nam defessis, quicquid boni dicatur, nihil potest esse in precio: effluit potius quicquid infunditur: & quoniam varietas ac vicissitudo gratior est, leuatque audientium satietatem, argumententur quatuor, quorum quilibet argumenta duo intra semihoram examinanda proferat. Quinto magnū fructuosæ disputationis momētum positū esse putēt Præceptores in formæ rigore seruando: nam ea neglecta nec argumentorum vis apparet, nec respondentis acumen ac solertia agnoscitur, nec orgetur articulus difficultatis, ijs qui disputant, se se mutuo à re proposita auocantibus, nec auditores intelligere possunt, quid tandem post tantam contentionem constitutum sit: nec disputatio transigitur sine audientium offendiculo, cum nonnulla interponantur interdum carpendi aduersarij gratia, quorum occasionem præbet licentia deferendi formam: quæ si seuerè seruaretur, ipsa per se contineret in officio loquentes: offenduntur etiam viri graues, quod disputandi leges negligantur, quæ in illustribus Academicis tanto sunt in honore, ut nihil ignominiosius obijci possit argumentanti, quam quod non probet, quod fuerat negatū, aut à filo susceptæ disputationis recedat: Qua in re nos aliquando male audimus, nec sine magna iactura tum temporis, quod argumentorum nullus cernatur exitus, quæ formæ ratio, atque ordo integer breui dissolueret; tum existimationis, quod aberrare ab argumentandi forma eorum sit, qui

fugere malunt, quam pugnare, cumque ex adverso stare non possint, varijs omnia tergiuersationibus implicant. Itaque qui respondet, repetat primum argumentationem propositam. Deinde ad præmissis, vel consequentiam dicat, Nego, vel Concedo dumtaxat. Nam distinctionibus minus frequenter utendum est: cum enim illæ crebriores sunt, & disputandi cursum interturbant, & displicent argumentantibus, & remedia quædam videntur studiose quæsitæ ad extrahendam disputationem, donec vera occurrat solutio. Multo vero parcius adhibendæ sunt declarationes, vel etiam rationes, cur quidque dicatur aut negetur: nihil enim ea re molestius, præsertim si obtrudatur inuitis argumentantibus. Tandem ab ipsis Logicæ incunabulis sic instituantur iuvenes, ut nihil eos magis pudeat, quam à forma defecisse, & nullius rei acriorem exigit rationem Præceptor, quam, ut coram se nihil in forma peccetur: retractetur vero statim quicquid peccatū fuerit. Sextò diligenter etiā observetur, quod Constitutiones in 4. Par. C. 6. §. 10. Qui præest, inquit, disputationi, ex ea concertatione eliciat, declaretque ad audientium utilitatem, doctrinam quæ tenenda sit. ] Accidit enim non raro ultro citroque ita rem agitari, ut auditorum præstringatur, & confundatur attentio, ideoque sine fructu recedant. Quo circa odisse solent disputationem, ut inutilem & non nisi confusis clamoribus perstreptentem, ad quam opinionem abolendam studeat Præceptor aliquid bonæ do-

Arinae semper afferre: quin & aliqua ex prolixis  
lectionibus refecare, ut ea in diem disputationis re  
seruet, digna etiam, quæ sedulus auditor obseruet  
inter disputandum, & deinde breuiter referat in li  
bellum, si velit. Septimo illud Præceptor cogitet  
disputationis diem non minus quam lectionis labo  
riosum sibi futurum esse: Quare ad otium, & quie  
tem non se comparet, sed ad laborem, eoque maio  
rem, quo difficilius est duas horas, quam vnā te  
nere auditorem, & quidem nihil scribentem, nec  
putantem id sua multum interesse. Quod si lægueat  
Præceptor, & res progredi sinat ut possunt, quid  
mirum, si segnitia quadam, ac tædio tota Classis  
obtorpeat? Curet itaque primum ut publice non di  
sputant, nisi doctiores, cæteri raro prodeant in pu  
blicum, neque vero tunc, nisi prius ita instructi a  
Præceptore, ut eo loco non putentur indigni. Dein  
de in priuatis præsertim disputationibus, quæ frige  
re plus solent quā communes, sic disputantibus assi  
stat, ut ipse videatur esse, qui in utroque concerta  
tore concertet: collaudet, siquid boni afferatur; at  
tendere omnes iubeat, cum insignis aliqua difficul  
tas proposita est: suggerat subinde breue aliquid,  
quo vel fulciat respondentem, vel argumentantem  
dirigat: aberrantes reuocet in formam: exprobet  
etiam nondum intellectam rem aliquam, quam ip  
se toties inculcauerit: neque diu taceat, neque sem  
per loquatur, ut ipsi etiam discipuli promant, quod  
sciunt; ipse vero, quod promptum fuerit, emendet,  
aut expoliat; & post aliquam concertationem, in

dicta omnibus attentione rem totam breuiter explanet, nec patiatur vel argumētum penè solutum longius vrgeri, vel responsionem non bene constantem diu sustineri: contra vero non dissimulet difficultates, sed disputantem progredi iubeat, donec vim obtinet argumentum. Octauo inuitent se inuicem Professores, diuersarum licet facultatum ad priuatas etiam disputationes, saltem per horam aliquam, quo magis concertatio feruescat congressus Præceptorum: eandem ob causam inuitentur ad easdem nonnulli etiam, qui in nostris Academicis Doctoratum consecuti sunt, vel suorum studiorum curriculum confecerunt: siquid denique aliud vsquam est in vsu, quo disputationes reddi solent celebriores, id sedulo retineatur.



# DE OPINIONVM DELECTV, censura, retractatione.

## C A P. V I I.



**N** opinionibus a Societate constitutis non est satis Doctorem referre sententias multas, & de suo nihil apponere, sed defendat opinionem præscriptam, vel relinquat questionem, vel differat, donec melius cogitet; sicut vero boni Doctoris est opiniones seligere tutiores, ac magis receptas: ita ad Superiorum pertinet vigilantiam curare, ne quid in eo genere peccetur, & siquid peccatum fuerit, emendare.

2 Ad observandum verò, quæ Professores minus caute doceant aut loquantur in Scholis, hæc ferè conducere videntur. Primo Præfectus illos audiat aliquando: nec rarius, quam semel decimoquintò quoque die quamlibet classem superiorē superior Præfectus, inferiorem inuisat inferior: legat interdū commentarios à discipulis exceptos. Duos etiam tresve auditores ex Nostris non minus fidos, quam ingeniosos frequenter roget, quid in ista, quid in illa questione sentiat præceptor tanquam aliud agens, nihil læsa, quantum fieri poterit, Doctoris existimatione. Id quod aliquanto diligentius præstandum est, cum Doctor aliquis in materijs lubricis versatur, vel in quibus præscriptæ iam sunt opinio-

opiniones. Secundo si quid animaduersione dignum obseruatum, delatumve sit, examinent Rector, & Præfectus scripta duorum, vel trium. Interrogentur etiam duo tresve secreto, & cauendum, ne quid calumnie subsit, id enim impunitum esse non debet, ad terrorem aliorum. Tertio ubi de re constiterit, Rector Præceptorem admoneat suauiter, & siquid periculosum fuerit, retractet continuo: secus amoueatur: sin res non adeo clara sit, expectet occasionem aliquam, qua dicat illud sibi aliquando placuisse, nunc autem minime. Quarto in ijs, quæ tenenda non sunt, quia prohibita à Patre Generali, moneatur etiam, vt retractet per occasionem: in grauibz autem etiam compellatur; secus agatur, vt cum inobediente. Pro grauibz autem habeantur vel quæ sunt proxima temeritati ac scandalo, licet non clare, vel vnde pendet multa aliæ quæstiones.

3 Si quid ab aliquo Professorum inter disputandum perperam dictum sit, si commodè dissimulari potest, Præfectus conniueat: sin ea res plus habeat periculi, aut erroris, quam ferendum sit, nihil differat, sed prudenter tunc rem totam curet declarandam siue per Præceptorem, siue per se, nisi inde timeat plus contentionis & turbarum. Tunc enim aliquid quod ad rem pertineat, breuiter significet, & finem imponat, remque totam postea Rectori referat.

4 Conclusiones, quas quis in classe defensurus est, postquam a Magistro recognitæ fuerint, ostendantur

dantur etiam Præfecto ; qui opinionem nullam  
commutet, aut deleat inconsulto Professore.

Quod si inter eos res componi non pos-  
set , ad Rectorem referatur :

qui postquam eos , aut

etiam , si oportue-

rit , alios au-

dierit ,

quicquid statuet , denuntiet ,

atque exequatur

per Præse-

ctum.

DE

140 De Theologia  
DE PRIVATO STUDIO SCHOLASTICORUM.

C A P. VIII.



*Hic* Oris privato studio attributis, Scholastici seruent hunc studendi modum. Prævideant ante Scholas textum legendum: post Scholas Domi relegant scripta; curent intelligere: intellecta sic examinent, ut ipsi sibi obijciant, & quæ obiecerint, solvant; quæ nequeunt, annotent ad interrogandum, vel disputandum. Præscriptam tandem à Præfeto diuisionem temporis seruent diligenter.

2 Quoniam in hoc privato studio aliquem commentarium concedunt Scholasticis Constitutiones, libri auditoribus Theologiæ sic videntur distribuendi. Hi qui sunt ingenio vix mediocri, primo semestri non legant, nisi S. Thomam, ne Caietanum quidem: sed postea detur eis vnus tantum pro diuersitate materiarum, isque perspicuus & facilis, ut Durandus, Bouauentura, Richardus, Marsilius, Ferras Argentinas. Poterit & aliquando commutari, si iudicabitur expedire. Qui sunt ingenio saltem mediocri, vel plus, vix aliquid primo semestri præter S. Thomam, et Caietanum videant, nisi qui legerint cursum Philosophiæ. Postea aliquis autor dandus eis est ex clarioribus iuxta materias. Tertio anno Gabriel, Gregorius, Henricus, Palus. Herueus, Scotus præ-



præsertim ingeniosis, sed vnus ferè, vt inquit Cō-  
stitutiones. Quarto anno quibusdam Capreolus  
posset dari. Biblia vero & Tridentinum Conci-  
lium quilibet semper habeat. Secundo anno aliquē  
etiam ex Patribus, & eum ferè, quem petierint, si  
non sit parum vtilis, & quantum fieri potest, accom-  
modatum præsentī materiæ: is legatur succisuius  
tantum quadrantibus, vel post tædium lon-  
gioris studiij. Poterit & commutari, si  
post aliquod tempus alium po-  
scant. Sed curetur, ne in  
hoc sint nimij, vt  
concionabun-  
di.

DE



## CAP. IX.



*Vacationes intra annum nullæ introducantur, vbi non sunt: nec vbi sunt, longius extrahantur, tum quia per tot remissiones, & longas vacationes multum temporis amittitur, vt expediendi nequeant materia: tum quia tempore vacationum non solum externi, sed etiam Nostri minus possunt in officio contineri: tum quia multis Nostrorum auditorum est tædio tam longa vacatio, cum ex se ipsi occupari nesciant; ægrotant etiam crebrius ob occasiones nimix relaxationis.*

2 Optandum est, vt vbique legatur in Annuario Defunctorum à prandio: Item statim post festum Sanctorum Innocentium: Feria 6. & sabbato ante finem Bacchanalium. Feria secunda, & tertia quinquagesimæ, vbi id consuetum fuerit. In Feria quarta Cinerum à prandio: Hebdomadis Sanctæ Feria secunda & tertia, mane etiam quarta: post Pascha Feria quinta & sequentibus, & vbi moris est, etiam quarta. Mane etiam vigiliarum, (nisi vbi id scandalo foret) Natalis, & Pentecostes, saltem vt post paulo breuiorem lectionem, aliquid piæ cohortationis subiiciatur.

3 Dies vnus recreationis integer sit in hebdomada, vbi est in vsu; vbi vero solum à prädio vacatur, nihil addatur. Hic dies non interponatur, cum vel festum vnum est in hebdomada, & cadit in Feriam quartam seu quintam, vel cum duo festa sunt.

4 Remissiones studiorum à prandio Italici consuetudine ineunte Iulio propter caloris vehementiam (quo tempore Professores Scholastici legunt alternis diebus) non introducantur, vbi non sunt; sed vacetur duobus mensibus: minus etiam, si minus est consuetum propter mitiorem cœli temperiem. Vbi vero fiunt illæ remissiones, maior quam oportet, fiet iactura lectionum, si vltra sesquimenssem protrahantur vacationes. Desinant itaque ad finem Augusti, & sub festum S. Lucæ redeant ad Scholas. Alijs in regionibus licet citius tardiusve ferias finire, repetique studia exigat vel vetus

Academici publicæ mos, vel cœli inclementia, vel consuetudo regionis, illud tamen vniuersim

curetur, ne Nostri

vltra sesquimenssem,

vel

duos menses lectionibus desti-

tuantur.

# DE GRADIBVS BACCALAVREA- tus, Magisterij, & Doctoratus.

## C A P. X.



Constitutiones 4. Par. Cap. 15. nu.  
2. In Artium, inquiunt, studio  
cursus erunt ordinandi, in quibus  
scientiæ naturales (ad quas minus  
quàm trium annorum spatium sa-  
tis non erit) prælegantur, præ-  
ter quos medius adhuc annus ad audita repetenda,  
& ad actus Scholaſticos celebrandos, & gradum  
Magisterij suscipiendum ijs, qui eum suscepturi  
sunt, relinquetur.] Infra §. 3. Theologiæ, inquiunt,  
curriculum sex annis emetietur: in primis quatuor  
ea omnia, quæ legi oportebit, prælegentur; in duo-  
bus reliquis præter repetitionem actus soliti ad  
gradum Doctoratus ab ijs, qui promouendi sunt,  
absoluentur.]

1 Optandum est, vt quod hucusque fieri non po-  
tuit, concedatur deinceps Nostriſ ad repetendam  
vel Philosophiam semiannus, vel Theologiam  
biennium.

2 Porro ægre ab externis obtineri poterit vbiq;  
vt actus nõ inchoent seu perficiant, nisi peracto Phi-  
losophiæ vel Theologiæ studio, idq; vel per dimidiũ  
annũ vel per bienniũ vltra. Nã in Italia vix à No-  
striſ promouentur nisi alumni, vel conuictores, qui  
tandiu nequeunt expectare, & facile ad medicinã

vel



vel ad iurisprudentiam dilabuntur: quin etiam alienantur à Nostreis & offenduntur hac seueritate, cum in cæteris Italiæ Academijs facillimè gradū consequantur, si velint. In Germania quoque tantæ dilationis intervalla vix tolerantur, nec parum præstitisse se putant, si quadriennium Theologiæ impendant: & esset illis aliquid remittendum, alioquin deterrentur à Doctoratu petendo, ut paucos proinde Doctores Catholicos habeat Germania, cum abundet Doctoribus hæreticis, quod eorū promotio semper in promptu sit. In Gallia quoque nihil ultra triennij finē expectant Philosophi, ut Magistri fiāt, quod tantā morā non ferant, cū properēt ad Leges. Id quod ēt Germanis accidit Philosophis ob alias causas. Consideret itaque R. P. Generalis, an cum Italis, & Transalpinis dispensare velit, cū præsertim Constitutiones ibidem B. dicant id esse seruandum ut plurimum. Germanis quoque Theologis posset indulgeri, ut in fine biennij primum celebrent actum, quo fiant Baccalaurei currentes: formati vero in fine triennij post actum alterum, ut hoc pabulo detineantur in Nostra Academia, atq; illi duo actus computandi essent inter eos, qui ad Doctoratum necessarij sunt, quem tamen suscipere non deberent, nisi post quadriennium celebratis alijs actibus, etiam si nonnulli in patriam interim redirent, ubi & suis negocijs & priuato studio vacarent, reuersuri deinde in Academiam Nostram, quando oportuerit ad doctoratum suscipiendum.

3 Promouendis ad gradus examinis, & actuum

R 2 ratio,

ratio, ubi seuerior alia non fuerit ex instituto, & fundatione Academiae, istiusmodi praescribenda videtur. Principio candidatum aperto capite sedentem in scamno Doctores seu Magistri quinque, quorum vnus ac Praeses sit Cancellarius seu Praefectus studiorum, priuatim examinent duabus horis, argumentando nonnunquam, sed saepius interrogando de praecipuis totius Theologiae vel Philosophiae quaestionibus, quas pridie Praefectus distribuat examineribus. Examine peracto exeat candidatus, & dum foris opperitur, inter se deliberent examinatores, an videatur idoneus, qui ad actus publicos admittatur, pluribusque suffragiis res discernatur. Quod si nondum aptus iudicabitur, perhumaniter ei denuntiet Praefectus egere illum diuturniore studio. Postquam vero aliquanto diligentius studuerit, alterum illi examen subeundum est. Sin maior illum pars idoneum censuerit, hoc illi significet Praefectus, & diem primi actus celebrandi constituat.

4 Actus publicos quinque Theologus persoluat, quorum priores quatuor sint particulares, hoc est, ex vna S. Thomae Parte, nempe primus ex 1. Par. alter ex 1. 2. tertius ex 2. 2. quartus ex 3. Par. nouissimus aut sit generalis de tota Theologia, quem sane vltimum esse oportet, non primum, ne statim initio tanta rerum multitudine opprimatur. Quare satius videtur, vt Theologiam primum per partes expendant, ac tueantur candidati, deinde strenue exercitati in partibus, aggrediantur vniuersam.

ſam. Generalis actus totum Scholarum tempus occupet mane, & Veſpere: particulares vero vel matutinis, vel pomeridianis duabus horis, & dimidia contenti ſint. Conſtet vero ille quinquaginta circiter concluſionibus, iſti autem fere quindecim. Porro actus Philoſophorum duo ſint, & prior quidem particularis, collectis ex vniuerſa Philoſophia quindecim circiter concluſionibus: alter generalis & plenior ex Theſibus quinquaginta ſerè. In ijs vero actibus tantum, Noſtri, qui Maſtri, ſeu Doctores ſunt, vtantur Epomide, vbi eius vſus fuerit: Neque vero promoti omnes ea vtantur, ſed ſolum Philoſophiæ Profeſſores, & argumentaturi ad tuendam Academia auctoritatem, nec niſi promoti argumententur, vbi eorum ſatis magnus ſuppetit numerus. Doctores, & Profeſſoribus Theologiae aſſignentur loca diſtincta à Doctores, Profeſſoribusque Philoſophiæ cū ad actus cōueniūt. Inter hos vero, qui actu docent, præcedant alios, qui actu non docēt. Cæteri oēs ſiue promoti, ſiue nō pro-

5 Post quemlibet actum, qui examinandi munus exercent, inter ſe deliberent, an & quomodo progrediendū ſit in actibus. Nā in aliquo actu cādida- tus ſi ineptiè admodū ſe gereret, numerāduſ non eſſet inter actus neceſſarios, ſed pro eo alter obeūdus foret: ſi non vſq; adeo indoctè reſponderet (vt aliqua exiſtimationis eius habeatur ratio) non iteretur idē actus, ſed alter longius differatur, donec diligētius ſtuduerit, inſeratq; in actu ſequēti difficilio

Philosophi  
uniuersos auctores  
et cancellarios  
cedant, Praeſentibus  
etiam eos, qui  
Praeſentibus

res aliquas Theses ex priori. Cum vero in actu sui specimen, quod oportet, præbuit cādidatus, ad alios admittatur, & fiat Baccalaureus.

6 Conferatur Baccalaureatus non alio sane ritu, nisi quod candidatum iam tertio Theologiæ actu defunctum Cancellarius vel præceptor publicè pronuntiet Baccalaureum post fidei professionem, & oratiunculam, qua gradum istum postulet. Id quod præstari posset Philosophis, qui octo Pbyficorū libris auditis, Theses aliquas bene defenderint. Baccalaureis vero præscribendum non videtur, ut exponant aliquem librum Sententiarum, vel Aristotelis, si nondum sua studia absoluerint: Id enim non tam adiumento, quam impedimento est. Baccalaureus dehinc cæteros persequatur actus, quibus per actis indicatur illi dies, quo promouendus sit ad magisterium, seu doctoratum, qui tamē in Sacra Theologia nulli conferendus est, qui aliquo Sacrorum ordinum initiatus non sit.

7 Promotionis ritus varij solent esse pro multiplici Academiæ instituto, & Gentium moribus: Expeditissimus, & ad Constitutionum simplicitatem accommodatus videtur iste. Ante promotionis diem candidatus coram Cancellario, seu Præfecto ter aperiat Bibliorum librum, si est Theologus, vel Aristotelis, si est Philosophus: ex locis illis tribus, quos casu liber apertus obiecerit, unum quem maluerit, candidatus seliget, quem post viginti quatuor horas, sequenti die exponat in loco promotionis.



8 Promotionis locus sit aliqua classis amplior  
cæteris, vel aula actibus & promotionibus destina-  
ta: Templum quoque esse posset, cum Theologiæ  
Doctoratus cōfertur, seu Licētiatus, ubi est in usu.  
Ad eum verò locum altero die hora à Præfecto  
constituta conueniant omnes superiorum faculta-  
tum & Professores, & auditores: insternantur ali-  
quot scamna tapetibus, & ex sede paulo editiore,  
infra tamen Doctores, candidatus suam habeat le-  
ctionem paulo longiorem semihora: aduersus eum  
deinde de proposita quæstione duo tresve Doctores  
intra semihorā argumētentur: tū promotor (qui es-  
se debet ordinariæ Cancellarius seu Præfectus stu-  
diorum, nisi exonerandus videretur nonnunquam  
ob frequentiam promouendorum) breui oratiuncu-  
la candidati sedulitatem, atque ingenium com-  
mendet, vel si videatur, de re aliqua Theologica,  
tēpori, & auditoribus accommodata nonnulla ver-  
ba faciat. Surgat postea candidatus, & positis ante  
promotorem genibus Fidem Catholicam clara vo-  
ce profiteatur iuxta formulam à Pio Quarto edi-  
tam: qua perlecta iuret tacto Euangeliorum libro.  
Astet Bidellus manu tenens annulum, pileum no-  
uum, & librum Bibliorum pro Theologis, vel Ari-  
stotelis pro Philosophis. Surgat denique promotor  
operto capite, & gradum conferat hac verborum  
formula. Ego. N. Sacræ Theologiæ Doctor Aposto-  
licæ Sedis autoritate Nostræ Societati cōcessa, mihi  
vero commissa, confero tibi R. N. Sacræ Theologiæ  
seu Philosophiæ magisterium vel doctoratū iuxta

omnia *Academiæ* priuilegia : vt vbique *Diui-  
nas Scripturas Scholasticamque Theologiam, vel  
Philosophiam* docere possis publicè. In huius vero  
honoris, & gradus monumentum ac pignus, pileum  
capiti tuo impono, & hoc sacrosanctum volumen  
*Bibliorum, vel Aristotelis in manus tuas trado: di-  
gitum denique annulo, Doctoratus insigni nota, cir-  
cundo: id quod in Christi optimi maximi gloriam,  
Ecclesiæque vtilitatem cedat, In nomine Patris, et  
Filij, & Spiritus Sancti. Tum promotor nouum Do-  
ctorem amplectatur, vel manum tangat pro more  
patriæ, & reliqui deinceps Doctores, quos inter dñ  
promotus confidet, & honoris & hilaritatis gratia  
musicum aliquid interponatur, breuiter tamen &  
modestè.*

9 Promotione peracta vnus aliquis ab ipso can-  
didato ad id inuitatus oratione breuissima nouum  
Doctorem ad eam dignitatem morum gravitate, &  
assiduo labore, ac studio tuendam cohortetur. No-  
uus postea Doctor ex Cathedra tanquam Doctora-  
tus possessionem aditurus, aliquem diuinæ Scriptu-  
ræ locum interpretetur breuissime, eamque inter-  
pretationem claudat oratiuncula, qua Deo primū,  
deinde Doctoribus suis ac Promotori gratias agat.  
Tandem inter gratulantium occursum ac voces, &  
instrumenta Musicorum, inter Rectorem & Can-  
cellarium medius deducatur in templum, vel si iā  
sit in templo, ad Altare maius, vbi, Te Deum lau-  
damus, decantetur, & dimittatur concio. Porro ne  
cesse est, vt promotioni interfuerit aliquis notarius  
sive

sive *Academiae* proprius, sive ad id extra ordinem conductus, qui autenticum promotionis Instrumentum conficiat, vel publico, vel proprio Societatis sigillo muniendum.

10. Atque hæc quidem promotionum ceremoniæ satis esse videntur ubique, nisi ipsa *Academiae* fundatio aliud exigat, quod facile mutari non possit, dummodo caueantur excessus, quales esse videntur tum cappa *Violacea*, qua promotor induitur, tum chirothecæ, quæ Doctoribus distribuuntur, tum conuiuia, quæ & huiusmodi alia parum conueniunt cū Constitutionibus 4. Par. Cap. 15. F.

11. Nostri ad Magisterium vel doctoratum promouendi essent, cum docturi sunt Philosophiā aut Theologiam ob maiorem auctoritatem; quin etiam paucos alios oporteret esse iam promotos, qui vel subsidio esse possint ægrotantibus Doctoribus, vel designantur, ut aliquando doceant, non enim pridie ferè antequam quis doceat, decet Doctorem fieri. Insignia vero Nostrorum, qui promouentur, essent moderanda, & satis esse possent fila illa serica, quæ ponuntur in medio pilei, de quibus Congregatio prima Can. 19. vel epomides, quæ Germanis sunt in

usu.

# DE CONTROVERSIIS PRAE- legendis.



Etineatur hæc lectio Romæ pro  
Vltramōtanis: quorū duo fiant or-  
dines: vnus positiuorum, qui qua-  
driennio audiant controuersias,  
casus conscientiæ, et Scripturam:  
alter Scholasticorum, qui audiant  
duas Scholasticas lectiones; tertiam scripturæ pri-  
mo biennio, Controuersiarum in secundo, nihil de  
casibus, nisi quæ audiunt in Scholastica: cum enim  
audire omnia non possint, audiant quæ per se con-  
sequi facile non valent. Ad secundum ordinē non  
eligantur, nisi qui præstant ingenio plusquam me-  
diocri, & natura valde docili, nec elatiore animo,  
qui superbiant postmodum, & nostris aduersentur  
apud Episcopos, vt sese in eorum gratiam insinuēt.  
2 Vtrique exerceantur strenue in concionando  
pene quotidie, siue latine, siue Germanice in Refe-  
ctorio præsentē semper aliquo Germano de No-  
stris, à quo obseruentur, emendentur, amentur,  
laudentur, hoc enim præcipuum munus exercendū  
est inter hæreticos. Eadem in Anglos etiam con-  
ueniunt, & sequentia.

3 Quod vt præstare possint, & vacare studijs  
expeditius, moderandus videtur eorum tam diu-  
turnus, ac multiplex cantus, qui nec arma aduer-  
sus hæreticos suppeditat, nec magno vsui, cum in  
Germaniā redierint, futurus est, nisi ad quæstum,

*cum*



cum præsertim ea res ita studiorum tempus, & corporis vires absumat, ut ad huius Collegij scopum non multi pertingant. Quare non immerito aduersus eam consuetudinem sæpe clamatum est à grauissimis Patribus, ab ipsis etiam Germanis, qui frequenter experti sunt modicum, ac pene nullum ex ea re fructum in Germaniam redundare. Satis itaque fuerit in festis ordinarie Missam vel etiam Vesperas simplici, breuique cantu persolvere, nec apparatus ille ac splendor pene Pontificius nisi in paucissimis ac primarijs solemnitatibus, adhibendus esset: nec adiiciendæ preces Matutinæ, vel Horariæ, nisi sub Natalē Domini, & per Hebdomadam Sanctam, proprijsque suorum templorum festis.

4 Ratione Controuersiarum ordo lectionum sic videtur instituendus in Collegio Romano: mane prima hora fiat lectio Scripturæ. Secunda Scholasticæ: deinde repetatur. Fiat & prima hora lectio Casuum: A prandio prima hora legantur Casus, & Hebræa lectio. Sed post dimidium primæ horæ Scholastica per horam: mox repetatur circiter quadrante: & dum fit hæc repetitio, exeant ad audiendas Controuersias per horam in alia Schola Ultramontani, nam alij non sunt admittendi, præter paucos iudicio Superiorum deligendos, ut ex alijs etiam nationibus non desint aliqui, quando res exiget, qui hanc scholam prælegant, vel ad partes mittantur Transalpinas, ubi interdū hisce de rebus cum fidei hostibus dimicandum est, præterquam  
quod

quod Nostris saepe sit in Italia, in Hispania, & ali-  
bi cum hæreticis agendum.

5 Omnium Controuersiarum curriculum redi-  
gatur in quadriennium, & legatur hoc fere modo.  
primo explicentur hæreses de re, de qua agitur, &  
valde fideliter, nec diu professor moretur in earum  
origine, vel autoribus conquirendis, sed de hoc  
dicat breuiter, quod sibi certius videtur: nec refe-  
ratur hæreticorum scommata, & exaggerationes,  
nec verba, sed nuda sententia. Secundo veritas Ca-  
tholica bene explicetur, cum ea intellecta magnam per  
se faciat fidem, & minus pateat calumnijs, quia multa  
nobis imponunt hæretici, quæ non docemus. Ter-  
tio sit contentus duobus vel tribus Scripturæ locis  
valde manifestis, qui sunt corroborandi ex lingua-  
rum proprietate, collatione antecedentium, & con-  
sequentium, allegatione locorum aliorum & Pa-  
trum interpretatione. Quarto, expendantur Eccle-  
siæ decreta, & Patrum sententiæ: atque hæ non  
afferantur nisi illustres, & tantum notatis locis:  
At si quando vis est in verbis, pauca illa verba al-  
legantur potius per infinitiuium modum. Quinto  
subterfugia hæreticorum non coaceruanda, sed nec  
omittenda, quæ non nullam videntur habere vim.  
Sexto rationibus vix erit locus, nisi paucissimis  
& illustribus. Septimo si quando dissentiant vel à  
se ipsis, vel ab alijs, regulariter id non est curandum:  
id enim ipsi fatentur: nec pugnandum cum obsole-  
tis hæresibus, sed cum ijs, quæ nunc vigent, & quo-  
tidie pullulant, quarum catalogus conficiatur in

Germania, & si quid noui subnascitur, Romā perscribatur. Octauo hæreticorum obiectiones non ponantur in principio, sed in fine, nec cum amplificatione, nec sine stomacho, & statim cuilibet propositæ suæ solutio annectatur. Nono nulla fiat digressio in Scholasticas quæstiones vel dubitationes: sed ijs prætermisissis ea tantum, quæ sunt fidei seu proxima fidei, constabulantur. Non enim est huius loci quicquid in re proposita difficultatis est, persequi, sed eam tantum partem, de qua conuenit inter Catholicos, & cum hæreticis solum controvertitur.

6 Habeant *Vltramontani* in suis Collegijs semel in hebdomada repetitionem domesticam de Controuersijs relictâ Scholasticâ; ad cuius finem si quæ fuerint dubitationes explicentur citra longam disputationem, quæ & frequenter digredi solet in res Scholasticas, & obesse posset ijs, qui contra fidem disputare consuescerent. Optandum porro est, ut harum repetitionum non sit moderator, qui in ijs parum versatus est, nec delectatur ijs studijs, sed Pater aliquis harum rerum, & Scholasticæ bene peritus, etiam si *Vltramontanus* aliquis ad hoc ipsum vocandus esset in Italiam. Si qui *Nostri* auditores Theologiæ sunt Romæ *Vltramontani*, curandum est, ut habitent in Germanico vel Anglicano Collegio, quantum fieri potest, ne careant his exercitationibus.

7 In Regionibus *Vltramontanis* in Collegio, quod quælibet habet Prouincia pro *Nostrorum* Seminario,

minario, Scholastica Theologia explicetur accurate, & finiatur à duobus Professoribus quadriennio et nihil in ea de Controuersijs, sed de ijs lectio separata instituatur absolueudis etiam quadriennio. Has tres lectiones cum quarta Scripturæ audiant per quattuor annos, cum experti sint se id posse sine incommodo valetudinis. Vbi vero lectio Controuersiarum introduci non potest, vel non tam cito, duo Scholastici explicent Controuersias, ubi occurrunt secundum ordinem S. Thomæ, & in ijs (nisi ubi magis expedit hærere in Scholasticis, ut in Gallia propter Sorbonenses) plus morentur, quam in subtilitatibus Scholasticis, in quibus contenti sint S. Thomæ conclusionibus non multis alijs adiectis, cum paucis, & clavis probationibus, id enim accomodatam est ~~in~~ *ratione* ~~an~~ *his* temporibus.

8 Pragæ, si præstari nequeunt, quæ in primarijs Collegijs: tamē quia habet Aulā Imperatoriā, & regnū hæreticum est, & multi conuictores, & alūni, saltem post biennium philosophiæ (hæc enim non est prætermittenda, cum aliquo modo excitet tardos, faciatque promptiores contra hæreticos,) addatur aliud biennium pro Casibus, Scriptura, & Controuersijs redigendis in eam temporis angustiam, quantum fieri potest. Interim vero exerceantur in concionibus, in praxi Sacramentorum, &c. Alioquin ex sola Philosophia ad animarum curam accedent longe minus instructi, quam rei magnitudo postulet & spes Summi Pontificis, qui ea Collegia erexit, ac sustentat. In alijs



Collegijs, in quibus id fieri non potest, nec legitur  
Theologia, lectio Catechismi Romani, vel doctrinæ  
Patris Canisij, quæ solet haberi in sextis fe-  
rijs, habeatur etiam & quidem paulo  
plenior in Dominicis, & festis,  
ut fiat maior progressus.


Hactenus de Contro

uersijs, nunc ad

Cōscientiæ

Casus.

DE



Constitutiones saepe commendant  
studium Casuum conscientiae, præ  
cipue vero in 4. Par. Cap. 5. D.  
& plenius Cap. 8. §. 4. In mini  
sterio, inquit, Sacramentorum  
confessionis, & communionis sese  
exerceant, & non solum quod ad ipsorum, sed etiã  
quod ad pœnitentium, & communicantium officiũ  
pertinet, vt bene, & vtiliter ad Dei gloriam ea per  
cipiant, & frequentent, perspectum habere, atque  
exequi curent.]

Ibidem D. In confessionibus, inquit, præter  
studium Scholasticum & Casuum conscientiae, præ  
sertim restitutionis, conueniet compendium ali  
quod Casuũ & Censurarum, quæ reseruantur, ha  
bere, vt videat, quo pertingat ipsius iurisdictio, &  
simul formulas, quæ minus vsitatae sunt quarũdam  
absolutionum, quæ occurrunt, ac breuem interrogã  
di methodum de peccatis, & eorum remedijs, &  
instructionem ad bene ac prudenter in Domino si  
ne damno suo, & cum proximorum vtilitate hoc  
officium exercendum: & aliqua confessione audi  
ta præsertim in principijs, confessarius apud se con  
sideret, num in re aliqua defecerit, vt in posterum  
caueat.

De eodem quoque studio aliquid præcipitur in Secundæ Congregationis Generalis Can. 17. & in formula acceptandorum Collegiorum data à Patre Laynez nu. 3. & in Regulis Prouincialium Reg. 56. ubi sic habetur. Qui propter ætatem prouectiorē, aut alias causas in facultatibus & Scholasticis studijs progressum facere non possunt, curabit, ne in illis tempus insumant, sed Casibus conscientiæ discendis dent operam, sintque semper aliqui ex Nostri, qui huic studio diligenter incumbant, ut Societas copiam habere possit operariorum, qui confessionibus audiendis sint idonei.]

Et Reg. 57. In singulis, inquit, Domibus, & Collegijs aliquem constituat, qui in Casibus conscientiæ bene versatus sit, ut difficultatibus domi, & foris occurrentibus satisfacere possit.]

Nec immerito tot modis ac vijs Societati commendatur hæc sciētia Casuum, cum non solum Confessarijs nostris, sed etiam Concionatoribus, Rectoribus, Professoribus, omnibus tādē, qui in aliquo iuuandi proximos ministerio occupantur, necessaria, sit idque pene quotidie, cum nihil frequentius his Casibus in vsum veniat: tanto vero magis curā dum est, ut huiusmodi studiū bene constituatur, ac vigeat, quod plures Nostrorum huic facultati, quā altioribus apti sint: & ex eo citius operarij in vineam Domini prodeant: præterquam quod externis clericis, & animarum curam suscepturis nihil est vtilius. Ad eam vero scientiam, quantum satis est, promouendam conferre videntur hæc fere.

1 Optandum est, ut in primarijs saltem Collegijs duo sint Casuum conscientiae Professores, & eiusmodi quidem, qui Theologos Professores toto ferè onere huius facultatis leuare possint, cum illis grauiiores aliae incumbant disputationes, quibus ægre faciunt satis propter angustiam temporis quadriennalis. Quare Theologiae Auditores cum hanc facultatem Casuum ex Professoribus Theologiae haurire non possint, debent regulariter vnā quotidie lectionem Casuum audire vno biennio, præter Vltramontanos Scholasticos, qui Romæ vacant Controuersijs.

2 Duo lectores Casuum ita materias omnes sibi partiantur, ut biennio explicent Sacramenta, Censuras, Status hominum, Præcepta Decalogi, & Ecclesiae. Et quoniam eorum omnis labor spectat ad Parochum, seu Confessarium instituendum, ex ijs materijs non solum rescent difficiliora, sed ea quoque quorum infrequens est usus in Confessionibus. Itaque, vel nihil, vel pauca quædam & utiliora Confessarijs attingenda sunt De Interdicto, De Suspensione, De Depositione, & De Degradatione, De Sacramentis Confirmationis, Ordinis, Extremæ Vnctionis, & Eucharistiae, De Magia, De Emphyteusi, De Hæresi, & Schismate, De Statu Regum & Principum, De Bello, De Processu Inquisitorum, & alijs id genus, quæ omittenda, vel percurrenda sunt, quo locus amplior fiat reliquis utilioribus exponendis.

3 Prælegat vnus mane hora Scholarum prima: Alter prima itidem hora à prandio: Et matutinus lector



lector à Theologis etiam audiatur: quare is, cæteris fere materijs pomeridiano relictis, explicabit Contractus, Censuras, Impedimenta Matrimonij, namque ijs exonerandus est secundi Professoris Theologi quartus annus, qui vix par esse potest Pœnitentiæ, & Matrimonij Sacramentis sane copiosissimis. Sic enim fiet, vt Theologi non audiant nisi materias, quas Theologi Professores derelinquunt, & dimidia fere pars Theologorum audiat Casus, dimidia vero Scripturam. Et cum non omnes Theologi eodem anno incipiant audire vel desinant, quicunque auditores vel primi, vel secundi sunt anni, audire possunt Casus vel incipiendo à Censuris, & progrediendo ad reliqua, vel contra: Scripturam vero, qui in tertio quartove anno versantur.

4 In quibus Collegijs duo Casuum lectores haberi non possunt, sed vnus, si potest ipse binas quotidie lectiones sustinere, matutinam, & vespertinam, legat mane materias à Theologis audiendas, cæteras à prandio, vt biennio materias omnes emetiatur: sin vnus duabus lectionibus par non fuerit, sed vni dumtaxat, tunc si nulli seu paucissimi sint, qui Casibus tantum studeant, non exponat nisi materias audiendas à Theologis, quorum quia, præterquam in primarijs Collegijs, non est tantus numerus, vt eorum pars ad audiendos Casus, pars vero ad Scripturæ lectionem diuidi commodè possit, necesse est simul vniuersos audire Scripturæ & Casuum lectionem: vtramque vero non possunt eodem die, cum audiant etiam Scholasticas lectiones, assiduitas

enim quatuor lectionum tolerari vix potest à No-  
stris salua valetudine. Quocirca cum nec Scriptu-  
ræ, nec Casuum lectione debeant carere, & cum  
vtrunque simul sustinere non valeant, alternis eas  
audiāt, & quando Casus audiunt, Scripturæ lectio  
intermittenda est, cum auditores fere non habeat  
nisi Theologos, qui propter paucitatem non possunt  
diuidi. Ea vero harum lectionum duarum vicissitu-  
do posset institui duobus fere modis. Vno quidem  
vt duobus annis legantur Casus, qui audiantur à  
Theologis cessante Scriptura: altero vicissim bien-  
nio Scriptura exponatur, Casibus intermissis; atq;  
hæc sane ratio valde incommoda est, propter tam  
diuturnam, vel Scripturæ vel Casuum intermissio-  
nem. Alter igitur modus videtur vtilior, vt Casus,  
& Scripturæ diebus alternis prælegātur: easq; le-  
ctiones vicissim toto quadriennio audiāt Theologi.

§ Sin in eo Collegio, quod vnum habet lectorem  
Casuum, non solum Theologi sint, sed etiam medio-  
cris aliquis numerus audientium. Casus, tam No-  
strorum quam externorum, decet tunc lectorem  
vtrisque, inservire, & oēs biennio complecti materias,  
quas duo lectores solent explicare. Quare oportet  
illum dimidio fere esse breuiorem, quàm vbi binæ  
sunt quotidie lectiones. Itaque faciliorebus omisis  
seligat paulo grauiore quæstiones: & in ijs vnā  
vel alterā opinionem referat. Quamlibet vero  
conclusionem fere probet argumento, nec diluat  
obiectiones, nisi aliquam forte molestiorem: quin  
& in conclusionibus seruet, quā pōt maximā pauci-  
tatem,

ratem, & constitutis primarijs quibusdā regulis ad minutiora non dilabatur. Ita vero materias audiendas, & non audiendas à Theologis diuidet, ut quo die Scriptura prælegitur, edisserat materias, quæ Casistis propriæ sunt: altero vero die, Theologis, & Casistis communes, prorsus ut seruatō compendio, quod paulo ante descriptū est, biennio materias dēs Parocho, seu confessario necessarias perstringat, sed ita variatibus biennijs, ut habeat vno biennio auditores et Theologos: altero aut Casistas tantū: in quorū biennio possent Theologi vel quotidie audire Scripturam, ne destituatur auditoribus, vel alternis, nā & alternis semper legi Scripturam satis esset in Collegijs minoribus, quæ magno audientium numero non abundant, in alijs vero quotidie. Tamen si conandum esset, ut qui Casibus student, nihil minus triennio illos audiant, si vnum habeant lectorem: alioquin pleraque eos ignorare oportebit, & vix eiusmodi fore sperantur, quibus tuto possit animarum cura committi. Quocirca, nisi graues urgeant causæ, trienniū videtur tribuendū Casistis: si cuius vero opera interim Superiores uti velint ad aliud quodpiā ministeriū, ipse solus ante tempus remoueatur ab eo studio, non totū huius studijs spatiū tot angustijs concludatur. Quod si trienniū dabitur, Professor explicet plenius, quæ fuisset biennio traditurus. Quod tempus, & explicandi rō seruentur et in Collegio, in quo Theologia nō prælegitur.

6 Cum duo sunt lectores, licet exactius disputare debeant de Casibus, non ita tamen, ut in Schola.

sticas quæstiones inuadant: tametsi quædam liceat Theologica saltem breuibus definitionibus perstringenda sint, vt quid sit Sacramentum, quid Character, quid peccatum mortale, aut veniale, quid consensus, &c. In referendis autem opinionibus habeatur delectus, vt non obsoletæ, vel manifesto falsæ recitentur, sed pauca, & probabiles. Neque argumenta pro & contra apparatu Scholastico disponantur, sed per dubia, vel conclusiones difficultas euoluatur, eo consilio, ac ductu, vt Confessarius informetur, non Theologus: in confirmationibus autem conclusionum seligantur ad summum duæ tresue rationes optimæ: non taceatur tamen quorum auctorum ea sit opinio, dummodo Canonistarum more non coaceruentur allegationes. Porro ita Professor suas opiniones constabiliat, vt aliquā etiam aliam, quæ bonos habeat auctores, significet esse probabilem. Neque contentus sit generali quodam præcepto seu regula, sed etiam exempli gratia ad tres quatuorve casus particulares descendat, sed non plures ferè, ne tempus vtilioribus subtrahatur, nec vsquam ultra horam legatur.

7 Lẽctione peracta, fiat in Scholis repetitio per dimidiam horam præsentẽ Præceptore, vt in Theologia Scholastica dictum est. Domini quotidie, & die Dominico repetantur huiusmodi lẽctiones à Cassis: tres moneantur qui repetant, & liberum sit Præceptori ab illorum quolibet exigere lẽctionis partem, quam maluerit: præsto sit Præceptor repetentibus, eosque ita subleuet, vt frequenter etiā,

quæ



quæ breuiter docuit, explicet: ea namque re magno opere indigent Casistæ: post repetitionem dubia proponantur.

8 Quolibet Sabbato, prætermissa lectione, per duas horas de propositis conclusionibus disputetur in Schola coram magistro: ea vero disputatio non tam instituat argumentationis filo, quam interrogationis, ita ut vel exigatur explanatio alicuius obscuritatis vel nouus Casus mutata circumstantia aliqua proponatur, dummodo non sit extra materiã conclusionum, vel petatur quomodo hæc cohæreant cum antecedentibus, cum quibus parum consentire videntur: vel alicui conclusioni opponatur Canon seu Doctor ex primarijs, seu nonnulla mediocris argumentatio, quo res plus habeat dignitatis, temperate tamen, & longe infra philosophicam consuetudinem. Eadem hæc præstanda sunt etiam ubi lector vnus est, sed decimoquinto quoque die, nec ultra sesquihoram.

9 Vbi vero nulla est publica lectio Casuum, Sacerdotes nostri tam in Collegijs, quam in Domibus, ut in eorum regulis habetur, bis in hebdomada vel semel saltem conueniant ad habendam de Casibus collationem inter se aliquo præside, qui prudenter ac tuto possit id præstare. Ab hac autem collatione Sacerdotes nulli (exceptis Theologiæ Professoribus, alijsue pene paribus Præsidi, qui mutuis horam extraherent contentionibus) eximantur, si ex professo, vel aliquando audiunt Confessiones, etiã si Magistri Scholarũ sint. Vel enim liberandi sunt

ab onere Confessionum, vel si id fieri nequit, non relinquant huiusmodi collationem, est enim tam varia ac multiplex hæc scientia Casuum: tam lubricum, ac fallax iudicium: tam fugax, & inconstans memoria, ut sine crebra harum rerum inculcatione vix graues lapsus valeant euitari. Nec parum verendum est, ne quosdam tædere laboris incipiat, & malint ex tempore, quam meditato: & suo potius ipsi iudicio, quam ex Doctorum præscripto respondere, non sine magna nostræ existimationis, ne dicam conscientiæ, iactura: Superiores etiam ijs interesse collationibus oporteret, tum quo magis ordinate, & grauitè peragantur, tum quia nonnumquam nibilo minus hoc auxilio indigent ipsi, quam reliqui, cum frequenter ijs de rebus consulantur.

10 Atque hæ collationes quo fructuosiores sint, instituendæ videntur hoc fere modo. Si in Collegijs quæ publicam habent Casuum lectionem, aliqui sint Sacerdotes, qui eam lectionem non audiunt, licet audierint, vel ad altiora etiam progressi sint, si tamen confessiones audiunt externorum, bis in hebdomada aut semel saltem intersint (nisi suam seorsim habere malint, quod ordinarie satius est) domesticæ repetitioni, quam habent quotidie Cassistæ: audiant eos repetentes: interrogent, de quibus dubitât. Interrogentur & ipsi à Præceptore nonnumquam, quid ad istum vel ad illum casum respondeant: accedant vero parati ad eam materiam, de qua tunc disputatur in schola.

**II** Vbi nihil publice prælegitur de Casibus, collationum Præses statuat materiam aliquam, de qua differendum sit, vt de vsura, de simonia, de voto, de matrimonio, de homicidio, de irregularitate, &c. Et principio quidem ipsemet breuiter aperiat præcipua capita, ac fundamenta illius materiæ, vt generalem quandam notitiam, & tanquam lucem in omnes illius tractationis partes præbeat: deinde ad singularum partium, & quæstionum examen accedat: non vt ipse per se illas exponat, sed alicui deman- det, vt de aliqua quæstione, aut capite illius materiæ tres quatuorue Casus seligat, eosque à se recognitos & emendatos affigi iubeat in loco repetitionis, notato ibi die, quo examinandi sint. His vero Casibus studeant cæteri vel indistincte apud quoscunque voluerint Doctores, vel quilibet apud vnum aliquem à Præside præstitutum. Postquam conuenerint omnes, interroget vnum aliquem de primo Casu, deinde duos fere alios de eodem, postea ex ijs quæ dicta sunt, colligat doctrinam, quam vt tutiorem omnes sequi debeant. Idem postea faciat in examine secundi Casus, & reliquorum. Illi vero tres, qui interrogandi sunt, vel ex tempore nominentur à Præside, cum omnes parati accesserint, vel quod satius videtur, ante præmoneantur, & vicissim commutentur. Explicata vero illorum Casuum doctrina, proponant qui volent suas iisdem de rebus dubitationes, respondente vno ex illis tribus præmonitis, & Præside tadem definiēte, quid sentiendum sit. Hoc ordine examinari possunt singulæ

gulae quaestiones, quæ ad aliquam materiam pertinent: deinde ad aliam gradus fiat. Si qui tamen Casus extra ordinem acciderent alicui Confessario, quorum explicatio grauis, ac difficilis esset, deferatur ( si nihil aliud obstet ) Præsidi, ut ipse iubeat illos examinari in proxima futura repetitione, seruat modo ac forma ordinarijs quaestionibus præscripta. Porro sicut Superiorum est eum Præsidem ijs repetitionibus præficere, qui eam provinciam sustinere possit cum dignitate, ita & Sacerdotum erit Præsidis sententia esse contentos, nec illius opinionēs exagitare apud Professores Theologiæ, aliosve Doctores. Qui si quando ijs de rebus consuluntur, tueri studeant Præsidis estimationem, alioquin vix reperietur, qui velit præsidere, & vniuersa hæc exercitatio fiet inutillis.



## DE LINGVA HEBRÆA.



Constitutiones 4. Par. Cap. 6. D. Hebræam linguam discendam esse statuunt ab ijs, qui vel in Theologiæ facultate ad aliquem gradum promoti sunt, vel in ea mediocriter eruditi. ] Huic Constitutioni ut maxime satisfiat ante tertium annum, non videntur Theologi ad Hebræam lectionem admittiendi ordinarie, præterquam quod tyrones Theologi paucioribus onerandi sunt lectionibus, quam prouectiores: ea quoque res commodè cedit ratione Scripturæ, quam anno tertio incipiunt audire, ut tunc maxime Hebrææ linguæ præsidio videantur indigere.

2 Omnes autem quibus Constitutionum 4. Par. Cap. 6. D. congruit, obligandi videntur ad studium Hebrææ linguæ per annum, cum enim ex præscripto Constitutionum, & ex instituto Scholarum Nostrarum hanc etiam linguam doceat Societas, conari oportet illam mediocri saltem audientium numero sustentare & nonnullos alere, atque ita institueri, ut illam postea docere possint, quorum iam magna penuria laboramus: non videntur itaque ulli eximendi ab hac lectione, nam etiam si nonnulli in principio auersi sint, contingit tamen interdum, ut post aliquem eius linguæ gustum erga eam benè afficiantur. Quin etiam expedit aliquos ad eam vel aptiores, vel propensiores designare, qui etiam

quarto

quarto anno in huius linguæ studio perseverent, saltem priuata ad id Academia instituta, vt ex ijs postea seligi possint, qui illam publicè profiteantur. In eadem Academia tradi etiam deberet aliqua introductio ad Rabinos intelligendos.

- 3 Bimestri circiter spatio Grammaticæ Institutiones absoluantur: quo in genere Patris Belarminij, quam Clenardi Grammatica commodior videtur, quanquam & illam autor aliquanto magis locupletare atque explanare deberet.

DE

## DE STVDIO PHILOSOPHIAE.



*Philosophiæ cursus triennio absol-  
uendus est iuxta Constitutiones  
Par.4.Cap.15.num.2. Id tamen  
non seruatur Conimbricæ, vbi ex  
fundatione Academia, quæ ex  
Regia autoritate dependet, post  
triennium audiunt etiam Philosophi dimidio circi-  
ter anno lectionem vnā Philosophiæ ~~ante~~ meri-  
dianam: id quod discipulis non parum confert, nā  
eo semestri tempore ad publicum examen, & gra-  
dum quotidie exercentur à Præceptore; alioquin  
non sine nostro dedecore examini exponerentur.  
Hanc verò exercitationem vix frequentarent, nisi  
alicuius lectionis tāquam pabulo allicerentur: No-  
stri vero eo semestri spatio vacant repetitioni, quā  
ibidem præscribunt Constitutiones: & quia tunc ha-  
betur lectio vna, quæ ipsis prodesse potest, illā etiā  
audiunt, cum præsertim Constitutiones dum dicūt  
ad Philosophiam minus quam trium annorum spa-  
tio satis non erit ] non tam cauent, ne plus trien-  
nio audiatur, quam ne minus. Reliquo autem seme-  
stri vel parant se ad literas humaniores, & Gram-  
maticā; si eas anno sequenti docturi sunt, vel Theo-  
logiam incipiunt audire: tametsi non incommode  
fieret, si exercitatio illa Philosophica circumscriba-*

tur quinque mensibus, & in sexto examen omne perficiatur.

Idem fit in Eborensi Collegio, licet enim sine consensu Regis possit id P. Generalis mutare: optandū tamen est, ne minus habeant Eborēses, quam Conimbricenses, cum utraque Academia sit Regis opus, & ex vna in alteram fiant discipulorum frequentes commigrationes, quibus non parum incommodaretur, si non idem rerum cursus, ac tenor utrobique seruiretur, audita namque cogerentur audire, vel carere prorsus non auditis.

Sunt & in Germania Pontificia quædam alumnorū Collegia, in quibus biennio vel paulo amplius Philosophia percurritur, quia propter inopiā operatorum, qui gerant curam animarum, nequeunt triennio detineri: immo secundo anno valde pauci sunt Philosophiæ Studiosi. Satius vero censetur esse biennali illos Philosophia, quam nulla imbui: ea namque non parum iuuantur, tum ad melius intelligendos conscientię Casus, tum ad se facilius extricandos ab hæreticorum captionibus, quibuscū oportet eos congregi frequēter: qua in disputatione magis iuuantur Philosophia, quam rudi quodam Casuum conscientię auditu. His itaque locis indulgeri posset, si P. Generali videbitur, ea dispensatio, quæ significatur in 4. Par. Constitutionum Cap. 15. Litera D. Qua dispensatione uti possent & illa Germaniæ Collegia, quibus satis magnus vel auditorū, vel Professorum numerus non suppetit.

Porrò vbicunque sit consuetudo, qua ad finem  
æstatis



æstatis in classe Rhetoricæ, compendium Logicæ prælegi solet audituris Philosophiam altero anno, abroganda videtur; id enim & triennii limites excedit, & singulare est, & alieno fit loco, & impedit eo tempore Rhetoricæ lectionem cum damno eorū saltem, qui ad Philosophiam non sunt ascensuri. Satius est igitur initio triennij Philosophici exponi, & audiri Logicæ compendium, quæ summula dicitur.

2 Constitutiones 4. Par. Cap. 13. Litera E. Posset aliquis, inquiunt, ea ætate vel ingenio esse, ut sola Latina lingua ei sufficiat, & ex alijs facultatibus quantum ad confessiones audiendas & agendū cum proximis opus est, cuiusmodi sunt aliqui, qui curam animarum gerunt, nec magnæ eruditionis sunt capaces: alij rursus erunt, qui ad superiores scientias progredientur. Has autem capeßere, & illas relinquere quatenus conueniat, superioris erit iudicare.] Et Cap. 5. Litera C. Iuxta modum, inquiunt, ætatis, propensionis animi, et institutionis in literis vniuscuiusque, vel communis boni quod speraretur, posset in his omnibus facultatibus, vel aliqua, aut pluribus earum quis exerceri: qui enim in omnibus non posset, curare deberet, ut in aliqua earum excelleret.] Infra Litera D. Aliqui ad Collegia mitti posset, non quod speretur doctos eos euasuros iuxta eum modum, de quo dictum est, sed potius, ut alios subleuent, cuiusmodi esset aliquis Sacerdos ad audiendas confessiones idoneus, & hi, & alij, in quibus propter ætatem prouectio-

rem

rem vel alias causas sperari non potest, quod in omnibus his facultatibus magnum facturi sint progressum, conueniet, ut iuxta Superioris præscriptum in ijs studiis quibus vacare poterunt, occupentur, & in linguarum peritia, & in ijs quæ ad doctrinæ confessionibus vtilem pertinent, & demum in ijs, quæ ad commune animarum bonum commodiora sunt futura, proficere curent. ]

Ut hæ Constitutiones seruentur operæpretium videtur, ut qui mediocri saltem non sunt ingenio, Philosophiam non audiant, sed vel Casibus consciëntiæ pro confessionibus audiendis studeant, vel si in lingua Latina, quantum satis est, profecerint, eam docere contenti sint, nec in Philosophia, ac Theologia occupentur. Nam si confessarios, aut ludi magistros agant, Societati Nostræ, quæ huiusmodi operarijs valde indiget, magno erunt adiumento: sin Philosophiæ, ac Theologiæ applicentur, nullū aut paruum afferent operæpretium post magnam Societatis molestiam ac sumptum ex reditu pauperū ad id nobis collato, ut in Ecclesiæ bonum impendatur, non ut infructuose consumatur: cum præsertim huiusmodi ingenio rudes non solum ex Philosophia commodum penè nullum allaturi sint, sed nocumentum etiam aliquod; nam post Philosophiæ studium Philosophos agere volunt, & nihilo minoris fieri, quam eruditi: de ijs etiam disputant quæ non intelligunt, & implent Societatem indoctis, ut alijs, qui docti esse possunt, locus non suppetat.

Verumtamen si qui ab ingenij mediocritate nō longe

longe abessent, magnam vero præ se ferrēt indolem ad regendum, vel ad concionandum, non viderentur arcendi à Philosophiæ & Theologiæ studio, nisi magna appareat inæqualitas, quæ Nostorum trā quillitatem valde perturbat, cum præsertim eos in primis, qui Concionatores, aut Superiores futuri sunt, oporteat in humilitate fundari, & paratos esse ad desistendum à studijs, cum oportuerit.

3 Quo certius düdicetur, qui Philosophiæ studijs idonei sint, adhibendum est examen illud, quod per Rectorem, aut Cancellarium fieri mādant Constitutiones Par. 4. Cap. 5. nu. 3. & Cap. 13. num. 4. & habetur in Regula 37. Rectoris: cuiusmodi examen non solum ingressuris Philosophiam, sed ingressis etiam necessarium est, cum in progressu studiorum certius perspicì possit, quid quisq; valeat, quam principio: & propterea in 4. Par. Cap. 6. §. 15. monetur Rector, vt post incæpta etiam studia obseruet, quis nolit, aut non possit progressum facere: & Cap. 13. §. 4. iubetur Rector in scientijs superioribus propter ingeniorum, & ætatum inæqualitatem expendere, quantum quisque eas discere, & quandiu in eisdem versari debeat. ] Quocirca præter examen, quod haberi solet in promotione Rhetorum ad Logicam, expedit post inchoatum etiam Logicæ studium, Nostros iterum examinari: id quod commodissimè fieri posse videtur post finē Summulæ, à qua audienda nulli, ne futuri quidem Casistæ, sunt arcendi, cum ad conscientiæ etiam Casus intelligendos profit non parum: & Secundæ

Congregationis Can. 17. ad altiora studia non promouendos, compendio Dialecticæ iubet esse contentos. Hoc autem peracto examinandi sunt omnes, & seuerè quidem, vt singulorum facultas, & habilitas innotescat, & ex ea iudicetur non minus quàm quatuor, vel quinq; Patrũ arbitrio, quibus quisq; ministerijs addicendus sit: nam gubernatio Societatis constare non aliter potest, nisi in suis quisque locis ac sedibus collocetur: & multi examinis seueritate deterriti non affectabunt Philosophiam, aut sponte petent ab ea remoueri: examinentur vero (nisi obstet multitudo) simul omnes, vt & boni stimulentur ad diligẽtiam maiorem, & minus idonei à suis etiam condiscipulis conuincantur. Possent & nonnulli præmoneri, ne se exponant examini; quod si velint, confusionis sustineant periculum. Siqui vero honestis de causis examini videbuntur subtrahendi, fiat ita cautè, vt ab alijs minime intelligatur, alioquin vix acquiescent. Possent post hoc examen nonnulli statim amoueri; alij, quorum paulo maior spes videatur, tolerentur ad Pascha, vel ad finem anni; nam Transalpinis annus videtur indulgendus. Qui verò amouendi sunt, quam suauissime fieri potest amoueantur, sumpta occasione cuius necessitatis: possent etiam nonnulli, de quibus plus timetur, ante cursum Philosophiæ præmoneri Societatem eorum opera indigere in docenda Grammatica, vel in audiendis confessionibus: quare ingredi eos debere Philosophiam ea mente, vt cumprium oportuerit, eam relinquunt. Quod si quis his adhi-



adhibitis cautionibus nondū acquiescet, satius erit tunc huic malo mederi, quā dissimulando alere morbum, qui Philosophia mox instante plus noceat.

4 Cum Constitutiones 4. Par. Cap. 6. §. 4. iubeāt non esse ascendendum ad facultates superiores, nisi post solida in lingua Latina, & literis humanioribus fundamenta, expedit ordinariē, ut Nostri ad Logicā audiendam non admittantur, nisi post annū salte in Humanitate, & biēniū in Rhetorica cōsumptū, aut si patiatur ætas & egregij sperentur progressus, triēnio etiā oratorijs perficiātur præceptis & exercitationibus: alioquin & Rhetorica classis ferē deferetur, & magno, quod ex illa speratur, ornamento, atq; auxilio, auditores carebūt. Ad quod Germani quoque & Angli qui Romanis aluntur Collegijs, vidētur compellendi: qui si oratoriū cultus, & Græcæ linguæ rudes in patriam redeant, quamvis Philosophi ac Theologi, parui penduntur ab hæreticis, eosque suis parum vtilēs esse experientia demonstrat. Externis vero, licet grandioribus aliquid indulgendum sit, cum cæteris tamen aliquanto seuerius agatur, ut vel annum Rhetoricæ tribuant, eorumque parentibus, quantum id expediat, exponatur. Id quod multo magis præstandū erit cum nostris Alumnis aut Conuictoribus licet Italīs, salua semper illa Constitutione, quæ, Has facultates, inquit, capeffere & illas relinquere, quatenus conueniat, Superioris erit iudicare: quod cū Scholasticis externis significauerit, si volent illi ni-

hilominus aliā rationem sequi, cogendi non erūt.] Veruntamen si nimium pueri ad Philosophiam velint accedere, ex quibus perturbatio potius timetur ordinariē, posset cum ijs agi, quod de ijs qui nollent promissione obligari, vel nomina in matriculam referenda dare, præscribunt Constitutiones 4. Par. Cap. 17. D. Non ideo, inquiunt, à Scholis excludendi sunt, dummodo pacifice, & sine offendiculo in eis versentur, & sic eis significari poterit, addendo nihilominus, quod cura magis peculiaris Scholaſtico- rum, quorum nomina scripta in libro Vniuersitatis sunt, haberi solet.]

5 Constitutiones 4 Par. Cap. 14. §. 3. In Logica, inquiunt, & Philosophia naturali, & morali, & Metaphysica, doctrina Aristotelis sequenda est.] Huic Constitutioni vix potest satisfieri, nisi Nostri strenue conentur Aristotelem bene interpretari: qua in re non optimē audimus, quod Aristotelis contextu posthabito in cogitationibus, & inuentis nostris penē euanesceamus. Quod si plus operæ in textu enarrādo poneretur, esset Nostrorum Philosophia maioris apud externos auctoritatis, & tutior in publicis disputationibus, & solidior, cū magna pars argumentorum ex textu depromatur. Videas nonnunquam longas texti quæstiones, quibus tamen si uarij textus hinc inde collati auferantur, vix aliquid modicum superfuturum sit: tanta verò distantium textuum coaceruatione opus non esset, si Aristotelis sententiæ suis quæque locis exponerentur, seruato auctoris ordine, qui ad intelligentiā maxime

maxime confert: memoriam quoque & securitatē affert, cum antecedentia, & subsequētia observata fuerint; secus, si paucula quædam verba à reliquo contextu auulsa, ac nuda per se perpēdantur. Eam ad rem conferet non parum, si Professores et Scholastici ipsum Aristotelis textum ferant in Scholam. Et primo Professor prælegat prima quæque verba præsentis lectionis, explicata breviter continuatione cum præcedentibus. Secundo memoriter præsentis textus sententiam indicet. Tercio si textus sit paulo perplexior, descendat ad aliquam constructionem verborum, graviter tamen, ut discipuli Aristotelicæ phrasi consueſcant, & una aliqua serè interpretatione, quæ optima videatur contentus, non alias congerat. Quarto cum incidit textus celebrior, & in disputationibus sæpe iactatus & accommodatus ad varios usus, is erit accurate perpendendus, non omnibus quidem, sed illustrioribus aliquot interpretationibus allatis, atque, excussis ut quæ quibus anteferenda sit, innotescat vel ex antecedentium, & consequentium collatione, vel ex vi Græci sermonis, vel ex aliorum locorum observatione, vel ex insignium interpretū auctoritate, vel ex rationum momentis. Quinto veniatur ad dubiola quædam siue de re ipsa, siue de mente Aristotelis: non affectanda quidem, sed si cuius momenti sint, non omittenda. Sexto his peractis tractandæ sunt quæstiones: quarum duplex genus accidere solet: unum earum quæ per se ad materiam, de qua disputat Aristoteles, pertinent:

earum alterum, quæ ex alicuius propositionis, quæ incidenter protulit Aristoteles, occasione nascuntur. Et quæstiones quidem posterioris ordinis, ubi primum occurrunt, tractandæ ferè sunt. Quæstiones vero prioris generis differantur vsque ad finem omnium textuum ad propositæ rei summam spectatium, cū ea de re nihil ferè definiri possit, nisi perspecta prius tota serie disputationis Aristotelicæ, tanquam fundamento quæstionū, quæ superstruuntur: quod ut seruetur, magnopere non interest, si ea de causa necesse sit tota vna aliqua aut altera lectione in Aristotelis verbis enarrandis hæere Professore, quia honorificum est, & non ingrati Scholasticis, si inuentur, ut Aristotelem probè possideant: leuatur etiam molestia tum dubijs literalibus, tum insigniorum textuum illustri interpretatione, tum insertis aduentitijs quæstionibus, tum ceteri decursu textuum, si eorum vna aliqua tantum interpretatio seligatur.

Quod si contextus de vna aliqua materia, æquo prolixior sit, ut De Principijs generationis, De Causis, De Motu &c. non esset totus contextus anteponendus quæstionibus, sed cum illis grata vice coniungendus, & in primis caueantur tractatus, quibus nihil molestius: sed difficultatis partes in suas diuidantur quæstiones, post aliquam textus partem interponendas. Porro expediret quam maxime si cui Nostrorum in Græcis, in Latinis, in Philosophia versatissimo demandetur provincia interpretandi Aristotelem ex Græco in Latinum sermonem, re-  
tenta



sentia quantum fieri potest sententiæ Aristotelicæ veritate: ea tamen perspicuitate, ut per se etiam intelligi possit ab eo, qui non sit penitus Philosophiæ ignarus, etiam si ipsa verba aliter & aliter construenda, aut formanda essent, dummodo integra maneat Aristotelicæ doctrinæ sinceritas: cuius etiam versionis ad finem operis, exemplo Lambini, reddi possent rationes per singula, collatis ac perpensis Græcis Latinisque vocabulis. Id enim & operi auctoritatem compararet, & magnam afferret lucem tenebris Aristotelicis; atque huic versioni magno esset præsidio, si plenior accederet commentarius, Nostrorum opera compilatus.

6 Logicæ Summula præmittatur, & Summula quidem P. Fonseca esset forte magis ad rem: quia latior, clarior, accommodatior Aristoteli, & sine tricis, quæ & inutiles sunt, & deterrent tirones: immo & ex ijs longe plures adhuc essent recidendæ per ipsum Fonseca, vel opera Professorum. In explicanda Summula duo menses collocentur, quia tirones magna egent explicatione, & satis magnum tempus Logicæ supererit, si Metaphysica resercentur: nec inutile erit Summulam explanate ac plene tradere, cum aliquos ea contentos esse oporteat transituros postea ad conscientiæ Casus, ad Controuersias, ad Leges &c. Dum autem Summula exponitur, nihil scribant auditores, nisi breuissima forte Scholiola, ut assuescant. Prima vero hebdomada, quotidiana quæ domi,

¶ in Scholis fieri solet repetitio, nihil habeat argumentorum, sed nudam ferè explanationem, ¶ dubiorum solutionem: postea vero argumentatiunculis aliquot locus præberi posset. Toto vero tempore Summulæ nec Professor, nec Auditores in mensruas disputationes cum alijs conueniant: tametsi post vnâ, aut alterâ hebdomadam in sua classe possent defendere Theses aliquas in Sabbato, suggerente, si oporteret, argumenta Præceptore, donec paulatim exerceantur ad pugnam.

7 Nec ab re fuerit experiri, an pro Isagoge Porphyriana possit à Nostreis alia conscribi ex ipsomet Aristotele, vt à Nostreis classibus ablegemus Porphyrium hominem impium, de Christianis pessime meritum, ¶ pleraque tradentem improprie, superuacaneè, Platonice, ¶ nimium prolixè. Ea res si scriberetur, posset priuato alicuius nomine exponi Parisiis, vel in Lusitania: ¶ si res bene cederet, sensim in alias partes induceretur.

8 De vacationibus, de remissionibus studiorum, de modo legendi, de formandis partibus quæstionis, de repetitionibus domesticis, de hebdomadarijs disputationibus in Schola, de priuato studio Scholasticorum quacunque de Theologis dicta sunt, de Philosophis eadem intelligantur.

9 Congregatio Tertia generalis Canon. 8. R. inquit, Pater Noster Præpositus Generalis

commendatum magnopere habeat , vt Præceptores Nostri qui Aristotelem interpretantur , non nisi cum magno delectu interpretes eos legant , qui contra Christiana dogmata impie scripserunt , & maxime impugnent , quæ Christianæ veritati aduersantur : & ita Philosophiam interpretentur , vt veræ Theologiæ Scholasticæ , quam nobis commendant Constitutiones , ancillari , & subseruire faciant . ] Propterea Professores Auerroem , aliosve huius farinæ Philosophos ita legant , & allegent , vt non diuidere videantur sectam Auerroistarum , sectam Græcorum , sectam Latinorum : nec ipsi harum sectarum alicui se vel suos addicant , sed singulorum per se sententias exponant : & si quando male senserit Auerroes , inde sumant occasionem deterendi eius auctoritatem , sed potius argumentis , quam conuiitijs . At si quando bene , sine eius laude id defendatur : & ne auditores ad eum afficiantur , ostendant si possunt , id Auerroem aliunde sumpsisse : nec legant eius digressiones tanquam separatam aliquē tractatum Philosophicum , sed eius opinionem tantum referant in ordinarijs quæstionibus : ostendant quoque eum à nostris non minus recte intelligi quam ab Auerroistis : nec illum esse doctiorem alijs Philosophis , sed ex affectata quadam obscuritate seu barbarie parasse sibi auctoritatem apud multos .

10 Constitutiones 4. Par. Cap. 9. §. 2. Aliqui , in-  
quiunt , aliquando è Collegijs educentur , quod ipsis  
ad

ad maiorem in spiritu vel in litteris profectum alio transferri, vel quod ad vniuersale bonum Societatis conueniat, vt accideret, si Artium curriculum in aliquo Collegio emensus esset, vt easdem alibi prælegeret, ante Theologiæ studium educeretur.] Quibus ex verbis non obscure colligitur nõ nisi ob aliquam necessitatem eos, qui non dũ Theologiæ cursum peregerint, fieri debere Philosophiæ Professores: nam si Theologi non fuerint, minus erunt tuti in concludendo, in probando, in loquendo: ætatis minus maturæ: doctrinæ parum vberis: vix dissoluere poterunt argumenta Infidelium iuxta Decretum Concilij Lateranen. neque ita Philosophiam pertractabunt, vt Theologiæ deseruiat. Tandem cum postea ad Theologiæ studendum accesserint, vix possunt se gerere, vt discipulos decet.

II Constitutiones 4. Par. Cap. 6. M. priuatum etiam & quietum studium præscribunt Nostri, dũ audiunt Philosophiam, quo tempore possent, inquirunt, si Reçtori videretur, commentarium aliquem videre, qui ferè vnus & is quidem selectus esse deberet.] Hunc vero præceptor vnicuique diuidat, prout expedire iudicauerit, dummodo is Auerrois non sit, nec obscurior alius, nisi fortè in Metaphysicis.

12 Duas quotidie lectiones, antemeridianam vnã, alteram pomeridianam, & quamlibet vnius horæ habeant Professores Philosophiæ: quod autè ad modũ dictandi spectat, seruët, quod de Theologis dictũ est.



est. Qui vero non dictant, ita sibi temperent in legendo, ut quæ annotari oportet, commode excipiant auditores. Quod si præstari non poterit tam exacte, ut non frequenter accidat multa desiderari in scriptis discipulorum, quod assequi docentem non possint, lectione finita, ne repetitio, quæ statim sequi deberet, interrumpatur, discipulis curantibus potius ea, quæ scriptis desunt, resarcire, quam repetitioni attentos se præbere, operæpretium fuerit, priusquam ad repetitionem veniatur, aliquantis per subsistere Præceptorem, donec auditores, qui, per initia præsertim, lætandi quodammo do sunt, expleant quæ inter scribendum exciderāt: eaque re quam brevissime fieri poterit expedita, inchoetur repetitio præsentem Præceptorem, eamque ut oportet, moderante, ita ut unus repetat, audiant cæteri, ut habetur in 4. Par. Constitutionum Cap. 6. N. adhibitis & quidem seuerius remedijs, quæ in Theologica repetitione proposita sunt: sic ubi vero id obtineri nullomodo posset, quod grandiores iam discipuli eam repetendi legem non ferunt, diuidat Præceptor quaternos aut quinos, qui inter se repetant, uno aliquo Fratrum nostrorū, si fieri commode potest, attributo singulis quaternionibus: Præceptor interim curet, ut ea res diligenter, & quietè peragatur: & nunc hæc, nunc illa obambulantis auditorū scamna, de dubijs, quæ suboriuntur, interrogandum se præbeat: impendatur autem repetitioni spatium semihoræ, etiam in Lusitania: demorari nanque in Schola Philosophos totas duas

duas horas & dimidiam, ut modo fit, onerosum est Præceptoribus, & molestum auditoribus, quos privato etiam studio consuescere non ab re fuerit, ne tanquam psitaci loqui semper videantur ex præscripto.

13 Optandum est, ut Philosophia moralis, quam in nostris Scholis tractari iubent Constitutiones 4. Par. Cap. 12. C, introducatur in ea Collegia, in quibus tanquam Seminarijs instituuntur Nostri superioribus facultatibus. Huius enim scientiæ explicatio & à multis etiam nobilibus expetitur, & cū fundamenta iaciat moralis Theologiæ, multarum rerum onere leuare potest Theologos Professores, & prodest audituris ius ciuile, & adiumento est Nostreis, si qui post auditam Philosophiam docturi sunt litteras humaniores, in quibus attinguntur crebro nonnulla, quæ ad morales quæstiones pertinent. Tandem hac lectione dum caremus, mancas & mutilas habemus Academias. Ea vero facultas cum Philosophiæ pars sit, Philosophis videtur prælegenda: & quidem anno tertio eadem hora, qua in secundo Mathematicam audiunt: neque vero tribus lectionibus Metaphysicos nimium grauari putandum est, nam & totidem audiuntur tam à Phisicis, quam à Theologis, cum præsertim ea lectio cōtēta sit tribus horæ quadrāntibus, & quartus tribuatur repetitioni, vel modicæ intermissione, antequā altera lectio succedat. Porro curandū est, ut non à lectore cursus Philosophici Ethica prælegatur, ne trium lectionum oneri succumbat.

*Vt autem vno anno possint octo libri Ethicorum (nam octauus, & nonus compendio percurrendi essent) absolui, satis erit sic singula capita Aristotelis exponere, vt cuiusque capitis sententia breuiter comprehensa, annotentur mox, & expendatur quædam sententiæ celebriores: tum pauca quæstiuncula tractentur ex solis principijs Aristotelis, ijs omnino prætermisissis, quæ ex reuelatis veritatibus pendet: quin potius de ijs differatur fusius, quæ vix attingit Theologus, vt de Passionibus, De Habitibus, De Virtutibus in genere, & alijs huiusmodi: atque hæc omnia maiore quadam exornentur elegantia sermonis, & cognitione Antiquitatis, Apophthegmatum, Adagiorum, Sententiarum ex Philosophis, aut Poetis, & alijs id genus. Habeat & Professor Ethicorum priuatas semel in mense Theses ac disputationes per horam suæ lectioni præstitutam, & in mensuris Philosophorum disputationibus, Metaphysicæ auditor ponat duas etiam tresue Theses ex Ethicis, aduersus quas disputabitur mane, & vespere duabus extremis semihoris, Præside lectore Ethicorum.*

14 Constitutiones 4. Par. Cap. 15. §. 2. singulis, inquiunt, annis vnus Philosophiæ cursus inchoabitur, & alius cum diuino auxilio absoluetur. ] Et in Declaratione. C, Si opportunum nõ fuerit id ita omnino præstare vel quod desint homines, vel alias ob causas; præstabitur cum Præpositi Generalis, vel certe Prouincialis assensu, quod poterit. ]

15 Singulis Dominicis à prandio, vt habetur in  
 Constitutionibus. 4. Par. Cap. 6. §. 10. defendan-  
 tur Philosophicæ conclusiones alternatim: primū  
 à Metaphysico: à Physico hebdomada altera: ter-  
 tia vero à Logico, præsentibus studiorum Præse-  
 cto, & tribus Professoribus Philosophiæ, quorum  
 vnusquisque stabit pro suo discipulo, qui respon-  
 det; cæteri iuuabunt argumentantes, & eorū pro-  
 sequentur argumenta, sed non nisi postquam ani-  
 maduerterint argumentantem per se non posse vl-  
 terius vrgere vim argumenti vtiliter; id quod in  
 publicis etiam disputationibus obseruetur, à Theo-  
 logis etiam: & vt hæc disputatio sit omnibus vtilis,  
 inter Theses, quas Metaphysicus proponit, aliquæ  
 sint pro Metaphysicis; duæ tresue pro Physicis: to-  
 tidem pro Logicis; Idque ex materijs, quæ tunc  
 pertractantur in Schola. Tres erunt argumenta-  
 tores per sesqui horam; & quidem contra Meta-  
 physicum primus erit auditor aliquis Theologiæ,  
 secundus Physicus, tertius Logicus: aduersus au-  
 tem Physicum primus erit Metaphysicus, alter  
 Physicus, nouissimus Logicus: ijdem quoque erunt  
 aduersus Logicum: sic enim satisfiet magis Consti-  
 tutionibus. 4. Par. Cap. 13. §. 3. vbi statuitur expe-  
 dire, vt inferiorum classium auditores cum supe-  
 riorum studiosis, & ij cum illis vicissim disputent.  
 Optandum quoque esset, vt quoad eius fieri pote-  
 rit, seruetur quod insinuant eadem Constitutiones.  
 4. Par. Cap. 6. §. 10. vt hæc disputationes eo loco  
 ac tempore habeantur, quo externi etiam cum No-  
 stris



*stris interesse, & argumentari possint.*

16 Quolibet mense tres Philosophiæ Professores cum Præfecto in Scholam vnam, quæ cæteris Philosophorum classibus sit capacior, cum omnibus Philosophiæ studiosis ad disputandum conueniant: tres studiosi ex scamno vno paulo editiore defendent Theses, quilibet ex materijs, quæ tunc in classe tractantur: primus Metaphysicus, alter Physicus, tertius Logicus. Idque per totum Scholæ tempus mane, & Vespere: & mane quidem tres argumententur; contra Metaphysicum aliquis Theologiæ studiosus: contra Physicum Metaphysicus, contra Logicum Physicus. Totidē quoq; à prandio argumentabuntur, sed Metaphysicus cum Metaphysico, Physicus cum Physico, Logicus cum Logico; & priorum quidem duorum argumentantium cuilibet tres circiter quadrantes horæ tribuentur, tertio autem semihora, vt duas horas absument tres argumentatores, postrema namque semihora debetur Ethicis. Vbi vero non est nisi vnus Philosophiæ Professor, ad excitandos audientium animos, ter aut quater in anno instituat solēniores aliquas disputationes pomeridianas in festo alioue die feriato: idque eo splendore, atque apparatu, inuitatis etiā Religiosis, & Medicis ad argumentandum, vt ex ea re studijs nostris non infructuosus aliquis seruator accedat.

17 In fine triennij, cursusq; Philosophici ad exhibendum specimen aliquod suorum studiorum, actum aliquem paulo celebriorem de vniuersa  
Phi-

Philosophia, qui eam audierunt, tueantur. Id enim vehementius ad studendum inflamat adolescentes, & p̄defacit desides, ac ignauos: Affert & Gymnasijs nostris auctoritatem non paruum. Verum ad huiusmodi actum admittendi non sunt, nisi qui multo plus quam mediocriter profecerint: alioquin & frigebit disputatio, & Scholarum collabatur auctoritas, & nimia defendentium multitudo pariet satietatem. Præstat ergo hos esse paucos sed egregie instructos, qui eius loci dignitatem sustinere possint. Quare ad id seligendi erunt examine præuio, quod non priuatim, sed (quod commodè fieri possit) publice habendum est: & si Nostorum est, coram omnibus nostris Philosophiæ auditoribus; sin Alumnorum seu Conuictorum, coram omnibus sui Collegij Philosophis: sin externorum, coram omnibus externis Philosophis, saltem suæ Classis, quâuis externi ad hoc examen cogendi non sint nisi velint: ex Nostris vero Fratribus vel Alūnis vel Conuictoribus nullus ordinarie ab hoc examine excipiat, sed omnes seuere examinandos se esse intelligant, ut inepti deterreantur à Philosophia, apti vero magis accendantur ad studium: erunt examinatores duo cum Præfecto, aut etiam plures sicutius Academia mos id exigat: neque semper ijdem, sed ut onus diuidatur in plures, aderit semper cum Præfecto Præceptor proprius, tertius vero vicissim commutetur, dummodo sit aliquis Professor, aut certe Theologiæ studiosus eo loco non indignus. Alumnos vero seu conuictores sa

is est examinari à suo Præfecto, & duobus Philosophiæ Repetitoribus, aut si ij defuerint, à prouectioribus duobus Theologiæ auditoribus : tametsi qui ad actum videbuntur idonei, priusquam ad eū sese accingant, propriū quoque Præceptoris & studiorum Præfecti Generalis iudicio essent probandi. Duret examen singulorum non minus duabus horis : quare statim post Pascha tertij anni posset inchoari distributis dierum præsertim festorum vicibus eo ordine, quem Rector audito Præfecti & Præceptoris proprii consilio existimauerit commodiorem. Expedit autem vt per omnes primarias materias fiat examen : illas vero Præfectus eodem die vel pridie distribuet examinadoribus, ne in easdem concurrant, aut grauiores aliquas prætermittant ; & ordinarie quidem res agetur per interrogationes, vt natura examinis postulat : admisceantur tamen interdum breuiores quædam argumentationes, quibus exploretur magis respondentis ingenium. Actus autem totum Scholarum tempus occupet cum minimū vel mane, vel à prandio : nam si breuioris fuerit temporis, nihil habebit dignitatis, nec magnum fiet ingenij periculum, nec nisi paucæ attingi poterunt quæstiones : neque vero id futurum est cæteris rebus incommodum, quia paucissimi futuri sunt, qui tanto præstent ingenio, & doctrina, vt hoc actu digni censeantur : quod si complures fuerint, vt octo, vel decem, vel eo plures, necesse non est, vt eadem æstate tot actus habeantur, sed ita diuidantur, vt duo circiter in æsta-

tem cadant, totidem fere in tempus vacationum Autumnalium: alij in sequentis anni tempora distribuuntur, ut in ferias Natalitias, in dies Bacchanaliū, in Paschales vacationes, aliosue dies festos: Nec refert si tam longe distrahantur, dummodo cum fructu, & dignitate singuli obeantur: fient etiā ipsa raritate gratiores. Argumentatores vero tres esse oportet intra duas horas, & primum quidem aliquem ex nostris Professoribus Philosophiæ, vel Theologiæ: secundum Doctorem aliquem externū: tertium aut aliquem Theologiæ studiosum non mediocris ingenij, aut ēt aliquē ex Defendētis condiscipulis, egregium tamen, cum enim bene percalleet fundamenta doctrinæ Præceptoris sui, acrius urgebit, & inter ipsos condiscipulos vehementior æmulationo non parum auget atque excitat ardorem disputationis. Et quoniam horum actus oportet esse celebriores, intēresse compellantur non solum Philosophi omnes tam auditores quam Professores, sed etiam Theologiæ studiosi, ut refricent memoriam rerum præteritarum, & frequentiore efficiant conuentum: intersint etiam Professores Theologiæ, & omnes quidem, cum actus aliquis cæteris est magnificentior: in alijs vero alternatim, ut duo fere nunquam desint, qui laudando, instando, interrogādo, aliaque huiusmodi præstando alacriorem, ac solemniorem reddant disputationem.

18. Caueant Philosophi, ne amplificent, quæ percurrentia sunt, vel res difficiliore, ac præcipuas perstringant, vel quæstiones alio transponant, quæ  
opor-



oportet. Itaque in Prolegomenis Logicæ disputent  
tantum, An sit scientia, & de quo subiecto: tū pau-  
ca de Secundis intentionibus. Disputationes Vniuer-  
salium differant in Metaphysicam contenti tironi-  
bus tradere earum disputationum breues definitio-  
nes sub interrogandi, dubitandique charactere. De  
Prædicamentis etiam faciliora quædam, quæ fere  
attinguntur ab Aristotele explicent, cætera Me-  
taphysico relinquunt. Librum secundum Perihæ-  
r. & ambos libros Priorum, præter primi prima ca-  
pita 8. vel 9. compendio percurrant: exponant ta-  
mē quæstiones illis proprias, breuissime vero eam,  
quæ est de Contingentibus, & nihil in ea de Libero  
arbitrio. Topicorum quoq; præter primum forte et  
secundum librum, & Elenchorum textus præter-  
eundus est: Loci tamen & fallaciæ in commodiorē  
quendam ordinem redigantur, ne a Logicis igno-  
rentur. In octo libris Physicorum compendio tra-  
dantur textus librorū sexti & septimi, et primi in  
ea parte, quæ est de Antiquorum opinionibus. In  
octauo libro Physicorū nihil differatur de numero  
Intelligentiarū, nec de infinita virtute, & libertate  
primi Motoris, sed hæc in Metaphysicis disputen-  
tur, & quidem solum de mente Aristotelis: nam  
secundum veritatem simpliciter pertinet ad Theo-  
logum, cui etiam relinquatur tota quæstio De con-  
cursu Dei cū secundis causis, eū tamen Philosophi  
supponāt. Textus Secūdi, Tertij, Quarti librorū de  
Cælo breuiter perstringantur, magna et ex parte  
prætereatur: nec tractentur quæstiones, nisi pauca

de Elementis, de Cælo autem quæ differi solent, relinquuntur Mathematico, præterquam de substantia cæli, & de Influentijs; ubi vero non est Professor Mathematicus, harum rerum epitome tradatur à Philosopho. Libri Meteorologicorum, si vacat, redigantur in compendiū: quanquam optandum potius esset, ubi fieri potest, ut ij libri eo tempore quo studia remittuntur, cum vna tantum in die habetur lectio, exponerentur ab vno aliquo extraordinario Præceptore, vel ab ipso Præceptore Cursus, si posset, & vellet, vltima hora pomere diana. Si enim Meteora secundo, vel tertio anno inferantur ordinarijs lectionibus, fieri nulla ratione potest, quin tempus necessarium præripiatur libris Physicorum, vel de Anima, vel de Generatione. Et mutiletur necesse est tractatio eorum librorum, atque interpretatio, qui sunt omnes perdiligenter explicandi. In lib. 1. de Generatione, & primo item lib. de Anima antiquorum opiniones breuiter attingantur: in secundo vero libro de Anima expositis sensorijs non digrediantur Philosophi in Anatomiam, & cætera, quæ Medicorum sunt. Addāt potius, si vacat, Parua Naturalia. In Metaphysicis, præter proxiimū & magnam partē quinti, septimi, duodecimi librorū quorū textus explicandi videntur diligenter, in cæteris necesse non est ordinate textū interpretari: possent quidem in vnoquoq; libro seligi quidā textus, qui sint tāquā fundamenta quæstionum, quæ ad Metaphysicum pertinent, dummodo de Supposito, & natura nihil dis-

differatur, neque de alijs, quæ pendent ex veritatibus reuelatis.

10 Magnopere cauendum est, ne in libris Physicorum Professores tandiu morentur, ut paucos menses reseruent libris de Anima, & Metaphysicæ, quæ primaria pars est Philosophiæ, cum præsertim cæteris in libris quicquid disputatur, resoluitur ultimo in axiomata Metaphysicorum, vel in aliquot librorum de Anima sententias. Quare in ijs Nostros oportet strenue esse exercitados, & alijs potius quam istis libris detrahendum est, siquid detrahendum sit, per temporis angustias. quocirca anno primo Logica explicetur, anno secundo libri Physicorum per sex menses, deinde libri de Cælo, & prior liber de Generatione: Anno tandem tertio liber secundus de Generatione & libri de Anima per quinque circiter menses: Deinde libri Metaphysicorum per quinque seu cum minimum per quatuor menses: ij namque menses posteriores & æstiu sunt, & habent alicubi studiorum remissionem à prandio post Iunium: nec minus aliquid requiritur, ut tam multæ tamque arduæ quæstiones possint absolui. Porro ne secundus annus nimis oneratus videatur, Prolegomena Physicæ, quæ duos fere menses occupare solent, contrahenda videntur, & magna ex parte communicanda cum Logico, qui cum à multis quæstionibus, quas in Metaphysicam transposuimus, liberatus fuerit, potest sub finē librorum Posteriorum instituere pleniorē quandam de Scientiā tra-

Stationem & in ea differere de diuisionibus & abstractionibus scientiarum; de speculatiuo & pratico: de subalternatione non solum in genere, sed etiam an scientiæ omnes subalternentur Metaphysicæ, de modo diuerso procedendi in Mathematicis et in Physicis de quo Aristoteles libro secundo Physicorum. Et quicquid de definitione dicitur libro secundo de Anima. Hæc enim & huiusmodi alia commodissime coniungi possunt, nec superant captum Auditorum, qui in fine Logicæ versantur.

20 In opinionum delectu generales regulæ Theologis præscriptæ, quatenus ad Philosophos pertinere possunt, obseruentur. Illud proprie caueant, ne ab Aristotele recedant, nisi in ijs, quæ vel Fidei derogant aliququaliter, vel doctrinæ cuiuspiam, quæ vbiq; fere recepta sit, repugnant. Enixe quoque studeant communiores, magisque nunc approbatas Philosophorum sententias tueri, quales, exempli gratia, sunt, quæ sequuntur.

1 Materia prima habet propriam existentiam, seu actum entitatum.

2 Materiam primam, & fieri & esse sine forma per diuinam potentiam non repugnat.

3 Naturalis est motus cæli saltem secundum principium passiuum.

4 Est de ratione motus proprie dicti successio.

5 Intensio fit per additionem partium gradualium.

6 Motus & tempus sunt entia realia.



7 De Anima intellectiua, etiam vt intellectiua, tractare Phisici est.

8 In vno homine vna tantum est anima.

9 Anima rationalis, secundum Aristotelem, est immortalis, nec educitur de potentia materiæ, & est vere proprieque corporis forma.

10 Naturaliter demonstrari potest animam Rationalem esse immortalem, nec vnā in omnibus, & ita naturalem esse corporis formam, vt definitio Animæ ab Aristotele tradita ei competat vniuoce, secundum gradum etiam intellectiuium.

11 Anima rationalis, dum est in corpore & vt est forma corporis, ab eo non dependet, sed vere ac proprie per se subsistit.

12 Non negetur esse aliquā potentiā motiuā in substantia animæ, per quam anima separata per se mouere se possit.

13 Nec Brutum, nec hominis cogitatiua discurrunt formaliter.

14 Non datur sensus Agens.

15 Ab Appetitu sensitiuo seu Voluntate non minus distinguitur Potentia motiua, quam Intellectus, vel Imaginatio: tametsi has potentias ab animæ Angelicæ substantia realiter distinguere cogendus sit nullus.

Et aliæ id genus opinioniones.



Constitutiones 4. Par. Cap. 12. C.  
 Tractabitur, inquit, Logica,  
 Physica, Metaphysica, Moralis  
 scientia, & etiam Mathematica,  
 quatenus tamen ad finem nobis  
 propositum conueniunt.] Conue-  
 nire autem videntur non parum, non solum quia si-  
 ne Mathematicis Academiae Nostrae magno care-  
 rent ornamento, quin & mutilae forent, cum nulla  
 sit ferè paulo celebrior Academia, in qua suus non  
 sit, & quidem non ultimus locus Mathematicis di-  
 sciplinis: sed multo etiam magis, quia illarum prae-  
 sidio ceterae quoque scientiae indigent admodum.  
 Illae nanque suppeditant, atque exponunt Poëtis or-  
 tus, occasusque syderum: Historicis locorum facies,  
 atque intervalla: Analyticis solidarum exempla  
 demonstrationum: Politicis artes plane admirabi-  
 les rerum bene gerendarum domi, militiaeque: Phy-  
 sicis caelestium conuersionum, lucis, colorum, dia-  
 phanorum, sonorum formas, & discrimina: Meta-  
 physicis Sphaerarum atque Intelligentiarum nume-  
 rum: Theologis praecipuas diuini opificij partes:  
 Iuri & consuetudini Ecclesiasticae accuratas tem-  
 porum supputationes. Vt praetereantur interea  
 quae ex Mathematicorum labore redundant in Re-  
 publicam

publicam vtilitates in morborum curationibus, in navigationibus, in agricolarum studio. Conandum igitur est, ut sicut facultates ceteræ, ita & Mathematicæ in Nostri Gymnasijs floreant, ut hinc etiã Nostri fiant magis idonei ad varijs Ecclesiæ commodis inseruiendum, cum præsertim non parum indecorè careamus Professoribus, qui rerum Mathematicarum lectionem tam multis, tam præclaris vrbibus exoptatam habere possint. Romæ quoque si vnum, aut penè alterũ demas, vix ullus reliquus fiet, qui aut has facultates valeat profiteri, aut Apostolicæ Sedi præsto esse, cum de Ecclesiasticis temporibus disputatur.

2 Vt tãtæ paucitati ac penuriæ medeamur, duobus in Romano Collegio Mathematicis Professoribus indigemus. Quorum vnus sesquianno quotidianis lectionibus breue curriculum Mathematicarũ rerum conficiat a Nostri & ab externis audiendum, cuius initium Professor auspicabitur post Pascha Resurrectionis mane prima hora Scholarum auditoribus Logicæ, quia per id tempus fere parat se ad Posteriora Analytica, quæ sine Mathematicis exemplis vix possunt intelligi; & cum sint paulo tunc prouectiores, impares non videntur oneri triũ lectionum. Illud tamen constitutum esse oportet, ut Euclidis elementa paulo spinosiora, aliqua semper interpretatione vel Geographiæ, vel Sphæræ condiantur, cum præsertim hæ res non egeant magnopere cognitione omnium principiorum Euclidis, sed primorum quorundam, quæ postquam duobus circiter

citer mensibus exposita fuerint, ex tribus deinde quadrantibus, quibus Mathematica lectio circumscriptur, duobus prioribus sphaera aliave id genus gratiora tradantur, & in ijs ad studiorum usque finem perseveretur. Altero postmodum anno iisdem auditoribus, qui Physici tunc erunt, prima hora Scholarum à prandio reliqua pars compendij Mathematici à P. Clauio conscribendi explicabitur. Cum vero ad Pascha peruentum fuerit, in gratiam nouorum Logicorum accedat altera lectio matutina, qua denuo Mathematicum compedium inchoetur: qui cursus ac recursus eodem ordine quotannis seruandus est.

3 Professor alter, qui modo P. Clavius esse posset, constituatur, rerum Mathematicarum pleniorē doctrinam conferat in triennium, explicetq; priuatim Nostris octo circiter, aut decem, qui mediocri saltem sint ingenio, nec à Mathematicis alieno, & Philosophiam audierint, qui ex varijs essent conuocandi Prouincijs, unus ex qualibet, si fieri posset. Nec pauci futuri sunt, qui ex horum numero cupiant esse, si post Philosophiam quo tempore doceant alij litteras humaniores, studeant ipsi Mathematicis: deinde etiam Theologia: ita sane ut primo biennio nihil præter Mathematicam audiant. Tercio vero anno duas etiā lectiones Scholasticæ Theologiae cum earū breui repetitione, quæ fiet in Scholis tantum, reliquum autem diem totum Mathematicis impendant. Porro ex hac Academia eximij prodirent Mathematici, qui eam facultatem in  
omnes



omnes Prouincias, ad quas essent reuersuri, disse-  
minarent, & Nostrorum tuerentur existimatio-  
nem, si quando oporteret eos de Mathemati-  
cis respondere: Neque graue futu-  
rum est cuilibet Prouinciæ vnum  
aliquem ex suis Philoso-  
phis tertio quoque  
anno dicare  
Mathe-  
ma-  
ticis cum spe tam  
eximij fru-  
ctus.

D E



DE STVDIIS HVMANITATIS,  
hoc est, Grammaticæ, Historiæ,  
Poeticæ, & Rhe-  
toricæ.



*N*ostrorum progressus in literis Humanioribus magnæ curæ fuisse Patri Nostro Ignatio sanctæ memoriæ indicāt Cōstitutiones, quæ de us non minus multa, quam de superioribus facultatibus præcipiunt; & iubent esse Collegia quædam, quæ tota linguis docendis, discendisque impendantur. Porro ad hæc studia non vtilitas modo, sed euidentis necessitas, & nonnulla iustitiæ ratio debet Nostros impellere, cum multorum Collegiorum reditus in onere docendi Grammaticam, literasque Humaniores fundentur: cuiusmodi obligationi satisfieri non potest, nisi per idoneos Præceptores: quales habituri non sumus, nisi huiusmodi studia apud Nostros floreat. Adde, quod linguæ Latinæ scientia atque vsu Nostri cum primis indigent propter variarum nationum communicationem: propter scholasticas exercitationes, Theologorum etiam, & Philosophorum: propter frequentes librorum & Tractatuum scriptiones: propter germanam intelligentiam Sanctorum Patrum, qui satis Latine scripserunt: propter frequentem cum viris doctis consuetudinem. Tandem horum studiorum adminiculo potius, quàm superiorum facultatum Societas breui propagata est

est in præcipuas orbis Christiani partes: neque in ijs melius ac firmitus conseruari potest, quam ijsdem artibus, ob quas initio admissa fuit; & nisi hoc insigne ornamentum, quo Deus Societatem cohonestare dignatus est, tueri studeamus, verendum est, ne in eam barbariem, quam in alijs probare non solemus, facile dilabamur. Nā cæteras facultates, quæ per se ipsæ splendescunt, colimus non grauante: fastidimus vicissim ignobiliora studia, & ad ea tanquā repugnante natura trahimur. Quare bonos agricolas imitari oportet, qui plus in satuiis, ac peregrinis arboribus alendis, quam in natiuis laborant: cuiusmodi peculiaris humaniorum literarum cura grauius commendatur Reg. 50. Prouincialis.

Dolent vero plerique omnes hæc studia magna ex parte apud Nostros concidisse, vt bono aliquo Grammatico, aut Rhetore, aut literarum Humaniorum perito nihil plane sit rarius, ac difficilius inuentu: Fiet autem difficile magis in dies, nisi huic malo Superiorum sedulitas vigilanter medeatur: Ex ijs vero, quæ ad id conferre videntur, pauca nunc attingemus. Et primo quidem non impune ferendum esset, ab ijs, qui studijs altioribus vacant, contemni, & plane irrideri Grammaticos, ac Rhetores: id enim literas humaniores reddit odiosas: & meminisse Nostros oporteret, arborum radices, ac fibras non esse spernendas: quippe sine illis nullus esset virgultorum, foliorum, florum, fructuum decor, ac venustas. Secundo in actibus, & conuentibus publicis, inferiorum classium Præceptores non debe-



deberent abijci in tenebras, aut stare inter turbas, sed inter Philosophos, & Theologos Professores considerare, cuiusmodi honor officio, non personis haberetur, in Collegijs præsertim, in quibus id usu receptum est: in cæteris Rhetoricæ saltē Professori is locus deferatur: alijs alius planè nō obscurus. Tertio in ministerijs domesticis obeūdis nō esset vsque adeo onerandi Grāmatici, nec magis quā cæteri Professores, cum illi non minus, sed multo magis laborēt in Schola, ijs præsertim diebus, quibus docetur; vix. n. aliquando inter scholasticos, & domesticos labores respirandi locus est, ut dicant nonnulli se in pistrino versari toto tēpore, quo Grāmaticā docēt. Satis fuerit Præceptores in humilitatis ac obedientiæ specimen ac exemplum in huiusmodi functionibus occupari Dominico (nisi alius ipsis Professoribus sit cōmodior) die tantum, quod nunc in Collegio Romano seruatur, cuius consuetudines in cæteris Collegijs seruandas esse significāt Constitutiones. Potius auditores, si quando oporteret, onerandi essent, aut alij quorum munus minoris est assiduitatis, & laboris, quam Præceptorum. Aut si id fieri non potest, augeatur numerus Coadiutorum: Id vero si nec præstari potest, alia ratione consulendum est Præceptoribus, qui ex instituto pertinent ad Collegium: Confessarij vero ex concessione quadam, nec patiantur Rectores postremam haberi curam eorū, quorum gratia & labore aluntur cæteri, nec putent grata fore Deo quæcunque agimus ex consilio, nisi prius satisfiat præcepto, ac iustitiæ, ex qua

populis

populis, quorum redivit ſuſtentamur, bonam debemus iuventutis inſtitutionem, de qua tamen non optime merentur, & vix noſtræ obligationi reſpondet Præceptores, quādiu amaro ſunt animo. Quarto ſua quoque Grammatici recreatione carere non debent, ſemel in hebdomada pomeridianis Scholis intermiſſis, vt præcipitur 4. Par. Conſtitutionum Cap. 13. F: & Regula 40. Rectoris, vel ſi id nullo modo poteſt obtineri, à prandio diebus Dominicis ruſticari deberent. Quod ſi in æſtate non poteſt fieri, alia quæratnr ratio, vt recreentur ordinariæ, & quidem miſſi à Superiore, ſicut cæteri Profeſſores: ea nanque cura Præpoſitorum mirifice exhilarat ſubditos, redditque alacres ad laborem. Quare in veſtibulis, in cubiculis, in libris, alijsque rebus neceſſarijs nihil ferè intelligatur eſſe diſcriminis inter iſtos, & illos Profeſſores. Quinto cum quis ſe ſtrenuè, ac patienter gerit in docendo, non inde ſumatur occaſio magis ac magis illum onerandi, & diutius in eo labore detinendi, alioquin, ne id ſibi contingat, ſegnius alij, atque oſcitantius ſuo munere fungentur. Sexto ſiquid carminum, aut orationũ publicè proferunt, aut pronuntiant, interſint Superiores, videant, audiant, collaudent, & cæteros iubeant intereſſe; ſi nihil tale ſcribunt, atque edunt Rhetores, et Grammatici, eos vrgeat Rector, atque inflammet ad hoc exercitationis genus, & ſicut præmia diſtribuuntur externis, non ab re foret ter aut quater in anno egregias aliquas ſive ſolutas, ſive aſtriçtas, compoſitiones Noſtrorum publice

blice pronuntiari vel in Refectorio, vel in Vineâ cum aliqua celebritate, & conuentu omnium. Septimo nonnulli quoque, qui post Theologiæ studium Scholis inferioribus sese addicerent, non parum iuuerit, si ad Professionem admittantur, aut si cum vllis dispensandum sit, cum ijs dispensetur etiam. ut aboleatur opinio quarundam, qui de studijs humanioribus parū honorifice loquuntur, aut sentiunt. Octauo: per octauū vel decimumquintū quemq; diē conuocandi essent à Rectore, & (quod eius Regulis valde congruit) beneuole rogandi, quid eis desit, qua in re iuuari velint, quid ve optatos Scholarum progressus impediat, quid emendandum, quid commutandum, quid amplificandum occurrat. ~~Novo~~ in ijs, qui vel in Societa- + Octauo tem cupiunt admitti, vel admissi iam ad superiores facultates profitendum promouendi sunt, alijs (sic ætera valde imparia non sint) præferantur, sedulo etiam quærantur ij, qui literis humanioribus magis excellunt. Tandem illud vniuersim habendum est, Rectoribus nihil antiquius, nihil optabilius esse debere, quam vt salua religiosæ pietatis disciplina Præceptorum conseruet hilaritatem, & in ea posita esse præsidia omnia Scholarum bene gerendarum existiment. Iam vero aliquanto propius ad huiusmodi studiorum temperationem, institutio nemque accedamus, quæ dilucida, ac distributa magis vt sit, priusquam ad ea, quæ propria sunt Humaniorū Scholarū singulis, descendamus, capita quædam exponemus eorū, quæ cōmunia sunt vniuersis.

SEPARANDANE SINT HVMA-  
niorum & superiorum facultatum  
seminaria.

C A P. I.



N expediat Nostrorū studio-  
rū Seminaria, quæ propria sin-  
gulis Prouincijs esse debēt, ita  
separari, vt in aliquo Collegio  
floreant studia Humanitatis, in  
alio vero Philosophiæ, & Theo-  
logiæ, merito dubitatur. Videretur admodū quidē  
vtilis hæc separatio, tū quia ex multitudine, nō par-  
ua confusio: tū quia qui Grāmaticæ et Humanitati  
vacant, vilescūt coram Philosophis, & Theologis,  
quorum splendore ita opprimuntur, vt pene con-  
temni videantur: tum quia si in alteram par-  
tem propendeat fauor Superiorum, alteram planē  
iacere oportebit. Neque vero ius æquabile ser-  
uari potest, cum Superioribus facultatibus plus de-  
beatur: & si posset, fauor ille diuisus neutram par-  
tem, vt par est, foueret: tum quia non pauci ægre  
ferunt se posthaberi alijs, quos vident quotidie ad  
Philosophiam promoueri, se vero ad inferiora deij-  
ci: tum quia Collegium vnum vix duplicati sum-  
ptus onera sustinere potest. Tandem Constitutio-  
nes in hanc separationem propendent Par. 4. Cap.  
7. B. Contra vero huiusmodi separatio non mul-  
tum vtilitatis pollicetur: tum quia insignes Hu-  
manis



maniorum literarum Doctores in primario Collegio oportet esse, in quo Philosophia, & Theologia vigent. Quod si Nostri, qui ad literas humaniores præcipuè instituuntur, amendantur in aliud Collegium, priuabimus Nostros auditores illustribus magistris, & illustres Magistros Nostris auditoribus: tum quia ipsa multitudo Scholasticorum, & Scholarum varietas splendorem & feruorem studijs afferre solent non modicum: tum quia mutuo se inuant ac fouent vtraque studia. Nam in suarum disputationum præfationibus indigent Philosophi ac Theologi Humanistis, quorum etiam verbis, & orationibus recreantur interdum. Humanistæ quoque in obscuro iacerent, nisi suarum exercitationum testes, spectatores, approbatores haberent Philosophos & Theologos. Tum quia aliquot Academiæ certas habent foundationes pro vtrisque studijs, ut seiungi non possint. Fortè res ista magnæ deliberationis non indiget. Nam Collegiorum quædam primaria sunt, atque insignia, ut Romanum & similia; & horum amplitudo exigit omnium studiorum complexionem; Doctores etiã quam optimos in omni facultate: quare ad eos mittendi sunt, quicunque pollent ingenio in ea natione aut prouincia: quædam vero primaria non sunt, nec magnorum prouentuum: & in ijs ipsamet fundatio postulat separari superiora ab inferioribus studijs, cum vtrisque non suppetant reditus: qui si cubi essent paulo magis opimi, ampliandus videtur numerus Philosophorum & Theologorum,

quo magis studia ferueant . Nam si diuidan-  
 tur redditus ad alendos hinc paucos Hu-  
 manistas , hinc paucos Theologos ,  
 & Philosophos , vtraque stu-  
 diorum pars suorum  
 paucitate fri-  
 gescet.

HV.

# HUMANITATIS DOCTORES.

quos, & quales oporteat esse.

## C A P. II.



**A** Egerrimè dispēſandum videtur, ut aliqui, qui Philoſophiæ ac Theologiæ alijsve Societatis miniſterijs vacaturi ſunt, non doceant aliquandiu Humanitatem vel Grammaticam in Scholis inferioribus. Nam primo ſi qui excipiantur, cæteris querelarum & æmulationum præbetur occaſio: ipſum etiam magiſterium Grammaticæ contemnitur, tanquam vile aliquid, atque ignobile, ſi ab illo Superiores eximant eos, quorum exiſtimationi, vel autoritati volunt eſſe conſultum. Secundo quia linguæ Latinæ uſus late patere videtur in omnia miniſteria Societatis noſtræ. Illum vero conſequi vix poſſunt, niſi qui Grammaticam, vel literas humaniores aliquando docuerunt: contra vero ſi qui ab onere Scholarum immunes ad alia officia promoueantur, in ijs parum decorè illos verſari experimur: nam & Concionatores nonnunquam errant in pronuntiando: Confeſſarij quoque ſi quem Latine debent audire, æſtuant, atque implicantur: præterquam quod vix commodè intelligunt Patrum homelias, & Breuiarij lectiones, quas tamen interdum eos cum Prælatiſ recitare contingit, ut omitantur errores in Miſſa legenda. Tertio Proderit

eadem exercitatio non parum futuris Superioribus: experimur enim nusquam maiorem rationem studiorum & Professorum haberi, quam in Collegijs, quorum Rectores aliquando Scholarum onus sustinuerunt, & alijs misereri didicerunt ex ijs, quæ passi sunt: alioquin effundunt se totos in res alias, ea quæ nunquam pertractarunt, non magnopere promouentes, cum tamen pro literarum studijs Collegia instituta sint. Præterquam quod incidunt non raro difficultates in Scholis, Collegiorum præsertim minorum, quæ superari vix possunt, nisi à Rectore harum rerum perito, alioquin vel res non bene is constituet, vel si quando bene, ægre Præceptores acquiescent, vix credentes ab homine ignaro recte posse ista pertractari. Imo si quando oporteat aliquid paulo durius statui in Præceptores, obstrepunt incusantes Rectoris inexperientiam. Ministros etiam oporteret prius ea in re esse versatos, alioquin nimium onerant Magistros, & curam maiorem habere videtur Coadiutoris vnius, quam omnium Præceptorum. Ipsos etiam auditores à studijs abstrahunt alieno tempore &c. tandem decet Superiores lingua Latina vti posse, si quando oportet agere cum Transalpinis, cum Prælatiis, in Congregationibus &c. quod vix præstare possunt, si lingue Latinæ præcepta, quæ didicerunt, non etiam vsu docendi confirmauerint. Quarto si huiusmodi occupatio omnibus generaliter imponatur, singuli ferent eam libentius, & reiecta omni spe declinandi hoc onus, studebunt etiam ita se comparare,



parare, ut hoc munus, quod aliquando subeundum est, exerceant quam commodissime. Contra vero sunt quos animaduertunt eximi, putant etiam sibi patere aliquot effugia, & tanquam cuniculos: quare causantur & obtinent vel capitis imbecillitatem, vel imperitiam Grammaticæ, & Humanitatis, vel præpropere inuadunt in alias occupationes. Hæc vero aliæque id genus facile tollerentur, si persuasum esset omnibus hanc molestiam singulis aliquando deuorandam esse: & si diu non possunt, per annū saltem; & si altiora nesciunt, ad infimam classē mittendos, ut doceant rudimenta Grammaticæ, ne quis ignorantiam causetur. Neque vero ab onere docendi Grammaticam liberandi videntur Theologi, qui eam nunquam docuerunt, siue in Societate, siue extra studuerint Theologiæ. Istud enim ministerium cum ex ordinarijs vnum sit, & prodesse possit etiam Theologis ad Latinæ linguæ, & humilitatis exercitationem, nullus ordinarie videtur eximendus; tametsi cum cætera paria sunt, docendæ Grammaticæ partibus grauandi potius videntur cæteri, quam Theologi, horum enim & maior est paucitas, & vsus multiplicior. Si qui tamen excipiendi videntur, esset hoc indulgendum vel Valetudinarijs, vel ijs, qui ingrediuntur Societatem grandiores iam, vel quorum insignis esset spes, & necessitas pro grauioribus occupationibus. Hos enim excipi ferè nullus indigne fert.

2. Longe vero utilius videtur Scholis Humanitatis & Grammaticæ, ut hæc Nostri doceant, an-

sequam audiant Philosophiam, quam postea. Primo quia inferiorum classium Præceptores in singulis pene rebus indigent directione Præfecti & Rectoris propter quotidianas difficultates in pueris regendis, promouendis, examinandis, expellendis &c. at Philosophi non tam faciles ac tractabiles se exhibent Præfecto: posse ac debere se multa constituere existimant, nec in singulis alieno ex arbitratu pendere: quin etiam dum adhuc in humili loco versantur, & Nouitiatus feruorem retinent, alacrius humeros submitunt tot laboribus, ac molestijs, quibus Doctōris munus implicatur. Secundo postquam Philosophorum subtilitates degustarunt, adduci vix possunt, ut Grammaticorum tanquam spinosis, & insipidis institutionibus delectentur: quare non raro deprehensi sunt in cubiculis abiecta Grammatica Philosophiæ scriptis incubare: & si qua se præbet occasio, facile excurrunt in Philosophorum digressiones, quæ ad ostentationem potius, quam ad utilitatem pertineant. Tertio si ex Philosophia ad Grammaticam reuertuntur, tam Grammaticæ, quam Theologiæ subsecuturæ incommodant. Nam vel serio ac strenue statuunt vacare Grammaticæ & Humanitati, vel oscitanter, ac perfunctorie. Si strenue, cum postea ad Theologiam ascenderint, nihil plane recordabuntur Philosophiæ, quam constat iacere fundamenta Theologiæ. Sin perfunctorie, magna fiet auditorum & totius Scholæ iactura, & hoc potius pertimescendum est, nam barbariem, quam ex Philosophis

sophis hauserant, dediscere non possunt sine magno labore, hunc vero fugimus libentius, quam subimus: quare vel barbariem non deponunt, vel sero tandem. Satius esset Grammaticam, quam didicerunt, usu statim docendi confirmare, ut linguæ Latinæ peritia facile postea conseruetur, etiam cum opus fuerit Philosophiam vel Theologiam profiteri. Quarto etiam Philosophiæ prodest magisterium Grammaticæ, hoc enim ita exercentur atque excitantur ingenia, ut aptiora postea fiant ad ea percipienda, quæ Philosophi disputant: præterquam quod ætas ipsa quo maturior est, eo altiores agit radices in Philosophorum speculationibus. Quinto Grammaticæ studia alacritatem quandam iuuenilem desiderant, & nisi à pene pueris decurrantur, non possunt uberiores fructus à grandioribus expectari: si quid vero iunioribus deest autoritatis, aut usuperitiæ, facile est suppleri à Præfecto, qui Grammaticæ classibus sedulo assistit. Sexto est etiam hoc probationis genus, ut priusquam tanto labore ac sumptu Societatis nostræ fiant Philosophi, aliquid utilitatis incipiant asferre, & periculum sui facere in nostris ministerijs: magis vero docendo, quam discendo agnoscitur, quid quisque præstare possit. Et si ante Philosophiam graue alicui videretur ad docendam Grammaticam descendere, fiet post Philosophiam fortassis contumacior, quod Philosophus iam non magnopere videatur nostra opera indigere, cum eo sit prouectus,

Etus, ut sibi ipse satis esse possit. Septimo per-  
 sto Philosophiæ cursu solent non pauci sibi præ-  
 stituere vitæ quendam statum, ad quem se magis  
 esse idoneos vel propensos intelligunt. Itaque ita  
 cogitationes suas & studia omnia moderantur, ut  
 exigere arbitrantur præiudicatum illum statum:  
 ex quo fit, ut eorum animus proprijs quibusdam  
 rationibus & consilijs præoccupatus minus quie-  
 te ac libere ad progressus in re Grammatica tam  
 suos, quam suorum puerorum possit aduerti, aut  
 intendi. Id vero ante Philosophiam vix accidit.  
 Quare se totos exponunt, aut componunt ad Su-  
 perioris arbitratum. Tandem Pater Annibal Co-  
 dretus in literis humanioribus egregie versatus  
 scripsit è Gallia emitendum esse magnopere, ut  
 qui Grammaticam docturi sunt, nihil Philosophiæ  
 antea degustauerint: illa enim sic solet animus ab-  
 sorberi, sic plures in partes mens distrabi, sic ser-  
 mo latinus inquinari, ut vix vnquam postea so-  
 leant Nostri egregium aliquid præstare in litte-  
 ris humanioribus. Constitutiones etiam 4. Par.  
 Cap. 9. §. 2. dum statuunt ordinarie non esse No-  
 stros è Collegio, in quo didicere Philosophiam,  
 educendos, antequam Theologiæ dent operam,  
 non obscure significant Philosophiæ, & Theolo-  
 giæ cursus esse continuandos, & propterea Gram-  
 maticam docendi tempus non Philosophiam in-  
 ter ac Theologiam interponendum, sed Philoso-  
 phiæ potius præmittendum. Id quod etiam con-  
 stitutum fuit in Prouinciali Congregatione Ro-  
 ma-



mana Anno 1575. Cap. 23. Quare præter Rhetoricæ Scholam, quæ Philosopho Doctore videtur indigere propter maximam huius facultatis cum Dialectica cognationem, & adhuc præter Humanitatis classem in primarijs Collegijs, scholis cæteris præficiendi videntur nondum Philosophi, nisi ætatis morumve ratio vel magisterio ineptos plane probet adolescentiores, vel a Philosophia retardandos non esse suadeat æquo grandiores,

3. Effset autem operæpretiū, ut non minus triennio (quamvis id & prorogari, & contrahi possit arbitrio Præpositorum) in Scholis inferioribus singuli versarentur, quia tã crebra, ac frequens Præceptorum mutatio plurimas excitat civium querimonias. Ipsi etiam Præceptores non possunt breviori tempore perfici in re Grammatica, & cum intelligere incipiunt, quæ sint boni Præceptoris partes, amouentur à docendo. Quin etiam si modico tempore sciunt se in ijs Scholis moraturos, vix ad id, quod agendum est, animum possunt adiungere, & dum aliò spectant, & ad altiora se comparant, satis esse putant, si quoquomodo impleāt præsentis temporis functionem.

4. Porro quæsitum est, an expediat esse aliquos, qui (si se ad id sponte obtulerint) scholis inferioribus addicantur perpetui Præceptores. Vtile sane id videtur: Tum quia diuturno docendi usu evadunt eximij Doctores: tum quia eorum exemplo animantur cæteri ad hoc munus hilariter obeundum,

dum, saltem ad tempus; tum quia est insigne quoddam humilitatis exemplum. Contra verò id non videtur magnopere optandum. Nam inferiores classes Grammaticæ non indigent valde diuturno tempore, ut quæ sunt illis propria sciantur. Quæ re sine incommodo scholarum seruari possunt Præceptorum commutationes & vices, quo suavius ac libentius toleretur hoc onus, & cum minore valetudinis detrimento. Ea vero perpetuitas sicubi optabilis esset, conueniret maxime classibus Humanitatis, & Rhetoricæ, quæ præstantes quosdam Præceptores, & in omni eruditione versatos, & Tulliani styli laude conspicuos desiderant, quæ non possunt nisi annorum multorum spatio comparari. Verum neque id semper accidit ex animi sententia, cum perpetuitas ista otij atque ignaviæ ansam nonnullis possit exhibere: postquam enim primis aliquot annis aliquam sibi existimationem, & doctrinæ opinionem collegerunt, malunt præteriti, licet modici, laboris fructu, ac nomine frui, quam novis confici laboribus. Itaque nihil fere novæ suppellectilis, nihil eruditionis parant, sed hærent in eodem fere, & quæ docuerunt, eadem licet aliter atque aliter docent, & quod peius est, ac si diuturno opere defatigati essent, non posse se aiunt, sicut antea, laborare in auditoribus exercendis: quare frigent plane omnia, & libenter poscunt adiutorem, qui si indoctus est, nocet potius: si doctus, ut quid duo in vno opere occupantur, cum possit alter suam in res alias operam conferre? Ea vero re in utramque

partem iactata, tandem visum est valde optandum esse, ut multi (videlicet neq; ingenio, neq; doctrina abundantes) se se etiam inferioribus classibus perpetuos magistros dicent. Si nihil aliud hoc inde consequemur, ne adolescētes maioris ad doctrinā indolis in docēdi munere inuiti, sine discipulorū fructu, & cū sua iactura diu versentur. Atque adeo Provinciali faciendum videretur, ut ex ijs, qui ad Societatem sese adiungunt, si quos nactus esset eiusmodi, qui per ætatem, & ingenium non magnos in grauioribus studijs processus facturi viderentur, hos (cum id sine vocationis periculo fieri potest) priusquam reciperet in Societatem, benigne & commiter adhortetur, ut velint & apud se statuunt perpetuo, aut quoad Superioribus videatur, pueros docere quod in Hispanijs facitatur, & succedit ex sentētia. Ex ijs autem, qui hisce Scholis se se addicunt, si qui defatigatione aut satietate docendi, minus diligentes se se in suo munere præbeant, vacent vno alterove anno, & postquam vires resecerint, redeant ad Scholas, id si fructuosum esse speratur: sin minus, officijs, ac muneribus alijs occupentur.

5 Iam vero Scholis nostris admodum conducibile videtur, eos qui nunc primum incipiunt docere, non statim (nisi præsens necessitas, aut aliquorum præstans indoles ac doctrina aliud exigant) fieri Præceptores primæ classis Grammaticæ, aut Humanitatis, etiam si alioquin ad id inepti non viderentur, sed initium facere ab infimis fere classibus,

bus, & quotannis ad Superiorem progredi cū magna parte auditorum suorum, quia prima illa ruditas, atque imperitia regendarum scholarum minori cum damno in infimis, quam in supremis classibus usu docendi paulatim deponitur: & si quid erratur à novis Doctoribus, tolerabilius est in minimis, quam in maximis errari: naturæ quoque ordo postulat, ut à lenioribus ascendatur ad graviora. Huc quoque accedit, quod non toties auditores magistros, aut magistri auditores commutarent nō sine aliqua temporis iactura, donec utrique alteros agnoscant, & intelligant, quid cuique præstandum sit: sed cum ascendentibus Magistris ita Discipuli ascenderent, ut essent fere semper iidem & auditoribus magistri, & magistris auditores. Id quod servandum videtur in minoribus certe Collegijs, si non potest etiam in maioribus ac præcipuis, quod in his & magistris multi præsto sunt, ad quos confugiant, & Scholæ satis habent autoritatis, neque magistrorum mutatio magnum momentum habet. In illis autem cum Scholarum autoritas fere ex magistrorum opinione, & autoritate pendeat, incredibile dictu est, quantum incommodi afferat mutatio magistrorum, cum notis, & magna estimatione præditis ignoti, & nulla doctrinæ opinione succedunt, præsertim cum quem consulant, habeant neminem. At si qui primæ Scholæ præfuturi deinde sunt, priore anno secundæ præerunt, famæ aliquid interea colligent: sese ad Superiorem scholam comparabunt: quibus rebus egeant discipuli,



puli, videbunt : eos secum ad superiorem classem deducunt. Efficient denique, ut Magistrorum mutatio quæ tot sæpe tragædias excitauit, non admodum sentiat.

6 Denique scholis consultum esset quam maxime, si futuri Præceptores duobus ante mensibus, aut eo amplius priuatim ab aliquo peritissimo exercerentur in ratione legendi, docendi, emendandi, scribendi, & Scholam regendi. Hæc enim si ante non didicerunt, ea postmodum discere coguntur cum auditorum damno, & sero proficient post estimationis iacturam, & forte nunquam deponent inolitum vitium: quod interdum nec magnum, nec inemendabile est, si principio curetur: non curato autem fit prope inutilis, qui alioquin esset utilissimus: dici vix potest, quam moleste emendari patiantur Præceptores, postquam certam aliquam docendi rationem inierunt, & quam crebræ ea de re cum Præfectis contentiones audiantur. Ab hoc malo Nostri ut sedulo caueatur, studiorum Præfectus, qui fuerit in primario Collegio, ex quo litterarum Humaniorum & Grammaticæ Professores solent educi, quotannis sub extremam circiter ætatem tribus fere mensibus antequam sequentis anni studia instaurentur, Rectori ac Prouinciali reuocet in memoriam, si nouis in annum alterum Præceptoribus indiget Prouincia, deligant vnum aliquem in Scholis moderandis valde versatum, siue sit ex Professoribus, siue ex Theologiæ, Philosophiæve auditoribus, ad quem quotidie per horam

ram futuri Doctores conueniant, vt ad nouum ab illo instuantur magisterium, vicissim prælegendo, scribendo, dictando, emendando, aliaque munia boni Præceptoris obeundo.

Haftenus de Præceptoribus:

nunc de ipsis Humanita-

tis Partibus recte

constituēdis, ac

tradendis

agendū

est.

QVAN-

QVANTVM REFERAT OPTI-  
ma nostros vti Grammatica, quæue  
eiusmodi videatur.

C A P. III.



Voniam totius Humanitatis fun-  
damentum in arte Grammatica  
positum est, ab ea videtur exor-  
diendum esse. De ea vero facul-  
tate præcepere quã plurimi: sed  
in optimo seligendo laborandum  
est inprimis: nihil enim præclare sperari potest de  
male ruderata initio structura: nec facile est, si quã  
barbariem puerorum tener animus combiberit,  
exuere: nam quo semel est imbuta recens, seruabit  
odorem Testa diu. Superioribus plane annis per  
varios itum est Grammaticos; & cum priores non  
placerent, alios atque alios subinde in Scholas no-  
stras adsciuimus. Quæ tam crebra commutatio nec  
leuitatis nota, nec doctrinæ iactura caruit, quod ho-  
mines nostri, quo tẽpore oportuit eos ad meliora  
proficere, cogerentur identidem noua conquirere:  
dediscere, quæ didicerāt: & tãquã de vertẽdo solo  
potius, quã de statuendo domicilio cogitare. Igitur  
ẽ re nostra quamplurimum fuerit vnum aliquem  
Grammaticæ facultatis scriptorem nancisci, qui  
iure optimo possit cæteris anteponi: repertum vero  
ita constanter retinere, vt turpe esse posthac existi-  
memus iterum incertis quasi sedibus vagari. Et

quidem in ea re strenue laborasse videtur Emmanuel noster. Significationes enim, & Constructiones Verborum, Nominum, aliarumque partium orationis ex optimis collegit autoribus, & in methodum redegit accuratissimam. Siquid igitur in Syntaxi latinum, purum, tutum, elegans optari potest, id non ex alijs Grammaticis, qui ea de re vel falso, vel improprie, vel barbare præceperunt, sed ex Emmanuele petendum videtur. Ordo fortassis non nihil commutandus esset, ut faciliior, planior, aptior pueris reddatur. Ordo siquidem Emmanuelis ijs fere laborat incommodis. Primo quidem, quod in rudimentis, quæ primo loco tradenda sunt pueris, quatuordecim ponit præcepta toti Syntaxi communia, quæ plus habent obscuritatis, quam ut intelligi possint à tironibus. In ijs enim aliquid præcipitur de Gerundijs, Supinis, Participijs, Infinitis. Additur et aliquid de Causa, de Instrumēto, de Tēporis continuatione, & huiusmodi alijs, quæ pueris nunc primum ingredientibus tanquam salebræ, aut triçæ obijci videntur. Secundo sub initium libri secundi & Syntaxeos, Regulæ quædam traduntur, in quibus mentio fit Neutrorum, Deponentium, &c. quorum expositionem nullam autor præmiserat in 2. lib. sed in Rudimentis pag. 116. ubi tot Generum & classium verborum coaceruatio obruit puerum. Adde quod aliter in Syntaxi, aliter in Rudimentis Verba actiua, & neutra describit atque explicat: quod confusionem parit non modicam. Tertio quod in omni Syntaxi eundem sibi putauit per casus: cuius-



iussmodi ordo postulat, ut principio difficiliora quædam ponantur, quæ postea facilius intelligerentur, ut in Genituo explicando afferuntur nonnulla de Refert & Interest supra captum eorum, qui lactis indigent potius. Additur & nescio quid de Sum, cum ad aliquid pertinere significat, obscurum, & obscure. Alia multa huiusmodi occurrunt difficiliora, quæ tamen suscepti ordinis ratio principio collocari exigebat. Quarto Verba omnia, quæ ad eundem casum pertinent, in unum colligit, cuiuscunque sint generis. Miscuit itaque Activa Depo-  
nētibus, Neutra Communibus, Personalibus Imper-  
sonalibus. Quam methodum probarent quidem ma-  
xime Philosophi, qui in certa quædam genera res  
vniuersas rēducunt: At non omnis ordo quo exa-  
ctior, clarior etiam est, alioquin frustra Philoso-  
phi alium naturæ, alium doctrinæ distinguunt ordi-  
nem. Alius igitur inseruit ordo subtilitati, alius  
perspicuitati. Certe Emmanuelis ordo ex omni ge-  
nere verba omnia in unum casum coaceruātis sub-  
tilissimus est; sed pueris non admodum commodus,  
quorum fere lactescens ingenium tam variorum  
generum connexionem, & tam dissimilium termina-  
tionum colligationem, tanquā versicoloribus auleis,  
aut varijs luminibus simul obiectis imbecillior  
oculus præstringitur. Quinto in vno quolibet  
casu exponendo redigit multa verba in duo vel  
tria vel plura quædam capita, verbi gratia, om-  
nia verba, quæ significānt obsequium, vel possessio-  
nem, vel quæ significant studium, &c. Hæc gene-

ralitas quanto methodica magis est, eo minus apta tironibus, qui axiomatum generalium non sunt capaces, sed singularium potius: in pueris enim viget magis sensus, qui est singularium, quam intelligentia, ad quam generalia pertinent: præterquam quod horum generalium tot sunt exceptiones aliquando, ut vix diiudicari possit, ex ijs ne, an ex illis regula constituenda sit. Sexto, esto hæc generalia capiatur a pueris: at ea singularibus adaptare non est puerorum; quali enim iudicio opus est, ut dignoscant, an *Adulor* sit verbum obsequij, an *Fruor* sit verbum possessionis, &c? Quam vero generalia singularibus applicare arduum sit, indicant scientiæ Medicorum, Nautarum, & Casuum conscientiae, & consultationes prudentium. Hæc & alia huiusmodi incommoda observari possunt in Emmanuelis ordine, optimo quidem per se, sed minus apto tironibus. Cum igitur illius res, & institutiones egregiæ sint, sed non plurimum fructuosæ ob methodum obscuriorem, operæpretium videtur eas tanquam vberes vites in eum dirigere ordinem, qui feracior esse speratur: posset vero res tota hoc fere modo digeri.

2. Duas in primarias partes tota Syntaxis tribuenda esset. In quarum priorem conferatur simplex omnium verborum constructio, diuisa in ordines *Actiuorum*, *Passiuorum*, *Neutrorum*, *Communium*, *Deponentium*, *Impersonalium*. Actiua quoque in suas classes bene Latina & perspicua oratione subdividantur, quas ponit Emmanuel

lib. 2. pag. 178. In qualibet vero classe ponatur mediocris aliquis & selectus sane numerus verborum, quæ essent ex solo Emmanuele desumenda, quia eorum constructiones, & significationes fidelius, quàm ceteri, obseruauit: ponantur vero seorsim verba singula cū suo vulgari significato quia singularia, & simpliciter tradita puerorum ingenijs aptiora sunt, & inherere alius, discunt enim more psitacorum, potius ex impressione sensuum, quam ex acrimonia iudicij hæc & illa conferentis, aut connectentis. Idem fiat postea in Passiuis ex pag. 187. deinde in Neutris ex pag. 189. tum in Communibus ex pag. 188. postea in Deponentibus, postremo in Impersonalibus.

Et quoniam imbecillitati puerilis ingenij sic consulendum est, vt cum paulo magis confirmatum fuerit, non defraudetur perfectione doctrinæ, non ab re fuerit ad finem primæ classis Actiuorum (idem iudicium sit de alijs classibus tum Actiuorum, tum Neutrorum & aliorum) post simplicem Verborum ad eam classem spectantium enumerationem, subiungere, tanquam appendicis loco, ex Emmanuele obseruationes quasdam vtiliores de significato, seu constructione cuiusque verbi seorsim.

3 Ad posteriorem Syntaxeos partem pertinent difficiliora quædam, tradenda prouectioribus, qualia sunt insignia quædam accidentia verborum, vt Gerundia, Supina, Participia &c. Huc etiam spectat nominum regimen, & aliarum partium

orationis ; huc & figurata constructio . Quæ omnia sic digerenda videntur . Primo loco ponantur quatuordecim illa præcepta toti Syntaxi communia, quæ habentur pag. 126. demptis ijs, quæ supra videntur exposita cum verbis. Deinde veniatur ad secundum Emmanuelis librum, cuius et res ipsæ & rerum ordo integra retinenda videntur, recisa solum ac dempta verborum constructione cum suis observationibus, hæc enim reiecta sunt in priorem Syntaxeos partem, & alio digesta ordine, nec repetenda nunc videntur: tum quia satis iam exposita fuerunt superius : tum quia diuersus ordo, quo ab Emmanuele ponuntur, præteritorum memoriã perturbaret. Quare nihil iam amplius hic de Verbis agendum: sed alia sit materies, alius ordo, aliæ observationes : idque eo prorsus modo, quo ab Emmanuele ponuntur, ita vt primum Regulæ exponantur omnes: deinde redeatur ad Appendices. Hac vero distributione id assequemur, vt prouentioribus, qui eum ferre possunt, Emmanuel ita tradatur, sicuti est: rudioribus vero ruditer emansus, & clariore methodo explicitus offeratur, & coniungatur simul perspicuus Italicæ Grammaticæ ordo a Prisciano, Phoca, Diomede, cæterisque antiquioribus observatus, quo læsentur pueri, cū soliditate tum altioris methodi, tum purioris latinitatis: ita tamen, vt toti Grammaticæ nomen Emmanuelis præfigatur: quam in ordinem modumque supra memoratum redactam anno superiore, Romani nunc Professores & facillimam esse, & vtilissimam



*mam pueris experiuntur. Hactenus de Syntaxi.*

4 Rudimenta æquo prolixiora videntur, & ijs non modo puerorum ingenium obruatur, sed minimum etiam detineantur, antequam ad Syntaxim accedant, cuius exercitatio potissima esse debet, & longioris indiget temporis. Igitur vilius fore videtur, ut primo loco ponantur in Grāmatica, & pueris explicentur breues, & perspicuæ quædam singularum fere partium Orationis descriptiones, subiecto vno, aut altero exemplo. Secundo simplices Nominum substantiuorum declinationes quinque ex pag. 1. ad 6. cum prima tantum Adiectiuorum declinatione ex pag. 7. & cū Pronominum declinationibus ex pag. 12. ad finem decimæ octauæ tantum. Hæc enim magis necessaria videntur; cætera differri possunt non incommode. Tertio simplices Verborum Coniugationes sine Modo potētiali, & permissiuo: est enim obscurus, & non valde necessarius. Quare satis fuerit post modum Subiunctiuū addere hāc annotatiunculam Modus Subiunctiuus aliquando explicatur per Possum, vel Sino. Igitur Substantiuo verbo iam coniugato quattuor tantum simplices Coniugationes ponendæ videntur. His vero expositis, & memoriæ commendatis, statim ad Concordantias veniendum esset: & à Concordantijs ad Syntaxim pedetentim ordine supra exposito per quotidianam thematum compositionem: hæc enim est, quæ longo vsu debet linguam Latinam reddere pueris familiarem.

5 Toto vero tempore, quod Cōcordantijs, & scri

bendis thematibus impenditur, simul exerceantur pueri in intelligēdis, & discendis Declinationibus, ac Coniugationibus, quæ supra fuerant omiffæ ex Emmanuele. Hæ namque colligendæ forent in vnum, & collocandæ post quatuor simplices verborum Coniugationes, vt post has certo quodam diei tempore exponantur, & memoriter reddantur.

6 De nominum vero Generibus illud habendum est, neceffe nō videri, vt sciat puer Genera omnium linguæ Latinæ nominum: vix hæc docti sciunt, & scita facile excidunt, & semper Calepino opus est. Adde, quod hæ generum regulæ versibus fere traduntur, alioquin vix memoriter retinentur: versus vero & per se obscuri sunt, & impliciti sexcentis exceptionibus, & monosyllabis quibusdam terminationibus insuauis, & fere barbaro stylo conscripti, vt ijs ad barbariem potius, quam ad Latinitatem instituantur pueri.

Eadem fere quadrant in Præterita, & Supina verborū, de quibus & longæ sunt præceptiones, & nimiū tenebricosæ, & coniectæ in versus vix bene Latinos, & extremis detruncationibus insulsos, qui diu remorantur pueros in re difficili, nec admodum necessaria: cur enim sciant pueri statim Præterita, & Supina omniū verborum? Cur in ijs consenescant, præsertim qui debiliori sunt ingenio? Itaque fuerit satius ad Emmanuelis Genera, Præterita, & Supina addere paucos versus non illepidos, atque insulsos, sed bene Latinos, quibus

Regulæ quædam eorum, quæ frequentius in usum veniunt, dilucidè comprehendantur, et à pueris ediscantur: Aliæ vero regulæ, ac multiplices exceptiones memoriæ non mendentur, sed à Præceptore intra duas circiter hebdomadas ( præterquam ubi prolixam horum explicationem esse longe utiliorem experientia docuit ) breuiter exponantur, & tanquam indicetur, ut in promptu habeat puer, siquando opus fuerit, unde petat cuiusque vel nominis genus, vel verbi præteritum ac supinum.

7 De Prosodia vero illud habendum est, paulo post initium ponendos atque explicandos esse communiores quosdam pedes, ut Dactylum, Spondeum, Trochæum, Anapestum, Pyrrichium, Dichoreum: tum quædam peruulgata magis Metrorum genera, ut Hexametrum, Pentametrum, Sapphicum, Phaleucium, Asclepiadeum. Id enim proderit, ut antequam omnis syllabarum quantitas perlegatur, incipiant pueri pedetentim versiculos aliquot & scandere & scribere.

8 Porro annotationes illæ, quæ Typographo ascribuntur, tollendæ sunt: tum quia inturbant regularum cursum: tum quia Typographo tribuntur, quæ nec ipse cogitavit, nec intelligere potest, tum quia superuacuum est tam frequenter rationem reddere mutationum omnium, cum satis videri possit, si in epistolio, quod Grammaticæ principio præfigi posset, dicatur [In Emmanuele nonnulla fuisse commutata, ut magis ad captum puerorum explanaretur] eaque asterisco notanda essent.

Tandem

9 Tandem rudimenta conferenda non videntur in vnum volumen cum Syntaxi, ne hæc Grammatica æquo prolixior videatur, Italis præsertim, qui cum rudimenta à reliqua Grammatica seiuncta soleant habere; ac proinde vti breuiore quodā libello Grammaticæ, nancisci possent aliqui Nostras Scholas calumniandi occasionem ex grandiore quodam nostræ Grammaticæ volumine:

cum præsertim infimæ classi, quæ tota

ferè in declinando & coniugan-

do est, nulli vsui sit li-

bellus Synta-

xeos.

AN



AN CVM PRIMIS FERM E  
 Latinæ Grammaticæ elementis Græcæ  
 etiam literæ discendæ  
 sint.

C A P. II II.



*M*agnas ac multiplices esse Græcæ  
 linguæ vtilitates ambigit nullus.  
 Nam præterquam quod præci-  
 pui fere autores omnium discipli-  
 narum Græcè scripserunt, vt pa-  
 tet in Medicina, in Philosophia,  
 in Mathematicis, in Græcis Biblijs, in Concilijs, &  
 Patribus, quorū veram ac germanam sententiam  
 vix assequi possumus sine Græcæ linguæ adiuven-  
 to, ipse adhuc sermo Latinus Græcis literis non pa-  
 rum indiget. Non enim possunt peti nisi ex Græco  
 fonte multarum rerum nomina, & nominum pro-  
 prietates, etymologiæ, accentus, quantitas syllaba-  
 rum &c. Ipsa etiam Græcorum Poetarum, orato-  
 rum, Historicorum lectio, atque imitatio vberiorē  
 reddit, & locupletiore Latinam eloquentiam,  
 poesim, & historiam. Magnæ igitur & multæ sunt  
 Græcarum litterarum vtilitates: at nisi discantur  
 à puero, & cum primis adeo Latinæ Grammaticæ  
 elementis, aptè distributis pro numero classiū Græ-  
 cæ Grammaticæ partibus, vix vnquam discuntur.  
 Itaque primò Latini veteres semper cum Latinis  
 Græca coniunxerunt, & grauissimi quique viri no-  
 stræ

stræ memoriæ simul utranque linguam discendam esse sentiunt, ut Sigonius, Muretus, Petrus Victorius, Manutius. Id servatur in nonnullis Galliæ Collegijs, & in Scholis ferè omnibus Germaniæ. Secundo molestias Græcorum rudimentorum melius pueri deorant, grandiores vero illa exhorrent: etsi ea pueri didicissent, inciperent postea Græcam suavitatem degustare, & in ea alacrius versarentur. Contra vero Humanitatis & Rhetoricæ auditores ita nunc affliguntur, & torquentur spinis Græcorum elementorum, ut ad tormentum se trahi putent, cum ad Græca venit: eaque de causa non nunquam post unum aut alterum annum vix scribere, vix legere sciunt. Certè satis patet experimento esse puerorum ingenia maxime ad linguas addiscendas accommodata, qui nisi cum teneri sunt, & memoria in primis vigent, ista perdiscant, quæ uniùs penè memoriæ præsidio nituntur, ubi adoleuerunt, & memoria obduruit, nulla ratione animum ad eam rem posse adycere. Tertio si tam multi anni Latinæ Grammaticæ tribuuntur, cur non & Græca? quæ & plenior est, & obscurior, & nostris peregrina magis: & si quotidie multas horas consumit Latinitatis exercitatio, quia eius usus in communi vita frequentior est, cur Græcæ linguæ, quæ Latinam valde adiuvat, & ad pleraq; alia valde conducit, semihorula denegetur? Quarto turpe est in ea re vinci ab hæreticis, qui à teneris annis Græcè instituti contemnunt Catholicos Græci sermonis imperitos, & ad Græcos fontes pro-

prouocare solent non sine Catholicorum ignominia . Quinto hic modus , quo nunc Græca traduntur à Nostreis, nunquam egregium aliquem fructū peperit, & experimur pueros in solo, πᾶσι, conuenescere, cū iactis tempestiuè primis fundamentis citra vllum ferè sensum laboris paulatim prouehi possent ad maiora sine molestia , quæ magna nunc est grandioribus rei difficultatem & intelligentibus , & libenter declinantibus , ascensuris præsertim paulo post ad Philosophiam, vel ad ius ciuile, vt propterea vno aut altero anno quicquam boni se consequi posse diffidant . Pueri plane facilius, si sit opus, coguntur à Magistris: at grandiores cum semel obfirmare animum cœperunt, atque à literis Græcis abhorrere , quod ad illas attinet, nequaquam possunt in officio contineri . Sexto fatentur plerique Præceptores Grammaticæ superesse sibi aliquid temporis post Latinas exercitationes , & pueri varietate detinentur iucundius autore Quintiliano : & non oporteret quotannis in Scholis Humanitatis redire ad rudimenta Græca cum iactura & tædio prouectiorum . Septimo cum inter alias Nostræ Academiæ partes vna sit Græcas literas profiteri, vel ea res perficienda est, vel istiusmodi Prouincia deferenda , ne nobis probro vertatur tam tenuis ac pene pudendus fructus , qui in nostris auditoribus cernitur, quod ad Græca pertinet, vt propterea alicubi viri graues suos filios non mittant ad Academiam Nostram tanquā mutilam, ac mancā . Verendum quoque est , ne

hæc imperitia inter Nostros etiam serpat, ac futurum sit ( ne dicam esse penè iam factum ) ut careamus aliquando Præceptoribus , qui Græca docere possint . Manabit etiam eadem calamitas in magnam Ecclesiæ partem , cum raro alibi præterquā in Societate Catholici Theologi Græcè sciant ; ut multa quæ in Sacris literis , & re Theologica ex Græcis pendent monumentis , paulatim exolescere , atque obliterari necesse sit . Quod si Græcæ linguæ fundamenta in Nostris Scholis probe constabulantur , satis ea ratione prospicietur , tum ut in tota Ecclesiæ Græcarum cognitio literarum perpetuo vigeat , tum ut Nostra Societas abundet semper viris Græcæ linguæ peritis , quales . n . in suis Scholis educat atque instituit , tales postea , cum eos in suorum numerum cooptabit ( cooptat autem ex Scholis quamplurimos ) habitura est .

Contrà solèt obijci nonnulla , sed quæ facile diluuntur . Latinis , inquiunt , exercitationibus tēpus detrahetur . Primū si paulo procedatur ob eā causam in Latinis litteris lentius , ut anno seriùs ad Rhetoricam , aut ad Logicam veniatur , quid erit quæso , cur quempiam tantulæ moræ pœniteat ? deinde negandum videtur ullam iccirco in Latinis faciendam esse iacturam , tum quod ex quinque horis quotidianis Græcæ linguæ semiboram tantum tribui satis esset , quam semiboram sæpe à Magistris ipsis auditum est , cum dicerent ex Latinis exercitationibus superesse ; tum quod re ipsa comperitū est cum in alijs locis , tum in Romano Collegio nullum propterea afferri



afferri Latinis litteris detrimentum . Nam & in Prima classe Grammaticæ, & in Secunda quoque, ac Tertia ante aliquot annos pueri quotidie semiboram in Græcis ponebant, quo tempore P. Morales Visitator nihil censuit immutandum, atq; adeo probauit : At per eos annos ex inferioribus classibus ad Superiores ita de more gradus est factus, ut qui tunc magistri, ac Præfecti res hæc tractabant, nunquam vel ipsius Latine lingue peritiores fuisse discipulos recordarentur .

Quæ cum ita sint, neque obrui puerorum ingenia dici potest, quod secundo loco consuevit opponi, cum contra potius grata quadam vicissitudine, ac varietate mirifice subleuentur, præsertim si res paulatim, ac sensim illorum animis instillantur. Nā quæ sola prope memoria indigent, ea multo facilius, ac melius quamuis multa sint, ac minuta percipiuntur à pueris: grandiores vero, qui paulo plus iudicio, minus memoria valent, flectendorum Nominum, atque Verborum, cæteraque huiusmodi spinosa ediscendi molestiam reformidant. At quo nunc modo illis Græca traduntur, verè obrui videntur ingenia, cum simul ferè, ac breuissimo tempore, prouectiore iâ ætate adolescentes Historiæ, Oratoriæ, Poeticæque artis, ac lingue Græcæ præceptis & exercitationibus opprimantur.

At etiam qui suos, aiunt, ad ludum nostrum liberos mittunt, ferè de Græcis litteris non laborāt . Immo verò multi fortasse propterea non mittunt, quod Græca in classibus inferioribus nō tradātur ;

Non-

Nonnulli etiam, qui mittunt, ut his Græcè quoque discere liceat, magnis à nobis precibus contendunt. Nemo unquam, qui sciatur, recusavit, quo minus Græcam linguam sui, dum adhuc sunt pueri, docerentur. At nunc suos iam grandiores literis hisce incipere studere cum vident, multi valde recusant; negant enim id fieri posse sine Latinæ linguæ iactu; malle se suos liberos unum, aut alterum annum vtiliter in Latinis tantum, quam in utrisque sine fructu consumere.

At vero veniunt ad nos interdum, qui nihil omnino Græcè, Latinè aliquid sciant. huic incommodo facile videtur adhiberi posse remedium, si eadē in omnibus classibus hora literæ Græcæ discantur. Ita enim ultro citroq; pueri commeabūt, ut est bucusq; ob eandē causam in duabus Humanitatis classibus factitatum. Ad hæc qui ex alijs locis, Latinis imbuti literis, Græcarum prorsus ignari ad nos veniunt, pauci sunt, si cū ijs conferantur, qui apud nos prima fundamēta iaciunt in utrisque. Quod si quibusdam erit vel propter ingenij tarditatem, vel propter ætatem immunitas concedenda, qui erunt certè paucissimi, cur id in Græcis videtur absurdum, cum in versibus etiam faciendis, in Hebraicis literis, in Mathematicis disciplinis non omnes operam ponere cogantur, sed aliqui semper iustis de causis eximantur?

4. Par.  
Cap. 13.

Quod si Constitutiones, in classibus Humanitatis, ac Rhetoricæ significant Græcas literas esse discendas, id non incommode de autoribus explicandis,

dis, scribendisque compositionibus intelligi potest, ac debet, non item de Rudimentis, cum cernamus oculis triginta fortasse, & eo amplius annorum experientia docti, si in duabus hisce classibus tantum Græcæ linguæ ædificium tãquam tumultuarie coniectis lapidibus fiat, nunquam ad culmen posse perducì; et si quid est ædificatum, id totum, quantulumcunque tandem est, repente corrucere simulac se ad Ius civile, ad Dialecticam, ad alia studia iuvenes contulerunt. Quare ut non violari maiores Nostri Constitutiones existimarunt, cum multis ante annis cum alibi, tum Romæ in prima classe Grammaticæ adolescentes literis Græcis tingendos esse voluerunt, ne tempus deinde atque opera in alijs classibus perderetur: ita neque nunc esset ab iisdem Constitutionibus alienum, si in cæteris quoque classibus pueri eisdem literis erudirentur; cum alioquin tempus illud, quod Græcis datur in Humanitatis classibus, frustra positum esse videatur.

Verum, inquiunt, Magistri qui docere possint Græca tam multi non reperientur. Responderi potest ne paucos quidem propediem repertum iri, qui Græcas literas vel in classibus Humanitatis, ac Rhetoricæ doceant, nisi provideatur: deinde scientia non tanta esset illis necessaria, quibus esset in tribus, vel quatuor inferioribus classibus docendum, ut non facile cuius privatis studio, ac peritiorum ope hoc onus possit pro dignitate sustinere.

QVONAM MODO INSTI-  
tuenda sint exercitationum genera ,  
quibus Latinæ, Græcæque lite-  
ræ perdisci solent .

## C A P. V.



Xercitationum genera, quæ prope  
quotidiano teruntur usu, septem  
ferè numero sunt, de quibus sigil-  
latim ita præcipiendum videtur .  
Ac primum pueris haud medio-  
criter proderit exerceri quotidie  
in epistolis, alijsve libris Ciceronis, quos deinceps à  
Præceptore sunt audituri, quam optimis characte-  
ribus diligentissimè describendis ; eadem enim  
opera & literam efficiant meliorem, & orthogra-  
phiam sensim ediscent, & memoriam adiuuabunt,  
& quod à Præceptore interpretandum est, intelli-  
gent melius, si id attente prælegant : & quod in  
exscribendo Thucydide ferūt Demostheni contigis-  
se, occultam Ciceronis imitandi facultatem, & con-  
suetudinem nanciscuntur. Hæc vero, quæ ex Cicero-  
ne transcribunt, alijsque eorum libelli exceptorij  
nonnunquam à Magistro, interdum etiam à Præ-  
fecto legantur tum ad illorum diligentiam explo-  
randam, tum ad emendandam orthographiam, qua  
nihil vitiosius in ijs, quæ scribuntur à puero. Tanto  
vero vigilantius arripiat Magister quancunque  
potest occasionem inculcandi & emendandi diphtho-



gos, aspirationes, accentus, interpunctiones, aliaq;  
id genus, quorum frequens est in scribendo corruptela. Quo in genere nulla paulo prouectiorum admittenda videretur excusatio, quod eos scribere penè nihil oporteret quod aliquo ex libro non transcripserint.

2 Audiant attente prælegentem Magistrum, cum autorum interpretatio, ac stylus longè maioris vtilitatis sint, quàm præcepta Grammatices, quanquam hæc ipsa minime negligenda sunt. In prælegendo autem nil optandum magis est, quam ut unusquisque Magister intra suæ se scholæ fines contineat, nec studio maiorum rerum modulū suū transcendat, nec minuta quædam, & ieiuna confectando, ad humiliora, quam quæ sui sunt ordinis, se demittat.

Iam vero in Grammaticæ, atque Latinæ linguæ autoribus explicandis longe diuersa inueniatur ratio: in illis præceptionum, in his vocum, & locutionum nobis præcipuè supellectilem comparamus. Quocirca in Grammaticorum scriptis curandū est maxime, ut res ipsas pueri quam optime teneant, verba non ita religiose, attenteque sectentur: contra in Epistolis M. Tullij, & reliquis huiusmodi libris non tam sententiarum, quam singularum vocum, ac locutionum ducenda est ratio: sententiarū vis ( præsertim cum eam rudes pueri minime capiunt ) classibus altioribus reseruetur.

In classibus ergo Græmaticæ Magister interpretandi Ciceronis, aliusve autoris hanc Regulam te-

neat. Primum sententiam auctoris, & antecedentiũ cum ijs, quæ modo interpretanda sunt, connexionẽ perstringit quam paucissimis. Deinde periodum ad verbum interpretetur seruata collocatione, itemq; figuris auctoris, quoad eius fieri poterit. Verborum nanque dispositio tanti est, vt vno interdum verbo male collocato, tota fere labi & concidere sententia videatur. Ex illa quippe exoritur numerus ille, qui, si vel reliquis careat ornamentis, ipse tamen per se mirabiliter aures, animosque delectat. Præceptores igitur suis locis voces, nisi coacti, non dimoueant; vt simul & locutionis integritati, quæ disiungendis vocibus persæpe vitiatur atque corrumpitur, et aurium interiori illi iudicio, quod plurimum refert in cognoscendis oratorijs numeris, consulatur. Tertio tota periodus ad structuram cognoscendã ita resoluatur, vt quæ quanq; vox regat, clare pueri intelligant, nec vtilis quasdã linguæ Latinæ obseruationes bonis auctoribus familiares ignorent.

Singula deinde verba ita perpendantur, vt & quid vnoquoque significetur, & quibus eorum quodque rebus aptari possit, ostendatur, cureturq; vt puer vocis cuiusque natiuam, ac propriã (quoad eius fieri poterit) notionem ac vim, non communẽ quandam, atque adumbratam significationem intelligat: sciat etiam, quæ vulgaris consuetudinis phrasæ Latinis ex æquo proprięque respondeant. Metaphoras ac translationes præsertim Ciceroni proprias (quæ nisi intelligantur, veram ac propriam linguæ

linguæ cognitionem vehementer impediunt ) demonstret Magister pueris maxime rudi Minerva, exēplisque rerum notissimarū; tū Phrases elegantiores excerpat, dictet discipulis, & earum postea vsum, atque imitationem exigat in scribendo. Postremo verba auctoris quemadmodum initio rursus interpretetur: & si opus fuerit, etiam tertio, & quarto.

Porro seuerè pueris interdicator, vt ne vnā quidem literam scribant, nisi iussi. Ea vero, quæ scribenda pueris dictantur, intra tempus explanationi definitum absoluantur, ne sit necesse scribendi causa tempus interpretationis prorogare. Fit enim interdum, vt magno cum labore, iactura temporis, nulloque studiorum vsum res neque prudentissime excogitatas, neque diligentissime dispositas, persæpe etiam leues, protritas, & male coagmentatas, non raro etiam vitiosas, turpi chirographo mendisque & erroribus referto pro pretiosis rebus pueri literis mandent, ac sedulo studeant conseruare. Pauca igitur, & quidem lectissima quæque dictentur.

Caveant præceptores, ne pædagogi pueris domi lectiones alias prælegant, sed repetant duntaxat auditas in scholis, ne bonæ interpretationis, quam in scholis didicere, domi iacturam faciant.

3 Habitæ prælectionis rationem à pueris statim Magister exigat, curetque ea prorsus in repetendo seruari, quæ ipse seruauerat prælegendo. Expedi tamen non ab vno totam repeti lectionem, vs

quotidie exerceantur quamplurimi; nec eos Præceptor interroget ordine, quo confidēt, sed prætereant quos velit, quo reddantur attentiores. Et primum quidem repetere iubeat prouectiores: deinde rudiores, aut etiam segniores, qui crebrius interrogandi videntur, quo acrius exstimulentur.

Par. 4.  
Cap. 13.

Nec solum, inquit Constitutiones, repetitiones vltimæ lectionis fieri oportebit, verum & Hebdomadæ die Sabbato, & longioris temporis, prout expedire iudicabitur.] Expedire autem videtur, ut postquam Præceptor vnum aliquem librum, seu magnam aliquam libri partem exposuerit, ad eius repetitionem pueros paratos esse iubeat in certum diem; non quod omnia penitus repetenda sint, sed capita quædam, de quibus illos interrogandos esse duxerit.

In ijs repetitionibus non solum curet Præceptor, ut reddant pueri fideliter, quæ ipse tradiderat, sed ut pronuntient etiam tum clara voce, quæ & attentionem, & silentium facere solet; tum quæ maxime emendate, exprimantque, quantum satis est, ea verba, seu literas, in quibus enucleate proferendis puerilis lingua laborare consuevit. Ea quoque de causa auctoris contextum, quem Præceptor expositurus est, ab auditorum aliquo clare, ac distincte prælegi iubeat, curetque ut inter legendum pueri non modo barbarismos vitare, sed etiam ita lente pronuntiare consuecant, ut iusta per interval-la voces ipsæ (quod sponte continget) sensim in memoria collocentur.



4 In scribendis thematis exerceantur quotidie pueri; & quæ corrigenda sunt in schola, domi fere scribant: interdum tamen ad explorandam discipulorum in scribendo tum promptitudinem, tum fidem (ne scilicet alienis utantur pro suis) etiam in ludo. Ad quod frequentius adigendi videntur rudiores, quam prouectiores, qui nisi Cicerone, Nizolio, alijsque libris uti possint, magno perpoliendi styli præsidio carituri sunt.

Themata eo magis perspicua, & breuia sint, quo pueri rudiores. Vniuersim tamen illud omnino curandum est, ut assuescant pueri & perspicuitatis in scribendo rationem habere quam maximam, & nihil mandare literis, quod vel M. Tullij, vel aliorum classicorum auctoritate, sed præsertim M. Tullij, statim probare non possint. Autores autem ad usum linguæ Latinæ pueris proponendi præcipuè sunt, ex Oratoribus M. Tullius, Iulius Cæsar, Salustius, Liuius: ex poetis Virgilius, Terentius, eo modo quo cap. 8. Horatiusque purgati.

Qui vero nondum ad stylum idonei sunt, ij creberrimis locutionibus ex præscripto Syntaxeos, quæ illis per id tempus explicabitur, verbo tenus transferendis in Latinum exerceantur, & ijs quidem non temere confictis, sed ex probatis autoribus ita petitis, ut quam paucissimæ voces immutentur, & integra uis phrasæ Latinæ permaneat: ne, quod ferè fit, dum Grammaticam addiscunt, impure loqui, & inquinatè consuescant.

Porro themata corrigerentur quam utilissimè,

si Magister omnia sumeret in manus, ac perlegeret: verum quia ne possit omnia, prohibet multitudo, adhibeat eiusmodi emendationem quo pluribus poterit, nec minus ferè quam tribus, aut quatuor. In quibus non barbarismos solum, ac solacismos, sed quicquid etiam in orthographia, aut interpunctione fuerit erratum, sua manu corrigat, idque clara voce pronunciet atque explicet rationes erratorum. Audiant interea cæteri, suaq; prout audiunt, corrigant. Tametsi satius foret vniuscuiusque thema aduersario tradi corrigendum: qui ne vicissim colludant, ac præuaricentur, emendatione peracta, duo, triaue iubeat sibi Magister offerri, quæ maxime voluerit ex omnibus: & si quid fraudis, negligentiaeue deprehenderit, id vero impunitum non dimittat. Proderit etiam aliquid honoris, aut præmioli constituere ijs, qui in aduersariorum erratis obseruandis, ac publicè prodendis acriores se solertioresque præbuerint.

5 Initio scholarum matutinam mane, vespertinam Vespere lectionem pueri reddant memoriter Decurionibus: Hi vero Magistro, qui tres, quatuorue ex alijs etiam audiat semper ad explorandam fidem Decurionum.

6 Vacent strenue partibus orationis, Præteritis, Supinis, Syntaxeos præceptis intelligendis atque ediscendis; Verbis etiam, Nominibusq; flectendis. Hæc vero, quæ iam didicerant in classibus inferioribus, conseruare studeant: quare in thematis distandis aliquid semper interponatur, quod pertineat

neat ad Syntaxim inferioris scholæ; ne bene parta per desuetudinem dilabantur. In omnibus etiam Grammaticæ scholis vnum, aut alterum quotidie Verbum coniugetur, suum quolibet puero tempus reddente. Aliquid etiam Nominum, Præteritorum, Supinorum exigatur. Qua ratione consuletur etiam ijs, qui ad nostras scholas novi accedunt, versati quidem in paulo superioribus Grammaticæ præceptis, sed ignari ferè Declinationum, et Coniugationum: quàmquam ij ad scholam, si qua sit ad declinandum, & coniugandum instituta mittendi essent; vnde, cum primum ista didicerint, ascendant, non expectata promotione communi.

7 In scholis, quæ huius rei capaces censentur, non nisi Latine loqui Doctores oporteret: animaduvertere etiam in auditores, si vernacula lingua vtiuntur data notula, siue catenula, cuius ad finem scholæ ratio exigatur, tam antemeridianis, quam pomeridianis horis. In sermone quoque domestico Nostrorum inter se incumbendum sedulo esset in restituendo, retinendoque usu linguæ Latinæ, quæ tantopere commendant Constitutiones, & quo indigent admodum ministeria Societatis, & nationum communitio. Instituendi viderentur eius rei Censores, & pœnitentiæ, ut earum frequentia prope quotidiana Nostros in officio contineat, eosque non solum a sermone vulgari auocet, sed à barbara quoque latinitate, quam affectare videntur interdum. Hora etiam recreationis Latini sermonis habeatur ratio, prout Superiores præscripserint, cum nihil

in commune possit ea de re decerni. Nam, Festis & Vacationibus exceptis, præterea nunquam, ne hora quidem recreationis, à Latino sermone videntur eximendi, qui degunt in Collegijs Transalpinis propter commercium nationum dissimilium, & ut maxime recedant ab aliquot hæreticis, qui linguam etiam Latinam student nunc abolere ad præcidendam omnem cum Catholicis societatem. In cæteris Prouincijs hoc iugum vix tolerabile videtur propter difficultatem Latinè loquendi; ut hora recreationis plena videatur maioris & tristitiæ, cum præsertim non minus egeant linguæ patriæ peritia pro concionibus, pro confessionibus, pro literis, pro communi vitæ consuetudine. Idem de Seminarijs Conuictorum.

8. Scholasticæ tandem exercitationes quo fructuosiores sint, dum illæ fiunt, silentium & attentionem puerorum seuerè Magister exigat. Neque vero eos solum, dum in schola sunt, exerceat, sed aliquid etiam imponat, quo occupentur in Festis, præsertim si plura sint. Porro cum Constitutiones significant distribuendum esse Auditoribus nostris diurnum tempus, ut illud expendant vtiliter, Magister consulto Præfecto ita nostris diuidat ac disponat priuati studiij horas, ut maximo, quo fieri potest, compendio expendantur. Creentur etiam Visitatores, quos esse iubent Constitutiones Par. 4. Cap. 6: §. 15. ad explorandum, an nostri præscriptas horas benè collocent. Videndum vero est, ne Rhetoribus minus duabus horis tribuatur ad componendum:



dum: Humanistis vero nihil minus hora, dummodo  
aliquid etiam temporis assignetur, quo ediscatur,  
repetatur, legatur aliquid utile, & audita recogno-  
scantur. Eadem temporis diuisio præscribenda es-  
set *Alumnis* vel *Conuictoribus nostris*; externis  
etiam, quoad eius fieri potest, & seuerè ratio  
exigatur; ut *pueri* deterreantur à no-  
xijs *concurfationibus*, præsertim  
diebus æstiuis, cum à pran-  
dio multum est tem-  
poris. ante  
scho-  
las & audiuntur per atrium  
scholarum clamores  
& nugæ in mul-  
tas horas.

..

QV I.

QVIBVS ADIVMENTIS ADOL-  
loſcentum ſtudia ad bonas artes capi-  
ſendas excitari, atque inflam-  
mari poſſint.

## C A P. VI.



*Vos Magiſter quilibet pueros re-  
ferat in Decurias, in quarũ tres  
quatuorue primas non niſi ex do-  
ctrinæ, diligentiaque prærogati-  
ua adſciſcantur: & pro ut quoti-  
die ſuam ſinguli operam proba-  
bauerint, ita vel ſuum tueantur gradum, vel ali-  
qui deſcendant, aſcendant alij. Designet viciffim in  
ludo locum quempiam abiectum maxime atque  
ignobilem, Negligentiæ ſcamnum nominetur. In  
hoc ignariſſimus quiſque deijciatur. Qui vero in  
hoc ſcamno conſederint, frequenter examinentur,  
pudeſiant, obiurgentur, vapulent. Quanquam huc  
deturbari ex ſummo etiam loco nihil prohibet ali-  
quos graviſſoris errati cauſa. Inter alias vero igno-  
miniæ notas, cenſeatur & illud, ſi quis eximi ſe po-  
ſtulet à ſcribendis verſibus, ab audiendis Græcis,  
ab ediſcendis lectionibus, alijsq. id genus, quæ odio  
ſiora videntur: cuiusmodi tamen exemptiones nec  
Præceptor, nec Præſectus concedat, niſi grauiſſi-  
mis de cauſis.*

2 Proderit & ſemel aut iterum quolibet men-  
ſe in ſcholis paulo ſuperioribus cuiſpiam puero de-  
man-

mandare, ut circiter semihora locum alicuius Auctoris solito ornatius exponat ex suggesto, amicis etiam ad audiendum inuitatis, ut eorum gratulatione, & æqualium acclamatione ad officij ac laudis ornamenta puerilis animus incendatur; quod nihilò rarius à Nostreis præstandum esset in Refectorio, dùm cœnatur, vel certe Oratio pronuntiāda.

3 Nec parum extimulantur pueri concertatione mutui. Quocirca unicuique, suus attribuatur aduersarius, qui ius habeat alterum, quoties errantem audierit, corrigendi: si non correxerit, sit eiusdem noxæ reus. Rogent nonnunquam Magistrum, permittat, ut aliquem superioris Decuriæ lacessāt ad singulare certamen, eiusque locum illustriore, si vicerint, consequantur. Huc etiam spectat quod est in Constitutionibus 4. Par. Cap. 6. §. 12. Qui literis, inquiunt, Humanioribus vacant, sua etiam stata tempora ad conferendum, & disputandum de ijs, quæ pertinent ad studia illa, coram aliquo, qui eosdem dirigere possit, habebunt: & Domini-  
cis, vel alijs constitutis diebus, alternatim vel suæ facultatis positiones à prandio tuebuntur, vel se in componenda soluta oratione, aut carmine exercebunt.] & infra. Cap. 13. §. 3. studiosi, inquit, Literarum Humaniorū ut familiarem sermonē Latine communiter loquendo, & stylum scribendo, ac pronunciationem composita bene pronunciando expoliant, curent; & his, ac multo magis facultatum superiorum studiosis crebras disputationes imponant, quibus dies, & horæ certæ constituentur;

Vbi non solum cum condiscipulis, verum paulo inferiores cum aliquanto prouectioribus disputent in ijs, quæ ipsi capiunt: quod etiam vice versa prouectiores cum minus prouectis, ad ea, quæ illi tractant, descendendo, & Præceptores alij cum alijs præstabunt; semper qua decet modestia obseruata; & aliquo Præsidente, qui contentionem dirimat, & quid doctrinæ elici oporteat ex disputatis, declaret. ] Hæc ut seruentur committendi videntur interdum pueri finitimarum scholarum, minus prouectis ad superiorem classem ascendentibus, non vicissim; illud enim honorificum, hoc turpe videri potest. Certent itaque Quartani cum Tertijs, Secundani cum Primis, Humanistæ cū Rhetoribus, & vbi fuerit impar classium numerus alternis certet vna cū duabus. Inter sint ambo Præceptores: nam & eos inter se seruata, qua decet, modestia pugnare iubent Constitutiones præsidente aliquo, quem Præfectum esse oporteret. Non enim scholas omnes eodem tempore concertare decet, ne nimij strepitus excitentur ex tanto euntium, redeuntium, concursantium numero. Suum igitur binis quibusque classibus diem præstituat, ita ut duæ fiant quolibet mense scholarum omnium cōcertationes, neq; enim pauciores oportet esse, cū positiones alternis Hebdomadis ab ijsipsis defendi iubeant Constitutiones. Si quando ipse præesse non poterit, alium præficiat. Duret hæc concertatio semihora fere, quanquam superioribus Scholis hora tribuenda esset. Nec omnes vnius Scholæ ad alteram



ram ascendant, sed lectissimi quique, quos etiam in præsentem pugnam Præceptor, ut oportet, instruxerit, cæteris in Schola relictis ad aliquid interea scribendum sub cura Decurionum. Disputet autem pueri de ijs tantum, quæ suæ classi propria sunt, nec Dialectico more, sed illo fere modo, Cedo mihi Modum, seu Tempus, Præteritum, seu Supinum illius verbi siue Latini, siue Græci: Inflecte nomen illud: Da etymologiam: Estne hæc oratio bene Latina? Conuerte Latine, seu Græcè sententiā istam. Expone illam regulam Grammaticæ, locūve illum Virgilij, seu M. Tullij. Quenam est huius vocabuli germana vis, & quotuplex? Vnam aliquam sententiā tribus, aut pluribus Latinis phrasibus enuntia. Videturne tibi mendosus ille locus Horatij? & si mendosus, quomodo corrigeres? Explica figuram, seu tropum illum. Qua in re Homerū Virgilio, Pindarum Horatio posthaberes ex Scaligeri Critico, & Hypercritico? Interpretare illud Hieroglyphicum, Symbolū Pythagoreū, Apophtegma, Adagium, Emblema, Aenigma ex Athenæo, ex Gellio, ex Pausania, ex Crinito, ex Ausonio. Cuius historiæ fundamentum habent illæ fabulæ ex Palephato, ex Eusebio, ex Lilio? Quot sunt genera dicendi? Quid Exordium, quid Insinuatio? Quibus rebus hic, vel ille affectus comouetur? Quæ sunt præcepta scribendi Epigrammatis, Elegiæ, aliusve Poematis? Iurene exacti Reges ab Urbe? Præstantiorne Dux Annibal, an Scipio? Atque hæc, aliæque id genus nunc viua voce, atque ex tempore, nunc descri-

descriptis thesibus differentnr. Harum vero formula sit eiusmodi. Exponemus obscuriores aliquot locos, illum Ciceronis, illum Virgilij, illū Ouidij. Vel Nō placet interpretatio illa Seruij, Pediani, Acronis. Vel Hanc esse mentem Virgilij in illo versu defendemus. Vel Ostēdemus in hac tota oratione M. Tullij nihil esse nisi ex artis præscripto. Vel Recte Virgilius non ab excidio Troiæ, sed ab Aeneæ nauigatione exorsus est. Vel Quæcunq; propria sunt Epopæiæ, seu Tragædiæ, egregie Virgilius in Aeneade, in Troade Seneca seruauit; & alia huiusmodi. Neque vero dedeceret ex ijs, quæ interrogantur ex tempore, siqua longioris studiij indigent ad respondendum, duos de ijs secreto conuenire Præceptores, vt qui responsuri sunt, accedant parati; neque vero id prorsus inutiliter fieret; assequerentur certe pueri earum rerum cognitionem, & memoriam exercerent; præterquam quod & audientes valde delectat crebra, nec hæsitans vnius percunctatio, alterius responsio.

4 Nec modicam sanè bonarum literarum studijs alacritatem affert assiduus publicæ declamationis vsus, de quo Constitutiones 4. Par. Cap. 16. §. 3. Habebitur, inquiunt, etiam singulis Hebdomadis (vt de Collegijs est dictum) ab aliquo ex Scholasticis declamatio de rebus, quæ audientibus ædificationi sint, eosque ad augmentum in omni puritate, ac virtute expetendum inuitent, vt non solum Stylus exerceatur, sed mores meliores reddantur. Omnes autem eos, qui Latine sciunt, huiusmo-

di declamationi interesse oportebit. ] Curandum est igitur, ut qualibet hebdomada declametur festo die aliquo, id que in frequenti conuentu nostrorū, omnium auditorum : quod ubi fieri commode non potest, saltem initio cuiuslibet mensis aulam quampiam ampliorē, vel ea si desit, in templum conueniant scholæ omnes superiores ad audiendam celebrem aliquam declamationem, seu declamatoriam cōcertationē inter duos adhibito etiā iudice, qui litem sua autoritate componat, dūmodo de his tātum rebus litigetur, de quibus litigare non dedecet, & quæ pie afficiant auditores ex instituto, vel ex opportuna digressionē. Constitutionibus vero videndum est an satisfieri possit, si quolibet sabbato vltima semihorula scholæ pomeridianæ vnus Rhetorum aliquid non tam celebre in sua classe declamet, eōdem etiam conuenientibus Humanistis : sequente vero sabbato ( præter tres, quatuorue primos anni menses, cum Humanistæ adhuc rudiores sunt ) vicissim vnus Humanistarum idem præstet in classe Humanitatis præsentibus Rhetoribus : idque ea hora, qua consuetæ vtriusque classis explicationes non impediantur. Porro quicquid in schola priuatim, vel publice, in aula, templo declamatur, ab eo, qui declamat, oportet esse conscriptum, nisi quod publica declamatio à Præceptore tanto accuratius emendanda est, ut ab eo penè profecta videatur. Et quidem ad hebdomadarias declamationes Philosophi, & Theologi non videntur cogendi, quod tam frequens exercitatio

*Rhetoricæ, & Humanitatis auditoribus propria videatur, at cæteris per incommode cederet. Quibus enim diebus tam crebro declamandum est? Nam si in festis, quotusquisque conueniret? sin in die lectionum, hoc penso hebdomadario multum omnibus classibus decederet Philosophis, & Theologis: tanto magis, si oratio sit paulo longior, nã sit valde brevis, nihil egregij polliceri potest. Item incommodũ erit Rhetoricæ Præceptorum tam multas, tamque diuersas orationes accurate scribere, vel emendare, quæ suppetant in singulas Hebdomadas, & publico conuentu dignæ sint, cum præsertim raro sint tam multi iuuenes ingeniosi: & horum siqui idonei sunt ad scribendum, non semper etiam ad pronuntiandum: & si præstant pronuntiatione, nonnunquam parum valent in scribendo, vt totus serè labor recidat in caput Præceptoris.*

*Præter has Declamationes illustris adhuc Oratio in studiorum instauratione publicè pronuntianda est, quæ non videtur demandanda nisi insignioribus lectoribus, & qui sua autoritate eius loci & temporis impleant expectationem. Quo in genere, ne earundem rerum iteratio seu similitudo pariat satietatem, ad idem argumētum non redeatur, nisi post aliquot annos. Dicendum est igitur nunc de educatione puerorum: nunc de laudabili more fundandi Vniuersitates litterarias: nunc de coniungendis sapientia & virtute: nunc de laboris ac diligentia fructibus: nunc de bonorum laudibus auditorum: nunc de scientiæ doctrinæque quam maxi-*

*mis*



mis utilitatibus atque ornamentis : nunc de alijs id genus.

5 Neque declamationibus habendis modo, sed versibus etiam pronuntiandis aut publice affigendis aluntur studia puerorum . Quocirca singuli Nostorum , qui Humanioribus literis vacant, Dominico quoque die aliquid carminum affigant in Refectorij vestibulo , locoue alio , si aptior sit: quod in Renouatione votorum, cæterisque solennitatibus multo celebrius, ac plenius præstandū est, idque à Philosophis etiam & Theologis, ne Poetæcenediscant: longe vero copiosissime, cum studiorum celebratur instauratio . Cæterum in ijs nihil fere interponatur ( nisi cum celebritas aliqua multiplici varietate linguarum cohonestanda videretur ) vulgari sermone conscriptum , non enim id agūt Nostri in scholis, ut vernaculam linguam condiscant, sed Latinam, vel Græcam, vel Hebræam. Ex his itaque linguis tantum scribenda sunt , quæ legenda alijs exponuntur. Ea vero exornentur non nūquā aliqua pictura, quæ Emblamati vel Aenigmati proposito respondeat : neque versibus solum implendi parietes, sed admiscendum etiam aliquid prosæ breuioris, cuius & vsus frequentior est , & inuentio grauior, & dictio nihilo minus laboriosa, cuius generis esse possent Epitaphia sepulchrorum, inscriptiones Clypeorum, Templorum, Hortorum, Theatrorū, breuiores aliquæ descriptiones Urbis, Portus, Pugnæ, vetus Apophthegma cum eius expositione breuissima , aliqua cuiusquam Diuinitatis

gesta. Iam vero quaecunque siue versu, siue soluta oratione à Nostreis publice affigenda sunt, Rector ea prodire in publicum non patiatur, priusquam à duobus earum facultatum valde peritis recognita fuerint: nec id muneris sibi vendicet Praefectus, si contingat in hisce rebus non esse valde versatum, alioquin existimationis iacturam, quam in hoc genere facimus aliquando, maiorem in dies faciemus. Illud vero habendum est doctrinae specimen non tam in rerum, quae publice exponuntur multitudine, quam in accuratiore quodam cultu positum esse.

Quocirca expedit quidem, ut in studiorum votorumque instauratione, & diebus alijs celebrioribus iubeantur omnes Poeticum aliquid vel Oratorium scribere. At cum ad eorum, quae scripta sunt, delectum venit, pauca, quae legenda omnibus praebeantur, seligenda sunt; optima enim fere pauca sunt, & ex ijs potius, quam ex numerosa quadam farragine bona de scholis nostris opinio propagatur, praesertim si pauca illa manu quoque librarii, ut par est, exornentur.

6 Nihil vero est, quod aequè iuuenum animos ad studiorum labores inflammet atque diuisio praemiorum. Quare enixe conandum est, ut quolibet anno semel cum minimum distribuuntur, si non plurimorum, at decem, vel duodecim aureorum impendio, ad quos liberaliter tribuendos prudenter ac beneuole essent in ducendi Magistratus, vel Praelati, vel ditiores, & illustriores aliqui.

7 Adolescentes tandem, eorumque parentes  
mi-

mirifice exhilarantur atque accenduntur, Nostræ etiam deuinciuntur Societati, cum nostra opera possunt in Theatro pueri aliquod sui studij, actionis, memoriæ specimen exhibere. Agenda itaq; videntur Comædiæ, ac tragædiæ, ea tamen moderatione, quæ Regula 58. Prouincialis præscribitur. Quo in genere illud animaduertendum videtur, hanc rem per se molestam satis ac laboriosam, fieri etiam pene intolerabilem, quod labor ille multiplex, quem scænica actiones secum ferunt, ferme totus incumbit in Poetam, qui tamen satis laboras se iudicandus esset in scribendo poemate: in ceteris vero quæ ad exercendos pueros, ad sumptum, ad variam vestem conquirendam, ad Theatrum extruendum pertinent, aliorum, qui ab ipso dirigerentur, opera leuandus esset: alioquin in graue tam religiosæ pietatis, quàm valetudinis periculum incidet: Idcirco satius esset ab hisce rebus abstinere.

Quoniam vero Tragædiæ nec ubique, nec semper, nec frequenter agi possunt, ne in nimiam desuetudinem abeat exercitatio, sine qua poësis pene omnis friget ac iacet, non parum expedit, ter aut quater in anno priuatim in Scholis Humanitatis, & Rhetoricæ sine scænico ornatu à pueris mutuo colloquentibus recitari ab ipsis compositas Aeglogas, Scænas, Dialogos, quorū partes ita Magister disponet ac diuidet paulo prouectioribus scribendas, vt coniunctæ postea vnum corpus coagmentent.

RATIO PROMOVENDI PVE-  
ros ex inferiore ad superiorem clas-  
sem, & promouendorum  
examen.

C A P. VII.



*L*iant promotiones ex schola, qua  
Nominū, Verborumq; flexiones  
discuntur, tertio quoq; mense: ex  
classe autem Humanitatis initio  
tantum studiorum: ex cæteris  
præter hanc altera etiam adda-  
tur in Paschate, siue paulo ante; tametsi hoc tem-  
pore pauci sint promouēdi, nec nisi optimi quique;  
qui si in ea classe morarentur diutius, novi pene ni-  
hil addiscerent.

2 Hæ vero binæ promotiones exigunt, tum vt  
Præceptor quilibet sexto quoque mense suæ Scho-  
læ pensum, cursumque peragat, ac rursus inchoet:  
non enim ulli promouendi sunt, priusquam omnia  
suæ classi propria didicerint: tum vt nullius scholæ  
status post primos anni sex menses attollatur; sed  
toto anno perseueret vniusmodi: alioquin minime  
congrueret ijs, qui tunc primum ad eam ascendūt.  
Id quod nec oberit antiquioribus, cum idcirco in  
qua erant, classe relinquantur, quod in ijs, quæ au-  
dierant, non dum profecerunt, vt par erat. Qua-  
drat idem in Humanitatis classem, quæ si sub Qua-  
dragesimæ finem ad altiora proueberetur, Prima-



nis, quos tunc recipit, parū apte conueniret. Igitur intra suos se fines contineat, & in eodē gradu persistat ad duos vsq; menses extremos, quibus satis fuerit in ea exponi Rhetoricæ compendium ex Cypriano, idque duntaxat vt superioris classis isagogen.

3 Expedit autem promouendos examinari seuere, tum quia pueris perniciosius est ascendere non idoneos, quam idoneos vbi sunt, retineri; tū quia si quando ineptiores aliqui prouehuntur, superioris classis ordinem perturbant non parum: tum quia nonnulli Episcoporum Examinatores ex ea classe, ad quam quis promotus sit apud Nostros, iudicare solēt de doctrinæ gradu, quē sacri Ordines exigūt. Si qui vero toto biennio in aliqua classe fuerint, nec ad promotionem videntur idonei, dispensari cum ijs posset, si qua sit spes eos in schola superiore profecturos, vt ascendant, non tamen legantur in catalogo promouēdorum, sed curetur potius, vt qua de causa promouēantur, cæteri non ignorent, quod sine offensione fieri possit. sin desperati plane sint, nec honestis de causis viderentur expellendi, agatur cum ijs, sicut & cum paucis illis, qui nomen suum in Matriculam referrinolunt.

4 In examine promouendorū tres sint Examinatores, qui quidē sint & Indices ad plura suffragia. Horum supremus sit Præfectus, aliusue, quem ipse suffecerit: duos alios, nec Præceptorem a quo pueri ascendunt, nec alterum ad quem ascendant, oporteret esse, sed alios (vbi possunt haberi) in Humanioribus litteris versatos, licet Phi

loſophiæ, vel Theologiæ auditores : tametsi priusquam examen iachoetur, proprij Præceptoris iudiciũ de singulis eſſet audiendum, qui tradet Examinatoribus ſuorum auditorum catalogum, & cui libet ad marginem aſcribat vnã de tribus notulis, quarum vna indicentur optimi, altera inepti, & omnino retinendi: poſtrema mediocres, & de quibus aliqua poſſet eſſe dubitatio.

5. Examiniſ ratio hæc fere ſit. Semel & iterum periculifaciendi cauſa argumentum propoſitum in ſchola ſcribere iubeantur, ſuumque nomen ſubſcribere, & tradere Præfecto; tum certa die Examinatores cuiuſlibet ſeorſim compoſitionem examinent animaduerſis non modo Syntaneos, ſed etiã orthographiæ vitijs, & vnius themate perlecto iſ ſtatim vocetur, & de ijs, quæ ſuæ claſſi propria ſunt, interrogetur, eoq; dimiſſo confeſtim dũ examiniſ recẽs adhuc memoria eſt, iudiciũ de illo feratur. Idẽ quoq; fieri poſſet in binis, aut ternis ſeorſim. Quod vero tunc de quolibet conſtitutum fue-

rit pluribus ſuffragijs, non mutetur poſtea, niſi examine grauib. de cauſis iterato.

## D E L I B R I S.

## C A P. V I I I.



*V*ditoribus nostris non quicumque libri temere concedantur, sed ij duntaxat, quos quisque audit in schola, vel qui exponi solent, ac possunt in sua classe iuxta Catalogum infra proponendum.

In ijs etiam multitudo cauenda est, quæ & opprimit ingenia & impedit, ne quotidianum pensum commode reddatur. Ex recentiorum vero libris & pauci, & magno cum delectu permittendi sunt.

2 Ne Nostri copia librorum, sine quibus milites inermes esse videntur, careant, optandum esset, vt aliquis redditus annuus ampliandæ bibliothecæ attribueretur, qui in alios vsus non esset conuertendus.

3 Quorundam librorum expurgatio, quam etiã Constitutiones. 4. Par. Cap. 14 §. 2. insinuant non modicæ videtur utilitatis: tum quia aliqua sunt poematum cæterorumq; argumentorũ genera, quæ non nisi a parum honestis autoribus tractata sunt, vt Comædiæ, Epigrammata, Elegiæ, & Odæ magna ex parte, quibus Nostri carituri sunt, si huiusmodi autoribus omnino priuentur: tũ quia etiam si non desit interdum vnus aliquis autor, qui quæ turpiter alij, honestius ipse tractarit; at autorum varietas vberiore reddit puerorum venam & faciliorem

liorem imitationem: tum quia auditores nostri non prorsus videbuntur ad ea, in quibus ceteri discipuli se iactabunt esse versatos. Cæterum ea purgandi ratio, quæ pro turpioribus verbis, aut rebus honestiora subrogat, non probatur: tum quia quævis adhibeatur purgatio, semper tamen liber, cuius argumentum turpe sit, pristinum, ac nativum redolet odorem aut saporem: certè ipse dicendi character, allusiones, rerum series, vis affectuum, schemata, aliæque huiusmodi, quod virus hauserunt ab auctoris animo, in lectoris mentem, quamvis ea de re nihil cogitantem, latentem instillant: tum quia quicquid in eorum, quæ scripsit autor, locum sufficitur, vix pertingere potest ad eam vel inuentionem, vel latinitatem, quæ cæteris respondeat. Quare huiusmodi expurgatio non probatur, nisi cum & paucissimis esset adhibenda voculis, & commode & cum dignitate præstari posset: alioquin ineunda potius videtur alia quædam ratio longe aptior, nempe ut ex vno aliquo autore, verbi gratia, Horatio seligantur honestæ tantum Ode prætermisissis turpibus poematis; Titulus vero libro præfigi posset huiusmodi, Selecta quædam ex Horatio, vel ex Catullo, vel ex Tibullo &c. Quin etiam ex poematis, quorum argumenta obscæna sunt, possent in vnum aliquod volumen colligi partes quædam honestiores, si a suo toto separatæ cohærere possunt, ut quædam similitudines, sententiæ, antitheses, adagia, orationes, palestra, cursus, descriptiones vel hortorum, vel orientis solis, vel armorum, vel sepulchrorum,

vel



vel *vrbiū*, vel anni temporum &c. Eodem quoque conferri nihil prohibet tū honestiores aliquas Epistolas Heroidum, vel Elegias Tibulli, Propertij, Galli, tum Epigrammata, seu Emblemata ex Gellio, Atheneo, Ausonio, Pausania &c. tum aliquas Terentij, vel Plauti non comœdias, sed sententias, vel scœnam aliquam honestiorem cum hac inscriptione, Collocutio Simonis, & Sosia, vel Chremetis, & Menedemi &c.

4 Ad hæc multa sunt in Humanioribus studijs obseruanda, quæ quoniam nec Præceptoribus vacat explicare, nec auditores per se consequi possunt, nesciuntur ferè à Nostreis, non sine aliqua eruditionis iactura. Quocirca prodesset admodum si cui harum rerum peritissimo demandetur onus colligendi optima quæque huius generis, & cultiore quodā stylo in vnū aliquod opusculū conferendi, in quo explicarentur leges scribēdi Epigrāmatis, Elegiæ, Odes, Aeglogæ, Syluæ, Comœdiæ, Tragœdiæ, Epopœiæ, brevis Chronologiæ ratio, quis stylus Historicus, quis Poeticus, quis Epistolaris, quæ dicēdi genera, & huiusmodi alia suis illustranda exemplis. Quod opusculum si conscriberetur, vel priuatim legeretur à nostris adolescentibus, vel in schola Humanitatis per horæ quadrantem aliquem exponeretur.

## DE VACATIONIBVS

inferiorum classium.

## CAP. VIIII.



*Vacationes ubi fere non sunt, non videntur introducendæ: ubi vero sunt, ita seruentur, ut ex Academia publico instituto, quod facile mutari non possit, habentur. In cæteris autem locis temperentur hoc fere modo.*

2 Rhetorica Superiorum facultatum vacationes sequatur, ubi idem Professor & mane docet & à prandio: nam si semel in die, nec ultra mensem vacet in anni fine, nec alternis, sed quotidie doceat sub extremæ æstatis pomeridianas remissiones: quo vero tempore vacent Superiores classes, cæteræ binis horis tantum in opere versentur, tum mane, tum vespere. Verum ante studiorum repetitionem toto die vacet Humanitatis classis tribus hebdomadis; Prima Grammaticæ duabus; una tantum reliquæ: nisi ubi toto mense Septembri vacare cogit omnes auditores necessitas redeundi in patriam, & querendi commeatus, ac sumptus.

3. Intra annum omnes ferientur tum mane tantum in die commemorationis Defunctorum, & in Feria quarta Cinerum: tum vespere tantum in peruvigilio Natalis Domini, & Pentecostes, & in Feria quarta maioris Hebdomadæ, & in die Recreationis hebdomadariæ, quæ non interponatur, nisi vel quarta,  
vel

vel quinta Feria: tum toto die in Feria quinta sexagesimæ, & Feria secunda ac tertia Quinquagesimæ, nisi aliter consuetum sit, & tribus ultimis diebus maioris Hebdomadæ. + doceatur; tur tamen

4 Adolescentes nec dimittendi videntur ad spectanda supplicia reorum, nisi forsan hæreticorum, vel ad singulare, & inusitatum aliquid, exceptis paruulis: nec ad publicas ( nisi Iobileo præscribantur ) processiones : sed earum loco magister quilibet cum auditoribus in sua classe recitet Litanias paulo ante finem scholarum.

DE

# DE TVENDA PVERORVM disciplina, ac pietate.



## C A P. X.



Is, qui ad nostras scholas accedūt, principio statim Præfectus ostendat Regulas Auditorum, ut quales esse oporteat, si nostræ se disciplinæ tradere velint, intelligant.

2 Inter prælegendum adhibeat curam Præceptor, ut ex eo loco, quem exponit, si res ferat, præceptum aliquod breuiter eliciat vel integritatis, vel prudentiæ comparandæ.

3 Alicui nostrorum Sacerdotum singulis mensibus confiteri iubeantur: quam ad rem obeundam non videtur dies aliquis deligendus, quo intermittatur literariæ exercitationes, sed satis est, ut Præceptor cum Confessario (qui si vnus esset ac perpetuus omnium fere Scholasticorum auditor, homo ab alijs occupationibus liber & alicuius autoritatis, optimè res succederet) cónueniat de stato die atque hora, qua terni, vel quini ad confitendum mittantur sine vacatione ab his, quæ scholarũ propria sunt: & si dies vna omnibus non sufficit, diuidatur res in multos dies, dummodo intra mensem



confiteantur omnes, & curetur, quantum fieri potest, ut confessori lectionē non amittant. Id quidē satius videtur, tū quia vacationes illæ nocerent progressibus studiorum, et multo magis essent moribus perniciosæ: tum quia raro possunt Confessarij totū aliquem diem pueris audiendis impendere.

4 Sed præter menstruam Confessionem videntur adhuc ad Sacram etiam Communionem vehementer hortandi, saltem in Festis solennioribus, ut in celebritatibus Domini, Beatæ Mariæ, Apostolorum &c. Ad quod etiam Philosophi & Theologi Professores suos deberent cohortari in vigilijs maiorum Festorum.

5 Porro cum Constitutiones iubeant audiri conciones à pueris nostris, eius etiam rei rationem exigere debent Magistri adhibitis Censoribus.

6 Quotidie quoque Missæ Sacrificio intersint, idque ante scholas, ubi viget ea consuetudo, ut literariæ exercitationes à rebus diuinis initiū sumant, & robur. Id quod etiam in Italia seruetur præsentibus Magistris, vel Decurionibus, præsertim post Pascha, cum in æstate partim labore scholarū, partim feruente æstu valde laboriosum sit pueris post scholas reuerenter, & positis genibus Missam audire, ut aliquando deficiant.

7 Doctrinam Christianam Feria sexta, vel Sab-  
bato postrema scholæ antemeridianæ semihora recitent pueri memoriter: ex eaque aliquid Magister quilibet exponat accomodate potius ad pie exhortandum, quàm ad subtiliter disputandum. Idq;  
paulo

si alicubi in-  
ductus iam sit  
illius alius nisi  
inuisibilis)

paulo plenius præstari poterit in scholis superiori-  
bus, quarum auditores cum Fidei rudimenta iam  
teneant, rarius ad ea recitanda cogendi sunt. Ea ve-  
ro de re plurimi licet circumferantur libelli, bre-  
uior tamen ille P. Canisii cathechismus toti Societa-  
ti videtur præscribendus, cum eo nihil magis per-  
spicuum, distinctum, bene latinum, tutum, ac soli-  
dum habeamus.

8 Curent Præceptores scholarum inferiorum  
aliquos habere, qui sciant domos suorum auditorũ,  
& per illos inquirant de reliquorum moribus, &  
cur ad scholas aliquando non veniant. Non patian-  
tur suorum odia, & similitates, nec aliquid armo-  
rum in area, multo minus in scholis. Iam vero sicut  
socordes, ac segnes esse non decet in auditorum vi-  
tijs corrigendis, aut etiam puniendis cum sciuntur,  
aut facile sciri possunt, ita nec oportet harum re-  
rum anxios esse scrutatores, ne ijs prope quotidia-  
nis inquisitionibus, & flagellis scholæ reddantur in-  
fames. Nec publice puniant flagitia quædam secre-  
tiora, sed priuatim: aut si publice, alias obtendant  
causas, & satis est eos, qui plectuntur, conscios esse  
causarum.

9 Curandum tandem esset, ut D. Mariæ Annun-  
tiationis Congregatio ex Romano Collegio in reliqua  
propagetur. Continet enim mirifice adolescentes  
in officio, & Nostrarum scholarum bonum odo-  
rem in totam plane ciuitatem diffundit. Ad eam  
vero Congregationem alliciendi essent Academia,  
in qua Congregationis alumni in disputando, in re-  
petendo

petendo, in prælegendo diligenter exerceantur: ac  
propterea retinenda videtur vetus consuetudo, ut  
ad Academiam non cooptentur, nisi qui Congrega-  
tioni nomen dederint: Illius enim proprio tanquam  
pabulo ad hanc solent inuitari. Illud vero commen-  
dandum, ne Congregationis, vel Academiae  
exercitationes fiant eo tempore, quo  
conciones, sacraeque lectiones ha-  
bentur in templo. Ha-  
rum nanque fructu  
priuarentur  
audito-  
res  
nostri: Templum quoque  
tam multis spolia-  
retur audito-  
ribus.

S

FINES

FINES ATQVE EXERCITA-  
tiones Scholarum Grammaticæ,  
& Humanitatis .



Constitutiones 4. Par. Cap. 13. B.  
statuunt tres esse oportere Gram-  
maticæ classes ordinariè , quartā  
Humaniorum literarum , quintā  
Rhetoricæ . Sed quia Grammati-  
corum numerus plerunque ma-  
ior est, quam qui tribus classibus capiatur , ubi id  
contingeret , concedunt quanlibet vnā ex tribus  
Grammaticæ classibus diuidi posse in duas . Cuius-  
modi diuisio si instituaturs , erunt sex classes , seu  
trium classium sex ordines nempe.

[ Primæ classis superior ordo. ]

[ Primæ classis inferior ordo. ]

[ Secundæ classis superior ordo. ]

[ Secundæ classis inferior ordo. ]

[ Tertiæ classis superior ordo. ]

[ Tertiæ classis inferior ordo. ]

Et in Tertia quidem classe explicanda sunt rudi-  
menta Grammaticæ . In Secunda breue & facile  
compēdium Syntaxeos . In Prima absoluta & per-  
fecta Syntaxis . Bini vero ordines, in quos vnaquæ-  
que classis diuiditur, sic videntur constituendi, vt  
quolibet sortiatur partem fere dimidiam pensis, atq;  
oneris,



oneris, quod vni toti classi obuenerat. Hactenus in genere; nunc de singulis ordinibus distinctè ac dilucidè, sumpto ab infimis initio.

### Tertiæ Classis inferior ordo.

In hoc ordine primum exponantur pueris breues ac perspicuæ quædam singularum partium orationis descriptiones, subiecto vno aut altero exemplo: quæ desumi possunt ex lib. primo Emmanuelis pag. 110. & sequentibus.

Deinde tradantur simplices Nominum substantiuorum declinationes quinque; ex pag. prima vsque ad sextam; & prima Adiectiuorum declinatio ex pag. 7. & Pronominum declinationes ex pag. 12. ad finem 18. tantum.

Tum addiscantur quatuor simplices verborum Coniugationes ex pag. 37. vsque ad finem 83. prætermisso modo Potentiali & Permissiuo, satis enim fuerit post modum Subiunctiuum addere hanc annotatiunculam, [ modus Subiunctiuus aliquando explicatur per Possum, vel Sino. ] Sed ante has quatuor coniugationes coniugandum est verbum Substantiuum tanquam fundamentum reliquorum ex pag. 21.

Hæc plane videntur principio tradenda Pueris, quia communiora, magis necessaria, & faciliores sunt. His vero absolutis exponi posset sine appendicibus constructio Intransitiua, quam vulgo Concordantias vocant. Quæ omnia trimestri spatio

finienda essent. Neque enim ad hanc classem pertinent *Abecedarij*, quos *Constitutiones* aperte separant à tribus classibus *Grammaticæ*, & significant à *Nostreis* non esse instituendos ordinariè. *Vbi vero* instituuntur ex peculiari concessione, non videntur admittendi pueri, nisi post septennium; sunt enim ante hoc tempus molestissimi, & *nutricibus* potius indigent, quam *ludimagistris*.

### Horarum diuifio in hoc ordine.

Prima hora antemeridiana.

Dimidia reddentur memoriter primo descriptiones partium orationis. Secundo aliqua declinatio, & coniugatio: singulis autem vocibus latinorum temporum singulæ tantum vernaculæ interpretationes reddantur, etiam in coniunctiuo & infinitiuo, ne multiplici interpretatione rudium mentes obruantur. Dimidia altera, explicabitur constructio intransitiua, & in ea pueri varijs modis, & exemplis exercebuntur.

Secunda hora antemeridiana.

Dimidia tribuetur varijs *Nominibus inflectendis*. Inflectentur autem substantiua nomina aliquando nuda, aliquando singula cum singulis, aut binis *Epithetis*; quæ tamen *Epitheta* aut eiusdem aut diuersarum sint declinationum pro cuiusque facultate. Erit autem duorum generum exercitatio *flectendorum Nominum*: vno modo, continenti serie seu perpetua oratione, ita ut quæque nomina cum suis *Epithetis* à Recto per singulos *Casus* inclinata ad finem usque ducantur: altero modo: Interrupto ordine,

dine, vt a singulis singulæ diuersorum Casuum voces auulsæ exquirantur. Dimidia altera inflectendis verbis ponetur: flectentur autem verba sicut & Nomina, tum continenti serie à prima verbi voce per inclinationes omnes ad finem vsque modorū omnium: tum interrupta varijs eiusdem verbi vocibus discipulis singulis proponendis, ijsque è vulgari in Latinam linguam, & è Latina vertendis vicissim in vulgarem. Inter declinandum autem perpetua serie Pueri assuescant per singula tempora breuem aliquā orationem addere eiusdem Temporis, quam in vernaculam linguā conuertant. Assuescant vero Pueri tempora omnium verborum cuiuslibet Coniugationis tanta dexteritate cognoscere, vt facillime ex vernacula lingua Latinam, & ex Latina vernaculam vocem illi respondentem reddant: prolato etiam vno Tempore actiue vocis statim passiuam adiungere.

Recte scribere, & pronuntiare Pueri doceantur. Semihora Scribere quidem vel illic traditis, vel domo allatis exemplaribus, quæ elegantia & emendata sint. Pronuntiare vero vno aliquo clara voce prælegente aliquid Ciceronis audientibus alijs, & vicissim hoc ipsum obeuntibus, donec ita emendate pronuntiare assuescant, vt nullum in eorum oratione ex ijs vitium appareat, quæ prima Emmanuelis admonitione castigantur.

Eadem exercitationes & eodem modo repetantur, nisi quod postrema semihora non videretur incommodum, si inciperent elementa Græca cognoscere,

Semihora  
ultima à te  
meridiana

Scholis  
Pomeri-  
dianis.

scere, & syllabas coniungere, scribere etiam.

### Tertiæ Classis superior ordo.

Hic explicentur primo reliqua rudimenta partium orationis: secundo difficiliores Declinationes; quæ supersunt ex Emmanuele tam Substantiuorū quam Adiectiuorū: tertio reliquæ verborum Coniugationes quæ sunt post quattuor illas simplices, addiscantur.

In his vero dum Pueri exercentur, doceantur classes etiam Verborum Actiuorum, & Passiuorum sine appëdicibus, vt Secunda classis, quæ multis rebus oneranda est, aliquantulum leuetur. Ad datur tandem aliquid ex epistolis M. Tullij. Atq; his omnibus absoluendis tres menses impendatur.

### Diuisio horarum in hoc ordine.

Prima hora  
ante meridi-  
diana.

Dimidia reddant memoriter Tullianam prælectionem cum aliquo Nomine, seu Verbo anomalo. Altera dimidia explicetur classes verborum Actiuorum & Passiuorum cum aliquot thematis ex tempore componendis iuxta præceptum, quod tunc expositum fuerit. Hæc autem facilia, breuia, & eiusmodi sint, vt multa vno die proponi possint: multi item per illa exerceri, donec eam facultatem assequantur, vt de rebus, quæ ad eos pertineant, interrogati, non magna interposita mora possint respondere. Quo vero die nihil occurrit ex Grammatica



tica exponendum, hesternæ prælectionis fiet repetitio.

Dimidia, M. Tullij prælectio explicabitur à Magistro simpliciter & nullo rerū apparatu, nulla locutionū varietate: totidē tātū vulgaris linguæ vocibus, ūsque propriā vim vocabuli cuiusq; locutionis exprimentibus: nec alia ostēdantur, quā quæ didicerūt in dies ex Grāmaticis. Horæ quadrāte absolvetur lectio, & altero repetetur, idque à quam plurimis. Satis est habere pueros gustum quendam Ciceronis, ut inde compositionum suarum prima exempla decerpant. Altera dimidia scribendi distabitur argumētum perbreue ac facillimum, atq; ex ijs fere, quæ frequenter in familiarem sermonem incidunt, ad imitationem tamen Ciceronis, quo ad eius fieri potest, & Nomina flectentur ijs seruatis, quæ de inferiori ordine dicta sunt.

Exerceantur in verbis coniugandis, ūsque diffici-  
 lioribus, & aliquo ordine seruato, sicut & in  
 Nomimibus, ut nempe à simplicibus veniatur ad  
 Anomala: deinde ad Defectiua: tum ad Impersona-  
 lia: rursusque cursu absoluto periodus eadem re-  
 petatur, nec ab re fuerit sub finem aliquid ex Cice-  
 rone ab vno vel altero clara voce pronuntiari,  
 quod ad emendate legendum conferat.

Secunda  
hora ante  
meridiana

Vltima se-  
mihora  
ante meri-  
diana.

Dimidia reddentur memoriter ea, quæ pridie  
 ex Grammatica exposita sunt, & Verborum coniu-  
 gationes cum multiplici illa interpretatione, atque  
 annotationibus: altera dimidia puerorum Themata  
 recognoscantur, & emendabuntur.

Prima ho-  
ra pome-  
ridiana.

Secunda  
pomeridi  
ana.

*Dimidia exerceantur brevioribus thematis ex tempore componendis, quæ aliquando ab ipsis met pueris se vicissim laceffentibus proponenda sunt. Altera dimidia declinetur partim, partim coniungetur.*

Ultima  
semihora  
pomeridi  
ana.

*Exerceantur in Græcis expedite legendis: posset & aliquid exponi de Grammaticæ Græcæ rudimentis breuiter ac perspicue. Pueri tandem, ut à principio Latino sermoni assuescant, cū de communibus rebus, & quæ in quotidiano prope vsu positæ sunt, interrogantur, Latine interrogentur, & respondeant. Quod multo diligentius in superioribus classibus seruandum est.*

### Secundæ Classis inferior ordo.

Respōdet  
quartæ in  
Coll. Ro.

*Hic appendices primi generis intransitiuæ constructionis, & omnes Personalium, atque Impersonalium verborum classes cum constructione verbi infiniti, & casibus, qui omnibus verbis sunt communes sine ullis appendicibus exponantur: necnon & genera Nominum. Explicabitur etiam faciliior aliquis liber epistolarum M. Tulij, ut xij. & xiiij.*

### Horarum diuisio in hoc ordine.

Prima ho  
ra ante me  
ridiana.

*Dimidia memoriter recitetur lectio Tulliana vna cum Verbo vno, seu Nomine difficiliore. Altera dimidia explicetur aliquid ex præceptis Grammaticæ, quæ ad hanc scholam pertinent cum ex-*

*tem-*

temporali Thematum conuersione, & quo die nihil ex Grammatica exponendum occurrit, hesternalectio M. Tulij cum exercitatione repetatur.

Explicabitur Cicero per quadrantem circiter eodem fere modo, qui superiori ordini Tertiæ classis præstitutus fuit, nisi quod hic plura suppetent Græmaticæ præcepta, quæ inter prælegendum indicari possunt, & exigi inter repetendum, quæ exercitatio quia valde utilis est, reliquum horæ occupet, & in cæteris etiam classibus conseruetur. Sub finem thema dictetur iuxta Grammaticæ canones, quos in dies pueri audiunt.

Secunda  
antemeridi-  
diana.

Strenue vacetur inflectendis Verbis, cureturque ne quæ ex Partibus orationis edidicerunt, obliuiscantur, sunt enim permultum ad constructionem necessaria.

Vltima se-  
mihora an-  
temeridi-  
ana.

Dimidia recitentur memoriter præcepta Grammaticæ cum Verbis: vt simul discant eorum Præterita, Supina, & significationes. Altera dimidia emendentur themata.

Prima ho-  
ra pomeri-  
diana.

Dimidia exponantur canones de generibus Nominum, & ante exposita diligenter exigantur, & aliqua Nomina declinentur. Altera dimidia thematicis extemporalibus exercentur.

Secunda  
pomeridi-  
ana.

Ponatur in Græcorum Nominum simplicibus, & contractis declinationibus, quæ & edisci a Pueris deberent, & describi, vt alius hæreant memorie. Quod etiam multo magis præstandum est in iis, quæ Superioribus scholis propria sunt.

Vltima  
semihora  
pomeridi-  
ana.

## Secundæ Classis superior ordo.

Respondet  
Tertiæ in  
Coll. Ro

*Ad hunc ordinem pertinent primo Regula de Præteritis & Supinis: secundo secundi & tertij generis appendices constructionis Intransitiuæ: tertio appendices primi generis, quæ sunt tum in qualibet classe verborum Personalium, & Impersonalium, tum in casibus qui sunt communes omnibus verbis: quarto omnium orationis partium, excepto verbo, tota constructio Transitiua sine appendicibus Emmanuelis. Tandem epistolæ M. Tullij paulo grauiores, vel aliquæ Scænæ Terentij selectæ.*

## Diuisio horarum in hoc ordine.

Prima hora  
ante meridiana.

*Dimidia memoriter recitetur Autor, quem explicat Præceptor. Altera dimidia vel præcepta Grammaticæ huic classi propria declarentur cum exercitatione, quæ fieri solet, vel hesternæ prælectio repetatur, cum nihil ex Grammatica exponitur.*

Secunda  
ante meridiana.

*Dimidia autor explicetur non solum cum observationibus, quæ ad Syntaxim huic Scholæ propriam pertinent, sed etiam cum vnius, vel alterius elegantioris locutionis, quam Pueri literis mandent, vsurpandam postea in Themate scribendo, cum res postulauerit, annotatione: quin etiam operæpretium erit quotidie, si modo se se offerat occasio, in plena vnius, aut alterius verbi explicatione immorari, vt propriam verbi cuiusque vim percipiant*



piant *Adolescentes*. Atque hæc explicatio ad *semihoram* non perueniat, ut plus temporis tribuatur repetitioni, sub cuius finem *Thema* dictetur; & intelligatur, finem huius ordinis non esse res difficiles docere, sed in rebus facilibus eo usque promovere *Adolescentes*, ut orationem facilem, expedite, prompteque latinam reddant: atque hanc facultatem adepti ad alterum ordinem poterunt promoueri.

*Alternis aut Verbis Nominibusque flectendis* vacent, aut aliquid vulgari sermone dictatum ad *Grammaticam* rationem expendent: est enim rudioribus præsertim perutile, ut viua voce exigatur, atque indicetur, quomodo quidque sit vertendum Latine, qui modi, ac tempora latina vernaculis respondere: quoniam pacto in scribendo Themate consulenda, atque obseruanda sint præcepta Grammaticæ. Iuuerit etiam valde, si nonnunquam Ciceronis aliquam epistolam ex ijs, quas audierunt Pueri, in vernaculam linguam conuertant.

*Dimidia reddent memoriter Grammaticæ regulas prioris diei. Altera dimidia Themata corrigentur.*

*Exponentur regulæ de Præteritis, & Supinis, & Themata breuiora singula ferè singulis Pueris proponantur ex tempore, siue per mutuam concertationem, siue per Præceptoris operam.*

*Ponatur in Græcorum Barytonis verbis coniugandis.*

Ultima  
semihora  
antemeridiana.

Prima Po  
meridiana

Secunda  
pomeridiana.

Ultima se  
mihora po  
meridiana

Respon-  
det secun-  
dæ in Col-  
legio Ro-  
mano.

Explicabuntur in hoc ordine primo appendices secundi generis per omnes verborum classes, casus-  
que communes. Secundo reliquarum partium ora-  
tionis, præterquam verbi, tota constructio Transiti-  
ua, ut habetur in Emmanuele cum eius appendici-  
bus. Postremo exponentur epistolæ M. Tullij, quæ  
longius & accuratius scriptæ videbuntur: aliqua  
etiam epistolæ Heroidum expurgatæ, vel honestio-  
res Aeglogæ Virgilij.

Horarum diuisio in hoc ordine.

Prima ho-  
ra anteme-  
ridiana.

Dimidia memoriter recitetur M. Tullij præle-  
ctio. Altera dimidia explicentur Grammaticæ  
præcepta cum exercitatione Thematum extempo-  
ralium, vel hesternæ prælectio repetatur, si nihil  
ex Grammatica fuerit enarrandum.

Secunda  
antemeridi-  
ana.

M. Tullius explicetur semihora cum triū quat-  
tuorue elegantiorum locutionum (quas Pueri ex-  
cipiant scribendo) annotatione præter Gramma-  
ticas exercitationes: Deinde repetatur.

Vltima se-  
mihora  
antemeridi-  
ana.

Thema dictetur, & aliquando ad epistolæ for-  
mam: Verbum etiam vnum, aut duo, triaue nomi-  
na alternis inflectantur: & si plus aliquid vacet,  
superiorum dierum annotata reposcantur à Pue-  
ris.

Prima ho-  
ra pomeri-  
diana.

Dimidia recitentur memoriter præcepta Gram-  
maticæ. Altera dimidia Themata emendentur.

Ex-

Explicetur aliqua vel *Aegloga* Virgilij, vel *Epi- Stola* Heroidum Ouidij, sed tam breuiter vt præle- Secunda pomeri-  
ctio & repetitio semihora concludantur : satis est. diana.

enim gustus aliquis Poeticæ . Altera dimidia la-  
cessant se Pueri sententijs Latine vertendis.

In Grammaticæ Græcæ verbis contractis collo- Vltima se  
cetur per menses quattuor : duobus vero reliquis mihora  
alternatim vel Græcis vacetur, vel octo prima pomeri-  
Prosodiæ præcepta exponantur, & dissolutos ver- diana.  
sus reficere Pueri assuescant, ne eius rei plane ru-  
des ad superiorem ordinem ascendant, quod in-  
commodissime cedere experimento comprobatum  
est.

### Primæ Classis superior ordo .

Referendæ videntur in hunc ordinem primo ap- Respondet  
pendices tertij generis in verbis & casibus commu- Primæ in  
nibus. Secundo difficiliora quædam totius Synta- Collegio  
xeos capita. Tertio figurata constructio, & vitia Romano.  
tam obscuræ, quam inornatæ orationis. Quarto  
Patronymica nomina. Quinto tota syllabarum  
dimensio, exceptis appendicibus, & incrementis  
tantum : hæc enim & implicita nimium sunt, nec  
admodum necessaria tironibus : quanquam princi-  
pio exponendi essent communiores quidam tum pe-  
des, vt *Dactylus*, *Spondeus*, *Trochæus*, *Pyrrichius*,  
*Anapæstus* : tum versus, vt *Hexameter*, *Pentame-*  
*ter*, *Sapphicus*, *Asclepiadeus*, *Phalæucius* . Expo-  
nentur tandem ex Poetis Ouidius de Ponto, &  
Tri-

*Tristibus, Martialis, & siquæ Elegiæ ex Tibullo, & Propertio seligerentur, ex Prosa vero M. Tullij Epistolæ ad Atticum, et ad Quintum Fratrem, de Senectute, de Amicitia, Iustinus, Commentarij Cæsaris.*

### Diuisio horarum in hoc ordine.

Prima hora  
ante meridiana.

*Dimidia M. Tullius vel Cæsar memoriter redatur. Altera dimidia explicentur, quæ ad Syntaxim spectant, cum exercitatione breuiorum Thematum. Quo vero die nihil ex Syntaxi exponendū est, scandantur, & componantur versus, seu prius dictati corrigantur: nec ab re fuerit aliquod nonnunquam Verbum aut Nomen inflecti ex difficilioribus, eo præsertim die, quo Syntaxis exponitur.*

Secunda  
ante meridiana.

*Explicetur M. Tullius vel Cæsar semihora, & primum quidem Latino, mox iterum vulgari sermone. Obseruentur breuiter tum quæ pertinent ad Grammaticam, tum phrasés illustriores, & quidem paulo vberius, quam in classibus inferioribus. Non nihil etiam aspergatur eruditionis, & antiquitatis, breuiter tamen, quia magis prodest latinas phrasés obseruare, atque inculcare diligentius, quas etiam à Pueris emendate describi, ac referri in libellos papyraceos oportet. Altera dimidia diligēs fiet repetitio.*

Vltima se  
mihora  
ante meridiana.

*Thema dictetur, & syllabarum dimensio exponatur cum aliqua exercitatione.*

Prima hora  
post meridiana.

*Dimidia Syntaxeos, & Prosodiæ præcepta redantur.*



dantur memoriter. Altera dimidia Themata corrigantur.

Explicetur Poeta per semihoram, & per alteram repetatur.

Ponatur in Græcis verbis in MI, & Anomalis & in ratione inuestigandi Thematis & in varijs Dialectis cum exercitatione per breues interrogationes eorum, quæ iam didicerunt: alternis autem explicabitur facilius aliquis Autor, ut Aesopus, Homiliæ quædam Chrysostomi, Basilij, et id genus. Bis etiam in hebdomada aliquid Græce conuertatur.

Secunda pomeri-  
diana.  
Ultima se-  
mihora  
pomeri-  
diana.

Illud tandem his omnibus ordinibus commune est, ut prius, quam Præceptor aggrediatur, quæ sui ordinis propria sunt in Syntaxi, breuiter repetat semper quæ in inferiore classe fuerant exposita, ut identidem inculcata plenius intelligantur, et hæreant firmitus.

Vbi vero quinque sunt Præceptores Grammaticæ, duo ordines infimi, qui pertinent ad rudimenta, redigantur in unam classem sub eodem Præceptore, à qua non promoueantur, nisi post semestre tempus ordinarie.

Quod si Grammatica institutio quatuor sortitur Magistros, in infimam classem coalescant duo ordines, videlicet inferior Secundæ classis, et superior Tertiæ excluso inferiori, quanquam si necesse sit, omnia quæ sunt Tertiæ classis, in unum redigi possent ordinem.

Iam si tres fuerint Grammaticæ Professores, qui.

quilibet binos vnius classis ordines sortiatur; sin fuerint duo, non expedit ab his doceri rudimenta: quare vnus sibi duos ordines Secundæ classis, alter Primæ duos ordines vendicabit. Quod si rudimētis etiam nostram operam oportebit impendere, annectantur Secundæ classi. Tertius vero Magister qui præter duos Grammaticos in Collegijs minoribus solet esse, non videtur Grammatica onerandus: satius erit docere illum, quæ sunt propria scholæ Humanitatis & anno vertente addere compendium Rhetoricæ ex Cypriano.

Præterea si quod Collegium duos tantum Magistros habeat, quos & Humanitatem & Grammaticam docere necesse sit, in duos quælibet classis diuidatur ordines hoc fere modo. Secundæ hoc est, inferioris classis ordini inferiori rudimenta & quæ sunt propria inferiori ordini Secundæ classis, exponantur: Superiori vero ordini tota Syntaxis sine appendicibus Emmanuelis, sed cum primi & secundi generis appendicibus per ordines verborum.

Primæ hoc est, superioris classis ordini inferiori repetatur tota Syntaxis, sed additis omnibus appendicibus cum figurata constructione, & Patronymicis. Superiori autem ordini explicetur Prosodia cum reliquis, quæ ad classem Humanitatis pertinent. Illud vero interest inter huiusmodi Collegia duorum Magistrorum & cætera, quod in istis, quæ vnicuique ordini propria sunt, non nisi per annum possunt absolui, in cæteris autem per semiannum, præterquā in duobus Tertiæ classis ordinibus quorum

rum cuilibet trimestre spatium satis est.

Iam classis quæcunque duos ordines sub vno Præceptore complectitur, non indiget distinctis aut Thematis, aut lectionibus. Nam Thema vñ paulo longius dictandum est, quod totum ab ordine superiore scribatur, ab inferiori vero pars tantum prior, quæ Grammaticæ præceptis huic ordini solitis exponi respondeat, sicut posterior Thematis pars Syntaxi superioris ordinis adaptanda est. Idem etiam Autor vtrique ordini explicandus videtur, sed semel iuxta captum inferioris ordinis, iterum paulo eruditius in gratiam prouectiorum. Quod si in Collegijs duorum Magistrorum magna duorum ordinum dissimilitudo, ac diuersitas ad vnum Autorem redigi vix poterit, duo prælegantur, sed ea breuitate, vt tempus reliquis exercitationibus non præripiatur.

At verò sicubi Emmanuelis Grammatica, prout ab Autore digesta fuit, exponi solet magno cū puerorum fructu, posset ea diuidi hoc fere modo, nisi vttilior alius iam in vsu sit. In Secundæ classis ordine inferiore explicentur xiiij. præcepta prima Emmanuelis cum intransitiua constructione sine appendicibus. In eiusdem classis ordine superiore tota transitiua Syntaxis sine appendicibus. In Primæ classis ordine inferiore tam intransitiua, quā transitiua constructio cum appendicibus. In eiusdem classis ordine superiore seruetur ordo superioris formulæ recisis appendicibus tertij generis verborum.

Modus constituendi classem Humanitatis duplex esse posse videtur. Vnus est eiusmodi. Postquam in Grammatica quantum oportet, profecerunt Pueri, ad classem Humanitatis ascendant sty- lum aliquem conformaturi, atque ideo ne obruantur varietate lectionum, audiant fere Tullium de Officijs, vel quid simile, & ex Poetis Virgilium, idq; primis anni mensibus: reliquus pene annus cōsumatur totus in legenda Rhetorica M. Tullij, & eius orationibus. Qua in re postquam quantum necesse fuit, se exercuerunt, promoveantur ad classem Rhetoricæ, ubi eadem præcepta artis, sed ex alijs libris audiant cum Orationibus, et maneant in scholis quinque horas. In eadem etiam Rhetoricæ classe tradatur illis autorum varietas, ut Poetarum, Historiarum, Philosophicorū librorum M. Tullij. Postquam enim aliquantulum confirmauerunt sibi styllum in classe Humanitatis, minus periculi est, ne illis noceat hæc varietas lectionū, quas in classe Rhetoricæ audiunt. Quinetiam exercitatio in versibus magis fere quotidiana sit in classe Rhetoricæ, quam Humanitatis, licet utrobique declametur fere æqualiter, sed cum maiori incommodo Magistri Humanitatis, qui debet rudes expolire, quos expolitos accipit Rhetoricæ Professor. Alter modus est fere huiusmodi. Humanitatis classis comparata videtur ad duo, Primum ad multiplicē, & variam eruditionem ex Poetis, historijs, moribus



bus gētium, Apophtegmatīs, Adagijs, morali Philosophia M. Tullij &c. Secundum ad stylum conformandum in prosa, & in versu, dummodo in fine anni tradatur compendium Rhetoricæ ex Cypriano cum aliqua faciliore Oratione M. Tullij. Huic modo fauent Constitutiones. 4. Par. Cap. 12. A, in Declaratione. Sub literis, inquit, Humanioribus præter Grammaticā intelligatur quod ad Rhetoricam, Poesim, & Historiam pertinet. ] Deinde Cap. 13. B, quinque classes instituunt, & tribus quidem attribuunt Grammaticam, vni & supremæ Rhetoricam, proximæ vero Humanitatem. Quo loco cum Humanitatem diuisissent in Grammaticā, Historiam, Poesim, & Rhetoricam, & cum Grammaticam, & Rhetoricam in proprias classes segregassent, consequens est classi Humanitatis relinquere Historiā, & Poesim. Ad hæc eā rē sic intelligendā esse ostendit antiqua consuetudo Collegij Romani, Messanenſis, Panhormitani, & huiusmodi aliorū, quæ ipsemet P. Ignatius fundauit. Fauet & huic consuetudini ratio. Aliud est enim Latinus stylus, aliud stylus Oratorius, & pure Tullianus: posterior quidem ex M. Tullio, præsertim ex libris Rhetoricis, et Orationibus petendus videtur; prior vero ex alijs etiam Autoribus, quales leguntur in classe Humanitatis. Cum vero altior sit oratorius stylus, quā latinus quilibet, ille seruādus est supremæ classi, in qua nō nisi Tullius legatur, qui solus prope facit oratores. Prior vero stylus cū sit facilior, ī classe Humanitatis discendus est, nec vitatur, sed cor-

roboratur potius bonorū Auctorū varietate, ad quam dantur quinque horæ: in Rhetorica vero quatuor circiter, duæ antemeridianæ, totidem pomeridianæ, ut plus vacet ad exercendum stylum.

Diuisio horarum in hac Humanitatis Classe.

Hora prima antemeridiana.

Reddatur memoriter M. Tullius, & themata corrigantur, & quia recitatio puerorum vix solet quadrantem excedere, reliquum horæ tribuatur emendationi, quo sit accuratior; cum non solum vitia Syntaxeos corrigenda sint, sed etiam elegantie & cultus ratio exigenda: quanquam si quid temporis superfuerit, mutuis adolescentum concertationibus esset impendendum: qua in re semihora saltem quolibet sabbato collocetur.

Scribatur autem in sabbato, & quo die vacatur, carmine; diebus cæteris oratione soluta, cuius argumentum epistolare sit, & ferme vulgari lingua in latinam vertendum. Aliquando etiam pridie Festorum breue aliquod argumentum proponatur latine ad inuentionem exercendam, quod proximo post festum die reddatur, idque iuxta rationem progymnasmatum Aphthonij. Cum vero themata scribendorum versuum proponuntur, indicet Præceptor aliqua Poetarum loca, quæ imitari possent auditores.

## Secunda hora antemeridiana .

Explicetur M. Tullius paulo ultra semihorā, & repetatur. Pertinent autem ad hanc antemeridianā Scholam hi fere libri, Ciceronis Officia, Lælius, Cato, Paradoxa, Tusculanæ quæstiones præter primam, De Finibus, De Divinatione, & de Claris Oratoribus, cum sit liber pene historicus.

Explicandi vero ratio, quæ congruit huic scholæ, licet multiplici antiquitatis, ac rerum scientia magis abundare debeat, quàm inferiorum classiū: modus ille tamen adhibeatur, ut id potius citra fiat quàm ultra mediocritatem. Quod autem ad observationes linguæ Latinæ, imitationem, locutionum usum, varietatemque pertinet, in ijs se totum Magister effundet: leuiores, & quæ verisimile est auditores in inferioribus classibus didicisse, ita prætereant, ut ea tamen non sit alienum innuere, præsertim si id utile esse intelligat auditoribus.

Possent aliquandiu aliquæ epistolæ Plinij exponi, ut ad eius imitationem aliquid suo Marte conscribere adolescentes assuescant: cuius etiam rei gratia non ab re fuerit nonnullas incertis diebus Ciceronis epistolas percurrere potius, quàm interpretari.

## Ultima semihora .

Hæc nulla in re utilius collocari posse videtur, quàm in Historico quopiā exponēdo: tū quia cæteris,

quæ ad hanc classem spectant, locus satis amplius erit scholis pomeridianis: tum quia auditores nostri nimis rudes sunt antiquitatis, ex qua & viuendi, & scribendi exempla egregia desumi possunt: tū quia si Poeta, & Historicus alternatim prælegantur, totos sex menses Poetis carebit ea classis, quæ Poeticæ maxime dicata est: contra si Poetæ quotidiana prælectio habeatur, copiosam pueris afferret poeticæ inuentionis, & locutionis suppellectilem. Neque vero historici explicatio Præceptorum futura est nimis onerosa: nam historię stylus planior, ac lucidior est, ut magno non indigeat studio, & satis fuerit explicare rem gestam, prout ab auctore narratur, ut non sit opus alios etiam consulere scriptores, licet de eodem argumento scripserint. Ipsa etiam historici explicatio facilis esse debet, ut auctoris sententia proposita, eius verba leuiter attingantur, & ea tantum, quæ plusculum habent obscuritatis. Quo sane modo multa breui percurri possunt, et minus quàm semihorula, ut aliquid temporis supersit non ad omnia quidem, sed ad præcipua quædam repetenda. Historici vero qui in hac classe videntur exponendi, sunt Cæsar, Salustius, Q. Curtius, Iustinus, Cornelius Tacitus, aliquid Liuij.

Alternatio vero pomeridiana Poetæ, & Historici permitti posset primis duobus circiter anni mensibus, quibus antemeridiana semihora vltima exponendæ accuratius Prosodiæ tribuenda est.



## Hora prima pomeridiana.

Recitetur alternatim vel poeta, vel præcepta Grammaticæ: Thema dictetur, & inchoetur Poetæ prælectio, quæ aliquantulum producatur ultra primam horam.

## Secunda hora pomeridiana.

Prælectio finiatur, & repetatur, & ultimo circiter quadrante secundæ horæ, Græcæ linguæ exercitationes inchoentur ad finem usque scholarum. Poetæ vero huius classis fere sunt Virgilius, Horatius, Fasti Ovidij, Tragædiæ Senecæ, Statij Sylvæ, Claudianus.

In Græcis autem explicentur Isocrates, Lucianus, Epigrammata, Aristophanes, Theocritus. Exponatur etiam Syntaxis, ratio accentuum, & spirituum. Alternis diebus aliquid Græci conuertatur, & tribus postremis anni mensibus tradatur brevis ratio Prosodiæ, & nonnulla tentetur in versibus faciendis prolusio. Nec mediocriter conducet, si præceptor faciliora quædam Græce interroget, Græce etiam respondeant auditores.

Duobus extremis anni mensibus mane loco M. Tullij, & Historici exponatur Rhetoricæ compendium ex Cypriano cum faciliiori aliqua M. Tullij Oratione, ut pro Archia, pro Marcello, pro Deiotaro, Philippica septima. Quo tempore adole-

scientibus proponatur argumenta Exordiorū, Narrationum, Epilogorum, aliarumue partium orationis initio: paulo post totarum etiam orationum vsque ad finem. Cur vero hæc exercitatio à Paschali tempore inchoanda non sit, alibi ratio reddita est.

### Classis Rhetoricæ.

1 Sicubi necesse sit Rhetoribus exponere compendium Logicæ (quod Philosophiæ, alijsque facultatibus vacare non possunt) non expedit toto anno Logicam cum Rhetorica coniungere, vna enim alterius & phrasim, & exercitationes impedit. Quare tribus tantum ultimis anni mensibus. Dialecticæ epitome mane, & vespere exponatur, & in disputationibus Logicis adolescentes exerceantur. Quod si consuetudo sit, vt tota die detineantur in schola, & ad totum diē implendū satis esse non videtur studium Dialecticæ, adiungi tunc etiam posset aliquid, quod ad oratoriam facultatem pertineret.

2 Valde incommodum videtur, vt Rhetoricam duo Professores doceant, vnus præcepta, alter orationes. Vsus enim præceptorum ab eo videtur explicandus, a quo præcepta traduntur: & frequenter accidere potest, vt in orationibus M. Tullij præcepta indicentur longè aliter, quam exposita fuerint in arte. Multo vero incommodius est, vt argumenta compositionum ab alio dictentur, & emenden-

dentur, quam ab eo, qui exponit artem, cum exercendi sint auditores iuxta normam, quæ singulis diebus ex arte præscribitur. Neque vero nimium vnus Professor Rhetoricæ oneraretur, cum Philosophi duas quotidie habeant lectiones, repetitiones præterea, & disputationes, & quotidianas propè responsiones ad ea, de quibus priuatim interrogantur. Posset adhuc mos iste Romanus alere pigritiã aliarum Prouinciarum, in quibus Rhetoricæ Professores possent sibi collegam, aut socium petere exemplo Romani Collegij; & iam diu ista res non bene audit in Prouincijs, in quibus et artem, et orationes, & Græcam lectionem vnus Professor sustinet fere.

3 Nihil minus duabus mane horis, & duabus à prandio in schola manendum esse videtur, id enim in omnibus prouincijs receptum est, à quibus Romanum Collegium discrepare non decet, cum illud Collegijs cæteris tanquam exemplar proponatur in Constitutionibus. Adolescentes quoque, qui Rhetoricam audiunt, quo amplius in schola morantur, eo minus rebus rōxijs implicantur: implicantur autem nihilo minus, quam aliarum scholarum auditores. Neque vero propterea discipulis ad elaborate scribendum tempus deerit, si prudenter diuidatur. Præceptor quoq; existimet suam auditoribus operam viliorem esse, dum in schola versatur, quam cum priuatim tanto apparatu se comparat ad legendum. Huc accedit, quod cum Rhetores versibus etiam scribendis frequenter vacent, iuuandi videntur.

tur propè quotidiana Poetæ alicuius enarratione, unde depromi possit Poeticæ imitationis, atque locutionis varietas, & copia.

4 Libri in Rhetorica exponendi, fere sunt Orationes Tullianæ, aliquæ etiam Liuianæ, Partitiones, Libri de Oratore, de Inventione, Rhetorica Aristotelis: Topica M. Tullij vix videntur vtilia propter exemplorum obscuritatem, quæ plus temporis sibi vendicant, quam ea, quæ sunt propria Rhetoricæ. Quare loci oratorij exponi possunt in Partitionibus, alijs ve libris, in quibus eos breuiter attingit Tullius, Præceptore interim rem locupletante, quantum satis est, ex alijs autoribus: vel cum de his agendum videbitur, exponi posset liber septimus Quintiliani. Nihil vero Rodulphi Agricolæ videtur legendum, nec aliquid Dialecticum, cum à stylo, inuentione, spirituque Dialectico oratores maximè sint abstrahendi.

Hoc loco dubitari pōt, an expediat biennio, quo in schola Rhetoricæ adolefcētes detinētur ordinarie, perfici totū Rhetoricæ cursum ex locis, sex partibus orationis, ex figuris, ex dicendi generibus, ex perio-dis, &c. Et fortè id non esset inutile, vt totā artem habere possint ob oculos auditores, cū nō parū præceptis iuuātur in scribēdo: cōtra vero accidere solet, vt licet biennio, triennio ve audiuerint, nihil tamen sciant de numero, nihil de concinnitate, nihil de affectibus &c. Deberent autem hæ Rhetoricæ partes non modo desumi, sed etiam ad verbum transcribi ex varijs M. Tullij locis in vnum opus collatis: &



in idem volumen redigi possent nonnullæ institutiones, seu tractationes, quas M. Tullius leuiter attigit, ut de numero, de periodis, de generibus dicendi alijsque id genus, quæ ex alijs autoribus Græcis, aut Latinis, recentioribus etiam peti possent, sed M. Tullij tantum verbis explicari. Nec inuile foret si ex multis Nostrorum Professorum Rhetoricæ lucubrationibus tam in artem, quam in orationes, optima quæque in vnum volumen collecta in lucem ederentur in subsidium multorum, qui nunc primum Rhetoricam incipiunt profiteri.

5 In hac classe prælegendi ratio recipit magnâ doctrinæ varietatem ex veteri memoria, & locorum insignium interpretatione, ex grauib. autorum sententijs, ex clarorum virorum apophtegmatibus, ex exemplis, ex testimonijs, ex multarum rerû originibus, ex nobilissimarum Rerum publicarum gentiumque institutis, moribus, litteris, magistratibus, legibus, ritibus, sacris. Huius etiam scholæ sunt reconditæ illæ, quæ ex interioribus literis promuntur observationes tum linguæ Latinæ, tum illustrium locutionum, tum omnis artis, & imitationis oratoriæ. Videndum est tamen in ijs, sicut in cæteris, ne quid a proposita re dicatur alienum, ne ad speciem ac pompam magis, quam ad fructum vtilitatemque discipulorum industria conferatur.

6 Porro in classe Rhetoricæ, atque Humanitatis non quælibet indiscriminatim dictanda, atque excipienda sunt, sed peculiare quædam locorum difficultium interpretationes, quæ aut non facile cuius obuiæ

obuiæ sint, aut quas ex sua quisque doctrina Magistri deprompserint : ad hæc annotationes quædam insigniores in alia, atque alia loca Scriptoris illius, qui præ manibus habetur, earum rerum similes, quas ij pertractant, qui variarum lectionum libros ediderunt: id enim & dignitatem habebit, & adolescentibus erit ad cognitionem opportunum. Ne illud quidem abfuerit à dignitate, si quando in hac classe phrasæ quædam vtiliores, aut Latinæ linguæ obseruationes grauiores exciperentur ; dummodo ex ijs essent, quæ a communi, vulgarique consuetudine recedunt.

### Diuisio horarum .

Prima hora antemeridiana , quæ sit semihora post commune principium scholarum .

Recitetur memoriter Oratio M. Tullij . Prælegantur præcepta Rhetoricæ .

### Secunda hora .

Dimidia & repetatur , & aliquid à discipulis compositum corrigatur : Thema vero breuiter a Magistro dictetur , quod amplificent postea discipuli. Affligatur interdum alicuius oratio parieti, ut cæterorum iuuenum censura castigetur. Versus, & soluta oratio diebus alternis scribantur. Dimidia

midia altera hora aliquis Poeta enarretur, cur-  
sim tamen, & breuiter, ut res, & phrasēs plane in-  
telligantur, & paulo ante finem semihoræ aliquid  
ex ijs, quæ exposita sunt, repetatur.

Hora prima pomeridiana, quæ sit dimidia  
hora post aliarum schola-  
rum initium.

Prælegatur Oratio M. Tullij, sed non sine ali-  
qua repetitiuncula ad finem.

### Secunda hora.

Græcis vacetur: explicetur verò Demosthenes,  
Xenophon, Homerus, Pindarus, Euripides, Sopho-  
cles, Thucydides. In quorum lectione longius esset  
quotidie progrediendum, tametsi satis esset quater  
nos, aut senos Autoris quotidie versiculos edisce-  
re. Nec quicquam explicetur a Magistro, quod sta-  
tim ab auditoribus non repetatur.

Toto vero anno semel minimum octavo quoque  
die solutam orationem, semel item carmen argu-  
mento proposito scribendum videretur. Singulis  
etiam minimum mensibus brevis aliqua oratio, vel  
carmen Græcum cum Latino publice pronuncian-  
dum.

Est & illud scribendi genus valde vtile, si quod  
a Græcis Autoribus vincta, solutave oratione scri-  
ptum est, Latine vertatur eodem orationis ge-  
nere.

In distribuendis horis privati studij semihora  
 saltem seligatur, quam auditores in Græcis  
 collocent alternatim vel aliquid scriben-  
 do, vel audita recognoscendo. Domi  
 etiam cum Rhetoricâ repetitur,  
 nihil minus ultimo qua-  
 drante Græcis re-  
 petendis tri-  
 buatur.

••

G E.



## GENERALIS DISTRIBUTIO

horarum toto anno.



*I*nter alia, quæ ad ordinem, formamque studiorum pertinent, numeratur & illud in Constitutionibus Par. 4. Cap. 13. A. ut certæ statuuntur horæ lectionum, ac propterea eorum etiam, quæ priuatim à Nostreis quotidie domi fieri solent, propter maximam domesticarum, scholasticarumque rerum inter se connexionem. Et quoniam Horologij dissimilitudo, climatis inæqualitas, & gentium mores eandem prorsus normam, ac legem ferre nō possunt, conati sumus (id quod monent ibidem Constitutiones) ut ubique fiat, quod inibi magis expedire visum est ad maiorem in literis profectum. Horæ vero hic notantur, ut vel ad amissim seruentur, cum possunt, vel ab eis non longe recedatur.

<i>A</i> In Italia hora	{	12	à Nouembri, & deinceps.
		11	Idibus Februarij.
		10	Idibus Martij.
		9	Idibus Aprilis.
		8	Kal. Maij vsque ad medium Augusti.
		9	Idibus Augusti.
In	{	Germania	} B hora 4
		Gallia	
		Polonia	
In	{	Hispania	} hora {
		Lusitania	
		{ 5. à Nouēbri vsq; ad Quadragesi. 4. à Quadr. et deinceps per æstatē.	

*A* Rerum domesticarum, & scholarum horas (sunt enim utræque connexæ inter se) crebro mutari est præter morem omnium Academicarum, & parum habet dignitatis; auditoribus quoque molestum est, cum ea de causa oporteat eos & tot mutationum meminisse quotidie, & rerum suarum, quas obire solent extra scholas, cursum atque ordinem identidem variare. Et alijs quidem nationibus, quarum horologium ad Mathematicas rationes dirigitur, facile est duabus toto anno mutationibus esse contentas. Id quod quoniam cum Italici horologij temperatione conuenire non potest, conandum est Italici, ut suarum horarum mutationes redigant, quoad eius fieri potest, ad paucissimas, nec eas quadrantibus, aut semihorulis intercident, sed horis integris absoluant: cum tolerabilius sit præ-

præproperam aliquam, tardioremve ſcholarum inchoationem pati; quam tam multiplicem temporis inconstantiam. Itaque vernis menſibus, qui mutationibus obnoxij maxime ſunt, quater duntaxat ſcholarum tempora varientur, idque non niſi per horam integram. Quod & in Autumnũ quadrat, minus tamen neceſſario propter vacationes.

B Licet id tempeſtue nimium videatur, eſt tamen iuxta vetuſtiſſimum morem earum gentium, à quo recedi vix poteſt ſine externorum offendi- culo.

## INCHOENTVR LECTIONES

matutinæ.

			{	15. à Nouëbr. & deinceps. vt finis sit hora 17. cum dimidia.
			{	14. à medio Februarij.
In Italia hora			{	13. à medio Martij.
			{	12. à medio Aprilis.
			{	11. à medio Maij.
			{	12. à medio Augusti.
In	{	Hispania	} hora {	8. & finis hora 10. cū dimidia in hyeme.
		Lusitania		
		Gallia		
				7. et finis hora 9. cum dimidia in æstate.
In	{	Germania	} hora {	7. cum dimidia, & finis 10. in hyeme.
		Polonia		
				6. cum dimidia, & finis 9. in æstate.

8. & finis hora 10. cū dimidia in hyeme.

7. et finis hora 9. cum dimidia in æſtate.

7. cum dimidia, & finis 10. in hyeme.

6. cum dimidia, & finis 9. in æſtate.

C. Curetur in Germania, ut Missæ Sacrificium, cui auditores externi debent interesse, peractum iam sit hora septima & quadrante; tum statim detur signum prius scholarum: quo tempore sumant, qui velint ientaculum, ne propterea scholam intermittere necesse sit. Eadem ordinis ratio in æstate quoque retineatur: nempe ut Missæ finis cadat in sextam & quadrantem, & altero mox interposito quadrante ad ientandum, inchoentur lectiones.

## PRANDEATUR.

- In Italia hora {
- 18. a mense Nouembri.
  - 17. Idibus Februarij: sed per Quadragesimam 18. Dominicis exceptis.
  - 17. Idibus Martij in Quadragesima.
  - 15. Idibus Aprilis post Pascha.
  - 14. Idibus Maij.
  - 15. Idibus Augusti.
  - Diebus ieiuniorum hora circiter ante meridiem.
- In { Hispania } hora {
- 11. in hyeme etiam in Quadragesima. In Vigiljs, & quatuor Temporibus dimidia ante duodecimā.
  - 10. in æstate; diebus ieiuniorum hora 11.
- In



In { *Germania*  
*Polonia* } hora {  
10. cum dimidia in hye  
me: Diebus vero ie-  
iuniorum, et in Qua-  
dragesima hora 11.  
10. in æstate: Diebus ve-  
ro ieiuniorum, & in  
Quadrag. hora. 11.

POMERIDIANAE LECTIONES.

D  
In Italia hora {  
21. à mense Nouembri.  
20.  $\frac{1}{2}$  Idibus Martij.  
19.  $\frac{1}{2}$  Idibus Maij.  
20. Idibus Augusti.  
In { *Hispania*  
*Lusitania*  
*Gallia* } hora fecunda vsque ad quartam,  
& mediam. E  
In { *Germania*  
*Polonia* } F  
hora prima vsque ad quadran-  
tem ante quartam.

D Cum vbique hyemales scholæ finiantur semi-  
hora circiter ante solis occasum, ob stare nihil vide-  
tur, cur etiam in Italia id seruari non possit, ac de-  
beat. Experimur enim valde commodum esse Ma-  
gistris ad pomeridianas scholas redire, quanto fieri  
potest longius à prandio. Neq; cælum Italis adeo  
insalubre est, vt pueris aliquanto serius è schola  
excuntibus nocturni temporis propinquitas me-  
tuenda sit. Quod vero pertinet ad eorum mores,

eo melius cum illis agitur, quo minus temporis post  
scholas supereſt ad euagandum. Nam ut domum  
commode redeant, ſemihora ſatis eſt.

**E** Non enim decet noctu docere, ut hucusque  
Galli fecerunt.

**F** Id ſeruetur, ſi tolli non poteſt Germanis ienta  
culi quadrans interponi ſolitus. Poſt finem ſchola-  
rum dimidia hora conſumatur in exeundo è ſcho-  
lis, et domũ redeundo, & in domeſtico labore, poſt  
quem repetitio ſequatur.

## R E P E T I T I O. G

### I

		24.ª Nouembri vſ que ad idus Mar tij.
	Italia hora	23. & media ab idi- bus Martij.
Hyeme in	Hispania, & Luſitania hora 5.	
	Gallia 12. cum dimidia. H	
	Germania, & Polonia hora poſt quartam horam & quadrātem.	
		17. vel 18. ab idibus Aprilis.
	Italia hora	17. ab idibus Maij. 18. ab idib. Aug. Idē poſt intermiſſiones
Aeſtate in	Hispania	
	Luſitania	
	Gallia	12. vel prima.
	Germania	
	Polonia	

**G** Hæc intermittitur in Sabbato propter Fratrum nostrorum confeſſiones: Nam Exhortatio domeſtica ne in Collegio quidem Romano transferenda videtur in Sabbatum; cum Fer. 6. ſemper & ubiq; à Patris Ignatii tempore conſueuerit haberi; & merito quidem, tum quia eius diei religio, & Chriſti patiētis commemoratio nos ad pium hoc munus inuitat: tum quia ex 6. Ferie abſtinentia accreſcit ſemihora, quæ fere ſatis eſt Exhortationi, ſi lentæ prolixæque expectationi modus adhibeatur. Nec illud obest; quod in Sabbato cum alijs occupationibus Noſtri minus fatigentur, attentius audiunt exhortantē: nam nequaquā minus fatigantur, cū Sabbato in ſcholis ſiquando non docetur, diſputetur, quod minus laborioſum non eſt: domi vero pro repetitionibus inſtet cura Confeſſionum, quæ Exhortationis intercurſu in alia atque alia tempora diſſipantur incommode. Quæ vero repetitio, ſeu diſputatio fieri ſolet die Dominico, veſperas proxime antecedit in æſtate: ſed in hyeme ſub occaſum Solis inchoetur.

**H** Non enim differri poteſt in nocturnum tempus, cum ſub meridiem, conuenientibus etiam externis auditoribus repeti, ſoleat ex vetuſto Academiæ more, quem ſi Noſtri non ſequerentur, deſerentur à diſcipulis.

**I** Satiſ eſt ſub initium noctis fieri repetitiones: tum quia d. citius Noſtros ad officiū reuocabit ab euagatione, quæ per id temporis cernitur interdū: tum quia quicquid à prima noctis hora ſupereſt

temporis, & quietius est, & aptius cubiculari studio.

# C O E N E T V R.

In Italia hora	{	2 $\frac{1}{2}$ à Nouembri.
		1 $\frac{1}{2}$ Idib. Februarij, & Octobr.
		24 $\frac{1}{2}$ Idibus Martij, et Septemb.
		23 $\frac{1}{2}$ Idibus Aprilis.
		22 $\frac{1}{2}$ Idibus Maij.
		23 $\frac{1}{2}$ Idibus Augusti.
In { Hispania Lusitania }	hora	{ 7. & dimidia in hyeme. 6. & dimidia in æstate, & Dominicis Quadr.
In { Gallia Germania Polonia }	hora	6. & dimidia.

# C V B I T V M E A T V R.

L

In Italia hora quadrante ante	{	5. à Nouembri vsque ad Februarium.
		4. Idibus Februarij, & Octobris.
		3. Idibus Martij, & Septēbris.
		2. Idibus Aprilis.
		1. Idibus Maij.
		2. Idibus Augusti.
In { Hispania Lusitania }	quadrante ante	{ 10. in hyeme. 9. in { Quadrage. Æstate.

In



In { Gallia  
Germania } quadrante ante 9.  
Polonia }

L Præter septem horas conceditur etiam quadrans post nocturnum examen conscientia, quo ijs, quæ cubationem solent antecedere, commodius peractis, integræ horæ septem cuilibet relinquuntur ad dormiendum; tantum enim temporis præscribitur in Constitutionibus.

V 4 DE

1. The first of these is the fact that the  
the second is the fact that the  
the third is the fact that the  
the fourth is the fact that the  
the fifth is the fact that the

the sixth is the fact that the  
the seventh is the fact that the  
the eighth is the fact that the  
the ninth is the fact that the  
the tenth is the fact that the

the eleventh is the fact that the  
the twelfth is the fact that the  
the thirteenth is the fact that the  
the fourteenth is the fact that the  
the fifteenth is the fact that the

the sixteenth is the fact that the  
the seventeenth is the fact that the  
the eighteenth is the fact that the  
the nineteenth is the fact that the  
the twentieth is the fact that the

# DE RELIQUO DELECTV

opinionum in Theologica facultate.



*Um hoc volumen imprimi cœptū est, recognitæ erant opiniones Theologicæ ex Prima tantū Parte S. Thomæ. Hæ vero cum studiorum Praxi dum adhuc essent sub Typographi prelo, peracta est etiam reliquarum S. Thomæ Partium recognitio; quare ipsæ etiam ut hic adijcerentur, curatum est, tametsi huiusmodi sententiæ non ad hūc locum, sed ad Delectum opinionum in Theologica facultate pertineant: inserantur itaque formulæ, quæ principio, Regulis undecim comprehensa fuit. Et quoniam harum quædam sunt eiusmodi, ut eas docere Nostri non sint cogendi: quædam autē sequendæ omnibus præscribuntur, prioris ordinis quæ sunt ad Regulam quintam referantur: quæ vero posterioris, ad sextam, hoc fere modo.*

*Posita Regula quinta, & sententijs ex Prima S. Thomæ Parte subiectis, istæ aliæ continuo subnectantur.*

*Non cogantur Nostri docere.*

*Ex Prima Secundæ.*

**I** *Beatitudinem formalem sine naturalem viæ,  
sine*

sive supernaturalem Patriæ consistere in actu intellectus, quamvis hoc probabilius sit.

2 Sine practici intellectus errore seu actuali inconsideratione non posse esse pravam Voluntatis electionem & peccatum.

3 Imperium seu legem esse actum intellectus.

4 Bonitatem & malitiam moralem esse differentias essentielles actus interioris Voluntatis sumpti secundum esse naturale.

5 Actum exteriorem sive ut est obiectum Voluntatis, sive ut est in executione, non habere formaliter bonitatem, & malitiam moralem ex obiecto, & circumstantiis.

6 Præter Fortitudinem, & Tēperantiam in appetitu sensitivo non esse alios earundem virtutum habitus in Voluntate.

7 Prudentiam esse vnum habitum.

8 Dari Virtutes morales infusas ex genere realiter distinctas à cæteris omnibus.

9 Dona Spiritus sancti esse habitus alios à Virtutibus, seu Fructus & Beatitudines esse actus alios ab actibus virtutum.

10 Originalis peccati subiectum esse animæ essentiam.

11 Ratione solius iustitiæ, originalis Adam non potuisse peccare venialiter, antequam mortaliter.

12 Angelum non potuisse prius venialiter, quam mortaliter peccare.

13 Esse aliquod Dei præceptum, quo quis teneatur



tur ad Deum se conuertere, cum primum ad vsum rationis peruenerit.

14 Gratiam esse alium habitum à Caritate.

15 Sine vlla qualitate superaddita dimitti peccatum, repugnare per absolutam Dei potentiam.

16 Actus omnes moraliter bonos, quos existens in gratia facit, nec in Deum refert expresse, esse meritorios.

### Ex Secunda Secundæ.

1 Cum scientiæ actu circa idem obiectum impossibile esse actum fidei.

2 Peccatum mortale expellere Caritatem non demeritorie tantum, sed etiam effectiue.

3 Diligendi inimici difficultatem nunquam esse tantam, vt diligendi amici perfectionem excedat.

### Ex Tertia Parte.

1 Adam non peccante Filium Dei incarnandum non fuisse.

2 Accidens, & materiam primam à diuino Supposito assumi ac terminari non posse.

3 Humanitatem proprio terminatam supposito, non posse iterum à Verbo terminari.

4 Secundum influentiam meriti Christum non esse caput Angelorum.

5 Non esse in Christo reales duas filiationes.

6 Characterem pertinere ad secundam speciem

Qua-

Qualitatis, & esse in intellectu, tanquā in subiecto.  
 7 Apostolos initio baptizasse sub hac forma, In nomine Christi.

8 Ad iustificandum in Circumcisione paruulum non fuisse satis solam Synagoga fidem, quæ ei per modum Sacramenti applicabatur ab intendente facere, quod Synagoga.

9 Corpus Christi, vt est in Eucharistia, videri aut videre per Dei potentiam non posse.

10 Amissam gratiam, & opera peccato mortificata non ex toto reuiuiscere per Pœnitentiam, sed iuxta proportionem dispositionis. Et vero contrarium probabilius est.

11 In extrema necessitate absolui non posse non confessum sed exhibentem signa pœnitentiæ quibus aliquo modo se peccatorẽ confiteatur generaliter.

12 Non esse necessarium confiteri circumstantias, malitiã eiusdem speciei ita notabiliter aggrauãtes, vt magnopere & euidenter varient & statum pœnitentis, & Confessarij iudicium de illo.

13 Ordines minores esse Sacramenta, & imprimere characterem.

Deinde veniatur ad Regulam sextam, qua, & opinionibus ex Prima S. Thomæ Parte decursis, hæ statim adiungantur, vt eadem regula definitæ.

### Ex Prima Secundæ.

1 Supernaturalis beatitudo viæ consistit in actu Caritatis.

2 Nullus potest esse beatus formaliter ea visione, qua Deus se ipsum videt, nec per solum diuinæ essentiæ illapsum mentibus hominum.

3 Sensualitatis nulla est formaliter libertas, nec eius motus omnem rationis deliberationem præuenientes, peccata sunt.

4 Vt delectatio morosa seu consensus interpretatiuus in eam sit peccatum mortale, non requiritur semper periculum seu animaduersio periculi de pollutione, seu de expresso consensu.

5 Inter entitatem actus mali, seu peccati, & priuationem rectitudinis debitæ inesse secundum rationem, non est media aliqua entitas positiua moralis, quæ sit formalis ratio peccati,

6 Nulla creatura intellectualis, & per voluntatem libera dari potest, quæ sit per solam suam naturam impeccabilis.

7 Pontificiæ leges, seu Constitutiones, vt obligent vbique, non requirunt promulgationē in Pro-uincijs, sed Romæ tantum.

8 Leges humanæ iustæ, etiam pœnales, siue mixtæ, siue puræ obligant ad culpam.

9 Sine speciali Dei auxilio non possumus efficaciter super omnia diligere Deum, ne vt finem quidem naturalem; nec totam legem naturalem seruare, seu efficaciter velle seruare; nec resistere tentationibus vehementioribus.

10 Aliquod opus morale bonum ex obiecto, & omnibus circumstantijs secundum rectam rationem & velle, & facere aliquando possumus per naturalem

ralem Liberi Arbitrii facultatem.

11 Præcepta credendi, sperandi, diligendi, penitendi, impleri non possunt sine speciali Dei auxilio

12 Fieri potest, ut equalis gratia duobus collata, sit efficax in vno, inefficax in altero, quia non vult consentire, licet possit per sufficientem gratiam sine nouo augmento gratiæ.

13 Ex auxilio speciali, non ex habitu gratiæ & Caritatis elicitur vltima ad gratiam dispositio, nec ad eam producendam assumitur dispositio ut instrumentum actiuum.

### Ex Secunda Secundæ.

1 Fides supernaturalis non solum ex parte principij credendi, sed etiam ex parte obiecti crediti, fuit semper ad iustificationem necessaria.

2 Explicita fides in Christum post sufficientem Euangelij promulgationem tam necessitate præcepti, quam mediij est necessaria ad salutem, etiam viæ.

3 Prophetæ, & Apostoli, quibus erat euident Deum esse, qui eis mysteria reuelabat, fidem habuerunt eiusdem speciei cum nostra.

4 Cuilibet remisso Caritatis actui suus in patria redditur gradus Caritatis, gratiæ, & gloriæ: in via vero an statim augeatur Caritas liberum sit opinari.

5 Eleemosynæ præcepto non satisfacit, qui mutuatur, non donat.



6 Præceptum est de erogando superfluo etiam Status, licet conseruato ad mutandum Statum altiore, si occurrant graues proximorum necessitates.

7 Hæretici non sunt denuntiandi, omiſſa correptione fraterna, si ex ea certo speratur emendatio: Si tamen contraria lex humana ferretur, iusta esset.

De cæteris, quæ ad Conſcientiæ Casus pertinet, nullum adhuc examen habitum est. Id enim & plus temporis, & longe aliam desiderat tractationem.

### Ex Tertia Parte .

1 De rigore iustitiæ, quo modo Christus satisfecit, purus homo cum quauis gratia Dei non potuit pro peccato mortali satisfacere.

2 Humanū Suppositum, quod assumptæ Humanitati deest, formaliter superaddit naturæ positiuam entitatem, & rationem, qua natura subsistit.

3 In Christi ratione superiore, non quidem ut considerante æterna, sed temporalia propter rationes æternas, fuit tristitia ex peccatis hominum.

4 Humanitas Christi licet propria careat subsistentia: propria tamen existit existentia. De hac existentia præsertim S. Thomam Nostri, prout cuique videbitur, interpretentur.

5 In passione, & morte, de qua Christus habuit præceptum, meruit secundū actus etiā substantiā.

Chri-

6 Christus, ne ~~ut~~ homo quidem, est Dei filius adoptiuus.

7 Beata Maria & fuit concepta sine peccato originali, & de congruo tantum meruit esse mater Dei.

8 Homines Deus, etiam in particulari, ex præiūso Christi merito elegit ac prædestinauit: tamen si hos potius, quam illos elegerit independenter ab omni creata voluntate, etiam Christi.

8 Effectiuè & ac Physicè concurrunt & Christi Humanitas ad miracula, & gehennæ ignis ad spiritus cruciandos.

10 Circuncisio nec adultum faciebat ex attrito contritum, nec præter gratiam operi operantis respondentem, conferebat alium gradum contrito tunc, vel antea.

11 Inuitis parentibus, & tutoribus infidelibus infantes baptizare licet, cum sunt sub potestate tutorum, vel parentes sunt mancipia Christianorum, vel iam morituri sunt, nisi subuersio vel scandalum timeatur.

12 In Sacramentis Baptismi, & Pœnitentiæ factus recedente fictione gratiam recipit sacramentalem. De cæteris Sacramentis licebit etiam idem opinari.

13 Per absolutam Dei potentiam non repugnat idem corpus simul esse in multis locis circumscripitiue: nec Christi corpus, corruptis iam speciebus, in Altari remanere.

14 Quantitas non fit materia, sed est ita quanti-

tas post consecrationem sicut antea; nec nouam acquirit a Deo subsistentiam.

15 Post transubstantiationē, substantia panis secundum nullum sui gradum, ne entis vel existentiae quidem, remanet.

16 Vini consecrati nullae corrumpuntur particulae, si aliud addatur eiusdem speciei, sed nec si diuersa, cum non est magnae quantitatis.

17 In forma Calicis verba, quae sunt post illud; Sanguinis mei,] non sunt de essentia.

18 In panis consecrandi forma, Corpus, nullam formam, nec ut dantem esse corporeum, per se primo includit.

19 Aqua Vino admista debet prius in vinum conuertere, quam in Christi Sanguinem; tametsi damnandum non videatur, si ab aliquo probabiliter dicatur aquam in Sanguinem immediate posse conuertere.

20 Putans se baptizatum, cum non sit, recipit vere Eucharistiae Sacramentum, sed non effectum ex opere operato: quo tamen non carebant baptizati infantes, cum olim communicarent.

21 Valor Sacrificij Missae non est infinitus nisi ex parte rei oblatae tantum; nec Sacerdos pro vna Missa plures eleemosynas (nisi valde tenues sint) potest accipere.

22 Per Missae Sacrificium non fit is, pro quo offertur, de attrito contritus, quod est proprium Sacramentorum.

23 Pœnitentiae Sacramentum absenti per nuntium seu per literas collatum, non est validum.

24 Per ligandi potestatem quilibet Confessarius vere obligat, si vult, pœnitentem ad impositam Satisfactionem exequendam.

25 Per Satisfactionem Sacramentalem re exhibitam non fit quis ex attrito contritus.

26 Martyr non fit ex attrito contritus per Martyrium, nec sine formali pœnitentia, si potest haberi, iustificatur.

27 Tenemur necessariam circumstantiam tertiæ personæ confiteri, cum inde aliud non sequitur, quã mala Confessarij opinio de tertio.

28 Indulgentiarum dispensatio principaliter est absolutio iudicialis à pœnis; includit tamen solutionem de Thesauro Ecclesiæ.

29 Animæ Purgatorij iuuatur Indulgentijs per modum suffragij, quod certa lege Deus semper acceptat.

30 Veniales culpæ decedentiũ in gratia, in ingressu Purgatorij remittuntur per actum aliquem Caritatis, aut Pœnitentiæ.

31 Episcopatus Sacramentum est: suumque gratiæ gradum confert: characterem autem vel imprimit proprium, vel extendit Presbyteralem.

32 In Matrimonio Sacerdos, ne post Tridentinũ quidem Concilium, est huius Sacramenti minister essentialis, sed contrahētes: nec Sacerdotalis benedictio est forma essentialis.

33 Beata Maria ante Matrimonium Deo inspirate Virginitatem vouit absolute: postea tamen cum ad Matrimonium accessit, non consensit in copulã,

sed



sed in obligationem ad eam, tradendo ius sui corporis, si vir debitum petisset, à Spiritu sancto edocta illum nunquam petiturum.

34 Voti solennitas consistit in sui traditione, à Deo per Ecclesiam acceptata; & in eo dispensari potest ab Apostolica Sede.

35 Post Tridentinum Concilium sponsalia valida, si sequatur copula affectu maritali, ex hoc solo non transeunt in Matrimonium.

36 Ens permanens annihilatum, per Dei potentiam reparabile est idem numero: de successiuo autem, prout ei videbitur, sentiat unusquisque.

37 Gloriosi corporis omnes dotes sunt quædam qualitates supernaturales corpori inherentes: ad quas producendas anima gloriosa effectiue non concurrat.

In ijs præter paucissimas, quas à S. Thoma plane constat alienas esse, de cæteris intelligatur & seruetur, quod in Regula septima habetur.

Post hæc subiiciantur aliæ regulæ, quibus iam constitutis, hæc etiam subnectantur.

De Opinionum delectu pro Scripturæ, & Controuerſiarum Professoribus.

Quoniam non modo Scholasticorum Theologorum consulendum est securitati & concordia, sed

eorum quoque, qui Scripturas & Controuersias explicant, in horum gratiam sententiæ, quæ sequuntur, definitæ sunt: quarum quidem paulo maiorem numerum esse oportuit, quod in alijs quæstionibus breuitatem seu paucitatem eorum, quæ distincte præscribuntur, satis compensat præsidium S. Thomæ, quo istæ materiæ fermè destituuntur. Huc accedit, quod hæc disputationes cum Fidei Catholicæ veritatibus, quas nunc exagitant Hæretici, tanta connexionione coniunguntur, ut se mutuo foveant ac muniant non parum: & qui de vnis, ut oportet, non sentit, alteras statim faciat infirmiores. Est adhuc his in rebus lubricum sane iudicium, & lapsus longe procliuior, quam in multis ex S. Thoma definitis: quare maior suspicio periculi plenior quoque poscebat explanationem. Optandum tandem est, ut quoties Hæretici, ut solent, in capita, quæ præscribuntur hoc loco, digrediuntur, Catholici, præsertim Nostri, concorditer ijs solideque respondeant, ne nostris illi dissensionibus, aut incautis locutionibus nostra debilitari, sua corroborari arbitrentur. Obfirmiorem itaque doctrinæ constantiam in rebus tam periculosis, aliquanto plura de his, quam de cæteris, enucleate debere tradi visa sunt, hoc fere modo.

### De Scripturis Canonicis earumque editionibus.

I Ne in minutis quidem sensus ullus falsus est

in

in Scripturis, neque in personis, quas loquentes introducunt, ut plenas Spiritus sancto.

2 Probabilius est verba primorum exemplariorum ac fontium incorruptorum fuisse omnia, & singula à Spiritu sancto dictata secundum substantiam, multiformiter tamen pro varia instrumentorum conditione.

3 Tituli Prophetarum, & Psalmorum Canonici sunt.

4 Post Concilium saltem Tridentinum pro Canonicis habenda sunt Capita quedam Esther, ultimum Caput Marci, Historia Susannæ, & huiusmodi.

5 Concilij Tridentini decreto repugnat omnis sensus contrarius sensui, quem vulgata editio Latina reddit euidenter.

6 Sensus non contrarius vulgatæ, sed diuersus non prohibetur à Concilio, si cum authentico stare potest.

7 Marginales lectiones de Hebræo, Græcæ exemplari desumptæ, nunquam textui præferendæ sunt.

8 Quæ vero ex aliorum codicum Latinorum collatione collectæ sunt, possunt nonnunquam textui præferri, sed non nisi grauissimæ sint coniecturæ, & multorum iudicio doctorum comprobatæ; hæc tamen textui non sunt inserendæ sine publica Ecclesiæ autoritate.

9 Non facile suspicandum est aliquid extraneum additum et insertum esse textui Sacro, nisi constet au-

toritate Patrum. *Aliqua creduntur ab interprete Latino addita, ex alijs tamen locis Scripturæ trāspōsita, & hæc Canonica sunt.*

10 *Sin aliqua de suo apposuit interpres ad exprimendum id, quod in energia Hebræorum, Græcorumve verborum implicite & virtualiter inclusum est, Sacra & canonica sunt.*

11 *Factæ etiam videntur fuisse nonnullæ additiones ad Etymologiam vocabuli exprimendam, quæ in Novo Testamento sunt ipsius Canonici Scriptoris, & ideo Canonica.*

12 *In Veteri autem Testamento vel fuerunt etiā Scriptoris Canonici, licet postea interciderint, vel interpretis, quæ Canonica quidem non sunt, non tamen reiiciendæ.*

13 *Nominum propriorum, quæ in fontibus habentur, interdum significationem fuisse constat immutatam ab Interprete ad exprimendam allusionem, quæ ijsdem nominibus conservari non potuit, ut in arboribus apud Daniele, in ijs materiale Canonicum est, non formale.*

14 *Interpretatio nominum propriorum per Rabinos facta, seu per Rabinistas, si à vulgata editione dissonat, suspecta debet esse.*

15 *Sed si huiusmodi interpretationes factæ sunt per Autores plane Catholicos asserētes vocabula, quæ in fontibus habentur, esse æquiuoca, recipi possunt, sed textui non præferantur.*

16 *In ijs, quæ in Hebræis, Græcisve codicibus contraria sunt vulgatæ, decreto Concilij Tridentini derogat-*



derogata est omnis fides alijs linguis.

17 Versio Septuaginta Interpretum quandiu incorrupta mansit, non minus fuit authentica, quam vulgata Latina nunc.

18 Cum Hebræi, Græcive codices contrarij non sunt Latinis, sed diuersi, si quam eorum lectionem Patres plerique omnes incorruptam esse testantur, eam authenticam esse credendum est.

19 In iisdem si de alicuius Hebrææ, Græcæve lectionis synceritate non conueniunt Patres, aut nihil dicunt, recentiores vero eam incorruptam esse prædicant, probabilis erit, & vulgatæ Latinæ explanationem poterit adiuuare.

20 Tridentinum Concilium non solum in quæstionibus Fidei & morum, sed in omnibus planè rebus vulgatam editionem fecit authenticam.

21 Christus & Apostoli non allegarunt Scripturas per accommodationem ad rem suam, sed iuxta sensum verum illius loci, & intentum à Spiritu Sancto.

22 Ea quæ in vulgata editione habentur, nec verius, neque simpliciter melius verti potuerunt: aliqua tamen clarius & significantius verti potuisse nihil prohibet, nec necesse est Spiritum Sanctum assistisse singulis etiam verbis.

23 Aliqui codices vulgatæ editionis possunt esse mendosi: non expedit tamen à Nostreis doceri vniuersos vulgatæ editionis codices in aliquibus locis esse nunc, seu aliquando fuisse mendosos, ne in numeris quidem.

24 Si quod tamen mendum, quod in omnibus codicibus Latinis nunc extet, suspicandum esset, id potius insinuetur, quam asseratur; nec sine gravissimis autoribus & coniecturis.

## De Ecclesia.

1 Vera Dei, Ecclesia visibilis est, quæ in externo cultu, in externa professione fidei, & in Sacramentorum participatione communicat cum vero capite & Christi Vicario, qui est Romanus Pontifex.

2 In tota hac Ecclesia visibili vera fides interior deficere non potest, licet illam in singulis esse non sit necessarium.

3 Fide interiori, & baptismali caractere præditi, licet peccatores sint, non viua quidem, proprie tamen, uere & simpliciter membra sunt Ecclesiæ.

4 Cathecumenus, licet fidelis, non est simpliciter membrum Ecclesiæ, sed secundum quid, & inchoate; nec numero, sed merito.

5 Schismaticus vel Hæreticus per Ecclesiæ sententiam præcisus, simpliciter non est Ecclesiæ membrum, nec intra Ecclesiam, nisi imperfecto quodam modo, ratione characteris.

6 Is, cui vel fides interior, vel baptismalis character deest, si in externo cultu Sacramentorum, & fidei Professione cum vera Ecclesia communicat, est vere & proprie membrum Ecclesiæ, ut visibilis;

sibilis, licet putative tantum sit membrum Ecclesie simpliciter, quæ interiorem, & exteriorem fidem, cultumque includit.

7 Nec Scriptura verior, seu veracior quam Ecclesia, nec Ecclesia, quam Scriptura: sed eadem utriusq; est veritas ab assistentia Spiritus sancti.

8 Nobis quidem notior ac prior est Ecclesie veritas, quam Scripturæ: secundum se autem, & ex natura rei veritas Ecclesie pendet à veritate verbi Dei, cum Ecclesia nihil definiat, nisi ex verbo Dei scripto, vel tradito.

9 Ecclesie, quæ est iudex, & animata lex, potestas patet latius, quam Scripturæ.

10 Scripturæ verba etiam à Deo sunt, & rationes, & factorum narrationes, quæ tria non sunt in Ecclesie constitutionibus semper à Deo, sed substantia definitionum.

### De Concilio, & Romano Pontifice.

1 Concilium generale licet à Pontifice Romano legitime congregatum, & sub eius obedientia perseverans præsidentibus, et consentientibus Legatis Apostolicis, nondum est de fide. Nec eius decreta (nisi in summi Pontificis speciali instructione contineantur) sunt de fide, antequam à Papa confirmantur.

2 De facto nullum unquam Romanorum Pontificum fuisse hæreticum probabilius est, & à Nobis strenue defendendum: posse vero ut hominem

ac Doctorem priuatum, hæreticum esse probabile facit communior Scholasticorum opinio, licet contrarium satis pie credi possit.

3 Papa si potest hæreticus esse, non desinit esse verus & legitimus Papa prius, quam declaretur hæreticus vel ipsa facti notoreitate, vel generali Concilij sententia.

4 Probabilius est non deponi tunc Papam à Concilio iudiciaria ac superiore potestate, sed à Deo immediate posita Concilij declaratione, vt conditione sine qua non.

5 Tempore schismatis si post diligentem Ecclesie inquisitionem, quis sit verus Papa nescitur, aut dubitatur, perinde est ac si nullus esset Papa.

6 Apostolicæ traditioni magis consentaneum est, Papatum Episcopatui Romano annexum esse iure diuino.

7 Male sonans ac periculosum est sentire, in canonizandis Sanctis, ac Religionibus approbandis Papam errare posse.

8 Ante quam Papa, vel Concilium aliquid definiant de Fide & moribus, diuino tenentur præcepto humanam inquisitionem ac discussionem adhibere.

9 Infallibilitas non est promissa diuinitus huic discussioni, sed conclusioni.

10 Licet hæc discussio maior, minorve pro rerum grauitate esse debeat, non potest tamen tanta rei grauitas esse, vt Papa indigeat generalis Concilij discussione ad infallibiliter definiendum.



11 De Fide est Papæ definitio, cum dicit, *Contrarium anathema sit: Hæreticum est: Repugnat Ecclesiæ, Euangelio, Scripturæ, & huiusmodi.*

12 Nec secundum priuatam opinionem, sed ex Cathedra respondet, remque de Fide statuit esse, cum Papa ad id, de quo consulitur, directe, absolute, & sine hæsitatione respondet.

13 Probabilius est esse de Fide immediate, eum, qui iam electus, & ab Ecclesia receptus est pro vero Papa, esse verum & legitimum Papam: neque id locum habere dūtaxat, postquam Papa aliquod edidit decretum Fidei, sed etiam antea.

### De Traditionibus.

1 Diuina traditio est, quam, licet in Scripturis non habeatur, ex ore Christi acceperunt Apostoli: & hæc est de Fide.

2 Idem iudicium est de Apostolica traditione, quā vt instrumenta Spiritus sancti, seu Spiritus sancto dictante Apostoli tradiderunt Ecclesiæ.

3 Est & quædam Apostolica traditio, quā Apostoli vt Ecclesiæ gubernatores sanxerunt, & hæc recipit dispensationem per Apostolicam Sedem, nec est de Fide.

4 Multo minus Apostolica quædam traditio, quæ non tam ius continet, quam Historiam quandam iam inde à tempore Apostolorum deductam.

## De Doctorum autoritate.

1 Cum Sancti Doctores in aliquo consentiunt, est præceptum Ecclesiæ, ne ab illis recedatur in ijs, quæ sunt Fidei & morum, & in expositione Scripturæ.

2 Si vnanimis Doctorum Sanctorum consensus affirmat aliquid esse de Fide, aut dogma Ecclesiæ, id est de Fide, non propter eorum autoritatem definiendi res Fidei, sed indicandi, & testificandi, quod aliunde est de Fide.

3 Sin Doctores cum consenserint, non asserant id esse de Fide, sed quod docent, probent ex Scriptura, vel ex traditione, vel ex Ecclesiæ definitione, & hæc ipsa per se euidentia sint, ipsa per se faciunt rem de Fide.

4 Sin Scripturæ, et Ecclesiæ sanctiones non sunt adeo claræ, & euidentes, tunc quod vnanimi Doctorum consensu aduersatur, non est hæreticum, sed erroneum, si tamen quod Doctores docent, asseueranter doceant.

5 Siquid vnanimiter docent Scholastici Theologi, de quo nihil Patres dixerant, sunt de ipsis faciendæ eadem ferè distinctiones, quæ supra de Sanctis Doctoribus factæ sunt, licet non eodem plane gradu.

F I N I S.

LAUS DEO, ET B. MARIE V.

## ERRATA

## CORRECTA

Pag. 1. Ver. 16. quoque	quoque
Pag. 3. Ver. 12. non nullis	nonnullis
Pag. 5. Ver. 5. congrueres	congrueret
Pag. 6. Ver. 17. interdum	interdum
Pag. 7. Ver. 8. non nulla	nonnulla
Pag. 9. Ver. 21. indocendo	in docendo
P. 15. in marg. vlt. §. Reg. 1.	Reg. 11.
Pag. 21. V. 6. accidere possi	accidere possit
Pag. 22. Ver. 7. cætera	cætera
Pag. 25. Ver. 21. persuatum	persuasum
Pag. 28. V. 3. in opinionibes	in opinionibus
Pag. 28. Ver. 17. familiarum	familiarum
Pag. 32. Ver. 3. imposium	impositum
Pag. 32. Ver. 8. nec vllagens	nec vlla gens
Pag. 34. Ver. 7. quæcunquæ	quæcunque
Pag. 34. Ve. 13. eoque magis	eoque magis
Pag. 36. Ver. 15. & qua	& quia
Pag. 36. Ver. 16. An quia	An quando
Pag. 45. Ver. 26. tamen abeo	tamen ab eo
Pag. 64. Ver. 27. Præsbytero	Presbytero
Pag. 65. Ver. 9. ocius	ocys
Pag. 65. Ver. 14. brachij	brachij
Pag. 66. Ver. 1. contra ire	contraire
Pag. 66. Ver. 15. contra ire	contraire
P. 68. V. 14. Prouinclaibus	Prouincialibus
Pag. 70. Ver. 3. apud Nostros	apud Nostros
Pag. 70. Ver. 8. in Scripturis	in Scripturas
Pag. 71. Ver. 5. Hæreticos	Hæreticos,
Pag. 72. Ver. vltimo. multa	multa
Pag. 75. Ver. 5. eorumque	eorumque
Pag. 76. Ver. 7. peruulgat	peruulgata
Pag. 76. Ver. 24. satisfuerit	satis fuerit
Pag. 82. Ver. 4. lud	aliud
Pag. 83. Ver. 29. præscritur	præscribetur

Pag. 85. Ver. 21. vngue leonē	vngue leonem
Pag. 88. Ver. 14. & Secundam	Primam
Pag. 90. Ver. 20. & inter ea	& interea
Pag. 93. V. 4. de quo monēdi	de quo monendi
Pag. 97. Ver. 6. sed quibusdā,	sed quibusdā peculiare,
Pag. 98. V. 14. Quia dictatio	Dictatio
P. 100. V. 23. tamen si minus	tamen si minus
Pag. 106. Ver. 17. relinquant	relinquantur
Pag. 131. Ver. 4. scholarum	scholarum
ag. 133. V. 1. disputationes	disputationes
Pag. 149. Ver. 20. Catholicā	Catholicam
Pag. 153. Ver. 23. hæc	hæc
Ibid. circiter quadrante	quadrantem
Pag. 159. V. 22. necessaria, sit	necessaria sit,
Pag. 165. Ver. 6. magistro	magistro
Pag. 168. Ver. 6. in proxima	proximè
Pag. 169. Ver. 7. satisfiat	satisfiat,
Pag. 169. Ver. 7. annum,	annum
Pag. 181. Ver. 25. ac plene	ac plene
Ibidem, contentos	contentos
Pag. 184. Ver. 3. si artium	si qui artium
Pag. 186. Ver. 4. psitaci	psittaci
Pag. 206. V. 20. in eo labore	in eo labore
Pag. 216. Ver. 25. theologiæ	theologiæ
Pag. 217. Ver. 20. Scholis	Scholis
P. 219. V. 4. aliud hoc inde,	aliud, hoc inde
Pag. 227. Ver. ultimo. peccat	spectat
Pag. 243. Ver. 4. excerpat	excerpat
Pa. 250. V. 7. probauerint	probauerint
Pag. 255. Ver. 3. nostrorum,	nostrorum
Pag. 255. Ver. 5. aulam	in aulam
Pag. 255. V. 24. vel publice,	vel publice
Pag. 256. V. 2. per incommode	per incommode



Pag. 256. Ver. 6. decederet	decederet præsertim
Philosophis	Philosophis
Pag. 256. Ver. 7. sit valde	si valde
Pag. 256. Ver. 17. fere labor	fere labor
P. 257. v. 3. declamationiōib <sup>9</sup>	declamationibus
Pag. 257. Ve. 25. sepulchorū	sepulchrorum
Pag. 262. Ver. 14. Syntaneos	Syntaxeos
Pag. 273. V. 14 ex pag. 12. ad finem 18. tantum	Ex pag. 12. ad finē deci mæ octauæ tantum
Pag. 278. Ver. 3. vicissim	vicissim
Pag. 278. Ver. 29. dimidia	dimidia
P. 277. V. 18. difficilioribus	difficilioribus
Pag. 282. Ver. 6. M. Tullij	M. Tullij
Pag. 285. Ver. 7. per breues	per breues
Pag. 289. Ver. 2. secundum	secundo
Pag. 290. Ver. 28. Aphthonij	Aphthonij
Pa. 291. V. 1. antemeridiana	antemeridiana
Pag. 292. Ver. 9. afferret	afferret
Pag. 293. Ver. 14. Græci	Græce
Pag. 296. Ver. 25. iuuantur	iuuentur
P. 299. V. 24. solutā orationē	soluta oratio
Pag. 307. Ver. 24. repet	repeti
Ibid. Ver. 28. quia dicitur	quia id citius
Pag. 308. in Italia hora qua drante ante	in Italia quadrante an te horam

## R E G E S T V M.

\* A B C D E F G H I R L M N O P Q  
R S T V X.

Omnes fuit Q uaterniones,  
\* Semiduernio .

---

R O M A E.

*Excudebat Franciscus Zanettus.*

M D LXXXVI.

